







ARMANA PROUVENÇAU

PER LOU BÈL AN DE DIÉU E DOU BISSÈST,

1864

ADOUBA E PUBLICA DE LA MAN DI FELIBRE

Jolo, soulas e passo-tièms de tout loz peple dou Mlejour

AN DESEN DOU FELIBRIGE



EN AVIGNOUN

ENCO DE ROUMANILLE, LIBRAIRE-EDITOUR

AQUEST ARMANA S'ATROVO

A PARIS, encò de A. TARIDE (carriero *Marengo*, 2); encò de GIRAUD (carriero *des Saints-Pères*, 11); encò de J. TARDIEU (carriero de *Tournon*, 13);
 A-Z-AIS, encò de REMONDET-AUBIN, sus lou Cous, e encò de MAKAIRE e de SARDAT;
 EN ARLE, encò de SERRE e encò de FÉVRIER;
 A-Z-AT, encò de JEAN e encò d'ARCHIAS;
 EN AURENJO, encò de ROUSSEAU e de CLAUSEL;
 A BAGNOU, encò d'ALBAN-BROCHE;
 A BARBENTANO, encò d'ARNOUX;
 A BÈU-CAIRE, encò de BIOLET;
 A BEZIÈS, encò de DELPECH e de CARRIERO;
 A CARPENTRAS, encò de PINET;
 A CASTÈU-REINARD, encò de LIELLY;
 A CAVAIOUN, encò de E. GUILLON.
 A CETO, encò de PATRAS;
 A DIGNO, encò de VIAL;
 A DRAGUIGNAN, encò de SIEYÉS;
 EN EIGUIERO, encò de MARTIN;
 A GAP, encò d'Aug. ANDRÉ;
 A L'ISLO, encò de BONNARD;
 A LIOUN, encò de MÉRA et de BOHAIRE;
 A MAIANO, encò de CHARLÉ BUSQUET.
 A MARSILLO, encò de BOY, de FÉRAUD, de CAMOIN, d'ARRAU, de CHAUFFARD e de CRUÈGE.
 A MENDE, encò de DURAND;
 A MOUNTELIMAR, encò de CHARERT;
 A MOUNTEPELIÉ, encò de SEGUIN;
 A NIMES, encò de GIRAUD, de WATON e de MANLIUS SALLES;
 AU PONT-SANT-ESPRIT, encò d'EYBERT;
 A SANT-ROUMIÉ, encò de FAURE;
 A SELOUN, encò de MAGLOIRE-GOUNELLE;
 A TARASCOUN, encò d'AUBANEL;
 A TOULOUN, encò de MONGE, de RENOUX, de RUMÈRE, e de GUILLEMIN;
 A TOULOUSO, encò de BOMPAUD, carriero *du Taur*, 2;
 A VAURIAS, encò de DURAND;
 A VILO-NOVO, encò de PIPERT;

207¹²
 c.
 PC
 3398
 H7
 1864-67

E pèr tout caire e cantoun de Prouvènço, de Coumrat e de Lengadò.

CALENDIÉ DE PROUVÈNÇO

LI PRINCIPAU MILÈIME DE PROUVÈNÇO.

- 600 (av. J.-C.). — Foundacioun de Marsiho pèr li Fouceien.
- 218 (av. J.-C.). — Annibal passo lou Rose, dóu coustat d'Avignoun.
- 123 (av. J.-C.). — Foundacioun de-z-Ais pèr lou generau rouman Caius Sextus Calvinus.
- 122 (av. J.-C.). — Domitius Barbo-Roussou aubouro l'arc-de-triounfle d'Aurenjo, en memòri de la desfacho dis Alabroge.
- 109 (av. J.-C.). — De-vers Aurenjo, li Cimbres e li Tèutoun escrapouchinon 80,000 Rouman.
- 103 (av. J.-C.). — Au pèd dóu mount Santo-Vitòri, lou Conse Caius Marius fai un tau chaple de Tèutoun e d'Ambroun que lou prat-bataiè s'apello enca Pourriero.
- 47 (av. J.-C.). — Jùli-Cesar mando à-n-Arle, pèr couloun, li veteran de la legioun sieisenco.
- 314 (après J.-C.). — L'empeire Coustantin se fai basti un bèu palais en Arle, e baio à-n-Arle lou noum de Coustantino.
932. — Establimen dóu reiaume d'Arle.
972. — Lou Comte de Prouvènço, Guihèn proumié, subrenouma *Paire de la Patrie*, delièuro la Prouvènço d'barbare Sarrasin.
- 948—1112. — Li Comte de Prouvènço de la famiho de Bousoun.
- 1100 e tant. — Li marin prouvençau envènton la Boussolo.
- 1112—1246. — Li Comte de Prouvènço de la famiho Barcilouneso. — Espandimen e flouresoun de la lengo prouvençalo, soute li Ramoun-Berenguié.
1146. — Proumièro réunioun dis Estat de Prouvènço, à Tarascoun.
- 1207 à 1229. — Guerro dis Aubigés.
- 1246—1382. — Li Comte de Prouvènço, de la proumièro famiho d'Anjou. — Glòri dóu Gai-Sabé, soute lou rèi Roubert.
- 1270—1275. — Court d'Amour de Signo, ounte brihavo Clareto di Baus.
1309. — Lou Papo Clemènt V adus la Papauta en Avignoun.
1323. — Establimen di Jo Flourau, à Toulouso.
1332. — Court d'Amour de Roumanin, ounte brihavo Estefanièto de Gantèume.
- 1340—1348. — Court d'Amour d'Avignoun, ounte brihavo la bello Lauro.
1376. — Lou Papo Gregòri XI entourno la Papauta à Roumo.
- 1382—1481. — Li Comte de Prouvènço, de la segoundo famiho d'Anjou.
1482. — Réunioun de la Prouvènço à la courouno de França.
1497. — Establimen de l'emprimarié en Avignoun, pèr Micoulau Lepe; — en 1572, à-z-Ais, pèr Marius Roux, que venié d'Avignoun; — en 1594, à Marsiho, pèr Pèire Mascaron, (lou proumiè libre qu'estampè sieguè lis *Obro e Rimo prouvençalo* de Bellaud de la Bellaudio); — en 1650, à Touloun, pèr Benoist Collomb.
1501. — Establimen dóu Parlamen de Prouvènço.
1536. — Bello defènso de la vilo de Marsiho contro l'armado de l'empeire Charle-Quint.
1720. — Pèsto de Marsiho.
1787. — Darriero réunioun dis Estat de Prouvènço, à-z-Ais, dins la glèiso dóu Coulège.
1791. — La Countat d'Avignoun devèn francesco.
- 1854 (21 de mai). — Establimen dóu Felibrige. — Revièure de la lengo prouvençalo.

ESCLÛSSI

Lou 5 de Mai, esclùssi de soulèu, envesible en Avignoun.

Lou 30 d'Outobre, esclùssi de soulèu, envesible en Avignoun.

FÈSTO CHANJADISSO

Cèndre, 10 de Febrié.

Pasco, 27 de Mars.

Rouguesoun, 2, 3 e 4 de Mai.

Ascensioun, 5 de Mai.

Pandecousto, 15 de Mai.

Ternita, 22 de Mai.

Fèsto-de-Dièu, 26 de Mai.

Avènt, 27 de Novèmbre.

LUNO MECROUSO.

Luno d'Abrièu, que fai lou 6; luno de Desèmbre, que fai lou 28.

Luno mecrouso,

Femo renouso,

E auro bruno,

Dins cènt an n'i'aurié trop d'uno.

TFMPOURO.

Febrié, 17, 19 e 20; Mai, 18, 20 e 21; Setèmbre, 21, 23 e 24.

Desèmbre, 14, 16 e 17.

Lou printèms coumenço lou 20 de Mars;

L'estiéu coumenço lou 21 de Jun,

L'autoun coumenço lou 22 de Setèmbre;

L'ivèr coumenço lou 21 de Desèmbre.

Trento jour an Setèmbre,

Abrièu, Jun e Novèmbre;

De vint-e-vue n'i'a qu'un;

Lis autre soun de trento-un.

La luno intro à soun darriè quartoun lou 2, à 7 ouro 48 m. de mat.
La luno fai lou 9, à 7 ouro, 55 m. de matin.

Intro à soun proumiè quartoun lou 15, à 11 ouro 15 min. de vèspre.

Es dins soun plen lou 23, à 10 ouro 12 minuto de vèspre.

La luno intro à soun darriè quartoun lou 1, à 0 ouro 27 m. de mat.
La luno fai lou 7 à 6 ouro, 19 min. de vèspre.

Intro à soun proumiè quartoun lou 14, à 1 ouro 33 min. de vèspre.

Es dins soun plen lou 22, à 5 ouro 10 minuto de vèspre.

La luno intro à soun darriè quartoun lou 1, à 1 ouro 21 m. de v.
Fai lou 8, à 4 ouro 8 m. de matin.
Intro à soun proumiè quartoun lou 15, à 6 ouro 17 minuto de matin.

Es dins soun plen lou 23, à 10 ouro 34 minuto de matin.

Intro à soun darriè quartoun lou 30, à 10 ouro 29 minuto de vèsp.

1 div. JOUR DE L'AN
2 diss. S. Clar
3 DIM. Sto Genevivo
4 dil. S. Ferriou
5 dim. S. Simèu de la coul.
6 dim. Li RÈI
7 dij. S. Lucian
8 div. S. Severin
9 diss. S. Julian
10 DIM. S. Pau l'ermite
11 dil. S. Teoudòsi
12 dim. S. Gaspard
13 dim. Sto Verounico
14 dij. S. Alari
15 div. S. Bounet
16 diss. S. Ounourat
17 DIM. S. Antòni
18 dil. Sto Flourido
19 dim. S. Canut
20 dim. S. Sebastian
21 dij. Sto Agnes
22 div. S. Vincèn
23 diss. S. Ramoun
24 DIM. S. Babi
25 dil. Counv. de S. Pau
26 dim. S. Ansile
27 dim. S. Mari
28 dij. Sto Cesario
29 div. S. Coustant
30 diss. Sto Martino
31 DIM. Sto Marcello

1 dil. S. Ignaci, evesq.
2 dim. LA CANDELOUSO
3 dim. S. Blasi
4 dij. Sto Jano
5 div. Sto Aguetto
6 diss. Sto Doro
7 DIM. S. Richard
8 dil. S. Ginous
9 dim. S. Jan-de-Mata
10 dim. CÈNDRE.
11 dij. S. Adofe
12 div. Sto Oulaio
13 diss. S. Dounin
14 DIM. S. Valentin
15 dil. S. Quenin
16 dim. S. Armentari
17 dim. TEMPOURO
18 dij. S. Favian
1 div. S. Valié
20 diss. S. Ouquèri
21 DIM. S. Féli
22 dil. Sto Isabello
23 dim. S. Meraut
24 dim. S. Matias
25 dij. S. Aleissandre
26 div. S. Nestou
27 diss. Sto Ounourino
28 DIM. S. Cassian
29 dil. S. Rouman

1 dim. Sto Antounino
2 dim. S. Simplicie
3 dij. Sto Cunegoundo
4 div. S. Casimèr
5 diss. S. Ambròsi
6 DIM. Sto Couleto
7 dil. Sto Perpètio
8 dim. S. Jan-de-Diéu
9 dim. Sto Franceso
10 dij. Li 40 Martire
11 div. S. Gregòri
12 diss. S. Massemin
13 DIM. PASSIOUN
14 dil. Sto Matièudo
15 dim. S. Cesar de Bus
16 dim. S. Abram
17 dij. Sto Reino
18 div. S. Cerile
19 diss. S. Jousé
20 DIM. RAMP AU
21 dil. S. Benedit
22 dim. S. Ben-vengu
23 dim. S. Vitourin
24 dij. S. Gabriéu
25 div. N. D. DE MARS
26 diss. S. Massemilian.
27 DIM. PASCO
28 dil. S. Harionn
29 dim. S. Sist
30 dim. S. Amadiéu
31 dij. S. Bènjamin

ABRIEU

MAI

JUN

La luno fai lou 6 , à 1 ouro 58 min. de vèspre.

Intro à soun proumié quartoun lou 14, à 0 ouro 18 m. de matin.

Es dins soun plen lou 22, à 1 ouro 28 minuto de matin.

Intro à soun darrié quartoun lou 29, à 4 ouro 44 min. de matin.

La luno fai lou 6, à 0 ouro 23 min de matin.

Intro à soun proumié quartoun lou 13, à 6 ouro 30 m. de vèspre.

La luno es dins soun plen lou 21, à 1 ouro 33 minuto de vèspre.

Intro à soun darrié quartoun lou 28, à 9 ouro 30 min. de matin.

La luno fai lou 4, à 11 ouro 49 min de matin.

Intro à soun proumié quartoun lou 12, à 11 ouro 57 m. de matin

La luno es dins soun plen lou 19, à 11 ouro 3 minuto de vèspre.

Intro à soun darrié quartoun lou 26, à 2 ouro 24 minuto de vèspre

1	div.	S. Ugue
2	diss.	S. Francés de P.
3	Dim.	S. Ricard
4	dil.	S. Isouer
5	dim.	S. Vincèn Ferrié
6	dim.	S. Prudènci
7	dij.	S. Gautié
8	div.	S. Aubert
9	diss.	Sto Soufio
10	Dim.	S. Macàri
11	dil.	S. Leon
12	dim.	S. Jüli
13	dim.	Sto Ido
14	dij.	S. Benezet
15	div.	S. Frutuou
16	diss.	S. Lambert
17	Dim.	S. Auicé
18	dil.	S. Apoulòni
19	dim.	S. Oufège
20	dim.	S. Ansèume
21	dij.	S. Ouspice
22	div.	S. Leounido
23	diss.	S. Jörgi
24	Dim.	Sto Vitòri
25	dil.	S. Marc
26	dim.	S. Clet
27	dim.	Sto Zeto
28	dij.	S. Vidau
29	div.	Sto Catarino de S.
30	diss.	S. Estròpi

1	Dim.	S. Jaque e S. Felip
2	dil.	ROUGUESOUN
3	dim.	LA STO-CROUS
4	dim.	Sto Mounico
5	dij.	ASCENSIOUN
6	div.	S. Jan Porto Latino
7	diss.	S. Estanislau
8	Dim.	S. Dresèli
9	dil.	S. Gregòri
10	dim.	St Antounin
11	dim.	S. Maïdu
12	dij.	S. Brancàci
13	div.	Sto Glicèro
14	diss.	S. Bounifaci
15	Dim.	PANDECOUSTO
16	dil.	S. Gènt
17	dim.	S. Pascau
18	dim.	TEMPOURO
19	dij.	S. Celestin
20	div.	S. Bernadin
21	diss.	Sto Estello
22	Dim.	TERNITA
23	dil.	S. Deidié
24	dim.	S. Dounacian
25	dim.	Sto MARLO Jacobe
26	dij.	FÊSTO-DE-DIEÛ
27	div.	S. Oulivié
28	diss.	S. Vincèn de Ler.
29	Dim.	S. Massemin
30	dil.	S. Feli
31	dim.	Sto Peirounello

1	dim.	Sto Lauro
2	dij.	S. Marcellin
3	div.	Sto Cloutiéudo
4	diss.	S. Quentin
5	Dim.	S. Bounifaci
1	dil.	S. Glàudi
7	dim.	S. Nourbert
8	dim.	S. Medard
9	dij.	Sto Pelagio
10	div.	Sto Felecita
11	diss.	S. Barnabèu
12	Dim.	Sto Oulimpo
13	dil.	S. Antòni de Pa
14	dim.	S. Basile
15	dim.	Sto Moudèsto
16	dij.	S. Cèri
17	div.	S. Verume
18	diss.	S. Ouzias
19	Dim.	S. Gervàsi
20	dil.	Sto Flourènço
21	dim.	S. Léufré
22	dim.	S. Estròpi, ev. d'A
23	dij.	Sto Agrevo
24	div.	S. JAN-BATISTO
25	diss.	Tresl. de S. Alo
26	Dim.	S. Dàvi
27	dil.	S. Antèume
28	dim.	S. Irenèu
29	dim.	S. Pèire e S. Pa
30	dij.	S. Lucide

JULIET

AVOUST

SETÈMBRE

La luno fai lou 4, à 0 ouro 33 min.
de matin.
Intro à soun proumié quartoun lou
12, à 4 ouro 0 m. de mat.
La luno es dins soun plen lou 19, à
6 ouro 45 minuto de matin.
Intro à soun darrié quartoun lou
25, à 8 ouro 55 minuto de vesp.

La luno fai lou 2, à 2 ouro 43 min.
de vèspre.
Intro à soun proumié quartoun lou
10, à 6 ouro 7 m. de vèspre.
Es pleno lou 17, à 1 ouro 46 minuto
de vèspre.
La luno intro à soun darrié quar-
toun lou 24, à 6 ouro 13 m. de m.

La luno fai lou 1, à 6 ouro 17 min.
de matin.
Intro à soun proumié quartoun lou
9, à 6 ouro 0 min. de matin.
La luno es dins soun plen lou 15, à
9 ouro 13 minuto de vèspre.
La luno intro à soun darrié quar-
toun lou 22, à 7 ouro 3 m. de v.
Fai lou 30, à 10 ouro 52 m. de vesp.

1	div.	S. Marciau
2	diss.	LA VESITACIOUN
3	Dim.	S. Anatòli
4	dil.	S. Fourtunat
5	dim.	S. P. de Lissemb.
5	dim.	Sto Angèlo
7	dij.	Sto Aubiergo
8	div.	Sto Isabèu
9	diss.	S. Bres
10	Dim.	N.-D. DE SANTA
1	dil.	S. Pie
2	dim.	S. Jounèste
3	dim.	S. Anaclet
4	dij.	S. Bonaventur
5	div.	S. Enri
6	diss.	N.-D. DÔU M. C.
7	Dim.	S. Alèssi
8	dil.	S. Toumas d'Aquin
9	dim.	S. Vincèn de Paulo
20	dim.	Sto Margarido
21	dij.	S. Vitou
22	div.	STO MADALENO
23	dis.	S. Cassian
24	Dim.	Sto Crestino
25	dil.	S. Jaume
26	dim.	Sto Ano
27	dim.	S. Pantàli
28	dij.	S. Sanàri
29	div.	Sto Marto
30	diss.	S. Loup
31	Dim.	S. German

1	dil.	S. Pèire encadena
2	dim.	S. Estève
3	dim.	Sto Lidio
4	dij.	S. Doumergue
5	div.	S. Ion
6	diss.	S. Sauvaire
7	Dim.	S. Gaïetan
8	dil.	S. Justin
9	dim.	S. Rouman
10	dim.	S. Laurèns
11	dij.	Sto Rusticlo (d'Arle)
12	div.	Sto Claro
13	diss.	S. Pourcàri
14	Dim.	S. Chapòli
15	dil.	N.-D. D'AVOUST
16	dim.	S. Ro
17	dim.	S. Jacinte
18	dij.	Sto Eleno
19	div.	S. Louis de Brignolo.
20	diss.	S. Bernat
21	Dim.	S. Privat
22	dil.	S. Safourian
23	dim.	S. Sidòni
24	dim.	S. Bartoumiéu
25	dij.	S. Genèsi
26	div.	S. Zefirin
27	diss.	S. Cesàri
28	Dim.	S. Julian
29	dil.	S. Jan degoulàssi
30	dim.	Sto Roso
31	dim.	S. Lazàri

1	dij.	S. Baudèli
2	div.	S. Agrico
3	diss.	S. Aïdu
4	Dim.	Sto Rousalio
5	dil.	S. Léugie
6	dim.	S. Amable
7	dim.	S. Autau
8	dij.	N. D. de SETÈMB.
9	div.	S. Veran
10	diss.	Sto Pôuquerié
11	Dim.	S. Paciènt
12	dil.	Sto Bono
13	dim.	S. Antounin
14	dim.	Eisaussam. de la C.
15	dij.	S. Anfous
16	div.	S. Cournèli
17	diss.	S. Lambert
18	Dim.	Sto Esteveneto
19	dil.	S. Jenouvié
20	dim.	S. Estàqui
21	dim.	TEMPOURO
22	dij.	S. Maurice
23	div.	Sto Tèclo
24	diss.	Sto Salabergo
25	Dim.	S. Fermin
26	dil.	S. Ouzias
27	dim.	S. Cosme e Damian
28	dim.	S. Ceran
29	dij.	S. MIQUEU
30	div.	S. Jirome

OUTOBRE

NOUVEÈMBRE

DESÈMBRE

La luno intro à soun proumié quartoun lou 8, à 3 euro 46 min. de v.
Es dins soun plen lou 15, à 6 euro 25 minuto de matin.
Intro à soun darrié quartoun lou 22, à 11 euro 37 minuto de matin.
La luno fai lou 30, à 3 euro 37 minuto de vèspre.

La luno intro à soun proumié quartoun lou 7, à 0 euro 2 m. de m.
La luno es dins soun plen lou 13, à 5 euro 42 minuto de vèspre.
Intro à soun darrié quartoun lou 21, à 7 euro 26 minuto de vèspre.
La luno fai lou 29, à 7 euro 27 min. de matin.

La luno intro à soun proumié quartoun lou 6, à 7 euro 43 m. de m.
La luno es dins soun plen lou 13, à 7 euro 21 minuto de matin.
Intro à soun darrié quartoun lou 21, à 5 euro 12 min. de matin.
La luno fai lou 28, à 9 euro 31 min. de vèspre.

1	diss.	S. Roumié
2	Dim.	Li S. Ange gardian
3	dil.	S. Cuprian
4	dim.	S. Francés d'Assiso
5	dim.	Sto Tili
6	dij.	S. Evòsi
7	div.	S. Baque
8	diss.	Sto Reparado
9	Dim.	S. Danis
10	dil.	S. Vergéli
11	dim.	S. Castou
12	dim.	S. Veran
13	dij.	S. Geraud
14	div.	S. Calist
15	diss.	Sto Terèso
16	Dim.	Sto Rousselino
17	dil.	S. Flourèns
18	dim.	S. Lu
19	dim.	S. Gerard Tenco
20	dij.	S. Grapàsi
22	div.	Sto Oursulo
21	diss.	Sto Mario Salomé
23	Dim.	S. Tederi
24	dil.	S. Maglòri
25	dim.	S. Crespín
26	dim.	S. Flòri
27	dij.	S. Sauvian
28	div.	S. Simoun
29	diss.	S. Narcisse
30	Dim.	S. Lucan
31	dil.	S. Cristòu

1	dm.	TOUSSANT
2	dim.	Li MORT
3	dij.	S. Marcèu
4	div.	S. Chamas
5	diss.	S. Zacarié
6	Dim.	S. Estève (d'At)
7	dil.	S. Ernest
8	dim.	S. Goufrèdi
9	dim.	S. Maturin
10	dij.	S. Just
11	div.	S. MARTIN
12	diss.	S. Reinié
13	Dim.	S. Mitre
14	dil.	S. Ru, ev. d'Avig.
15	dim.	S. Ougèni
16	dim.	S. Ouquèri
17	dij.	S. Agnan
18	div.	Sto Audo
19	diss.	Sto Isabèn
20	Dim.	S. Eimound
21	dil.	PRESENT. de N.-D.
22	dim.	Sto Cecilo
23	dim.	S. Clément
24	dij.	Sto Floro
25	div.	Sto Catarino
26	diss.	Sto Déulino
27	Dim.	Lis Avènt
28	dil.	S. Soustène
29	dim.	S. Savournin
30	dim.	S. Andrién

1	dij.	S. Aloï
2	div.	Sto Bibiano
3	diss.	S. Francés-Savi
4	Dim.	Sto Barbo
5	dil.	S. Sabas
6	dim.	S. Micoulau
7	dim.	S. Ambròsi
8	dij.	COUNCEPCIOUN
9	div.	Sto Loucaïo
10	diss.	Sto Valiero
11	Dim.	S. Damási
12	dil.	Sto Daniso
13	dim.	Sto Lici
14	dim.	TEMPOURO
15	dij.	S. Ousèbi
16	div.	S. Azalaïs
17	diss.	Sto Oulimpo
18	Dim.	S. Graci
19	dil.	S. Timouleoun
20	dim.	S. Filougoun
21	dim.	S. Tommas lou
22	dij.	S. Ounourat
23	div.	Sto Vitòri
24	diss.	S. Ives
25	Dim.	CALENDO
26	dil.	S. Estève
27	dim.	S. Jan, evangel
28	dim.	Li S. Innoucent
29	dij.	S. Trefume
30	div.	Sto Coulounbo
31	diss.	S. Sivèstre

ARMANA PROUVENÇAU

CROUNICO FELIBRESCO.

I

N'es pas un fio de paio ni uno font levant, la reneissènço prouvençalo : es un fio de jouinesso, es uno font que duro ; e sian tout ourgueious d'espandi sus nosto iero la poulido recòrdo qu'estreman aquest au.

An pareigu e soun en vèndo, enèò de Roumaniho, *lis Amouro de ribas*, culido pèr la Felibresso dôu Cauloun. Es lou proumié libre mouderne espeli pèr uno femo en lengo prouvençalo. Sarié-ti qu'à-n-aquéu titre, lou publi noun pòu manca de bèn acueie *lis Amouro*. Mai aquéli que seguisson l'Armana, — agroumandi que soun pèr li pèço de *la Dourgueto*, de *Madaleno e lou Tavan rous*, e de *Grandour e Joïo fan pas bando ensèn*, que l'Armana d'un an à l'autre a fa counèisse, — voudran senti tout lou bouquet, e recerea, souto la careto de *la Felibresso dou Cauloun*, quau es la jouïno muso que s'es amourosido tant passionadamen dôu prouvençau e qu'a engarlanda de si det vierginen lou gaudre dôn Cauloun. « Quand li negro servirien, dis l'autour dis *Amouro* dins soun avans-prepaus, que pèr adonci li bouco de quàuqui pàuri glenarello avanido, e li rougeto qu'à refresca lou bè di sausin fèr que lou fouit di cancaire counsejo liuen de l'ïero, sariéu encaro bèn uronso. » Moudèsto ninfo caulouuenco, sausin e glenarello segur li becaran, vòstis *Amouro* ; engardo pas que poudrien figura sus uno taULO d'archevesque.

II

Parèisson aro meme lou tratat dôu *Tambourin* de Francés Vidau, emé *La Bresco* d'Antòni Crousillat. Sabès que l'an passa *lou Tambourin* gagné la joïo dôu Rampau d'Oulivié à Santo-Ano d'At : es un libre naciounan, belugnet, curïous, e que se vai chabi coume de pebre. Li musicaire e tambourinaire de Prouvènço trouvaran rejun aqui li vièis èr poupulàri

de la Farandoulo , de la Tarasco , di Chivau-frus , de Sant-Aloi e de Sant-Marc , de la Lucho , de la Targo , dis Onliveto , di Fielouso , di Courdello , etc , etc.

III

La Bresco , de Crousillat , es lou recuei coumplèt dis obro deliciouso d'aquéu felibre cabiscòu , un de nòsti cepoun e mai moudèle. Es un d'a-quéli fru que la Prouvènço d'aro semound d'uno inan fièro à sis enfant , à si vesin , en quau que siegue. Uno formo sevèro , armouniouso , irre-prouchablo , vous fai béure li vers jusqu'au darriè degout ; e Crousillat noun soulamen es un pouèto , mai es un aut pensaire , un charmant filousofe , e un grand countemplaïre de la naturo espetaclouso. L'an pas nouma de-bado l'Ouraci prouvençau. Sa redoulènto ponesio es uno *bresco* d'or que raio donçamen de la borno d'un éuse. Ounour e gramaci à la vilo de Seloun ounte s'es cōungreïado aquelo resplendènto perlo !

IV

A la bono ouro ! lou Felibrige aveno , lou moulin viro à fiéu : eügranen , cambarado ! A la bono ouro , ami ! baten li ferre , que soûn caud !

Aubanèu vèn d'acaba , — e lèu publicara , — un dramo de cinq ate , ar-dènt e clar coume uno escandihado : *Lou pan dou pecat* ; dramo superbe , òuriginau e nòu , dramo d'amour , pietadous e terrible , e lou proumié que se fugue escri en prouvençau. Cesar Nostradamus parlo bèn , es vrai . d'un certan Parasols qu'aurié fa cinq tragèdi : — *l'Andriassa* , *la Tharanta* , *la Malhorquina* , *l'Alamanda* e *la Johannada* , — sus li mariage e aventuro de la famosou rèino Jano , e qu'aurié dedicado au papo Clemènt VII. Mai li Nostradamus soun de cacho-messorgo , e noun fau crèire acò que quand i' anren la man dessus. Quant au *Pan dou pecat* , rapelas-vous que fara foulo au tiatre que se n'emparara ; e cresèn fort que se jouge à Paris.

V

Paris , à l'ouro d'ineï , pico en Prouvènço pèr remounta si tiatre ; — e pèr acò fai pas pu mau. L'Opera Coumique tèn *Lalla Roukh* de noste Felician David ; lou Grand Opera nous a pres Villaret (es vrai que lou pago bèn) , e lou Tiatre Lirique , aquest mez de febré , donno *Mirèio* , opera en 4 ate e 10 tablèu , paraulo de Michel Carré (tirado d'ou prouvençau) ,

e musico de Gounod. Tóuti sabon que Charle Gounod, lou musicaire subre-bèu, a passa lou printèms dins lis Aupiho, à Sant-Roumié, s'inspirant sinceramen de la naturo de Prouvènço, e s'engourgant à plen pòmoun de vent-terrau e de murmur de pin e de cant de cigalo.

VI

Bono nouvello, que fara gau is ami d'ou Gai-Sabé :

Roumaniho a tira la tresenco edicioun de sis *Oubreto* ; i'a apoundu tout ço qu'a fa de bèu despièi 1860, e peréu sa *Campano mountado*, pouèmo erouï-coumique en sèt cant. E alestis la rejuncho de sa proso (*Santo-Crous, li Capelan, lou Colera, Quand devès fau paga, li Clube*, etc.) que fourmara 'n galant voulume retrasent gaiardamen la vido poulari soute lou titre *lis Oubreto en proso*. Acò vai bèn ! Mai ço que Roumaniho a fa de miéus, es d'agué espousa (lou 21 de mai 1865) Roso-Anaïs, la felibresso que gagné la Vióuleto de Santo-Ano d'At.

Roso-Anaïs, estello felibrengo, rèino te suludan de nòsto court d'amour. De toun sourrire e de ti cant, oh ! longo-mai encanto-nous !

VII

Gabriel Azaïs, l'infatigable e savènt Secretari de l'Acadèmi Bezierenço, entameno uno obro mai-que-mai utilo, subre-tout au Lengadò : es la publicacioun, à cha livresoun, d'un *Dictionnaire des idiomes languedociens, etymologique, comparatif et technologique*. La letro A vèn de parèisse, encò de J. Delpech, empremèire-editour à Beziés. Vaqui un buto-avans qu'es pas fre de coulas ; vaqui un bon queiroun pèr l'edifce d'ou reabilimen de nosto perladuro.

VIII

E es à l'ouro que pouèsio e sciènci marchon tant bèn d'acord pèr l'espurga e l'auboura, qu'un de nòstis ami, b'outant sa man davans lis iue, es tomba dins l'error que n'a perdu tant d'autre : l'aplicacioun à nosto lengo de l'ourtougrafi d'ou francés, e l'adoupeioun avuglo di barbarisme de cadun. Voulèn parla d'ou pouèto Bigot dins soun voulume *li Bourga-diero* (Nimes, encò de Clavel-Ballivet, 1865). Que d'oumage ! Bigot, un pouèto de naturo, un pintre vertadié, e un mascle se n' i'a un, cauco en foro de l'eirou, e coumenço sa prefaci pèr aquest desrepaus : « *Je n'ai pas la prétention d'écrire une langue, mais un patois.* » A d'ou mau d'aquéli

qu'espouson, amoureux, uno bello fiho, e que, dins quatre jour, la traton de carogno. Pèr camina sus l'aigo, fau avé la fe. Es lou manco de fe dins l'aveni d'ou prouvençau, qu'estravò d'aquéu biaïs qu'anqui troubaire respectable, tau, pèr eisèmple, que Casimèr Dauphin, autour de *Marieto, lei Pin, lei vièi Camin* (encò de A. Gueidon, editour à Marsiho), e que Marius Trussy, autour de *Margarido* (Marsiho, encò de Feraud, 1864).

Lou coumpaire Cassan, dins si *Parpello d'agasso* (Avignoun, libraire Bonnet, 1865), a peréu fa coume éli; e ourtougrafia à tout astre bèl astre: tant-pu-mau !

Ah ! que noun se rapellon la sentènci de Boileau :

*Sans la langue, disié, l'auteur le plus divin
Est toujours, quoi qu'il fasse, un méchant écrivain.*

IX

Pèr coumpleta noste cop d'ine sus lou movemen de la literaturo d'O, signalen la traducioun franceso pèr M. Gaston Paris de *l'Introduction à la grammaire des langues romanes* de Palemand Diez (Paris, encò de Franck, 1862), travai subre-valènt; — la publicacioun di *Proverbes béarnais* pèr MM. Hatoulet e Picot (vers lou meme libraire), — e l'oubrage espagnòu *la Satira provençal, por Don José Coll y Vehi* (Madrid, libraire Rivadeneyra, 1864), estúdie prefound dou sirventès de nòsti paire, un pau sevére beléu, mai counsciencious e asciença.

X

L'arrèst d'ou Counsistòri d'At, — que dous o tres pelègre vougneron countrasta, — a reçaupu counfirmacioun d'uno maniero soubenano : dous courouna de nòsti Jo Flourau an mai gagna li joio en d'antri lucho.

La Soucieta d'Agricòuturo, Sciènci e Art d'Agen, a decerni, lou 8 d mai 1865, uno medaio d'argènt au felibre Thouroun, président de l'Acadèmi de Touloun, pèr sa pastourello *Counsèu d'un paire à soun fiéu sus lou mariage*. Nous es de bon eici de repara 'no laido erreur toucant lou gènt troubaire toulounen : l'*Armana Prouvençau* cargavo l'an passa M. V. Thouroun de 83 an ! N'a tout-bèn-just setanto, e li porto ravoï e bèn esperluca : longo-mai !

Lou 17 d'ou meme mes, la Soucieta Arqueoulougico de Peziés a pourgi soulemmamen soun Rampau d'Oulivié à Marius Girard, de Sant-Roumié, pèr sa coumplanchò de *la Crous dis Aubespin*.

Enfin, lou 5 dôu meme mes e lou meme an, lou felibre catalan Don Damaso Calvet a couquist lou proumié pres, — uno eigliantino d'or, — i Jo Flourau de Barcelouno.

La Soucieta Literàri de Castro a reserva sa joio pèr lou 1 de mars 1864.

N'oubliden pas nimai que l'Acadèmi Bezierenco proumet toujours *un brout d'oulivié d'argent* à-n-aquéu que l'aura, avans lou mes d'abriéu 1864, manda 'no pèço bouniqueto, en prouvençau courous e felibren ;

Courage dounc, jouvènt ! courage au Gai-Sabé ! La lengo prouvençalo, gràci au Felibrige, es recounciliado emé la glòri.

XI

Tant d'afecioun e de talènt e tant d'esfors perseverant, mes au service d'uno generouso idèio, an atira lis iue di gouvernaire. Uno brihanto destincioun es vengudo enlusi lou Felibrigé dins la persouno e l'obro de soun valènt Capoulié : pèr decret dôu 14 d'avoust 1865, l'Empeiraire a fa Chivalié de l'Ordre emperiau de la Legioun d'Ounour Frederi Mistrau. Ardit ! jouvènt ! vaquí ounte coundus la religioun dôu bèu e la santo passiou de soun país e de sa lengo !

XII

D'abord que sian à Mistrau, counsignen encaro eiçò :

Dins lou courrènt de mars 1865, éu se trouvant à-z-Ais, la savènto ciéuta, — justamen apelado l'*Ateno dou Miejour*, pèr raport au grand nombre d'artisto e de letru que toustèms a proudu e que noun cesso de prouddre, — Ais, capitalo de Prouvèngo, proufichè de l'ôucasioun pèr semoundre au cantaire de Mirèio soun tribut d'amiracioun, d'ounour e d'amistango. L'Acadèmi de la vilo ie durbigné si porto, e M. Cabantous, decan de la Facôuta de dre e gracios president de la dôuto soucieta, faguè la bèn-vengudo au Capoulié dôu Felibrige, — qu'à si leiçoun de dre avié agu pèr escoulan.

Pièi un banquet reiau acampè lis ami. Au dessert, M. Nourbert Bonafous, proufessour de literaturo à la Facôuta di Letro, en un discours finamen assièuna, diguè que nosto lengo es inmourtalo coume l'auro ôudourouso que fai canta li pin sus nòsti colo, e amourosamen que lou diguè. Pièi Gaut, emé Vidau, emé l'avoucat Roux, faguèron flameja lou Gai-Sabé ; — e dôu felibre Gaut legirés eici-dedins la trelusènto cantadisso. Mai tout-d'un-cop l'a grand rimour dins la carriero : la Sou-

cieta Couralo de Santo-Cecilo fai, soute li fenèstro, mounta e resclanti la *Cansoun dou soulèu*, li tambourinaire de la vilo tocon la serenado à *Magali*; — e, ço qu'èro galant, es Vidau lou felibre que batié l'estrumen e tenié lou fletet de man de mèstre, coume un adré *joglar* d'ou tèms passa. Dous poulit Cor de J. B. Gaut, *Lou prouvençau pou pas mourir* e *Lou parla dou Miejour*, fuguèron di après pèr cent cantaire; e enfin Mistrau s'estèt enfenestra pèr remercia de tout soun cor li menestrié e li couristo, l'aslat poululàri aculiguè sa voues, l'aplaudimen de t'outi lou glourifiquè.

XIII

Pau tèms après, l'Acadèmi d'Ais a acoumpli sa courtesié vis-à-vis d'ou Felibrige, en reçaupènt entre si membre Jan-Batisto Gaut. Acò 's noun soulamen uno chausido bono, mai es un ate juste. Gaut es à-z-Ais lou plus aut representant de la lengo d'ou païs e de la lindo pouesio. Cor plen d'amour e franc, talènt facile emai courous, esperit fièr e galejaire, Gaut es la voues amado de la cièuta de Sextius, e i'a nonmbre d'annado que se fai ausi claro, patrioutico e vigilènto, dins lou *Mémorial d'Aix*, un eicelènt journau d'ou libraire Remondet. Es aquí qu'avèn legi (n° d'ou 6 d'abriéu 1863) soun discours de recepcioun subre lou tèmo de la literaturo prouvençalo, especialamen despièi li Troubadour enjusqu'à l'ouro d'iuèi : es un précis coumplèt, interessant e entendu coume se dèu.

XIV

La mort, entand'oumens, a leva soun dèime entre nous-autre. Dins lou courrènt de 1863, dous de n'osti coulègo soun toumba : Estève Cournaud, de la Tiero di Bèus-Art, e Alfred Moquin-Tandon, d'aquello di Sciènci. — Vegués au *Mortuorum* la nouitço li coucernènt e n'ostis adieu e n'osti regrèt.

En plaço d'ou proumié s'es nouma Letuaire, lou pintre toulounen qu'amo tant sa Prouvènço, e que lou provo de longo toco dins li galant dessin que mando em' aprepaus i journau ilustra.

S'es mes, en plaço d'ou segound, Pau Meyer, de Paris, escoulan de l'Escolo di Charto, — abile, afeciouna e jouine roumanisto, qu'entènd la lengo di troubadour mies que pas un de nautre, e que vai publica, un d'aquèsti quatre matin, lou rouman de *Flamenca*, relicte de pres que dourmié manuscri dins la biblioutèco de Carcassouno.

Veici, finalamen, lis òubrage novèu que traton en francés de la Prouvènço :

— *Le Pèlerinage de Mireille*, par A. Lexandre. *Portraits et paysages de la Provence*. — *Les Alpins*. — *La Camargue*. — *Maillane*. Paris, Michel Lévy; Avignon, libraire Roumanille.

— *Les âmes en péril, nouvelles méridionales*; — *Passim, notes, souvenirs et documents d'art contemporain*; — *Isabeleth, tradition arlésienne*, par Jules Canonge. Nîmes, libraire Soustelle.

— *Deux Poètes provençaux*, par Clair Tisseur. Lyoun, libraire Vingtrinier

— *Anciens usages de l'église métropolitaine d'Aix, Monseigneur de Miollis*, par Charles de Ribbe. Aix, libraire Makaire.

— *Notice historique sur la vie et l'œuvre de Granet*, par le docteur P. Silbert. Aix, libraire Makaire.

— *Statistique du Département des Basses-Alpes*, par l'abbé Féraud. Digne, libraire Vial.

— *Monographie du Théâtre d'Arles*, par Jacquemin. Arle.

— *La Valmasque, épisode des guerres religieuses du Comtat*, par Jules Courtet. Avignon, libraire Roumanille.

— *L'Héritage du Corsaire, roman*, par Anselme Ricard. Prague, libraire Credner.

— *Les Cours d'Amour, les Comtesses et Châtelaines de Provence, depuis Eléonore de Guyenne jusqu'à la Laure de Pétrarque*, par M. Carefigue. Paris.

— *Concours régional de Nîmes en 1863. Souvenir de l'exposition des beaux-arts*, par Ernest Roussel. Nîmes, Clavel-Ballivet et Comp. Avignon, libraire Roumanille.

— *Histoire anonyme de la guerre des Albigeois, publiée pour la première fois séparément, revue et corrigée sur l'édition des Bénédictins, sur celle de M. du Mège et sur le manuscrit de Toulouse, avec un glossaire, des fragments de langue române depuis le XI^e siècle jusqu'à nos jours, et une introduction*. Toulouse, libraire Bompard; Avignon, libraire Roumanille.

E 'm' acò bello fenido.

ANSEUME MATHIEU.

COUNSÈU D'UN PAIRE A SOUN FIÉU SUS LOU MARIAGE.

PASTOURELLO

*Qu'a òutengu la Medaio d'argènt au Councours dubert pèr l'Acadèmi
d'Agen (Lot-e-Garono).*

La sceno se passo dins uno bastido , proche Touloun.

Dixit Dominus Deus : Non locum
est hominem esse solum.

(GEN. C. 2. v. 18.)

LOU PAIRE

L'a deja quauque tèms que sies bèn pensatiéu ,
Nourat , digo-vo-mi , que pensado es la tién ?
Sies triste que-noun-sai , degun ti ves plus rire.

LOU FIÉU

Moun paire , lou mau qu'ai , va vons pouédi pas dire....
Que vous diriéu ? noun sai....

LOU PAIRE

Eh bèn ! va digues pa ,
Bessai v' ai devigna.

LOU FIÉU

Bessai vous sias troumpa.

LOU PAIRE

N'en siéu pas bèn segur , mai d'ou mens va presùmi ,
La fibo de Cristòu , quand fasian la vendùmi ,
Venguè nous ajuda...

LOU FIÉU

Dins acò , que mau l'a ?

LOU PAIRE

Dieu pas que l'a de mau , mai vous sias trôu parla.

LOU FIÉU

Depènde pas de iéu si qu'àuquei-fes li pènsi.

LOU PAIRE

Oublidè 'no rapugo , e pèr sa penitènci
 Vouguères l'enmoustouire , e si defendè mau...
 Es aquí , moun ami , qu'a coumença toum mau :
 Quichères la rapugo e fères la caresso.

LOU FIÉU

Pueisqu'avié fa l'oublit , la cauvo èro pernesso.

LOU PAIRE

Ai pòu que vous amés : toujours vous regardas.

LOU FIÉU

Ço que sabès tant bèn , perqué va demandas ?

LOU PAIRE

Es dounc que trôu vrai ! pèr iéu la cauvo es rudo !
 Mai fau pas pèr acò si metre à la perdudo ;
 Li sounjes plus.

LOU FIÉU

Li sounji , e siéu bèn decida ,
 Moun paire ! es pas lou tout , mi vouéli marida.
 Aro ai subi moun sort , ai vint-un an , siéu maje.

LOU PAIRE

Mai pantalies , Nourat ! voueles intra 'n meinage ?
 A l'age mounte sies , aujes-ti n'en parla ?

En t'esquichant lou nas n'en sourtirié lou la.
 Ariéu trento-tres an quand quitèri moun païre ,
 E fuguè pas tròu tard qu'espousèri ta maire :
 Uno fes marida , s'en desdis pas qu vòu...
 Dins l'oustau de toun païre , as pas ço que ti fau ?
 Quand partes , lou matin , que vas à la journado ,
 As un flasco de vin e pouertes la becado.
 Troves à toun retour , en quitant lou magau ,
 Ta maire que t'espèro e toun soupa tout caud.
 As d'escarpin , de bas de guèto... manco cavo !
 Ta souerre ti courduro e ta maire ti lavo.
 Quand voueles quàuquei sòu , as pas pulèu bada ,
 Que ta maire , vo iéu , lei t'avèn acourda.
 Veses que si fèn vièi , qu'avèn besoun d'ajudo ;
 Que farai sènso tu , quand seren ei fouiudo ?
 A forço de travai t'avèn fa grand e gros ;
 As plus besoun de nautre , e nous voues metre au cros.
 Se va fas pas pèr iéu , que siegue pèr ta maire !
 Nourat , se siegues pas lei counsèu de toun païre ,
 Sabes pas lei soucit que ti vas prepara.

LOU FIÉU

Siéu gaiard , ai de bras , e Diéu m'ajudara.
 Pièi , anarié bèn mau que noun gagnen la vido.
 E la glèiso benis aquéu que se marido.
 Ço qu'avès fa pèr iéu , v'en saurrai toujour grat ,
 È pèr vous planta 'qui faurrié bèn èstre ingrat !
 Cresès-vo-vous , moun païre , en intrant en meinage
 V'abandonnarei pas ; e quand serés dins l'iage ,
 Meis enfant , coumo iéu , se n'ai , v'ajudaran.

LOU PAIRE

Aisso ! va , serai mouert avans que siegon grand !

LOU FIÉU

Sias encaro ravoï.

LOU PAIRE

Fau enca ma journado ,
 Mai d'eici quauque tèms faudra quita l'eissado.
 Teis enfant , quand n'auras , faudra bèn lei nourri ;
 Quand ta femo aura mau , faudra bèn la gari.
 Pèr li gagna de pan , pèr li croumpa de raubo ,
 Faurra , mai que d'un còup , ti leva davans l'aubo
 T'arribara souvènt , quand auras un pichoun ,
 De pas tant bèn dourmi coumo n'auriès besoun.
 Va sàbi , l'ai passa , me n'ensouvèn encaro ;
 D'acò l'a proun de tèms , mai mi sèmblo qu'es arò.
 E quand seras bèn las , semblara fach esprès ,
 Ta femo ti dira : « Vai gangassa lou brès ,
 Lèvo-ti lèu , Nourat ! l'entèndes pas que plouro ? »
 E sènso avé dourmi ti faurra leva d'ouro.
 Alor ti souvendras de tout ço que ti diéu.

LOU FIÉU

Farai pèr meis enfant ço qu'avès fa pèr iéu :
 Pouèdi qu'estre countènt , quand aurai Margarido.

LOU PAIRE

Mai , souvènt , ti faurra faire marrido vido.
 Vous figuras jamai , vautreï lei jòuinei gènt ,
 Tant de peno que l'a pèr s'acampa d'argènt ,
 Ni lou travià que fau per nourri la famibo !
 Siegues pas tant pressa : ta souerre es enca fiho ,
 Toun tour vendra qu'après ; e se passes davan ,
 Que diran lei vesin ?

LOU FIÉU

Diran ço que vourran....
 Moun paire , lei vesin vous fan la bèn-vengudo ,
 Vous dounon de counsèu , mai dounon pas d'ajudo.
 E iéu pouèdi vous dire , aussi , pèr mei resoun ,
 Que seriéu pas neïssu , s'erias resta garçoun.
 S'aviéu pas Margarido , acò serié lou pire.

LOU PAIRE

D'eici dous o tres an , va mi saurras à dire.
 Es pas tout d'avé di : « Mi vouéli marida ,
 Uno talo m'agrado , anas la demanda : »
 Fau saché si counvèn qu'intre dins la famiho ,
 La doto que faran lei parènt de la fiho ,
 Se l'agrades... Acò soun de poun delicat.

LOU FIÉU

La doto d'uno fiho es dins lou gàubi qu'a.
 Vau mai uno qu'a rèn , e qu'es sajo e fidèlo ,
 Qu'aquélei qu'an d'escut e soun de patufello.
 Si coumpanejaren : vau mai , quand sias countènt ,
 Uno anchoïo , uno cebo , e bèn passa soun tèm ,
 Que d'avé de fricot e d'estre dins l'enrabi.
 La femo que prendrai es pas richo , va sibi ;
 Mai mancaren de rèn , tant qu'auren la santa.
 Enfin , si voulèn bèn ; v' avèn tout arresta :
 Counvenguerian ensèn que pèr que russisesso ,
 Va dirias à soun paire en sourtènt de la messo.
 Dias qu'en si maridant , ma femo coumo iéu ,
 Auren foueço soucit , mai qu'es qu'a pas lei siéu ?
 E s'anas cerca 'cò , tout ço qu'es sus la terro
 A soun rebussité ; lou mariage , la guerro ,
 Soun dins lou cours d'ou mounde , e lei fau supourta.
 Avèn tôteis un fais e lou devèn pourta .
 Faren coumo avès fa , coumo a fa voueste paire.
 Pèr lei bouénei parènt leis enfant peson gaire ,
 Empachon qu'ei vesin ; quand avès foueço enfant ,
 S'ajudon ; — e jamai lei vias mouri de fam.
 Pèr qu vèn travaia , l'a de pan e n'en rèsto.
 E s'aviéu un enfant qu'agnèsso boueno tèsto ,
 Lou metrién à l'escolo e l'anarié tout l'an.
 S'es sage , pourrié bèn si faire capelan ,
 E lou prouvèrbi dia : « Benurouso es la caso ,
 Quand pèrmei leis enfant l'a quauco tèsto raso.
 E se n'aviéu quaucun que parte pèr sòdat ,
 Quand aura fa soun tèm , vendra mai m'ajuda.

LOU PAIRE

Va voues , e iéu tambèn. Mai quand auras ta migo ,
 Va mi reproches pas , se ti vèn l'enterigo.
 Si pèr cas , maugrat iéu , as lou pèd au mourrau ,
 N'en' faras penitènci e gardaras tonn mau.
 Vouéli bèn crèire qu'aro es douço coume un ange ,
 Mai ai pòu que pu tard soun caratère chanje.

LOU FIÉU

Pensarias autramen rèn qu'en l'ausènt parla.

LOU PAIRE

N'a de pu fin que tu que si soun embula.
 Sounjo , en ti maridant , que sara pèr la vido.

LOU FIÉU

Moun paire , es pèr acò que vouéli Margarido.

LOU FIÉU

Souvènt , lou matrimòni es un afrous tourment.

LOU FIÉU

Qu si marido pas , souvènt soufre pas men.

LOU PAIRE

Moun enfant , leis espous, dins toutei lei meinage,
 An souvènt de resoun , e meme lei pu sage.
 E quand la femo vòu ço que l'ome vòu pa ,
 Quand la soupo es pas lèsto e que faurrié soupa ,
 Pèr si metre d'acord l'on a bèn proun de peno !
 E tau cres coumanda que sa femo lou meno.
 Sounjo bèn , moun enfant , que vas t'encadena.

LOU FIÉU

Un ome qu'a de sèn , si laissez pas mena.

Cadun dèu coumanda dins ço que lou remarco,
E de counservo ensèn faren vouga la barco.

LOU PAIRE

Creses-ti pèr asard n'en saché mai que iéu ?
Respouendes, moun enfant, à tout ço que ti diéu;
Pènses d'avé resoun, moun counsèu ti rebuto :
Mai ta femo , tambèn, amara la disputo.

LOU FIÉU

Quand vous coumpourtas bèn e que lou couer es pur ,
D'un pan si disputa lèvo pas lou bonenur.
Dison que lou cabet vous fa passa la lagno.
A-n-Adam , va sabès, Dién dounè 'no coumpagno ,
Disènt qu'èro *pas bouen que restèssou soulet*.

LOU PAIRE

Èvo ? fè soun malur.

LOU FIÉU

Mai pièi lou counsoulè ;
E pu tard , d'ou Dragoun , la justici celèsto
Permetè qu'uno femo eserasèssou la tèsto !

LOU PAIRE

N'en vouéli connveni , quand la chausissès bèn ,
La femo es un trèzor , es lon proumiè dei bèn.
Mai quand capitas mau , avès souvent la guerro.

LOU FIÉU

Sènso femo , l'a pas de bouenur sus la terro.

LOU PAIRE

Va vouéli ... e memamen que se capites bouen ,
Quand auras un enfant, lon tendrai sus lei fouent.
Aro qu'as entendu lei counsèn de toun paire ,

De lei segui vo noun , sounjo qu'es toun afaire.
 Pren-la , la prengues pas , faras ço que vourras ,
 Marido-ti vo noun , te n'en repentiras.

V. THOURON.

Touloun (Var).

— S'avès téulisso de vèire , jités pas de pèiro sus la téulisso dóu vesin.
 — A chivau maigre van li mousco.

JEAN-JANET

Jan-de-la-Mousco èro un Janet d'age de marida : sa maire voulié ie faire donna pèr femo Jano dóu long Gros, que n'èro pas uno Janeto, mai uno fibasso grando e gaiardo : jougavo em' un sa de quatre eimino coume uno pichoto chato emé sa titèi.

La maire de Jan , un matin , ie diguè : — Jan , moun drole , sies d'age de marida. As de sèn , as de biais , ames lon travail. Avèn peraqui quàuqui sòn. Sies soulet ; auras , à nosto fin , quàuqui pichot tros de terro. Voulèn te donna Jano dóu long Gros, que ie fau quinge cènt franc jour de noço , qu'a 'n poulit prouvesimen , sènsò coumta ço que ie leis-saran.... — uno bravo fiho , — de bravi gènt.... T'agrado ?

— Coume voudrés , ma maire.

— Dimenche, Catarino, la maire de Jano, dèu veni nous vèire. Te li-paras un pau , — e te faras un pan valé. Fau pièi s'escarrabiha , moun fièu. Sies proun esta Janet, aro fau èstre Jan. E siegues plus tant cren-tous. Vendra dounc nous vèire, Catarino. Gènt de la terro coume nous-autre , coume nous autre amon la terro bèn menado. — Oh ! li bèus amourié ! vai dire en vesènt nosto plantado. E tu ie diras : Es iéu que lis ai rebrounda...

— Oh ! lou poulit blad ! — Es iéu que lon samènère.

— Li bèu favièu ! — Es iéu que lis ai enrama... Ansin saupra, Catari-no. que dounarié sa chato à-n-un bon travaiaire.

— Avès resoun , ma maire.

Venguè Catarino au mas de Jan-de-la-Mousco : — Bon vèspre ! Coume sian ? — Bèn ! E vous ? — Coume vesès. E Jan , coume se carrejo ! — Pas mau.

— Oh ! li bèus amourié !

- Es iéu que lis ai rebrounda , fai Jan.
- Lou poulit blad !
- Es iéu que l'ai samena....
- E quéti bèu favièu !
- Es iéu que lis ai enrama !...
- Catarino se sounjavo : Auriéu un gèndre que menarié sa barco coume se dèu. Quet ome de bon !
- Avès aqui uno bravo barioto !
- Es iéu que l'ai facho.
- Mai , saup dounc tout faire , se diguè Catarino ! [Nosto chato vai prendre un perlet d'ome. Que tresor !
- Li poulit poucèu , faguè Catarino en passant davans lou poucièu.
- Es iéu que lis ai fa, diguè Jan. !!...

Lou Cascarelet vous fai assaupre que lou mariage s'es rout.

LOU CASCARELET.

-
- Fasès-vous fedo , loup vous manjara.
 - Se quitas lou manescan , pagas li vièi fèrri.
 - Malurous an gens de parènt.
-

A MISTRAU

PÈÇO DICHÒ AU FESTIN QUE SE IÉ DOUNÈ A-Z-AÏS

lou 3 de mars 1863

Dins la Prouvènço avèn uno auro
 Que reviscoulo lou Miejour :
 Quand soun alenado s'enauro,
 Chascun la respiro em' amour.
 Aman touci, quand se descadeno
 E que s' alargo de soun trau,
 De la Prouvènço ausi l'ourgueno,
 La grandò ourgueno dóu Mistrau.

Dóu cèn escoubo lei planuro,
 Coucho lei nièu, coucho lei flèu ;

Jusqu' au founs de la vòuto bluro
 Enfrefouris noueste soulèu.
 Quouro boulo, furo e gingoulo
 Lei plagnun de soun góusié rau,
 Leis auciprès e lei piboulo
 Se clinon davans lou Mistrau.

Sa voues n'es pas toujours ferouno ;
 S'adoucis coumo uno cansoun ;
 Alor, dintre leis ér, zounzouno
 En poutounejaut lei meissoun ;
 Dei canié fa ferni lei veto...
 Es ventoulet lou vent-terrau !
 E flèito, coumo uno flaveto,
 Lou cant ajouguè dou Mistrau.

Au-luego d'estrassa lei fueio,
 De matrassa lei pàurei flous,
 Dei boutoun fa durbi la grueio
 Em'un biais tout amistadous ;
 E, de sa bouqueto plasèto,
 Refresco lou dardai dou caud
 Em'uno aureto bèn- fasèto...
 Fegoundo, assanis lou Mistrau !

Dins la Prouvènço ansin s'enauro
 L'ounour, la glòri dou Miejour :
 Aqui la muso, coumo uno auro,
 Toujours jouino, canto toujours.
 Desempièi lei vièi rimejaire,
 Dou matin jusqu' au vesperau,
 De longs eissame de troubaire
 Canton plus fouert que lou Mistrau.

Aqui, jamai n'a fa calamo
 Lou sirventès, e la tensoun
 Toujours empuro au founs deis amo
 Sa gèto mesclo de cansoun.
 Mai la liro, noble eiretègi,
 De man en man e pau à pau

Vuei t'es casegudo en partàgi,
Paire de Mirèio, o Mistrau !

D'aquelo liro prouvençalo
Que fa tant fernisoun au couer,
Toujour rèino e jamai vassalo,
Jamai degun juguè tant fouert !
Quand sa courdello d'or tresano
Souto tei det, o majourau,
Toun engèni se descaussano
Coumo un revoulun de Mistrau.

O bèn, sèmblo un murmur d'abiho
Afeciounado à fa soun mèu,
Quand ta muso s'escarrabiho
En durbènt seis alo au soulèu ;
E raubes soun baume ei floureto
Em'ei valadoun sei prepaù
Qu'an lou teta-dous deis aureto,
Melicous felibre, Mistrau !

As canta Mirèio, espelido
En Prouvènço ei poutoun de Mai,
E l'as facho gènto, poulido,
Amourousido que-noun-sai.
Siegues fièr, dins ta glòri puro,
Car as atrouba lon mirau
Que saup retraire la naturo,
Capo dei felibre, Mistrau !

N'en gardaren la souvenènço :
Marides vuei em' àutrei-fe,
E revieüdes dins la Prouvènço
La pouesio emé la fe !
Countünio ta santo crousado,
Brave cantaire naciounau,
E la Prouvènço, sus tei piado ,
Seguis l'aurillamo, o Mistrau !

Ais, nouesto enciano capitalo,
Coumo un enfant te conto enfin ;

E soun Acadèmi flouralo
 Te n'a pourgi lou pergamin.
 Vai, nouesto vilo sera fiero
 De t'avé pèr enfant leiau,
 O tu que pouertes la bandiero
 De noueste bèu parla, Mistrau !

Eicito, en aquesto assemblado
 Ounte la joïo s'espandis,
 Sènso favo, à nouesto taulado,
 Sies lou rèi : chascun t'aplaudis !
 O pouèto, turten lou vèire !
 Vivo noueste vièi prouvençau !
 Vivo lei cant de nonèstei rèire !
 Vivo Mirèio emé Mistrau !

J.-B. GAUT

A-z-Ais.

— Quau es countènt, es riche.
 — Reinard que tard se lèvo a pas de plumo i dènt.
 — Obro entamenado es mita facho.

FAI FRE

NOUVÈ

A moun bon ami Villaret, que lou canto tant bèn !

Fai fre!... L'ivèr sus la naturo
 Vèn d'espandi soun blanc lançou
 De dòu !

L'auro bramo sus lis auturo ;
 Li nivo acaton lou soulèu
 Tant bèu !

Fai fre!... Maï de l'ivèr qu'esfraïo
 Te rises, tu, dins toin oustau
 Bèn caud !

L'auro s'arrèsto à ti muraio ,
 E coume un soulèu toun fougau
 Fai gau !

Fai fre !... Vejo aquelo masuro !
 Intro , òupulènt , e dins lou jas
 Veiras

Un enfant , douço creaturo ,
 Paure agnèu ! mourènt , lou pauret !
 De fre !

Fai fre !... Sabes quau es , pechaire !
 L'enfantounet qu'es davans tu
 Tout nud ?

— Es noste Diéu , noste Sauvaire ,
 Sus terro pèr noste salut
 Vengu !...

Fai fre !... L'ivèr sus la naturo
 Vèn d'espandi soun blanc lançou
 De dòu !

L'auro bramo sus lis auturo ;
 Li nivò acaton lou soulèu
 Tant bèu !....

LOUIS ROUMIEUX.

— Èi pas rare, quand vous an toundu , que vous marcon pas encaro emé
 de pego negro.

— Paire acampaire, enfant escampaire.

LOU TIMBRE-POSTO

Aquest ivèr , à Marsiho , lou riche negonçant M. Quinsard , — qu'a
 sèt saumado de téulisso emé non bastimen sus mar, — intro dins un de-
 bit de liquor e de taba, pèr croumpa 'n timbre-posto.

le trovo dous de sis ami que bevièn un chiquet :

— Hoi ! es vous , Moussu Quinsard ! An ! venès touca lou vèire !

- Oh ! gramaci ! foro de mi repas , jamai noun beve rèn.
- Ancn , santo-que-canto ! un degout de chartrouso !
- Oh ! pas mai ! acò 's trop fort.
- Un cigau de frountignan !
- Noun ! ame gaire li douçour : me fau veni la cremesoun .
- Un pessègue à l'aigo-ardènt !
- Ai de besoun de rèn , quand vous lou dise , vous siéu bèn oubliça.
- Alor , moussu Quinsard , voulès rèn prene emé nous-autre ?
- Tenès , ma fisto ! — pèr pas vous refusa , — prendrai un timbre-posto.

E lou cago-denié arrapo un timbre , l'empego sus la letro , e saludo , e s'envai.

LOU CASCARELET.

-
- Tout lou bèn que fasès la vueio , fai voste bonur l'endeman.
 - Quau douno tard , refuso.
 - De la man à la bouco souyènt soupo se perd.
-

TINTOURLETO.

A MADAMO CL. DE S.

Fai nono , moun bèl enfantoun ,
 Dins ta bressolo fai neneto !
 T'ai bèn proun fa la tintourleto ;
 Aro , à l'èr de ma cansouneto
 Endorme-te , moun angeloun !
 Fai nono , moun bèl enfantoun ,
 Dins ta bressolo fai neneto.

Noun pos èstre toujours , moun bèu ,
 Subre li geinoun de ta maire !
 Me fau travaia pèr te faire
 Calot e coussilhoun , pecaire !
 Plego l'ine sout toun arcounsèn....
 Noun pos èstre toujours , moun bèu ,
 Subre li geinoun de ta maire.

Lou sabe proun , o moun perlet !
 Ames rên mai que mi brassado ,
 Moun lach emé mi poulounado ;
 E se te brêsse , à la vilhado ,
 Coume sies gai e risoulet !
 Lou sabe proun , o moun perlet !
 Ames rên mai que mi brassado !

Ah ! noun counéisses la doulour
 E l'amaresso de la vido ,
 E noun sabes coume es marrido
 La draio de pougnoun clafido
 Ounte s'escampo tant de plour !
 Ah ! noun counéisses la doulour
 E l'amaresso de la vido !

Mai vendran proun li jour catiéu ,
 E li lagné emé lou mau-traire !
 Vendra lou têmes ounte ta maire
 Te poudra plus bressa , pecaire !
 Nimai te counsoula , moun fiéu !
 Mai vendran proun li jour catiéu
 E li lagné emé lou mau-traire !

Longo-mai donne , bèl enfantoun ,
 Sus ta maire fagues neneto !
 Que te fague la tintourleto !
 Que longo-mai si cansouneto
 T'endormon subre si geinoun !
 Que te fague , bèl enfantoun ,
 Mai e piéi mai la tintourleto !

FELIBRESSO DOU CAULOUN.

(*Tira disAmouro de ribas.*)

— Vau mies èstre martèu qu'enclume.

— Bello plumo fai bèl aucèu.

— Martèu d'argènt esclapo porto de fèrri.

GRANOUIO E GRAPAUD

Jaque Reineto , pas pus aut qu'un caulet-flòri , venié de cassa de granouio , e n'en pourtavo à la man uno longo ensielado.

A la Porto Sant-Laze, — car Jaque Reineto es d'Avignoun, — demando au pourtanié :

— Pagon li granouio ?

Lou gabelou respond :

— Pagon pas..... Li grapaud nimai : passo !

LOU CASCARELET.

— Quand la cordo es au pous , tiras d'aigo.

— Ço que lou bon Diéu bagno, lou bon Diéu lou seco.

— Pichot fiéu d'aigo nègo grand barco.

SANT-JAN LOU MEISSOUNIÉ

Aro qu'an flouri lei ginèsto,
 Veici Sant-Jan lou Meissounié :
 Lou veici, 'mé sa bloundo tèsto,
 Que vèn empli nouéstei granié:
 Despièi l'esplanado arlatenco
 Enjusqu'eis Aupo à mourre blanc ,
 Lausen la fèsto sant-janenco ,
 Canten lou grand jour de Sant-Jan !

Se vuei brulan lou fue-de-joio ,
 Se remandan de serpentèu ,
 Es pèr se douaa mai de voio
 En celebrant un jour tant bèu ;
 Pèr faire la fèsto junenco
 Tòutei n'en sian , pichoun e grand ,
 Car la recordo sant-janenco
 Nous enrichis , quand vèn Sant-Jan.

Ensóucas-vous , gai travaiaire ,
 Pèr meissouna dins lei carra :

Venès cū l'or dōu terraire
 Qu'ivèr-estiéu vous nourrira ;
 Bràvci coumpagno meissounenco ,
 Rabaias lou tresor de l'an ,
 Vuci qu'es la fèsto sant-janenco ,
 Vuci qu'es lou jour dōu grand Sant-Jan !

Tenès pèd , liairo riserello ,
 Ei meissounié que van bouen trin ;
 Lei rastelaire e glenarello
 Ajudaran de sei refrin.
 Se sentèn plus lei flous maienco
 Qu'ei pradarié caucigavian ,
 En viant la frucho sant-janenco
 Canten ensèn : Vivo Sant-Jan !

Lei blad fan gau , lou champ es flòri
 E trelusènt mai que jamai ;
 Tambèu , à la Santo-Vitòri
 En roumavàgi escalan mai :
 Sus la conelo Vauvenarguenco
 Lou soulèu se lèvo plus grand
 Dins la journado sant janeuco ,
 Pèr festeja lou bouen Sant-Jan ;

Auto donne , pople de Prouvènço !
 Brunissen-nous à la calour ;
 Au champ li a la boueno chabènço
 Li a l'aboundànci , li a l'amour.
 Sounjen qu'à la sesoun nevenco
 Auren de blad , auren de pan.....
 Auto ! dins l'aubo sant-janenco
 Briho l'oulame de Sant-Jan !

F. VIDAL.

A-z-Ais , Sant-Jan 1863.

— Quan a begu , béura.
 — Dounas un os au chin, se voulès que se taise.

A LUDOVÌ LEGRÉ

L'amour es uno flamo ;
 La flamado fai lume ;
 Lou lume es la courouno
 Que porto la bèuta.

Sus lou front de ta damo ,
 Qnouro , ami , que s'embrume
 L'aire que t'envirouno ,
 Cerco dounc la clarta.

L'amour , ami Ludòvi ,
 Retrais à la pradello
 Que lou tai endrudis :

Bèu , amoureux e nòvi ,
 Segas la cabrideilo ,
 Aro que s'espandis.

F. MISTRAL

Voulès èstre urous un jour ? pourtas un vièsti nòu. — Voulès èstre urous
 uno semano ? tuas lou porc. — Voulès èstre urous un mes ? gguas
 voste proucès. — Voulès èstre urous un au ? maridas-vous. — Voulès
 èstre urous de-longo ? fugués ounèste.

LA COUSCRICION.

Quand lou tirage au sort arrivo,
 Ah ! que de maire soun en plour !
 Que fague clar . que fague nivo ,
 N'an que tristesso e que doulour !

Tambèn , dins noste vesinage ,
 l'aguè la maire d'un coucri ,
 Un an , qu'à l'ouro dón tirage
 Semblavo qa'anavo mourir.

Moun Diéu , queto peno crudello !
 Plouravo soun paure Cadau
 Qu'èro gibons, e pas pus aut ,
 Pechaire ! que sèt escudello.

— Mai voste drole risco rèn ,
 Ie fan ; que plouras , bono fumo !
 D'aquéu calibre èi la coustumo
 Que parton pas , lou savès bèn ? —

Alor fai i gènt que l'aubouron ,
 — Car venié d'avé mau de cor — ,
 «Mai lou jour dôu tirage au sort ,
 Es un jour que li maire plouron ! »

D.-G. CASSAN

LOU CHIN

Un Dimenche dins la grand glèiso de Nimes , au founs de la capello
 ounte s'esquichavon , — pèr ausi la santo messo , — lis escolan d
 Fraire, lou chin d'un proutestant roupihavo, estendu de tout soun long
 Au moumen de la messo que tóuti li fidèu catouli s'ageinouion, lou
 front clin :

— Aquéu chin brando pas , fai à soun vesin un escolan. Es belèn
 sourd : a pas entendu la campaneto.

— Es pas sourd, dis l'autre, lou counèisse: es lou chin d'un nganaud.

LOU CASCARELET,

UN REPAS DE FUM

(Parla dè Lengodò)

Un vièlh e rusat gabachas ,
 Grand barrulaire de mountagnos ,
 Qu'a fach sa vido de milhas,

D'aigo de roco e de castagnos ,
S'èro agandit au país bas.

Dins uno vilo renoumado
Pèr i' avedre de bons lougis,
Aurias vist aquel camarado
A las portos, coume lous chis ,
Se repaisse de la fumado
E de touto bono alenado
Que de las cousinos sourtis.

Un jour , un oste farcejaire
Qu'aprestavo de fricandèus ,
A l'aste de bestiau piéutaire ,
En gardiano de calhatèus ,
Vèi à sa porto aquel coumpaire
Se countenta de regardèus ;
E ie dis : Intras, camarado ,
Pèr coumanda siegués pas mut ;
Dins moun lougis la dejunado
Se pago pas mai d'un escut.

— Sia s pas bèn care , moussu l'oste,
dis lou rusat : eici me poste
pèr m'embreiga de bon parfum ;
Laiissas-me doune fa , que que coste ,
Unbon repais de vostre fum.

— S'acò , brave ome , vous agrado ,
L'oste ie dis pèr s'en trufa ,
Intras , intras , e de fumado ,
Poudès à l'aise vous cloufa.

— O , pla , fai l'autre , malapèsto !
Pèr mas narrilhos quento fèsto !
O quente bon repais vau fa ! —

Acò dich , lou gabach se sarro ;
A pleno gorjo , à pleno narro
Aquel bon fumet engculis ;
E quand counèis que sa bedeno

Coume un baloun de fum es pleno ,
Se viro vers l'oste e ie dis :

— Quant dève , moussu , que vous pague ?
— Cinq francs , dis l'autre. — Cinq francs siague :
Vous sias pas care , pas que cinq ?.....

Lou gabach mostro sa bourseto ,
La brandis coume uno esquileto ,
E fai faire as escuts tin-tin.
Ne salis un au sòu , l'escampo ;
Cènt fes lou trais , cènt fes l'acampo ,
Lou fai tinda... tant qu'à la fin
Lou mèstre ie dis : — Camarado ,
Coume acò pagas la dinado ?

— O , pla ! ço dis , iéu pague ansin :
Me countènte de la fumado ,
Moussu , countentas-vous d'ou tin.

PRUNAC , *paire*.

Ceto , lou 29 d'avoust 1863.

— Escupissès en l'èr , vous councharés lou nas .
— Quau se jito dins lou bren sara manja pèr li porc.
— La fam es un bon cousinié.

LA CAMBO DE BOUES.

Audaces fortuna juvat.

Un coumedian , dei famous de Paris ,
En setèmbre passè quinze jour au vilàgi ,
Pèr vèire soun vièi paire. Èro aquí soun usàgi.

Despuei d'un an , avié plus vist
Lou brave retrata que , d'ou tèms de l'Empèri ,
Avié , sàbi pas quant de Prussian e d'Anglès ,
E de Russi e de Piemountés ,

Espóuti de sa man de fèrri :
 Bouen sòdat, qu'à la longo avi' agu mal-ancoues !
 Uno cambo restè sus lou champ de bataio ,
 Empourtado pèr la mitraio.
 Li fauguè prendre alor uno cambo de boues.

Mai , coumo l'i 'èro dur de plus touca leis armo ,
 Fauto deis enemi , despuei , lou vièi troupié
 Va faire la guerro au gihé ;
 E pèr se garanti d'ou verbau dei gendarmo ,
 Pren toujours soun *permés*. Adounc, pèr s'espassa ,
 Soun fiéu, dins aquelo quingeno ,
 Agué 'nvejo d'un pau cassa.
 De *permés* n'avié pas. — Mai, dis, vau bèn la pend
 Pèr tua quàuquei gros-bè, vo dous o tres cuou-blanc,
 De metre aqui vint-e-cinq franc ! —

Pamens, pèr se gara d'uno marrido afaire,
 Se lou gardo vèn à passa.
 Dins la pòchi de l'abrassa
 Cougno, tout bounamen', lou *permés* de soun paire.
 E velaqui parti. Iéu noun vous dirai pas
 Se faguè richo o pauro casso ,
 Acò fa rên à noste cas.

Mai vous atrouvarés qu'au virant d'un roucas ,
 Lou casseiroit rescontro , faço à faço ,
 Un gardo que l'aplanto e dis : — Voste *permés*,
 Moussu !... — Fuguè d'abord un pau sousprés ;
 Mai se reprenènt lèu e durbènt la sacoco ,
 Retiro , d'ou founs de la pocho ,
 Lou papié, que desplego au gardo-sourestié.

Aquesto , coumo fan lei gènt de soun mestié ,
 Vague de coumpara ço que dis l'escrituro
 Emé lei tra de la figuro.

Puei s'arrestant : — Moussu, voste signalamen
 Sé revèn..... peraqüi , li fa ; tant soulanien ,
 Fau que vous fâgui uno remarco :

SIGNE PARTICULIÉ , vosto pancarto marco
 Uno cambo de boues. Mounte es ?... — Ah ! vous dirai ,

L'ami, quand vau cassa, que la pouéti jamai.
 Pèr sauta de valat, pèr escala de moure,
 Passa dins de gara, traversa leis abroues,
 Sant ome, vesès bèn qu'uno cambo de boues
 Pèr segui lou gibié, m'empacharié de courre ! —

Acò sieguè larga d'un aire tant bounias,
 E 'mé tant de sang-fla, que noste bedigas :
 —Tè ! li sounjàvi pas, faguè. Que siéu becasso !
 Avès resoun, Moussu, perdoun ! e boueno casso !

Lou gardo alor repren soun pas ;
 E lou cassaire dis, quand a vira l'esquino :
 PÈR SE SAUVA D'UN MARRIT CAS,
MA FE ! LI A RÈN DE TAU QUE DE PAGA DE MINO.

ÉMÉRY.

A-z-Ais, 28 d'outobre 1862.

— Quand lou cat i'es pas, li gàrri danson.
 — Barbo bèn sabounado es à mita toumbado.
 — Tau lou divèndre ris que plouro lou Dimenche.

L'OURFANELLO

A MA JOUINO SORRE

Maire, quand iéu camine au camin de la vido,
 Souleto, e liuen de tu, touto apensamentido,
 Pauro enfant !
 Alor, rèn me fai gau, à iéu tant risouleto !..
 Oh ! digo-me perqué m'as leissado souleto,
 Maire, tu qu'ame tant !

Maire, se me cresiéu, sus la ribo assetado,
 Demourariéu toujour, toujour descounsoulado,
 Pauro enfant !
 E res creirié, segur, coume ère belugueto,
 E degun counceirié, segur, ta Marieto,
 Maire, tu qu'ame tant !

O maire, se noun vos qu'à ta jouino tourtouro
 Uu jour digon li gènt emé 'no voues que plouro :
 Pauro enfant !

Lèu vène me cerca, plantouno trigoussado,
 Pèr reflouri vers tu, flouri dins ti brassado,
 Maire, tu qu'ame tant !

FELIBRESSO DÔU CAULOUN.

(Tira dis Amouro de ribas.)

1859.

LA DÓUTRINO

Un brave curat fasié lou dóutrino i drole :
 — Veguen , à tu, Pauloun. Sies-ti crestian ?
 — Sabe pas , moussu lou curat.
 — Quant i'a de Dién ?
 — Sabe pas , moussu lou curat.
 — Quant i'a de pecat capitaü ?
 — Sabe pas , moussu lou curat.
 — Sabes dounc rên , Pauloun , rên de rên ?
 — Moussu lou curat , sabe un bèu nis d'agasso.

Es Pauloun , mai , que , lou Dimenche venènt , — à moussu lou curat
 que ie disié : — Ve, moun enfant, pulèu que de faire un pecat mourtau,
 faudrié mies que te leissèsses tranca la tèsto, respoundegué :

— Es bon pèr vous , moussu lou curat, qu'avès voste pan gagna ! Mai
 én , se me trancavou la tèsto, coume fariéu pèr gagua moun pan ?

LOU CASCARELET.

— Enterin que li chin se baton, lou loup manjo la fedo.

— Fedo que bèlo, pèrd lou moussèu.

— Vos vièure en pas ? regardo, escouto e taiso-te.

— Fisés pas vòsti fedo à la gardo d'ou loup.

LOU VIN E LA LAGAGNO

CONTE

(Parla de Lengadò)

A Mountpelié, dins lou tèms, flourissié
 Un medeci coumo s'en vèi pas gaire :
 Franc, simple, round, savènt e pauc parlaire.
 Sèns lou cerca, lou travalh li plouvié ;
 E talamen lou tenien pèr abile
 Que, d'ou mati jusqu'au vèspre, avié pas
 Ço que se dis, meme per soun repas,
 Un mounenot de libre, de tranquile.
 Rai qu'ausissié — sèns perdre un cop de dènt ,
 Ni delembra d'oucha pla la carrello, —
 Tant d'ais e d'ouïs que fa la clientèlo.
 Riche d'aurilho e fort de jujamen,
 Am sous dous iols eicilhats à sa fauto,
 Te virounavo, escrutinavo à foun, —
 Tout en mourfiant, — la carcasso malauto,
 E raramen i mancavo lou poun.

Un bèl dijou, — crese qu'èro sa fèsto—
 Moussu Fizo, o, moussu Fizo (qu'es el
 L'encauso, vèi, que brulo moun calèl),
 Apetissat, dinavo tèsto à tèsto
 Am un lebrau d'ou rèng de counsèlié,
 Assegoundat, coumo d'eu toujour èstre,
 D'un saupiquet tratat de man de mèstre,
 E de vi vièlh d'ou pus famous celié.

Intro un païsan. Èro pas dins sas joïos :
 Encaro jouine, arrapat, vigourous,
 Pecaïre ! avié cadun de sous vistous
 Ple de lagagno e tout bourdat d'anchoïos.

— Moussu lou d'outou, vène aici,
 Ço dis, am touto counfiènço :
 Passe, sauprés, uno souffrènço !....

— Hou save, fa lou medeci
 En agoutant pulèu soun vèire,
 Lou mau t'empacho d'i pla vèire.
 — Coumo dises. — Beves sermat ?
 — Diéu me n'engarde ! — Eh ! moun goujat,
 Pèr gari n'as pas res à faire :
 Bèu d'aigo, d'aigo. — Aqui dessus
 L'ouracle pinto *rasibus*.
 — L'ourdounanço, sèns vous desplaire,
 Moussu, fa l'oubrié, sus l'ounou,
 Es rudo ! — Oh ! bé, mas oi o nou,
 Vos gari ? — La demando es bello !

— Escouto-me dounc, emperit :
 Pèr vite assana ta prunello,
 Renóuncio au pis de la canello ;
 Avans Nouè saras gandit. —
 E tourna-mai l'ome celèbre
 Cop sus cop azago sa lèbre.

Lou terrassié, sul moumen entre-pres,
 Demoro estant, poulso sèns dire res ;
 Mas en mitan dôu mau que lou rousigo,
 Entravessat, un doute lou bechigo.
 Sa visto fousco entre-vèi quicomet ;
 Dôu fin lebrau soun nas de chi de casso
 A reniflat la sausso, lou fumet ;
 Ausis lou vi que toumbo dins la tasso ;
 D'un autre bord i'an dich que soun counsèl
 Èro lharpous autant, sai que mai qu'el,
 E tout acò treboulo sa cervello.
 Pamens, pèr tant que siegue estoumacat,
 Cau que respingue, e se descaramello.
 Mas, coumo o pas manjat lengo de cat,
 Adrechamen voujo soun escudello :

— Am la vilo de Mountpelié,
 Que dise ? am lou reiaume entié,
 Au saupre dôu grand moussu Fizo
 Moun esprit avugle se fiso ;

Mas auriéi, pèr moun estruciéu,
 Besoun d'un mot d'esplicaciéu.
 Coumprene bè pla que la piancho,
 Tant presado de lou que manjo,
 Emai de lou que degeris,
 Porte soun fioc à la boutigo,
 E que la visto ne soufrigo.
 Mas ço qu'intro pas dins lou nis
 De mas idèios trop picbotos,
 Es que vous, moussu, vous qu'avès
 Coumo iéu lous iols en coumpotos,
 Pintés rede autant que fasès
 E qu'emplegués pas lou remèdi
 Qu'as autres balbas pas à crèdi. —

— Nostre amic, sios un panc mourrut,
 En riguent i fa l'Ipoucrato,
 Mas pèr acò rèste pas mut ;
 M'esperave à toun cop de bato,
 E t'ai trovat toun pèd, sabatol
 Pourriéi respousta sec e nut :
 Dôu moumen qu'au grand moussu Fizo
 Toun esprit avugle se fiso,
 T'ôcupes pas de ço que fan,
 Sèns raisseja fai ço que dise ;
 Sequenou lou diable te frise,
 Laisso-me fini moun lebrau.
 Mas à curious de toun espèço
 Cau la mounedo de sa pèço.
 Tant soulamen, à ma questiéu
 Responde avans tout net e viéu ;
 E, sèns que m'escaufe la bilo,
 Ma replico sara facilò.
 Vejen, sarro-te, se te plai :
 Des iols o dôu vi, qu'ames mai ?
 — Lous iols, acò's censat à crèire.
 — Adounc, fouime, pintes pas pus.
 Per ién, apostro de Bacchus,
 Iéu, qu'ame mai viéure sèns vèire

Que sèns béure, ai toujour pintat,
E pinte encaro... à ta santat !

B. FLORET.

Agde (Eraut.)

Aucèu que canto n'a pas set ; agnèu que bèlo vòu teta.

BRINDE PÈR CHARLE GOUNOD

AU FESTIN D'ADIÉU QUE IE DOUNÈRON LÍ SANT-ROUMIEREN

Lou 26 de mai 1863

Messiés , vai dounc parti lou mèstre musicaire
Qu'emé nautre un matin se venguè souleia.
Lou valoun de Sant-Clergue es tout triste : pecaire !
Bouscarlo emai grihet lou counsoularan gaire
Dis acord flame-nòu qu'entendié cascaia.

En l'ounour de Gounod , ami , pourten un brinde ,
Pèr que Diéu longo-mai lou mantèngue au missau !
Armouniousamen que chasque vèire dinde
En l'ounour de Gounod . lou musicaire linde
Que tant liuen fai dinda li murmur prouvençau !

F. MISTRAL

Sant-Roumié.

A narro de porc fumié noun pudis.

OUNTE VAS, FIHETO ?

Ounte vas pèr li draio,
Fiheto ? Un drole brun,
Soulet, au calabrun,
Varaio :

Cregne li niue d'ou mes de mai...
Ai ! ai !

Es un ardit cassaire,
 Noun de lèbre o d'aucèu,
 Mai de chatouno : èi bêu
 Soun aire,
 E de sis iue gisclon de rai...
 Ai ! ai !

Es darrié toun esquino !
 E souto si petoun
 Dôu draïou lou sabloun
 Gracino:
 Velaqui !... N'as joïo em'esfrai...
 Ai ! ai !

Luse alin sus la colo
 De la niue lou fanau ;
 Soun lume celestiau
 Tremolo...
 Toun cor tremolo encaro mai !
 Ai ! ai !

Co qu'auson tis auriho
 Te fai estrementi ,
 Quand dis adoulenti :
 « Las ! mlo,
 « Sies lou prefum de mi pantai.
 Ai ! ai !

« Di flour la plus poulido,
 « Astre clar e gentièu,
 « A ti pèd jitarièu
 » Ma vido ;
 « T'ame , e iéu sèmpre t'amarai !
 Ai ! ai !

Mignoto, m'es vejaire
 Que tournes à l'oustau ;
 Ve, subre lou lindau
 Ta maire
 Es pensativo que-noun-sai.
 Ai ! ai !

Prègo bèn Nostro-Damo,
 Présento-ie ti plour
 Coume l'eigagno i flour,
 E, l'amo
 Sereno, crides plus jamai:
 Ai ! ai !

JUSTIN HEIRISSON.

Beziés, mes de mars 1863.

JARJAIO AU PARADIS

Jarjaio, un porto-fais de Tarascoun, vèn à mourir, e de plegoun toumbo dius l'autre mounde. Barrulo que barrularas ! L'eternita es vasto, negro coume la pego, founso, desmesurado e segrenouso que fai pòu. Jarjaio saup pas mounte ana, e tiro de pangoun, e fai tres-tres, e bat l'antifo. A la fin, à la forço, vèi peralin un lumenoun, pereilalin, apereilalin..... Se ie gandis. Èro la porto dòn bon Diéu.

Jarjaio pico : pan ! pan ! à la porto.

— Quau es aquí ? crido sant Pèire.

— Es iéu.

— Quau sies ?

— Jarjaio.

— Jarjaio de Tarascoun ?

— Acò 's acò.

— Mai, galapian, ie vèn sant Pèire, coume as lou front de voulé intra au sant paradis, tu que jamai, despièi vint an, as di tis ouro ; — tu que, quand te disien : Jarjaio, vène à la messo.... respoundiès : *Quau l'a messo, que la lève !* — tu que, pèr trufarié, apelaves lou tron lou tambour di cacalauso ; — tu que manjaves gras, lou divèndre quand poudiès, e lou dissate quand n'aviès, e que disiès : *Basto que n' i' ague ! la car fai la car e tout ço qu'intro dins lou cors estrasso pas l'amo !* — tu que, quand sounavo l'angelus, au-lío de te signa coume dèn faire un bon crestian : — *Anen, veniès, i' a 'n porc penja à la campano !* — tu qu'i paraulo de toun paire : *Jarjaio, lou bon Diéu te punira ! rebecaves de coustumo : Lou bon Diéu ? quau l'a vist ? Quand sian mort, sian bèn mort !* tu enfin que renegaves e que te descrestianaves à faire ferni, se pòu, digo, se pòu que te présentes, abandouna de Diéu ??

Lou paure Jarjaio repliquè :

— Disc pas lou countràri. Siéu un pecadou, un miserable pecadou...
Mai quau sabié qu'après la mort i' aguèsse enca tant de mistèri ? Enfin ,
me siéu manca e la trepo es tirado : se fau la béure, la béurai. Mai
au mens , grand sant Pèire , leissas-me vèire un pau moun ounce....
pèr ie counta ço que se passo à Tarascoun.

— Quet ounce ?

— Moun ounce Matèri , qu'èro penitènt blanc.

— Toun ounce Matèri ? es au purgatori pèr cènt an.

— Málavalisco ! pèr cènt an !... E qu'avié fa ?

— Te rapelles que poutavo la crous i proucessioun... Un jour , de
galo-bon-tèms se donnèron lou mot, e n' i' a un que se bouto à dire: « Ve
Matèri, que porto la crous ! » Un pau pu liuen, un autre vèn mai : « Ve
Matèri que porto la crous ! » Finalamen n' i' a un que ie fai coume eiçò :
« Ve, ve Matèri , de-que porto ! » Matèri, despacienta, dison que repli-
què : « De-que porte ?... Se te poutave tu, poutariéu un vielase ! »
E aguè 'n cop de sang, e mouriguè sus sa coulèro.

— Alor, fasès me vèire ma tanto Douroutèio ,qu'èro tant, tant ,
tant devoto!..

— Aisso ! dèu èstre au Diable , la counèisse pas.

— Ah ! bèn ! aquelo , s'es au Diable , acò m'estouno gaire : car , pèr
lou devoutige , en verita qu'èro esquichado ; mai pèr lou meichantige ,
èro uno verineto ! Figuras-vous que...

— Jarjaio , ai pas lesi : me fau ana durbi la porto à-n-un paure es-
coubihaire que soun ase vèn de traire en paradis, car l'a creba d'un cop
de pèd.

— O grand sant Pèire, d'abord qu'avès tant fa e que la visto costo rèn,
leissas-me vèire un pau lou paradis , que dison qu'es tant bèu !

— Ato ! pardinehe ! ie vau courre , laid ugauaud que sies !

— Anen , sant Pèire ! souvèngue-vous qu'avau, moun paire, — qu'es
pescaire , — porto vosto bandiero i proucessioun , à pèd descaus...

— Ah ! bèn , diguè lou sant , pèr toun paire , te l'acorde. Mai ve ,
coulègo, es entendu , ie metras just lou bout dóu nas.

— Acò sufis.

Doune, lou celèste poutalié fai plan-plan bada la porto, e ie dis à Jar-
jaio : « — Tè, regardo. » Mai aquest tout-d'un-tèms , virant l'esquino ,
intro de reculoun au paradis.

— Que fas ? ie vèn sant Pèire.

— La grand clarta me fai vergougno , respond lou Tarascounen : me fau ana de reviroun ; mai , segound vosto paraulo , quand i'aurai mes lou nas, siegués tranquile , anarai pas pu liuen.

— Anen ! pensè lou benurours , ai mes lou pèd dins lou mourrau.

E lou Tarascounen es dins lou paradis. — Oh ! dis, coume sias bèn ! coume acò 's bèn ! queto musico !

Au bout d'uno passado, lou clavaire ie fai : — Quand auras proun bada, pièi , sourtiras.... per-ço-que n'ai pas lou tèms de te teni lou coumparant...

— Vous geinés pas, ie dis Jarjaio : s'avès quicon à faire, anas à vòstis obro. Iéu sourtirai.... quand Sourtirai... siéu pas pressa...

— O , mai , sian pas d'acord ausin.

— Moun Diéu ! sant ome , sias bèn esmougu ! Es diferènt se i'avié gens de large.... mai , rènde gràci à Diéu ! la plaço manco pas.

— E iéu te prègue de sourti , que se lou bon Diéu passavo !.....

— Hòu ! pièi , arrenjas-vous coume voudrés. Ai toujour ausi dire : Quau es bèn , que noun bouje ! Iéu siéu eici , ie rèste.

Sant Pèire cabassejavo , picavo d'ou pèd... Vai trouva sant Ives.

— Ives , ie vèn , tu que sies avoucat, fau que me baies un counsèu.

— Dous , se n'as de besoun , respond sant Ives.

— Sabes que siéu pas mau campa ? Me trove dins tau cas, coume acò , coume acò... Aro, que siéu pèr faire ?

— Te fau, ie dis sant Ives, prene un bon avouat, e faire coumparèisse, pèr ussié, lou di Jarjaio davans Diéu.

Cercon un avouat; mai d'avouat en paradis, jamai degun n'aguè ges vist. Demandon un ussié , encaro pu pau ! Sant Pèire sabié plus de que bos faire flècho.

Vèn à passa sant Lu :

— Pèire, fas bèn lis usso ! Noste Segnour t'aurié tourna baia quauco remouchinado ?

— Oh ! dis, moun ome, taiso-te ! m'arribo un cas de la maladicouu ! l'a 'n certan nouma Jarjaio qu'es intra pèr engano en paradis, e sabe plus coume lou metre deforo.

— E d'ounte es , aquéu ?

— De Tarascoun.

— Un Tarascounen ? diguè sant Lu , eh ! moun Diéu , que sies bon ! Pèr lou faire sourti , es la buteto ! En estènt , veses , que siéu l'ami di biòu e lou patroun di toucadou , iéu trève la Camargo , Arle, Bèu-caire,

Tarascoun, Nîmes, etc... e counèisse aquén pople , e sabe ounte ie prus
e coume lou fau prene... Tè ! vas vèire.

D'aquéu moumen , voulastrejavu peraquì un vòu d'ange boufarèu.

— Pichot ! ie fai sant Lu , bst ! bst !

Lis angeloun davalon.

— Anas-vous-en de canto-cauto foro dôn paradis , e quand sarés davans la porto , passarés en courrènt e eridarés : *Li biou ! li biou !*

Ço que fan lis angeloun. Sorton dôn paradis ; e coume soun davans la porto , s'abrivon en cridant : *Li biou ! li biou ! oh ! tè ! oh ! tè ! li ferre !*

Jarjaio , moun bon Diéu ! se reviro esperluca : — Hoi ! tron de goi ! mai eici fan courre li biou ! dis, abrivo ! E se lanço vers la porto coume un fouletoun ; e sort , paure bedigas ! dôn paradis.

Sant Pèire vitamen barro e pestello , e boutant pièi la tèsto au fenestroun : — Eh bèn ! Jarjaio , ie dis en galejant , coume te troves, aro ?

— Oh ! replico Jarjaio , es egau ! se fuguèsse li biou , aurién pas regreta ma part de paradis.

E acò di, cabusso, de mourre-bourdoun, dins lon garagai.

LOU CASCARELET.

La fedo qu'a la rougno enrougno lou troupèn.

UN JOUR DE PLUEIO.

A J. R.

Non semper imbres.

Quand la chavano rounflo au mitan di campagno ,

Li païsan se dïson lèu :

— Bon Diéu ! durara pas aquén tèms de magagno ;

Veiren mai lou soulèu !

Quand sus la mar li tron fan ausi sa musico ,

Lis ome di veissèn

Meton si bras en crous , e mastegant sa chico ,

Espèron lou soulèu !

Se jamai sus toun cor un velet de tristesso
 Te nèblo ço qu'es bêu.
 Felibre , vai trouva ta douço Felibresso :
 L'amour es lou soulèu !

ERNEST CHAUFFARD.

Marsiho , 11 de mars 1863.

-
- T'aviéu di , Jan , de veni me reviha matin.
 — le siéu ana, Moussu ; mai , vès ! dourmias encaro.

LOU CASCARELET.

ROSO-MIRÈIO

O ma gènto pichouno,
 D'un galant subre-noum —
 Que ti dounèri em'uno caranchouno —
 Perqué demandes la resoun ?
 Bouto, jouineto, la vies proun...
 Quand passes, jugarello, avau sonto la lèio
 De nouésteis amourié,
 Mistrau, se l'èro, ti prendrié,
 Osko-seguro, pèr Mirèio
 Qu'amavo atout l'oumbro deis amourié.

En floto destrenado,
 Quand laisses, lou matin,
 Dôu ventoulet maien à la tebo alenado
 Voulastreja toun péu bloundin,
 Qu ti veirié dins lou jardin,
 Roso, au mitan dei flour mens fresco à soun idèio,
 Espanta, cridarié :
 Bouen Diéu ! mens de gau mi farié
 D'espinchâ, s'èro aquí, Mirèio !
 Qu saup ? Mistrau belèu va cridarié.

Lou Dimenche à la messo
 Quand clines toun front pur,

Adarè pregant Diéu, crestiano umblo e soumesso ;
 Que de teïs uei nèblon l'azur
 Quàuquei lagremo de bouenur;
 Quand toun amo enaurado entre-ves l'empirèie,
 Leis angeloun rousen
 Dins soun parla paradisen,
 Dison : Pregavo ensin Mirèio. —
 E crési, iéu, leis angeloun rousen.

J. GARNIER.

Signo (Var), 16 de juliet 1863.

Que sièr de barra la gabi, quand l'aucèu s'es envoula ?

BRUNETO.

Sus lou crestèn de la mountagno
 L'aubo fai resplendi la nèu ;
 Espoussant sis alo , à l'eigagno
 S'escarrabihon lis aucèu.

Ounte vai , ounte vai Bruneto ,
 Que s'èi levado davans jour ?
 Tant matin , ounte vai souleto ,
 Emé sa faudado de flour ?

Ai ! chatouno , sies amourouso :
 Èi tant sounjaire toun front clin !
 Soun , ti gauto , tant palinouso !.....
 S'assèto.... e regardo cilalin....

II

— Que fas liuèn de toun amigueto ,
 Que fas , dis , amaire adoura ?
 Coume iéu ploure eici , paureto !
 Tu , paure ! alin dèves ploura !

Ah ! mounto , mounto à la grand tourre ,
 Mounto-ie , bêu , e me veiras
 Reva de tu sus aquest moure ;
 Te parlarai , m'escoutaras.

Moun bêu, entèdes pas ta migo ?
 La veses pas ? es touto en plour...
 Coume t'ame ! Digo-me , digo
 Se tu m'ames de tant d'amour.

Ah ! se l'aureto te pourtavo
 Tóuti li pontoun que me pren ;
 Se , quand m'a beisa , te beisavo ,
 Enca tousco de moun alen ,

Coume tresanariés , moun fraire !
 Enca mai , segur , m'amariés ;
 E coume sarien assoulaire ,
 Li galant mot que respoundriés !

Ah ! mounto , mounto à la grand tourre ,
 Mounto-ie , bêu ! e sounjo à iéu.
 Sables qu'eici gémisse e ploure ,
 Sables que moun cor n'es plus miéu....

Plagne-me , fraire ! Quouro , quouro
 Ta sourreto , à la fin , poudra ,
 Subre toun cor , tëndro tourtouro ,
 Tourtouro urouso , souspira. —

III

Mai enterin , de l'ermitage
 La campano , balin-balant !
 Reviho de soun pantaiage
 L'amourousido e bello enfant.

S'aubouro alor la jouveinetto ,
 Lis iue de lagremo nega ,
 E dins la blanco capeleto
 Se met à geinoun pèr prega.

Parlo à la Vierge d'aquéu qu'amo ,
 È subran eïssugo si plour
 La douço man de Nostro-Damo ,
 Tant amistouso à la doulour !

ROSO-ANAÏS ROUMANILLE.

Sant-Antounin , 17 d'ôutobre 1862.

Li cinq det de la man soun pas tóuti parié.

L'OURFEON DE LA MACHOTO

Peréu , l'Ourfeon de Pamparigousto à Bèu-caire venguè , emé sa bandiero coulour de granouio, ounte li Pamparigousten avien fa brouda, en bèl or trelusènt , sus founs de vin , uno machoto di banarudo ; — à Bèu-caire venguè l'Ourfeon de Pamparigousto , pèr lucha , éu peréu !

L'Ourfeon de Pamparigousto canto bèn , e chourlo encaro mies.

Tout Pamparigousto diguè , en vesènt parti si cantaire : Adurran li joio ! Li cantaire disien coume tont Pamparigousto.

Es bèn tant ansin que pourtèron uno dougeno de pijoun , e veici perqué : entre Pamparigousto e Bèu-caire, i'a gens de siéu eleitri. Lou capoulié de l'Ourfeon avié di : — S'avèn, coume es de créire, lou proumié pres , vous bandiren tóuti li pijoun : pèr anouncia 'no bono nouvello , n'en poudrian pas trop embandi. S'avèn lou segound pres , n'en bandiren dous ; se soulamen lou tresen , un soulet ; se rèn , tuaren li pijoun , e li manjaren à la grapaudino.

Dounc , à Bèu-caire , li Pamparigousten se faguèron entendre. Tant bèn cantèron que, quand aguèron acaba , lou pople, tout lou pople, pi-qué di man en risènt , e que la machoto de la bandiero n'en tresanè, espandiguè sis alo e faguè *chou*.

— Li juge, diguè lou capoulié, jujaran , e li joio nous donnaran. — Li cantaire dison, emé lou capoulié : — Avèn li joio , li tenèn ! Au païs fau anouncia la bono nouvello. Bandissen li pijoun ! Li juge jujaran tard , sara niue. La niue , li cat soun gris , e li pijoun pourrien bèn se troumpa de camin , pourta la bono nouvello... à Barbentano , engana li Barbentanen , o coucha sus un aubre en esperant lou jour.

Bandiguèron li pijoun , que , dins un vira-d'ine , arribèron au pijounié.

Subran tout Pamparigousto fuguè sus pèd. Coume pèr Pasco, li campano sounèron. Li Pamparigousten faguèron de bouquet, trenèron de courouno, carguèron li bouito ; e , pèr alumina , esperèron pas la negro niue. Lou tambour e lou fifre de la coumuno acampèron li Pamparigousten, pèr veni à l'endavans de l'Ourfeon vitourious.

Quau vous a pas di, malan de sort ! quand li juge jujèron, que dounèron lou proumié pres à l'ourfeon de Metàmis ; lou segound, à lou de Barbentaou ; lou tresen , à lou de Mountfrin , e lou quatren , à lou de Trencataio.

Fau pamens dire que menciounèron ounourablamen Pamparigousto.

Lou capoulié èro apensamenti..... E pièi : — Mis ami, diguè , vivo la machoto ! Tout vai bèn ! Mai anarié mies encaro s'avian agu lou biais de garda quàuqui pijoun. Courage ! Laissas-me faire. Parten !

Intrèron dounc , li cantaire , dins Pamparigousto alumina , au brut di bouito , au son di campano , en trepejant de flour. Jamai l'or de sa machoto-banarudo avié tant trelusi. E quand arribèron sus la grand Plaço de la Coumuno , lou capoulié mountè sus un buto-rodo, e diguè :

— Pamparigousten, oublidaren jamai li bòn maniero que nous fasès ! Gramaci ! A l'unanimeta , nous an juja digne d'èstre li darrié. Ounour suprènie , lou sabès. E , se l'ignouravias , lou sant Evangile vous l'ensignarié : *Li proumié saran li darrié !* E la provo qu'aroto es bèn ansin , nòsti pijoun vous l'an aducho , e li carretié vous la dounon quand atalon si carreto : meton lis ase li proumié !

— Brave ! brave ! vivo la machoto ! cridè tout Pamparigousto....

E li l'amparigousten roupihavon que lusissien encaro li calèu de soun aluminacioun.

LOU CASCARELET.

LOU RENEGAT

A MOUN AMI ANSÈUME RICARD ,

Proufessour à l'Universita de Prague.

I

Jan de Lamanoun , pres pèr de coursàri,
Dins li janissàri

Sèt an a servi :
 Fau , encò di Turc , avé la coudeno
 Facho à la cadeno
 Emai au rouvi.

Béure l'alegresso
 Em' uno mestresso
 Es de Mahoumet la felecita ;
 Mai sus la mountagno
 Manja de castagno
 Vau mai que l'amour sènso liberta.

Jan de Lamanoun perdegue paciènci ,
 E de sa counsciènci
 Faguè bon marcat....
 Ah ! perdounas-ie , Segnour adourable !
 Aquèu miserable
 Es un renegat !

Béure l'alegresso
 Em' uno mestresso
 Es de Mahoumet la felecita ;
 Mai sus la mountagno
 Manja de castagno
 Vau mai que l'amour sènso liberta.

Jan de Lamanoun lèu faguè fourtuno ,
 Car la Miejo-luno
 I fourban sourris ;
 E coupè de còu , belèu mai de milo ,
 E brulè de vilo
 Coume un antecrist.

Béure l'alegresso
 Em' uno mestresso
 Es de Mahoumet la felecita ;
 Mai sus la mountagno
 Manja de castagno
 Vau mai que l'amour sènso liberta.

II

Dison qu'en estènt generau d'armado

La tèsso enramado

Emé de lausié, —

La fiho dóu rèi, poulido e courouso,

E d'éu amourouso,

Un jour ie disié :

« Béure l'alegresso

Em' uno mestresso

Es de Mahoumet la felecita ;

E sus la mountagno

Manja de castagno

Vau mens que l'amour sènsò liberta.

« Ai dins moun jardin uno verdo teso :

L'auro pounenteso

Ie canto à l'entour,

L'aureto de mar, l'auro fresqueirouso

Que di tuberouso

Escampo l'oudour.

« Béure l'alegresso

Em' uno mestresso

Es de Mahoumet la felecita ;

E sus la mountagno

Manja de castagno

Vau mens que l'amour sènsò liberta.

« I' a, soute la teso, un banquet de mabre

Contro un argelabre,

Te i' espère anieue.

Ieu te mandarai moun vièi esclau negre :

N'as que de lou ségre

En barrant lis iue.

« Béure l'alegresso

Em' uno mestresso

Es de Mahoumet la felecita ;

E sus la mountagno

Manja de castagno
 Vau mens que l'amour sènso liberta.

III

Quau vous a pas di qu'estènt à l'espèro
 De l'ouro prouspèro ,
 Sus lou ribeirès ,
 Jan , — d'un bastimen preste au descampage
 Entènd l'equipage
 Canta marsihés :

Béure l'alegresso
 Em' uno mestresso
 Es de Mahoumet la felecita ;
 Mai sus la mountagno
 Manja de castagno
 Vau mai que l'amour sènso liberta.

Coume l'aigo gisclo à-n-un cop de remo ,
 Un flo de lagremo
 Crèbo soun cor dur ;
 Lou despatria pènso à la patrio ,
 E se desvario
 D'èstre emé li Turc.

Béure l'alegresso
 Em' uno mestresso
 Es de Mahoumet la felecita ;
 Mai sus la mountagno
 Manja de castagno
 Vau mai que l'amour sènso liberta.

E , sèns demanda quant vau ni quant costo ,
 Vitamen acosto
 Lou piehot lahut ;
 E laisso la bello à soun banc de mabre ,
 Lou turban , lou sabre ,
 E tout lou bahut

Béure l'alegresso

Em' uno mestresso
 Es de Mahoumet la felecita ;
 Mai sus la mountagno
 Manja de castagno
 Vau mai que l'amour sènso liberta.

Pièi , coume partié , dre sus la tartano :
 • Adieu , ma sultano ,
 Diguè lou fena :
 As fa 'n paradis de moun purgatòri ,
 Mai dóu languitòri ,
 Me fau enana.

• Béure l'alegresso
 Em' uno mestresso
 Es de Mahoumet la felecita ;
 Mai sus là mountagno
 Manja de castagno
 Vau mai que l'amour sènso liberta.

• Car nosto Prouvènço es talamen bello
 Que se la rapello
 Tau que noun lou crèi :
 Nous amoureux e nous deiscounsolo ,
 Levant de cassolo
 Li fiho de rèi. •

Béure l'alegresso
 Em' uno mestresso
 Es de Mahoumet la felecita ;
 Mai sus la mountagno
 Manja de castagno
 Vau mai que l'amour sènso liberta.

F. MISTRAL.

Maiano , 2 d'Avoust 1863.

Vau mies teni que courre.

SUS LOU PONT D'AVIGNOUN.

Pèr ie passa em'un carretoun, em'un ase atala, pagas cinq sòu ; pièi, em'encaro un sòu pèr lou carretié, fai sièis.

L'autre jour, Manivet e Jan-la-Bano èron parti pèr Vilo-Novo em'un carretoun, e Jan-la-Bano se i'èro atala. L'aguè 'n grabuge e un sàga d'ou fio de Diéu à l'intrado d'ou pont : li pountanié voulien ie faire pagas sèt sòu, e Jan-la-Bano e Manivet n'en voulien baia que sièis.

Lou pountanié disié pèr si resoun :

— L'ou carretoun, cinq sòu, que fan bèn cinq ! tu, Manivet, un sòu fai sièis, e tu, Jan-la-Bano, un sòu, fai bèn sèt sòu, quand lou diable ie sarié !

— N'ani ! Vole pas ! respoundié Jan-la-Bano. Ai pas moun comte ! Vei ci : lou carretoun e l'ase, cinq sòu, que fan bèn cinq ! Manivet un sòu cinq e un fan bèn sièis. Car enfin, emé iéu n'en convendrès, iéu l'ase iéu, l'ase atala, dève rên, quand lou diable ie sarié !

Pèr n'en feni, prenguèron pèr espert lou Cascarelet, que passavo. I lou Cascarelet, que counèis Jan-la-Bano, à Jan-la-Bano donè resoun. Paguèron que sièis sòu.

LOU CASCARELET.

Quau se sèmblo, s'assèmblo.

LA COUNTRICIOUN

Un ome de campagno un jour se counfessavo
D'avé rauba de fardo à-n-un de si vesin :

— E quant n'avès rauba ? coume acò se passavo ?

Lou capelan ie vèn ausin.

— Coume acò se passavo ?... un jour quatre, un jour cinq.

Pode n'avé pres quatre-vint ..

Nounanto... belèu cent... quau saup ? — Segound l'usage,

Quand a feni sa counfessioun,

Fai sonn ate de countricioun,

E pièi lou capelan ie barro lou grihage.

as-pu-lèu èi sourti que revèn coume acò :

— Èro que quatre-vint fagot !...
 Aro me revèn bèn en tèsto....
 Pamens , se voulès metre cènt ,
 Ie dis emé tout soun bon sèn ,
 Anariéu proun querre lou rèsto !

D. C. CASSAN.

— l'a pas d'aigo piro que l'aigo que dor.
 — Se ta camiso saup toun secrèt , brulo-la.

LEI CONTE DE MÈSTE FRANC

Veici quàuquei gascounado d'ou celèbre Mèste Franc , que iéu , cadet d'Ais , ai agu la boueno chabènço d'ausi recounta pèr un siéu nebout. Fau vous dire qu'aqueu *franc* galejaire vivié à-z-Ais li a deja 'no passado ; mai ni leis ivèr ni lei printèms an fa 'syarta de nouesto memòri sei conte tant galoi ; car siegue ivèr , siegue printèms , ei vihado o en pernenado , lei redisèn toujour que pu voulountié.

I

Un bèu jour , Mèste Franc varaiavo davans lou Parlamen , en mesuant lei pouerto d'ou Palais. Eiçò festibulavo lei badaire aplança pèr lou regarda , en se disèn : Fau qu'aqueu paure ome ague fach uno esclo à la cabesso , de s'estudia à l'architeituro. Vaqui que li demandon ço qu'es ue canejo tant atentivamen. — « Eh ! tron... d'un gârri ! aquest li espouende , comprenès rèn de rèn : vési que lou bastidoun li es intra : ssâji se la bastido li passara.... » E pèr mai saupica sa responso , Mèste Franc grifounejo tres gros PPP sus lei pouerto , en disèn ei bararèu candi : « Tenès , en fin finalo , aquèstei trei letro vous diran lou fin mot de la cauvo : *Paurè Païsan , Pagaras !* » Es pas necit de dire que ouguè bèn e lèu coumprès , car desempièi , se dis eicito pèr prou-èrbi :

Quan pleidejo
 Malautejo ,
 E tout ço que manjo amarejo.

II

Un autre jour , se recampavo d'ou bèn , e vaqui qu'en arribant Pourtau-de-Fèrri, qu'es l'intrado d'ou Cours de-z-Ais, soun compagne de viâgi , pèr mies dire soun ai , se delaujo d'uno boueno petado, ent men que lou gârdi pourtanié demando à Mèste Franc se n'a rên dins ensârri que degue paga lei dre. Quâunquei moussirot, couneissènt noue galejaire , s'avançon d'eu . e , à prepaus d'ou mouloun de peto que tu enca, tout caud, li fan : « L'ome , quant vendès vouesto marchandiso — Mèste Franc se va fa pas dire doui còup. Subran , ausso la coue sa bèsti , en moustrant ei jouvènt lou petadou de l'ase , e , sènsò br tounaja, li dis em' un grand seriéu : « Tenès, intras au burèu ! lei coum vous va diran ! »

III

Un de-matin , Mèste Franc partié pèr lou fouire , soun bechas s l'espalo , lou cachimbau au mourre ; e pèr l'abra, camin fasènt, pica l'esco. Parèis qu'avié un peirard dei flame , o que , pèr acò faire , è proun engaubia. Coumo passo à la Retoundo vers la Crous , te fa pè un tron ! en disènt que li avié pas de plesi de capita la belugo au pro mié còup. Tambèn , mando à caire l'esco atubado , e vague de reco mença à mai tabasa fèrri contro pèiro. Lou Bouen Diéu lou puniss aquéu trin durè tout-de-long d'ou camin ; talamen que , quand sieg arriba , se vesènt enca ges de fue , preguè un de sei vesin de li a querre l'esco qu'avié jitado en partènt de-z-Ais. Lou vesin , pas ta tourtouire, respoundè que, despièi la lègo e miejo que Mèste Franc av leissa soun fue , riscavo bèn de lou trouba amoussa.

IV

Un sero , en se recampant, n'i' arribè bèn uno autro. Coumo s'alar d'uno carrairo d'ou quartié dei Gipiero pèr encamba lou grand cam au daut de la mountado d'Avignoun , lou galejaire se trobo couesto couesto d'un Francihot qu'avié fa velo vers la Prouvènço. L'ome de Nord , dins soun parla, demando à l'ome d'ou Miejour s'es enca luen nouesto capitalo. Aquest li respouende en franc prouvençan : « Camin que caminaras l. » E l'autre , que compreniè rên à noueste paraulis alounguè la guèto en prenènt de davans. Quouro aguè fa 'n centenau pas, Mèste Franc crido lou Francihot.... que se reviro e s'entonerno vèi

qu'es que li vòu. Noueste païsan dis au mestierau : « Dòu pas que li as, vési que li arribarés dins uno pichouno ouro. » Lou caminaire , au-courous d'avé fa 'no cambo-lasso , replico en se fasènt coumprene soun mies : « Que noun me va disias tantost ? » E l'autre , tout en sèio , que li ajusto : « Falié bèn que veguèssi coumo caminavias , pèr upre lou tèms que metrias en camin.... » E acò di , tirèron chascun soun caire.

V

Uno coumpagnié de brafaire s'èron acampa pèr faire uno partido , e ien counvida Mèste Franc à sa taulado , pèr fin d'avé 'n regòli de mai , qu'avié toujours sus lei brego quauque bouen mot pèr esmoure lou re. Se capitè que lou counvida sieguè pas rendu à l'ouro dicho ; leis tre , de-bado , espèro qu'esperaras , se decidon d'acoumenca , e ien deja passa l'intrado , quand Mèste Franc arribo. Alor se diguèron : « Tu pas avé l'èr de s'avisa d'èu , pèr vèire de que biais virara. Aquest tro en disènt : Bouen jour en touto la coumpagno ! Mai degun que respouende. Tòutei , tèsto souto , leis uei sus la sieto e li dènt sus u moussèu , respoundien qu'en boulegant l'oues mastegaire. Veici que u nouvèu vengu diguè : « D'abord que siéu dins un estable (ounte se n'jo sènso parla) , ai pas besoun de me geina. » E sus d'acò , se des-jo à-n-un cantoun coume s'anavo fa quicon. Tant lèu , un dei sòci de taulado , vesènt qu'eiçò finirié pèr senti marrit , s'aprocho de Mèste Franc pèr lou faire entaula. Uno fès emé lei cambarado , coume n'èron roustit , li pouverjon uno pèço de voulaio à chapouta , mai en fènt uno marco bravamen empacheirouo , valènt-à-dire que se l'entamenavo pèr cueisso , éu tambèn l'escuissarien ; se li coupavo uno alo , li leissarié réu un bras ; se tancavo lou coutèu au vèntre , coumo acò l'esventra-éu ; e se fasié sauta la tèsto , la siéuno bessai partirié. Mèste Franc , ut-d'un-tèms , pèr se desgavacha de tout empàchi , li dis : « Messiés , en tèn que coumo que faguí devès me faire , veici quinto es moun idèio. » Mèste Franc lardo lou det au trau d'ounte la galino fai l'ouo , e lou tiro , abord vougnu , en s'en lipant lei barjo.... Degun aguè la voio n' i' en faire autant.

VI

En guerdoun d'aquelo ripaio , qu'auqui jour après , lei Messiés fou-èron counvida au bastidoun. La vèio de la partido , Mèste Franc anè

à l'oustau de chasque taulejaire , e lei pregnè , en despart , de li prest
 cinq franc , que , pèr lou moumen , s'arrescountravo court. L'endema
 se rëndon à l'ouïro dicho; trobon pouerto badiero; e intron pèr s'entaula
 Mai quento sieguè soun estounamen, quand troubèron pèr pitanço qu'un
 peiròu de tartille que l'oste avié pendu au cremasele , avans l'arribad
 dei coumvida. S'èro entourna censa pèr veni s'aprouvesi de ço que
 mancavo. Lei Messiés , qu'esperavon e languissien, finissèron pèr enta
 mena lei tartille , e n'aguèron lèn lou gus cafi; e jamai Mèste Franc ar
 ribavo. A la longo , vesènt que s'èro trufa d'élei , s'envenguèron ; e
 l'intradò de la vilo, l'enganaire leis esperavo en crebant doun rire, d'a
 vé tant bèn fa paga l'escot de soun repassoun. Aquito li diguè : « Pènsi
 bràvei cantaire , que cadun aura di la siéu en taulejant : vèn à mou
 tour de vous sibla moun pichoun refrin. » E li vèn coumo acò :

De moun engano , entanterin ,
 Messiés, retenès l'estiganço :
 Es que tau vòu se metre en danso
 Que dèu paga lou tambourin !

Vous diriéu bèn lou conte sus l'Aiglo de la fouent dei Presicadou
 aquéu de la Moumino que Mèste Franc encavalè sus soun ase, e pièi ma
 aquéu.... Mai vési que ma gatado aurié foueço alòngui ; e pièi.... tou
 lou mounde amo pas lou pebre à l'ensalado.

FRANCÈS VIDAL.

Ais , òutobre 1863

A L'OUCASIOUN DOU BANQUET OUFERT A F. MISTRAU

PÈR SIS AMI DE BEZIÉS

Lou pagés tout estoumaga
 Que vèi ablaca dins la plano
 Sis òrdi , si blad plen de grano ,
 Pèr la chavano ablasiga ;

E, tremoulant , un embriaigo
 Que vèi soun agebi roussèu ,
 Soun muscat e soun mourestèu
 Jusqu'au pecou nega dins l'aigo ;

La chatonno que, dins la niue,
 Touto soulo dins sa cambreto,
 Ausis sul cap lou tron que peto
 E plouro en s'atapant lis iue ;

Lou pescaire que sus sa barco,
 Picbouneto coume un esclap,
 Es agarri pèr l'Eisserò
 Dins la mar que sus éu s'enarco ;

Tóuti aquéli , marin dóu Grau ,
 Embriaigo , pagès , chatouno ,
 Prègon Dièu , prègon la patrouno,
 Que fague boufa lou Mistrau.

Lou fort Mistrau que purgo l'aire ,
 Que durbis au soulèu lou cèn ,
 Que seco l'alo dis aucèn
 Emai la velo dóu pescaire.

Nautre demandavian tambèn
 Aquèu Mistrau que reviscolo...
 Aro boufo sus nosto colo,
 E la perfumo soun alen.

Sian pas , segur , nega dins l'aigo ;
 Mai dins aquesto brefounié
 Lou Mistrau nous fai mai mestié
 Qu'uno tasso de bourtoulaiço.

Anen, boufo , canto , Mistrau !
 As proun çanta pèr la Durènço ,
 E proun espanta la Prouvènço ,
 De Marsiho jusqu'à la Crau.

Pèr nautre largo uno alenado ,
 S'as pas lou galet adeli :
 Fai-nous ausi ta Magali ,
 Ta rèino , toun amour , ta fado !

Li Bezieren , li Prouvençau
 Soun enfant de la memo maire ,

E vuei , coume i jour di Troubaire,
S'amon d'un amour frairenau.

A la santa de la famiho !
Que Diéu garde lou Capoulié ,
Tant qu'à-z-Ais flourira l'aïet ,
En Arle li pouldi fiho !

GABRIEL AZAÏS.

Beziés.

Vau mies gausi de soulié que de lançòu.

TROP D'ALO

Sus l'en-proumié de la Revoulucioun , un gentilome , estènt deforo , se rescountrè , un vèspre , dins uno abitarello , de soupado em'un brave meinagié que venié de la fiero.

Veici que l'oste ie serviguè 'n poulet. Lou noble pren un coutèn , chapouto d'uno man deliberado lou redoulènt roustit , gardo pèr éu lis alo , e tout en galejant , pauso lou rèsto sus la taulo , e ie fai au pacan :

— Eh bèn ! vesès , l'ami ! de-longo picon sus li noble , que sian trop fièr , que sian aquéli , que sian lis autre ; e pamens , regardas un pau : iéu. Viscomte d'aquí , Baroun d'eila , etc manje , beve emé vous , ome de basso-man , e fau la galejado coume s'erian parié...

— Empacho pas , moussu , respoundegnè lou pèd-terrous , que , quand vous laissez faire , prenès toujours trop d'alo !

LOU CASCARELET.

Vau mies dèure au fournié qu'à l'abouticàri.

UN MOT DE L'ACADEMICIAN GODEAU

Lou ponèto Godeau , de l'Acadèmi Franceso , — l'un dis abitua de l'ons-tau de Rambouillet , souto Louis XIV , — èro evesque de Grasso emai de Vènço. Un jour qu'èro en caliero , veici ço que diguè à si dioucesan :
« Mi fraire , se lou bon Diéu me dounavo chausido entre faire de mira-

de o parla prouvençau coume se dèu, iéu noun balançariéu de demanda lou doun de vosto lengo. »

Avis i presicaire que, nascu en Prouvènço, n'auson pas se servi d'ou prouvençau !

LOU CASCARELET.

Fau èstre viçi de bono ouro, se voulès èstre jouine long-tèms.

LOU DIABLE PRES PÈR LI GENDARMO.

A TEODOR AUBANÈU.

I

Un vèspre, uno véuso atapavo,
Avans de mounta d'aut, soun fio ;
E, la pauro ! en fasènt eiço,
Pèr soun ome paternejavo.

Coume anavo feni, grand Diéu ! quent espravant !
Entènd un brut d'infèr descèndre di téulisso,
E dins lou fougueiroun vei l'esprit de malico,
Lucifèr, ie sauta davans...

Lou Diable avié dos gràndi bano ;
Èro negre coume un darboun ;
Avié 'ntre man un ficheiroun
E sus lou su 'n bounet de pano.

Avié li det croucu ; d'arpio èron sis artèu ;
Soun cors avié d'un bou la forme e lou pelage :
Lou long mourre d'un porc ie servié de visage,
Avié la co coume un vedèu...

La pauro vénso trevirado
Faguè lou signe de la crous ;
N'avié quàsi plus gens de pous ;
Se sentié li veno jalado.

— N'agues pas gens de pòu , ie diguè Lucifèr ;
 Vènc tant soulamen te faire uno demandò...
 Vers tu , Madelounet , vos saupre quau me mando ?
 Toun paure mort , qu'es à l'infèr !!

— A l'infèr ?... que sort !... paure Pierre !
 — Counsolo-te , n'en sourтира :
 Soun argènt lou poutirara ,
 E de sa part n'en vènc querre.

— Quant ie fau ? digas-lou ! — Pas gaire : cènt escut.
 — Tenès , ve-lis-aqui..... pecaire ! Sa pauro anro ,
 Aquéli quàuquì sòu la tiraran di flamo !...
 Pamens , avié tant bèn viscu !

Lou Diable s'entournè de mounte èro vengu.
 Madeloun , de l'esfrai , nonn pleguè la parpello.
 — Quau saup , disié souvènt la véuso plourarel'o ,
 Ço que moun ome es devengu !

II

Au bout d'un mes pareiguè mai lou Diable ,
 E ie diguè : — Baio-me mai d'argènt !
 N'i'aguè pas proun ! Toun paure miserable ,
 Ço que soufris fai cracina li dènt !

— Pechai ! quant fau pèr lou tira d'affaire ?
 — Dous milo franc ! — Boudièu !! — Ni mai ni men !
 E dins un mes vendrai mai pèr te faire
 Saupre se Pierre es foro di tourmen.

Dous milo franc dounè la bono femo :
 Pèr soun bèn Pierre , ah ! qu'aurié pas douna ?
 E niuech e jour jitavo de lagremo :
 Un ome ansin , pamens , èstre dana !

III

Madelounet perdié quàsi la tèsto ;
 De sounja-n-éu noun poudié s'alassa...

Di sànti Pasco aprouchavo la fèsto ,
E la paureto anè se counfessa.

— Qu'as , moun enfant ? ie diguè lou sant prèire.

Quauque chagrin te rousigo lou cor ?

— Ome de Diéu , voudrés pas vous lou créire

Quand vous dirai mounte es moun paure mort !

E ie countè touto soun aventuro.

Lou capelan , qu'èro pa 'n bedigas ,

Ie dis : — Maloun, eiçò 's quauco impousturo....

Agantaren lou negre Satanas.

Avertiguè tres o quatre gendarmo

Qu'au calabrun venguèron dins l'oustau ;

E Lucifèr , autour de tant d'alarmo ,

Aquelo niue , lou prenguèron tout caud.

Mai , sieguè pas , cresès-vous , sènso peno.

Lou diable fèr ourlavo coume un tron ,

E tabassavo à grand cop de cadeno !

Se defendié coume un diable de bon.

Mai , à la fin finalo , l'assouquèron ;

De l'estaca , pièi , venguèron à bout.

En ie levant soun mourre , quau veguèron ?

De Madeloun lou gusas de nebout !

E l'endeman : — An aganta lou Diable ,

Disien li gènt , lou Diable es en presoun !

Ah ! s'avien pres , crebiéu ! lou veritable ,

Veirian pas tant sus terro de capoun !

AUBERT ,

Curat de Malamort, Capelan d'ou Felibrige.

LI COUDOUN

Disian douc que li noutable d'ou Martegue s'acampèron, e toubèron
acord , à la fin , sus lou presènt à faire à Moussu lou Deputa , qu'èro

vengu rendre vesito i Martegau pèr li remercia d'avé vouta pèr coume un soulet ome. Un present de bèu fru d'ou pais !

— le semoundrian proun de figo bourjassoto o de figo blanqueto , avié di , dins l'assemblado, Moussu Maisso , lou mies emparaula di n' table; — mai, soun eïgalouso : a tant plôugu ! Un bèu gourbelin de p sègue aurié peréu la noste afaire , mai , lou sabès , an agu lou mau. coudoun m'an réussi aquest an. Mi coudounié s'espalancon. Es uno be dicioun de Diéu ! Soun bèu, mi coudoun ! soun floura, soun rous , v prenon pèr l'ine ! Tenès , l'aigo me n'en vèn à la bouco ! E noutas qu'aquest an, soun pas vermenous. léu vote pèr de coudoun.

— Vouten pèr de coudoun, t'outi cridèron

— Cue o crus ? demandè, de soun sèti, tèsto tremouletto, Moussu T sihoun, qu'èro enraumassa.

— Crus , soun aspre e indigèste , repliquè Moussu Maisso. l'a lis enfant e li chatarasso que li manjon crus : li gènt coume se dè manjon cue. Cue , soun un sucre ! E pièi, vesès ! Messiés , counside emé iéu que li Felibre, se sabien qu'à noste ounourable e tant coumplas Deputa , avèn donna la peno de faire couire li coudoun , lou boutar dins soun Armana , e farian rire, à nòsti despèns , t'outi li gènt de Provènço , de Countat e de Lengadò. —

Eici , fau vous dire , l'aguè , dins lou counsèn , grand emboui e g chafaret , un escanfèstre de la maladicoun ! Quan li voulié cue , qu li voulié crus. Li vièi li voulien cue. Li jouine disien . — Baten-lèi cru saran pas toujour à tèms de li faire couire ?

Li poung se sarravon , li brego tremoulavon , lis ine fasièn d'niau , tron de Diéu anavo peta , quand subran Moussu Maisso , tout susarè moutè sus soun sèti , s'escurè e dignè :

— Escoutas que vous parle ! La pas ! Silènci ! Fau pas que lou sa raie.... La pas ! Sian t'outi d'amis !... Nous baten pas ! Sian plus d'enfa Vouten , e lou vote dira se li fau cue o crus. léu vote pèr li fa couire.

— Acò 's bèn di , faguè l'assemblado.

E voutèron.

La majourita faguè pèr li coudoun cue. Li vièi applaudiguèron.

Faguèron donne couire dos bèlli dougeno de coudoun , fru d'elè chausi de la man meme de Madamo Maisso. E pièi, quan l la fruchò fug èuècho à poung , li noutable , Moussu Maisso en tèsto , en àbi di Dime che , lis aduguèron , t'outi caud , dins soun jus , à Moussu lou Deputa

— Moussu lou Deputa , ie diguè Moussu Maisso , voulèn qu'empours d'eicito un dous souveni : vous presentan la flour di coudoun d'ou artegue.

Lou Deputa elinè respetousamen la tèsto , e respoundeguè :

— Messiés , gramaci ! Me fai gau de reçaupre li pu gros coudoun d'ou artegue !

E ie virè lou quiéu.

Li noutable saludè-on , e prenguèron d'aquelo erbo.

Tout-bèu-just s'atrouvavon souto li fenèstro de l'oustau ounte èro des-
cendu lou Deputa , que toumbè sus éli uno raisso de condoun cue. Car
lou Deputa , que, parèis , lis aurié mies ama crus , avié donna l'ordre à
un servician de li traire de la fenèstro en bas. Plonguè de coudoun
de condouna ! Li coudounié n'en perdegueron pas un degout. N'en
guèron t'outi enmoustousi !

— Vous lou disian bèn , faguèron , t'outi coulant , li viè e Moussu
Maisso , vous lou disian bèn que falié li faire-cuire ! Nous amassoulan
n , se lis avian baia crus !

LOU CASCARELET.

Fasès bèn , e leissas dire.

LA CROUS DIS AUBESPIN

A LA FELIBRESSO ROSE-ANAÏS

l'oumplanchou qu'a gagna lou Rampau d'ouliviè de l'Acadèmi de Beziers.

I'a gens de rose sènso espino ,
I'a gens de rire sènso plour.

A. TAVAN.

· A Sant-Roumié , de-vers l'Aupiho ,

Coume lou nis dins la ramiho ,

I'a 'no crous que s'escound , entre d'oume e de pin ,

Ounte jouvènt , ounte chatouno ,

Vènon l'estiéu , vènon l'autouno

Adurre sèmpe de courouno :

Io dison dius l'endré la Crous dis Aubespin.

D'aquelo crous subre li rouino ,
 Un perdigan de chato jouino ,
 Gounflo d'amar plourun, peccaire ! prègo Diéu ;
 Ageinouiado entre dos crosso ,
 Coume un canèu elo se troso
 Davans la crous , ounte s'amosso ,
 Esbrihaudant de rai , un caud soulèu d'estiéu.

Maire de Diéu ! vès ! coume es bello !
 Soun front luis coume l'estello ;
 Si grands iue negrinèu fan d'amour trefouli....
 Sa bruno caro es un pau palo ,
 Si péu frisejon ; — sis espalo
 Escoundon mau si gràndis alo :
 O jouvènt ! s'es jamai rènn vist de tant poulit !

— « Jeuse ! Mariò ! Madaleno !
 Agués pieta 'n pau de mi peno ,
 Dis la pauro chatouno en se toursènt li poung....
 Tout moun courage me desfauto ;
 L'a quinge mes que sién malauto ;
 Vès ! lou plourun nèblo mi gauto :
 Noun plantés mai avans l'espino que me poun !

» Souleto , emé ma vièio maire ,
 Despièi dous au qu'ai gens de paire ,
 Ploure , touti li jour , moun ami , qu'èi sordard .
 Sus li roucas de Sebastople ,
 Fièr prouvençau , enfant d'ou pople ,
 Pèr apara Constantinople ,
 S'èi batn peralin , de dela de la mar.

» Noun sai s'es mort o s'es en vido....
 O crous dis ange benesido ,
 Digas-me lèu ounte èi , se trèvo en quauqué lio.
 Vous que, souleto au pèd di moure ,
 Vesès de liuen , coume uno tourre ,
 Crèisse-lis éuse e li grand roure...
 Mandas-me de soulas ! ma peitrino es en fio.

» Digas-ie bèn que iéu , sa sorre ,
 Se noun vèn lèu , sènte que more :
 Moun cor es trafia , li segreu m'an pali....
 O mi pantai ! vers aquéu qu'ame ,
 Anas-vous-en à grand eissame ...
 Mai en que sièr que iéu m'enflame ?
 Toun amour , o jouvènt , belèu s'es esvali. »

Mai , lou bon Diéu à la manido
 Enebriado e trefoulido ,
 Lou bon Diéu . de sa crous , a dich : « Escouto-me !
 Pichoto flour panca 'spandido
 Que vers l'amour te sies gandido ,
 Quand d'eilamont iéu t'ai bandido ,
 Ères bello ! — Es ansin que la terro vous met !

« Sus terro , o chato amourousido ,
 Tout se passis ! E de la vido !
 Lou riéu noun fai toujours brusi si cascagnòu :
 Tout n'a qu'un tèms , pauro pichoto !
 Fau pièi que more la lignoto.....
 E lou plagnun de la machoto
 S'apound mai-que-d'un-cop au cant d'ou roussignòu.

« A bas , — o jouveinetto , escouto !
 Lou grihet brun , subre sa mouto ,
 Noun toujours fai ansi soun gai cascarelun....
 E , dins l'ivèr , li gràndis aubo
 Coume l'estiéu n'an plus si raubo ;
 Lou calabrun vèn après l'aubo ,
 E la flour se passis , en Crau coume en Palun.

« Vène eicamont , pauro doulènto !
 Laisso lon riéu segui sa pènto.....
 Vène-t'en , vène-t'en amont en Paradis !
 Dins lis amour d'aqueste mounde
 Jamai lou cor a soun abounde :
 Fau que la serp toujours s'esconde
 Dins li bouissoun flouri d'ou pale entravadis ! »

Snbran la crous , la crous tant vièio ,
 Resplendiguè coume dan ciò ;
 Lou bon Diéu se teisë. — Dins lou cèu àzuren ,
 S'entre-vegùè lusi d'estello ;
 E la chatouno palinello ,
 Coume uno santo blanquinello ,
 Toubè , lou front cencha de rai paradisèn !

Vaqui , jouvènt, vaqui, chatouno ,
 Perqué l'estiéu , perqué l'autouno
 Cenchon de blànqui flour *la Crous dis Aubespin* :
 De riserèlli charradisso ,
 De fouligaudi cridadisso
 Noun treboulés òume e schisso ,
 Mai au pèd de la crous pregas souto li pin...

MARIUS GIRARD.

Lendeman de Nouvè, 1862.

Es lèu pres gàrri que n'a qu'un trau.

'UNI BERICLE PÈR IE VÈIRE LA NIUE

L'ounourable Charle David, l'enventour breveta de la *Carreto di Port*
 e dóu *Froumage de Baleno*, vèn d'atrouva 'n engen pèr ie vèire la
 niue. Es pèr lou biais de si luneto que noumo *Cat-grapaud-machoto*
gàrri-ocle.

Li vèire d'aquéli bericle soun fa 'mé d'ine de cat, de grapaud, de macho-
 to , béu-l'òli, rato-penado , panatiero, etc., en un mot de tout bes-
 tiari que ie vèi dins la niue. Sara donc plus besoun de lume , de gaz ,
 de quinquet , ni de queto clarta que siegue, — memamen de soulèn...
 Ah ! n'an pas tort de dire que fau vièure pèr vèire !

LOU CASCARELET.

Quau n'entènd qu'uno campano n'entènd qu'un son.

A LA PU POULIDO E LA PU BRAVO DE NOUESTEI SELOUNENCO

Dins ma vileto
Li a de mourroun ,
Blanc o negroun ,
Que fan lingueto ;
Mai , cres-me iéu ,
Gènto pouleto ,
N'i'a ges de tant fin que lou tiéu.
En qu va dèves ? Au bon Diéu.

Dins ma vileto
Li a mai qu'en-lue
De poulits ue
Que fan lingueto :
Mai , cres-me iéu ,
Tèndro pouleto ,
N'i'a ges de tant dous que lei tiéu.
En qu va dèves ? Au bon Diéu.

Dins ma vileto
Li a mai de cènt
Bèu front risènt
Que fan lingueto :
Mai , cres-me iéu ,
Bravo pouleto ,
N'i'a ges de tant pur que lou tiéu.
En qu va dèves ? Au bon Diéu.

Dins ma vileto
Li a 'n galant vòu
De roussignòu ,
Qu'an la voues neto ;
Mai , cres-me iéu ,
Gènto pouleto ,
Toun cant es lou pus agradiéu.
En qu va dèves ? Au bon Diéu.

Dins ma vileto
 Li a decouer d'or,
 Richeitresor
 Que fan lingueto :
 Mai, cres-me iéu,
 Tèndro pouleto,
 N'ia ges de tant bon que lou tiéu.
 En qu va dèves ? Au bon Diéu.

Dins ma vileto
 Li a d'amourous
 Jouine e courous
 Que fan lingueto :
 Ah ! perqué Diéu,
 Bravo pouleto,
 M'a pas destina pèr lou tiéu ?..
 Qu t'aurié mai ama que iéu ?..

A. B. CROUSILLAT.

Fagues jamai vèire lou founs de ta bourso.

LOU CASSAIRE

Un cassaire cassavo. Un perdigan ie part entre li cambo... Armo soun fusiéu , miro , tiro , pan ! Manco... — e vai cerca lou perdigan.

Ges de perdigan.... rèn ! rèn qu'un bonié que labouravo.

— Digas, brave ome, ie fagnè lou cassaire, aurias rèn vist toumba 'n perdigan , aperiaqui de-long ?

— Pas la co d'un.

— Es pas de crèire!... Ai pamens vist voula de plumo.

— Emai iéu ai vist voula de plumo , e voulavon tant bèn, vous dirai , qu'empourtavon la car.

LOU CASCARELET.

Bon avoucat , marrit vesin.

LA PREIÈRO DE L'ENFANT

I

Moun bèl ange , quand dorme en pas ,
 Baises ma bouco risouletto ;
 Coume, lou jour, menes mi pas,
 La niue , m'acaton tis aleto.

Me brèsses emé de pantai
 Ounte treluson d'angelico ;
 Voudriéu me reviha jamai ,
 De-longo escouta si cantico.

Oh ! fraire , coume siéu urous
 Quand, me disènt de meraviho,
 Vers iéu te clines , amoureux ,
 E me parles de ta patrio.

II

E quand , de-vèspre e de-matin ,
 Moun amo prègo , afeciounado ,
 Di rai de toun front celestin
 Moun amo èi touto aluminado !

Digo à Jeuse que siéu crestian ,
 Pèr que m'ame, lou bon Sauvaire !
 Digo-ie , bèl ange gardian ,
 Que vole l'ama pèr ie plaire !

E que benesigue mi gènt ,
 Ma bravo maire , qu'en touto ouro
 Me poutouno en trefoulissènt ,
 E que tant m'amo que n'en plouro

Sèmpre ta man tèngue ma man ,
 Moun ange ! coume sus l'image
 Que me baiè ma pauro grand ,
 Pèrque siegue toujours bèn sage.

III

Sariéu sus terro en paradis ,
 Se , reviha. poudiéu te vèire ,
 Vèire toun front que respandis ,
 M'enebria de toun èr risèire.

Tambèn ! perqué te vesèn pas ?
 Souvènti-fes iéu me revire :
 Crese d'ausi ti pichot pas !
 Voudriéu alor te sourrire....

IV

M'an di, — bèl ange, es-ti vrai ? —
 Que cade jour adus sa peno ;
 Man di qu'en vènent grand , saubrai
 Que d'auvèri la vido es pleno...

Me laisses pas , s'acò 's ansin ,
 Dins l'oumbro de la maluranço ,
 E fai lusi , sus moun camin ,
 Lou bèu soulèu de l'esperanço !

Peréu m'an di.... ai ! las ! malur !...
 Noun ! gardarai ma raubo blanco :
 Vole , coume tu , resta pur :
 Siegues doune sèmpre ma calanco.

Assousto-me di brounfounié
 Souto tis alo vierginello ,
 Coume , dins soun dous pijounié ,
 Vai s'assousta la tourtourello.

Se l'auragan es pièi tant fort ,
 Quiten , moun fraire , aquesto terro ;
 Prene-me sus tis alo d'or :
 L'a Jeuse , amount , que nous espèro !

ROSO-ANAÏS ROUMANILLE.

LOU MOUNIÉ

Un mounié anavo sus soun ase à soun moulin de vènt.

— Ounte anas ansin , vous àutri dous ? un escoulan ie diguè .

— Cerca de fen pèr nous-àutri tres , ie faguè lou mounié.

LOU CASCARELET.

Pèr tira d'aigo au pous esperès pas la set.

A-N-UNO JOUINO MAIRE

N'agues pas crento , jouino maire !

Vai , noun escoundes toun mamèu :

A soun nistoun , à soun tetaire

Douna soun sang , acò 's tant bèu !

Tè , regardo aquèu gènt image

De la bono Maire de Diéu :

Soun sen , foro de soun coursage ,

Qu'a d'iumoudèste o de catiéu ?

Es uno font. Maire esmougudo ,

Laisso toun pitre descubert ,

E la vido , à bèlli vengudo ,

Raia d'aquèu tresor dubert ;

Car i' a rèn de plus dous à vèire

Qu'un bèl enfant atetouni ;

E fau leissa briha lou vèire

Ounte se bèu un vin sani.

JAN BRUNET.

Avignoun.

Jamai vièi chin japo en van

L'EMERIAGO

Un embriago trantraïavo ; toumbavo pèr s'auboura, e s'aubouravo pèr
toumba :

— Avès tort , ie disien li gènt que lou rescountravon, avès tort de
tant béure , goujard !

— Ai pas tort de béure , respoundié. Nàni, ai pas tort !.. Mai, vesès
ai tort de camina quand ai begu.

LOU CASCARELET.

Li grand laire pendoulon li pichot.

CANSOUN NOUVIALO

Mes que fas ama ,
Emai embauma
Roso e barbaïovi ,
O Mai , mes d'amour , de cant e de flour ,
Escampo lou cant , li roso e l'amour
Sus lou front di nòvi.

Pèr lou roussignòu
Que couvo sis iòn
Donnes l'oumbro e l'auro ,
E dounariés rèn au gai troubadour
Que d'un iue fousquet couvo sis amour
Bello coume Lauro ?

Bastis-ie soun nis ,
Noun d'entravadis ,
Mai de fueio d'èure ,
Un pau escoundu , pèr qu'à soun lesi ,
Begon lou bonur, begon lou plesi
Dins lou meme béure ;

Pèr que si poutoun
De-longo bessoun

Noun poscon s'entèndre
 Di fres ventoulet, dis aubre ramu :
 Car m'es esta di que li poutoun mut
 Èron li pu tèndre.

E lou mes de Mai
 De soun rire gai
 Respond au Felibre :
 « Aqueste matin siéu de bono imour ;
 Farai que toustèms dis ouro d'amour
 Legigon lou libre. »

ANSÈUME MATHIEU.

Sus lou cros d'un brave ome , an escri :

*Ço qu'ai despensa, l'ai perdu ;
 Ço qu'aviéu, l'ai leissa ;
 Ço qu'ai douna, l'ai encaro.*

NOUVELUN

Qu'es dous de camina dins uno draio gènto ,
 Lou matin d'un bèu jour de Mai ,
 Quand vous sentès ama d'uno douço jouvènto !
 Sias pensatiéu , pamens sias gai.

Caminas lóugeiret , e la draio perdudo ,
 Li grand pibo ramu , l'aubespín en sentour ,
 Vous parlon de l'amigo eilalin escoundudo ;
 Vous assetas un pau , assajas uno flour.

— « T'amo bèn , t'amo bèn, vous dis la margarido !
 Jouvènt , jamai t'amara tant ! » —

Lou jo vous es plasènt ; mai l'autro flour causido
 Respond : — « T'amavo mai l'autre an. »

— « T'amo mai , t'amo plus , » redison li floureto ;

La ràbi d'èstre ama vous fai passi li flour.
 — « T'amo enca , t'amo enca , dis la margarideto ,
 Perqué me desfuia ? t'amo encaro d'amour. »

Li flour soun alassado e n' i'a proun de culido.

Mai lou roussignòu , cilamount :

— « Vese uno sauro , dis : sus sa bouco poulido
 Jougou lou rire e li poutoun. »

« T'amo plus ! Es à iéu e noun à tu , fringaire ,
 Que mando si poutoun , e ie doune mi cant ;
 Peréu , quand l'ivèr jalo , à soun galoi cantaire
 La chato sus la nèu m'embriso de soun pan. »

La bouscarlo respond : — « Nani , la chatouneto

N'amo que tu , galant jouvènt....

En tout ço que patis , car es douco e braveto ,
 Douno soun pan , quand la fre vèn ;

T'amo mai ! » — « T'amo plus ! dins soun èso redouno
 Nous escound quàuqui-fès : fai bon aqui dedin. »

— « T'amo mai , t'amo mai , l'amourouso chatouno !
 T'amo , vaqui perqué trèvo sus toun camin. »

E l'aureto risié dintre lou verd fuiage

Ounte chamaton lis aucèn ,

E m'acò so trufant d'aquéli babillage

Disié 'n risènt : — « Belèn ! belèn ! »

Mai tout se taiso , chut ! aucèn , margarideto ,
 Fernisson douçamen. .. Plan-plan , sèns pourta 'sfrai ,
 Quan vèn dins lou bousquet ? — Belèn toum amigueto ,
 Qu'en te vesènt passa , s'es dicho : l'anarai.

LOU FELIBRE DE L'EIGUETO.

ALBUM PROUVENÇAU

pèr Lettaire.

Souto lou titre d'*Album provençal*, l'editour Gueidon , de Marsiho

esgruno en aquest moumen uno serio de dessin de Letuaire , de Tou-
un , noste nouvèu counfraire. Es de tipe loucau , — bastidan , nèrvi ,
alo-bon-tèms , renaire , repetiero , etc. — retra sus lou vièu em'uno
ouncho de galejado , còume fai Gavarni. I'a pèr tóuti li goust , mai
uàquis-un nous an bèn agrada.

Un d'aquélis image represènto un vièi manobro — que, d'uno man,
orto un coufin , uno palo de l'autro , e sus la tèsto uno gamato de
mourtié. Lou paure fai la bèbo , pecaire ! e n'a pas tort , car dessouto
a d'escri :

De que mi serve d'être ana à l'escolo ?

Un autre bon es aquéu brave encian, asseta, pensatiéu, sus un bancau
e pèiro , tubant soun cachimbau e la cambo sus l'orle. Segur es matrassa
èr l'age , car sa barbo blauquejo e soun esquino fai lou pont ; segur
es pas trop drut , car a li braio pedassado , gens de debas , lou capèu
enclóuta... mai porto dius la caro un quaucarèu de sièr que vous ispiro
ou respèt. Saluden-lou : *A fa la campagne d'Egito.*

Quinte es bèn réussi ? es aquelo coumaire emé lou grand capèu, que
ènd de flour pèr la Fèsto-de-Diéu , dins li carriero de Touloun.
Còume camino bèn , emé sa faudo gounflo ! e còume crido bèn , em'un
àubi tout siéu : *La bello ginèsto !*

Enfin lou mai coumique es aquelo peissouniero couchado au founs
d'un lie. Lou medecin vèn pèr la vèire , e quand i'a regarda la lengo :
*nen, ie fai, vési emé plesi que lei coulour revènon e que la lengo es assas
oueno...* La peissóuniero ie respond : *Ah ! Moussu lou Mège, digas-vo
eu à moun marit, que dis que siéu la plus marrido lengo dou quar-
ié !*

LOU CASCARELET.

Un embriago disié : Moun vèntre tèn barrau , em'ai gansouio ;

DORME , MOUX ENFANTOUN

Musico de J. A. Fruchier

Ve , lou sèulèu s'esound , es l'ouro de se jaire :
Plego tis iue , ma fiho , e lèu la som vendra ;
Apielo toun bèu front sus lou sen de ta maire ,
Saras caudeto em' elo , e Diéu te benira.

Dourmiras de la som facho pèr lis angèlo
 E pèr lis angeloun que Diéu nous mando,eici ;
 D'aquelo som tant douço e tant refrescarello
 A ta maire souleto es degu lou soucit :
 Soucit que l'amour baio i femo bèn nascudo ,
 Soucit plen de bonur , de joio e de soulas !
 Mai vas ploura , pecaire ! ah ! siegues pa 'smougudo ,
 Dorme , moun enfantoun , tis iue soun enca las..

Fai toun ne-ne , ma bello , es l'ouro de se jaire , etc.

T'amo bèn tant , pecaire ! à peno se soumiho ,
 La niue , quand t'a pausado aqui dins toun bressoun ;
 Au mendre pichot brut , s'esfraio , se reviho ,
 E de ne-ne som-som te redis la cansoun.
 Ço que te dise aqui pèr tu n'es que mistèri :
 Counèisses que lou jus que raio dòn mamèu ;
 Mai , quand d'eici-de-bas coumprendras li misèri ,
 Sentiras que l'amour es ço que i'a de bèu.

Embrasso-me , ma bello , es l'ouro de se jaire , etc.

Dorme , moun enfantoun , ta som es lindo e bello ,
 Sies un ange de Diéu , sies forço urouso ansin ;
 Pas gens de pensamen treboulon ta cervello ,
 E lou sen d'uno maire es un tant dous couissin !
 Tout proche de la miéuno , ah ! se poudièn encaro
 M'endourmi qu'auqui-fes , me senti caressa ;
 Paire , sarièn enfant , e te dirièn tout-aro...
 Qu'ador en te bressant me sentirièn bressa !

Mai vese qu'es proun tard , es l'ouro de se jaire :
 Plego tis iue , ma fiho , e lèu la som vendra ;
 Apielo toun bèu front sus lou sen de ta maire !
 Saras candeto em'elo , e Diéu te benira.

ROUNIÉ MARCELIN.

(Tira de la publicacoun musicalo *Zountoun prouvençau*,
 encò de L. Athenosy, à Carpentras.)

L'ARROUINA

Japo-à-l'asti devié vint franc à Boufo-la-balo. Boufo-la-balo anè trouva apo-a-l'asti, que manjavo, — èro lou bèu jour de Nouvè, — uno dindo oussou coume un fiéu d'or.

— Japo-à-l'asti, ie dignè Boufo-la-balo, voudriéu bèn saupre quouro ne pagaras ço que me dèves !

— Voudriés bèn saupre ? mai sies bèn curious !

— Te dise que vène querre mi vint franc !

— Ti vint franc ?.. Ah ! s'aviéu vint franc, moun ome, auriéu croumpa le rabasso pèr prefuma ma dindo....

— Parlen pau e parlen bèn, e galejen pas. Mi vint franc, te dise !

— Siéu arroquina, e n'ai pa 'n sòu.

— N'as pa 'n sòu, galavard ! e manjes uno dindo ?

— Uno dindo... moun brave Boufo-la-balo ! Que vos ? a faugu la tua: boudiéu plus la nourri.

LOU CASCARELET.

Quau mau noun fai, noun mau pènso.

A LA MACHOTO

Dins la sournò espessour de l'òume que se ramo ,
Souto un cèu pur e siau , à la luno d'abriéu ,
Machoto , de la nue derroumpes la calamo ,
E toun triste plagnun me rènd pensamentiéu.

O, ta noto pietouso e lindo vai à l'amo...
Adounc à tei soulas vouele jougne lei miéu :
De-longo regretous, moun couer souspiro e bramo,
Revassant d'un bonur de-longo fugitiéu...

O ! bèu jour de l'enfanço embauma d'innocènço !
O ! jue tant fouligaud , vivo e franco baudour !
O ! poulit soulèu d'or de la gaio jouvènço !

O ! fres e dous pantai d'esperanço e d'amour !

O ! vano glòri , van desir , vano sabènço !
 O ! benura li mouert dourmènt dins lou Segnour !...

A. B. CROURSILLAT

Mèu en bouco, fèu en cor.

UN MOT DE L'ACADEMICIAN RAYNOUARD

Un vièi prouvèrbi , proun insoulènt au regard d'ou femelan , dis ,
 coume t'outi sabon :

Li femo noun soun gènt.

L'academician Raynouard, — qu'èro de Brignolo, — adouciguè pou-
 lidamèn aquèu laid desprepaus, e veici coume disiè :

Li femo noun soun gènt , mai soun gènto.

Es lou meme Raynouard qu'a publica li ponesiò oureginalo di Trouba-
 dour en sièis voulume , segui plus tard d'ou leïssique rouman en sièis
 àutri voulume.

LOU CASCARELET

Ami de cadun , ami de degun.

A. GARIDET

Sèmpre à moun coustat , galantouno ,
 Te vese cade jour de l'an :
 le sies , quand la roso , boutouno ;
 le sies , quand bosque lou calan.

Te vese , s'amasse de fueio ,
 Sies aqui , quand , segan lou blad ,
 Fèr lou bèu tèms o pèr la plueio ,
 Se fose o s'anan restoubla.

Se garde ma cabro , te vese ;
 Te vese, s'abéure moun miou ;
 Se vau au champ , se gase Ceze ,
 Se , lou vèspre , tourne à Bagnou.

Aqui lou matin quand m'eivihe ,
 Ie sies , lou jour , dins moun travail ;
 Ie sies , lou sero , quand rroupihe ;
 Ie sies , la niue , dins mi pantai.

O , sies sèmpre emé iéu , ma mîo !
 Siéu jamai mens soul que soulet !
 Pènsè qu'à tu : gèns d'autro fiho
 N'èi bello... coume Garidet !

— LEON ALÈGRE

Escoubo novo fai bèu sòu.

CANT NACIOUNAU DE LA POULOUNGNO

(*Tradu dou poulounés.*)

La Poulougno , aquelo nacien en plour , aquelo martiro dei nacien ,
 rado à tres quartié pèr l'aiglo à tèsto bessò de la Russiò , de l'Autricho
 de la Prusso , espeçado , espoutido , viéu toujours e toujours rèsto la
 poulougno. Se revihò , aro , subre sa crous saunouso , e soun glàri
 nadiéu fa tresana leis oupressour. Coumo lei sant d'autan que jitavon
 bèsti , lei Poulounés prègon e dison de cantico en faci di baiouneto ,
 ntre la grelo de la mitraio. Quand lou pople es ageinouia dins la glèiso
 r ausi la messo , lou pople entié , capelan , ome , femo , enfant , vièi
 jouine , fan restouniti aquest cant naciounau :

Segnour , que , pendènt tant d'annado ,
 Enviroutaves d'esplendour ,
 De poudé 'mé de renoumado ,
 Nouesto Poulougno e sa grandour ;

Que la garaves d'avario...
 T'en pregan au pèd de l'auta :
 Segnour , rènde-nous la patrio ,
 E rènde-nous la liberta !

O tu que dins noueste naufràgi
 Nous as amarra toun secour ,
 E qu'as empura lou couràgi
 De nouèstei bràvei defensour ;
 Qu'as ta que nouesto glòri briho
 Meme dins lei calamita ,
 Segnour , rènde-nous la patrio ,
 E rènde-nous la liberta !

Tu de qu l'alénado fonde
 Tout scètre e tout fèrri catiéu ;
 Que tonesses lei mèstre dóu mounde
 Emé toun bras , Diéu venjatiéu !
 Dei tiran fonde la furio
 E vène lèu nous ajuda !...
 Segnour , rènde-nous la patrio ,
 E rènde-nous la liberta !

Diéu tres fes sant , Diéu de proumessò ,
 Lèvo ta man , e benesis
 Leis ardour de nouesto jouinesso ,
 Leis esfors de noueste païs.
 Un mot de ta bouco recreio ;
 Un mot pòu nous ressuscita...
 Segnour , rènde-nous la patrio ,
 E rènde-nous la liberta !

O Dién ! pèr lei plago saunouso
 De noueste Segne Jesu-Crist ,
 Duerbe leis estello auturouso
 A nouèstei fraire qu'an peri.
 De lagremo pèr la freiriho !
 De cant plourous davans l'auta !
 Segnour , rènde-nous la patrio ,
 E rènde-nous la liberta !

Diéu grand ! li a panca cènt annado
 Qu'as derraba de noueste sòn
 La liberta ! S'es enanado ,
 Ensaunousido e dins lou dòu !...
 Mai d'aquéu que nous deivarìo
 Lou remors rouigo lou coustat...
 Segnour , rènde-nous la patriò ,
 E rènde-nous la liberta ?

Se de la patriò terreno
 La perdo aveno tant de plour ,
 E s'un pople dins lei cadeno
 Gingoulo emé tant de doulour ,
 Ah ! de l'eternalo armouniò
 Que la perdo dèu countrista !...
 Segnour , rènde-nous la patriò ,
 E rènde-nous la liberta !

J. B. GAUT.

A-z-Ais.

Avèn toujours mai de bèn que de vido.

LA BARIOTO

Un paure paire de famiho, qu'avié besoun d'argènt, anè branda la
 unpaneto à la porto de Moussu Larpian, que saup tant bèn uia la rodo
 e sa barioto.

- Me faudrié sièis cènt franc pèr un an.... Se poudias me li presta!
- Sièis cènt franc vous prestarai.
- E quant me prendrés pèr cènt ?
- Resounablamen · lou cinquanto.
- Lou cinquanto !!! Eh bèn ! siegue !
- Interès en dedins, valent-à-dire que me farés un papié de sièis
 ent franc, e vous coumtarai cènt escut.
- Cènt escut !!! Eh bèn ! siegue !
- Passas deman, que vuei es Dimenche, e fau que vague à la messo :
- u darrié vèn de souna.

— Passarai deman.... Adessias , brave ome !

— Pourtas-vous bèn.

A dina , Moussu Larpian conto à sa femo lou bon pache que vèn de faire :

— Prestaras , ie dis Madamo Larpiano , sièis cènt franc pèr un an o baiaras cènt escut?..... Que noun prestaves pèr dous an, darut que tu sies ! auriés rèn baia,....

LOU CÂSCARELET.

L'ome es lou fio , la femo l'estcupo , e lou diable boufo.

A MADAMISELLO J. G.

Un des reflets du ciel c'est le rire des femmes.

VICTOR HUGO

De mounte vèn, madamisello ,
Que voste front es tant poulit ,
E que la luno e lis estello
Soun mens sereno , soun mens bello
Que voste rire enfantouli ?

Perqué doune sus vòsti bouqueto
Jamai aquén rire s'envai ?
Semblablamen à la sourgueto
Que fai jouga sa puro cigueto ,
Que fugue Avoust , que fugue Mai.

De-qu'èi que vous rènd tant countènto
Que vous cresèn d'eïlamoundaut ,
O chato à la caro avenènto ,
I maniero en touti plasènto ,
E qu'avès sèmpre lou cor siau ?

Se de voste iue la bounta raio ,
Se nautre ie vesèn dedin
Belugueja vosto amo gaio ;
Se lou bomir , qu'amount dardaio .
Jito sus vous si rai divin ,

Èi dóumaci , madamisello ,
 Que samenas à voste entour
 Di bèn la longo ribambello ;
 Èi dóumaci , douço anjounello ,
 Que vosto man seco li plour.

Acò vèn que sias amourouso
 Que di benfa qu'espandissès ;
 E d'éli vosto amo èi courouso ,
 E la pieta vous rènd urouso
 De tout lou bèn que nous fasès.

E lis ange e lis angelico ,
 Vesènt uno sorre dins vous ,
 La niue vous canton de cantico ,
 E vejon si sànti melico
 Dins voste cor amistadous.

Segur sias l'ange counsoulaire !
 Ah ! dins li jour plen d'amarun ,
 Vous ai di : Pieta pèr ma maire !
 E , tant bono , en disènt : Pecaïre !
 Avès arresta si plourun.

E siéu urous à parti d'aro ,
 Car soun bonur me fai urous ;
 E si lagremo tant amaro
 Que regoulayon sus ma caro ,
 Se soun chanjado en rire dous.

Oh ! gramaci ! Vaqui moun amo :
 Veguès dedins tout ço que i'a !
 Voudrié parla , mai tèn calamo :
 Elo n'a gens de mot de flamo
 Pèr, coume fau , vous remercia.

Mai Font-Segugno se reviho ,
 Abriéu a ris. Lou fres èi bon :
 Anarès pas sout la ramiho ,
 Aquest an , 'mé vosto famiho
 Escouta lou murmur di font ?

Li font, li fueio d'ou bouscage,
 Lis aureto e lis auceloun,
 L'oumbrino à pautai plen d'ïmage,
 Li grands aubre plen de ramage
 Ounte ai escri voste bèu noum,

Se 'n cop venès, madamisello,
 Dins voste valoun benesi,
 Tout prendra 'no gràci nouve!lo;
 La coumbo se fara plus bello,
 E pèr iéu vous dira : Merci !

Car n'ai reçaupu la proumesso
 A geinoun, au bord d'ou pesquié :
 Emai fugués sa signouresso,
 An l'ounour de vòsti caresso,
 E soun emé vous famihié.

Ai di peréu i bouissounaio
 De senti bon quand passarés ;
 Ai di : Douno d'oumbro, à la draio ;
 Au roussignòu ai di : Gasaio ;
 I roso, i vioulié : Flourissès !

E dise, e dirai au bon Paire :
 Gardas-ie la pas eicavan.
 Moun Diéu ! counservas-ie sa maire ;
 Donnas-ie lou bèn que vòu faire,
 E piéi la glòri eilamoundaut !

A. TAVAN.

Avignon, abrién 1857.

Muraio blanco, papié de fòu.

LOU TREGEN DE LA POUCELADO.

Un bèu jour de marcat, Mèste Guintrand, que menavo lon bèn d'un gros moussu de Nimes, vèn vèire soun bourgès pèr ie parla d'afaire. Lou trovo à taulo que dinavo en coumpagno emé d'àutri moussu.

— Ha ! ha ! mèste Guintrand , bèn ! sias un pau eici ?
 E se virant vers li coulègo : — Es moun rentié , dis , un brave ome ,
 de la bono , emai que saup mounte dor Jano.... Pas vrai , mèste
 Guintrand ?

E chascun di taulejaire disié la siéuno au païsan, mai degun ie disié
 e s'entaula.

— Asso ! autramen , coumpaire , venguè lou moussu , que i'a de nòu
 noste mas ?

— Hòu , respoundeguè lou meinagié , acò 's toujours l'acoustumado :
 autre fasèn la terro e li galino fan lis iòu... Ah ! soulamen, tenès, —
 ie ie pensave plus, — la trueio a poucela , parlant sènso respèt , e n'a
 trege !

— Trege poucèu ?

— Trege poucèu, Moussu ! E se capito que la maire n'a que douge
 amèu.

— Ah ! pèr eisèmples , diguè lou bourgès , aqui Misè Naturo s'es pas
 au enganado ! car lou tregen, coume fara ?

— Ato ! repliquè l'autre , fara coume fau iéu, Moussu : regardara !
 Lou Moussu n'aguè 'n pan , e faguè plaço à taulo au fin coumpaire.

LOU CASCARELET.

L'obro lauso lou mèstre.

LOU ROUSSIGNOU E LA MACHOTO

FABLO

Moussu Juli Courtet, encian Sout-Prefèt, ajoun à la Mairio d'Avignoun

Fai marrit èstre vièi , se disié 'no machoto :

Mesprés e patimen tènou coumpagno is an ;

Mis alo soun de ploumb , mi cambou soun paloto ,

E mi dous iue, qu'antan

Trelusènt coume dos estello ,

A travès li pivello ,

Fasien lume à moun bè pèr ma casso de niue ,

Dins li lagremo se soun cuïue.

A tèms passa, sus la branqueto ,
 Coume un fru bèn miadur , culissièu sèns travai ,
 Grasset , quièn blanc o bergeireto ,
 Que, sèns li reviha, mandave à moun gavai.
 Aro manje d'aragno, o bèn d'escaravai !

E pamens , pauvo invalido ,
 Aurièu tant de besoun de faire bono vido !
 Uno idèio me vèn : i'a 'n marrit roussignòu
 Que m'embounis de si roulado ;
 Ie vole mounta 'n plan. Sara bèn fin , se pòu
 Evita la malemparado. —

Lou siblo quatecant : l'auceloun vèn :
 — Me vaqui ! qu'èi que vos ? — Un service , pecairè !

— Dous pulèu : èi de bèn
 Qu'à ièu me fau, lou bèn qu'is autre pode faire.

— Pamens sian pas compaire.

— D'ajuda i'a de goust

Enjusqu'un enemi qu'es vengu mau-urous.

Pos parla ! — Dins moun traù , ie dis nosto arrusado ,

Sièu uno pauvo abandonado ,
 Toujours presto à bada ma darriero badado.

Segur vièurièu dès an de mai ,

S'avièu lou cor un pau pu gai :

Pèr acò me faurrié canta mies que jusqu'aro ;

Ma vido, à-tout-lou-mens, sarié pas tant amaro.

Castil-Blaze, un juge bèn fin ,

Me mandè 'n jour aquest quattrin :

« Machoto, me piques à l'amo !

« N'as qu'un toun; mai qu'es round, qu'es bèn !

« Se n'acampaves uno gamo ,

« Cantariés mièus que ges d'aucèn. »

Assajarai. Se vos adounc, grand musicairè ,

Me donna quàuqui leiçoun ,

Apoundrièu quàuqui cansoun

A moun siblet , vaqui l'afaire.

— Sièu preste , dis roussignonlet.

— Quant lou cachet ? — Acò de te rèndre service ,
 Me pagara soulet.
 Acoumencen noste eiserce !

L'aucèu alor ie canto un èr simple, plan-plan ,
 Coume *Ah ! vous dirai-je maman.*
 La machoto fai *chou*, mai n'en pòu pas mai faire.
 — Aflato-te de ièu , pièi ie dis la coumaire ;
 Vejeici 'n casseiròu lou fusiéu à la man ,
 E vers noste aubre cambejant !
 Se te vèi , sies perdu ! — Pèr m'inspira de cant
 Ie dis lou roussignòu, me fau pas la sourniero :
 Me fau la liberta , lou grand èr e lou cèu !
 Alor ai d'estrambord, e coume uno preiero ,
 S'enauro moun avoues d'aucèu. —

E tout-d'un-tèms roussignoulejo :
 E pan ! lou casseiròu sus éu bandis soun ploumb.
 La pauro bèsti trantaiejo ,
 S'esfoulis.... ai ! belèu n'en fara pas soun proun !
 La machoto ie cour, crèi de faire manjoio,
 Aquelo bono-voio !
 Mai l'auceloun reviscoula
 S'envolo counsoula
 Sa pauro roussignouleto ,
 Que se cresié d'être véusetto.

— Per-de-que, moun ami, t'aliuncha de l'oustau ?
 Canto proche de ièu , ie dis, cantarás siau.
 — Seguirai tou counsèu , ma caro Filoumèlo. —

Lou counsèu de la couvarello
 Es oubliada lou lendeman :
 La machoto a fa *chou*, ie volo quatecant :
 — Moun Diéu ! l'as escapado bello
 A-ièr ! Se mē cresiés, ie dis lou nas croucu,
 Vendriés dins ma borno : ai que mai pòu pèr tu,
 Désempièi tou escaufèstre.
 — Noun, fau que ma mita me vegue de soun nis ;
 Acò la tranquiliso, emai la rejouïs,
 Ie respond. — E gounflant soun gavai de grand mèstre,

Embandis vers lou cèu cènt fusado , en l'ounour
 De Diéu, que i'a sousta si jour !
 Aquéu devé coumpli, sounjo à sa femeleto :
 le canto sus lou toun lou pus amistadous ,
 De poulit revihet, de tèndri cansouneto ,
 Soun repertòri d'amourous.
 E pièi noste grand musicaire ,
 Apoundènt à sis èr un fioun moulan, bressaire ,
 Encanto tout ço que l'ausi.
 L'escoulano , autambèn , fai chouque de plesi ;
 Pantaio qu'à la fin n'en vai faire sa casso ;
 Bat dis alo, pren vanc em'un grand tarabast ,
 Pataflou ! rodo eiça-bas !

Pèr fourtuno , un reinard aperaquito passo ,
 Que fai de la machoto un assas bon repas.

Souvènt dins sa proprio fiellasso
 L'ome alabre e catiéu
 Cabusso e fai la viro-passo
 Pèr la permissioun dou Bon-Diéu !

AUGUSTIN BOUDIN.

Avignoun.

LI LUNETO VERDO

Un avaras baiavo à soun ai pèr pasturo
 De paio e de poutras : la manjaio èro duro !
 A la longo, noueste ai n'en devenguè sadou ;
 Manjavo plus · venié se coumo l'amadou.
 L'avaras , que cregnié de pèrdre soun bestiari,
 Voulié, sèns desboursa , sourti d'aquel auvèri.
 Cerco que cercaras ! atroubè 'queste biaï :
 Fè faire ùnei luneto en vèire vèrd à l'ai ,
 Pèr qu'en viant verdeja diutre sei dènt la paio ,
 Noueste ase pèr de fen prenguèsse la manjaio !

J. B. G.

VILO-NOVO

A M. AUBERT DE LINSOLAS

Monstral amor verus patriæ.

VIRG. EN. XI, v. 892.

Vilo-novo ! o ciêta mounte èi nascu moun paire ,
 Ounte souvènti-fes , dins mi soungé d'enfant ,
 Cresiéu vèire , à mouloun , de valènt guerrejaire
 Sus ti tourre la niue trevant ,
 Ounte, quand dins toun fort lou vènt-terrau boufavo ,
 Cresiéu qu'un chivalié cridavo :
 Is armio ! en brandant toun drapèu ,
 Se noun siéu court d'alén , vole èn-un cant de glòri ,
 Reviéuda ti trelus e toun antico istòri ,
 O fiho de Felip lou Bèu !

Que de grand souveni ! n'as à jabo e de cobre :
 Pèr sòu se vèi enca mounte Marto passè ,
 Quand mountè d'eilavau , vinceiris d'ou coulobre ,
 E que , feroujo , t'acassè.
 Alor èro lou tèms di santi penitèto :
 Cazarieto repentèto ,
 Bagnavo toun roucas de plour ;
 E quand la niue venié , lis ange davalavon ,
 E pièi sus lis estello em' elo s'envoulavon ,
 Pereilamont vers lou Segnour.

Alor Carle Martèu sus lou moure s'ouavage
 Ounte ta madaleno , aclapado, dourmié ,
 De retour de si guerro anavo en roumavage
 E bastissié toun abadié ;
 Alor Sant Benezet em'un bastoun passavo ,
 E coume l'auro s'enanavo
 En Avignoun : aquel enfant
 S'enanavo basti , causo qu'èi pas de crèire !
 Lou pont meravilhous que tau qu'un grand courrèire
 Encambavo lou Rose grand.

Alor Felip lou Bèu disié : — Sies auto e bello ,
 Avignoun ! Fas la lèi au païs d'alentour ,
 E li pople, espanta, d'uno Roumo nouvello
 En tu retrovon l'esplendour.

Mai saras pas toujours la vilo segnouresso :
 Vole que dōu Miejour mestresso ,
 E caro à caro te vesent ,
 S'espandigue au soulèu uno cièuta reialo...
 Ah ! tremolo, Avignoun ! car deja ta rivalo
 Aubouro soun front trelusent. —

E lou rèi , au coustat de ta sorre jalouso ,
 Vilo-novo , lou rèi t'assetè pèr la man ;
 Sus ta tèsto boutè de tourre espetaclouso
 Coume uno cencho de diamant ;
 Alor , i pouderaus pagant la regalado ,
 Tu receviés en assemblado
 E l'empeiraire e si baroun ;
 Papo , rèi , cardinau , dins ti bàrri venguèron,
 E, coume Innocènt VI , tōuti te saludèron
La Coumbo de benedicioun !

Au rèi Jan subre-tout , Vilo-novo , agradaves :
 Mai de dèc cop venguè te vèire ; e quand venié,
 Au son di tambourin e di graile , boundaves ,
 Enamourant si chivalié ;
 Eli, dins li tourné de toun *Camp de Bataio* ,
 La lanço au poung e tōuti en aio ,
 Li vese encaro tournejant ..
 Car estènt pichounet, ma bailo , quand plourave ,
 Me disié grevamen : — Pichounet, siegues brave...
 Senoun vau souna lou rèi Jan. —

Quau te vèi que t'a visto, o ma patrio amado !
 Quand, souleto, is Anglès , di vilò dōu Miejour ,
 Barrères ti pourtau, e quand ta rudo armado
 Coumbateguè trento-tres jour ;
 Tu peréu , Vilo-novo , agnères ta Piéucello ,
 Ta Berenguiero chaplarello
 Que lis Anglès agarriguè ;

E l'enemi goulau , coume un flo d'escoubiho ,
 Qu'emé soun revoulun lou Mistrau escampiho ,
 A sa visto s'esvaliguè.

Ah ! peréu , quand pu tard , esfraious e vincèire ,
 Emé sis Ugapaud lou Baroun dis Adré
 Davalè ravaja ti terro , fauguè vèire
 Ti ciéutadin sus ti merlet !
 De vint milo sôudard que d'amoundaut toumbèron ,
 N'iaguè que milo qu'escapèron
 I cop de ti guerrié ! Tambèn ,
 Quand de-vèspre s'ausis de brut dins la sournuro :
 — Lou Baroun dis Adré, disèn , dins la planuro
 Vèn ploura sis ome jasènt. —

Mai soun passa li tèms ounte , subre ti moure ,
 La lanço di coumbat uiaussavo au soulèu.
 Ti palais soun desert , e sus ti fièri tourre
 Floutejo plus toum vièi drapèu....
 Es egau ! ères bello ! E , bèn que dins lou sourne ,
 Lou resplendènt soulèn s'entourne ,
 Escound pas touto sa clarour ,
 E long-tèms dins la niue lusejon si raiado ;
 Ansin , quand uno vilo es de glòri maiado ,
 Jamai de-fouus perd sa grandour.

Pièi , ta vièio Abadié , pièi ta grando Chartrouso ,
 Pièi toun Fort Sant-Andriéu sus toun mount Andaon ,
 E d'ou papo lunoucènt la toumbo majestouso ,
 E l'antico tourre d'ou Pont ,
 Rèsto d'aquéli jour d'esplendour e de lùssi
 Que se rison d'ou tèms destrùssi ,
 Soun pas aqui pèr te canta ?
 Sies coume lou guerrié soulounbra pèr sa glòri ,
 Qu'estènt vièi , en revant i jour de si vitòri ,
 Se pauso dins l'escurita.

Adounc , garden toujours , fraire de Vilo-novo ,
 Lis us de nòsti paire e lou parla d'antan :
 Anen pas li chabi pèr de coustumo novo ,

Car es aquí que remountan.
 Longo-mai Cacho-fio revèngue emé l'aiòli,
 E longo-mai lou bon Saboly
 Se cante autour dón recaliéu !
 Longo-mai de Sant Marc la souco enrasinado !
 E longo-mai aurés dins vòstis oustalado
 La benuranço dóu Bon Diéu.

EMILE RANQUET.

Vilo-novo , 1 de novèmbre 1863.

A grosso bèsti, gros mourrau.

TOUT-DE-NÈR

Tout-de-nèr , un louchaire , poudié plus dourmi. Anè trouva lou m
 decin.

— Siéu malaut , ie diguè. M'an counseia de me faire vèire.
 — Sies gras à lard ; as, sus li gauto , la flour de la santa. E si
 malaut ?

- Pòde pas dourmi.
- Pos pas dourmi ?... Fai vèire ta lengo... Manjes bèn ?
- Coume un rassaïre.
- Beves ?
- Coume un trau.

— Acò 's rèn Tè, vai, em'aquest papié, encò de l'abouticari, e bœur
 ço que te baiara.

Tout-de-nèr beguè lou remèdi, mai en van lou beguè. Tournè vers l
 medecin :

— Voste endourmitòri , ie faguè , vau pas un viedase ! Pòde p
 dourmi.

— Eh bèn ! tè , veici mai un papié. Se dormes pas, que l'ase n
 quihè !...

— Que l'ase vous quihè, Moussu lou mège ! diguè Tont-de-nèr, quan
 tourna-mai se faguè vèire. Pòde pas dourmi, lèi de Diéu !

- Se te purgavian.
- Purgas-me , que vole dourmi !
- Se te saunavian ?

— Vole dourmi , saunas-me !

Basto , lou purguèron , lou saunèron. Venguè maigre coume un rastèu e pale coume la mort.

Tournè vers lou mège.

— Pode pas dourmi !.. Mai, escusas se m'engane... aro que ie pènse.. i'aviéu pas sounja : auriéu degu bessai vous lou dire...

— Que i'a ?

— I'a qu'ai uno chambro em'un lie , un lie , entre nous-autre siègue di , moun brave Moussu, que soun bèn veritablamen un fournigié de punaiso e de niero.

LOU CASCARELET

AU PONT DOU GARD

Aquæductum struxerant
Romani ,
Pontem addidit
Occitania.

ESCRIPCIOEN DOU PONT DOU GARD.

O grand porto-aigo, coume aman
Vèire ti pielo primo e fiero
S'enant sus li tres renguiero
Que te dounèron li Rouman !

Mai bèu jour a soun lendeman...
Pèr camina sus la ribiero ,
Dis arco an doubla li proumiero
E n'an fa 'n pont li Franchiman.

Plouro sa graci l'ougeireto
L'arcado basso , e la paureto
Aro porto un camin au front.

Avien pèr draio , nòsti rèire,
La cimo, — e sèns regarda ' rèire ,
Passavon siau entre li tron.

LUDOVÌ LEGRÉ.

LOU NADAIRE

I'a lou drole de Pèu-de-lèbre que , l'estiéu passa , anè nada , e que d'enca 'n pau se negavo.

Tout tremoulant d'esfrai , disié , en se vestissènt : Oh ! vous n'en responde ! l'ase me quihe se jamai me mete mai à l'aigo avaus d'avé bèn après à nada !

LOU CASCARELET.

LI CACALAUS

Aquesto annado , emé li plueio ,
A tant grana de cacalau ,
Que li jardin n'en soun malaut
E li tartifle an toumba fucio.

Vesès pertout de si draïou :
Se n'en coungreio de deluge !
Agarrisson jusqu'i maiou ,
E li pipon coume d'iruge.

Poudès siéupra de flour de caus
Vòsti prat : li gènt de rapino
Caminon siau sus lis espino ,
E n'an pas pòu d'ana descaus.

L'endeman , vesès mai si tèsto
Sus li bouissoun espeloufi ,
Coume un magnan sus la genèsto ,
Que banejon : tout n'es clafi !

Ah ! de-segur soun pas de plagne :
A quaucarèn malur èi bon.
Urous quan a li costo en long ,
E que rousigo , emai se bagne !

Ansïn , quand l'èr s'ennevoulis ,
I'a fourtuno pèr li granouio ;
Ansïn lou fielat se remplis
Din're lou riéu que se gatouio.

Chascun soun tour, ges de jalous :
 Ie fasèn pas misericordo ;
 Se vènjon sus nòsti recordo :
 Mai garo li jour secarous !

Garò li jour mounte debano
 Touto manjanço pèr lou champ :
 L'auran proun lèu rousti si bano
 A la plouvino de Toussant.

Ei bèn paraulo vertadiero
 La remarco dóu meinagié ,
 Que de la croto e dóu granié
 Li frejoulun soun la drudiero.

Tremoulanto dins soun lançou ,
 Fau que la terro rebouligue ;
 Fau que lou gara porte dòu ,
 Pèr fin que l'iero reculigue.

La mort au champ n'èi pas lou gèu ,
 Ni l'auro que plumo li bourro :
 Ivèr que ris , printèms que plouro !
 Li cacalaus, acò 's lou flèu.

O cacalaus, groumand bestiòli,
 Auren belèu pas tout perdu :
 Vous adoubaren à l'aiòli ,
 Se lis aiet soun pas toundu.

D. B. MARTIN

Felibre de l'aïet.

LA LACHIERO

— Me vendès pèr de la d'aigo claro, lachiero ? —
 La lachiero regardo e dis : — Que sién couiero !

D'acò noun fugués treboula :
 Ai oublida , vesès , de li metre de là !

J. B. G.

IS AMI F. MISTRAL E J. ROUMANILLE

Venès me vèire pèr Sant Ro :
 Vous menarai à la *Pousterlo*
 Que di luchaire aura la perlo,
 Emai un bal un pau farot.

Ome, miech-ome, la marmaio ,
 Tout acò se trigoussara ;
 Lou femelan de touto taio ,
 Mai poulidet, sautejara.

Pièi i'aura 'n fio qu'es pas de crèire !
 Emai se mostre à visto d'iue ,
 Dison.... dison que fara vèire
 Lou bèu soulèu à miejo-niue !

E pièi la justo, e pièi la bigo ,
 E pièi la courso , e pièi lou saut ;
 Un globe , gros coume uno figo ,
 Se gounflara coume un oustau !

E pièi la gènto farandoulo
 Dòu galoubet, dòu tambourin ;
 E, — quau saup ço que boui dins l'oulo !—
 L'ourfeon, lon diable e soun trin !

Dintre tout aquèu bourroulisse
 Oublidaren pas lou meïour :
 Di Felibre sian li coumplice ,
 Voulèn pertout ie faire ounour.

Saludaren li meravïho
 Dòu Felibrige prouvençau .
 Béuren à tu, gai Roumaniho ,
 A tu béuren , moun bèu Mistrau !

Pièi anaren à la mountagno
 Onnte Annibal, lou delura ,
 A Scipioun fichè la cagno
 Pèr l'avé pas proun espera.

— De-que voulès mai?... Vès, quihado ,
Nosto vièio tourre su'n ro :
Aqui i'a de conte à pougnado...
Maijvous li dirai... pèr Sant Ro.

PLACIDE CAPPEAU

Roco-mauro, 8 d'avoust 1863.

LOU TAIOUN DE SAUCISSOT

Un moussu que viajavo segui de soun doumestique, un jour, vous
ouvarés, toumbè dins uno aubergo ounte i'avié qu'uno taulo, e pèr
orço lou mèstre s'entaule 'mé lou varlet.

Coume èron au saucissot, lou moussu pren lou coutèn, coupo uno
rancho primo que se ie vesié lou jour, e ie vèn à soun piafo :

— Tè, ve, Jousè, agacho bèn ! se vos manja 'n bon saucissot, va-
ui coume se coupo.. Sèmblo de boufounado, mai de quant es meiour
nsin !! uno, qu'en coupant prim, la car es mièus chaplado ; l'autro,
u'estènt taia, li gran de pebre jiton mai de parfum, forço mai de
erfum !

Acò di, lou moussu passo l'anduecho à soun varlet.

Aqueste arrapo lou coutèn, pren sis amiro uno passado, e n'en lèvo un
aioun coume uno rodo de barioto.

— Bèn ? bèn ? que fas, dis lou moussu, bestiàri ? Après ço que
ai ousserva, sies pas un tarnagas d'avé taia 'no lescò d'aquelo es-
essour !

— Hòu ! repliquè Jousè, moussu, sias trop ounèste... Mai, anas,
agués pas cas ! counvèn pas que lou varlet manje autant bon coume lou
mèstre.

LOU CASCARELET.

CHASCUN SOUX GOUST

Parla dóu Lengadò

I'a d'aqueles moumens en aquesto vidasso
Ounte embé lou soulèl vous sentès à l'escur ,

De terribles moumens onte l'amo es tant lasso
Qu'al diable on jitarié lou fais embé bouenur ;

Alor , ni fam ni set ! un mousquíl vous tracasso ;
Pèr uno espinglo on crido à soun fraire : Voulur !
E soubre , amachoutit coumo uno tartarasso ,
L'on se dis : Ai jamai agut tant de malur !

E pièi , à grands badalhs , un se pico la tèsto ;
Un autre à soun vesi cour declara batèsto ;
Peïret vol se penja , Luzet se jita 'l pous.

Pèr iéu , quand dins moun clesc reno aquelo carrello ,
Vite m'envau trouba la muso riserello ,
E ma soufrènço es lèu garido à sous poutous.

EMILE SOUBRAN.

Fontenay-de-las-Roses , 23 de setèmbre 1863.

LA MOSTRO A SOULÈU

- Pèire ?
- Que i'a Moussu ?
- Quant èi d'ouro ?
- Sabe pas.
- Vai veïre la mostro à soulèu.
- Es negro niue.
- Prene de lume,

LOU CASCARELET.

RESIGNACIOUN

Tòni , despontenta , renègo e se grafigno :
La Durènço ennègo sa vigno !

- La Durènço a de sèn e ie fai la leiçoun :
Saup qu'amo de béure la gouto ,
E, pèr lon metre à la resoun,
Vèn serma lou vin de si bonto.

J. B. MARTIN, *felibre de l'aïet*.

L'ABIHAGE

— Se vos te louga , te prendrai :
 Auras quaranto escut de gage ;
 E , se lou fau , t'abiharai ;
 Saras nourri segound l'usage.

Lou pache ansin se terminè ,
 E Jan intrè dins lou meinage.

Mai, l'endeman, miejour sounè ,
 Que , pechaire ! lou garçonnet
 Mancavo à l'obro em' à la taulo.
 — Ounte es ana ? Degun l'a vist.

Lou mèstre eigrejo la cadaulo,
 E trovo Jan encaro au nis.

— Que fas aqui ? — Vosto paraulo,
 Comte, Moussu , que la tendrés :
 Avès di que m'abiharés.

O. M.

A GABRIÉU AZAIS

Bono salut , felibre mèstre ,
 A vous , en tónti vòsti gènt !
 Que de santa mai que d'argènt
 Diéu vous coumouloune à grand dèstre.

Que sèmpre un fres e clar sourgènt
 Végues de vuei à Sant-Sivèstre
 Vous escampa joio e ben-èstre
 Tau que la font dóu bon Sant Gènt.

Que lou rampau de vòsti rèire
 I bèlli flour de vòsti crèire
 Toujour se mescle tendramen !

E de broundiho afourtunado

Se crèisse l'aubre chasco annado ,
E se noun mai , siegues pas men.

ANSÈUME MATHIEU.

Castèu-nòn , 1 de janviè 1863.

LI TRÈS SOURDIN

Escoutas encaro aquesto :

Jaque e Felip èron en countèsto , tant que countestacioun vengùè proucès. Jaque èro sourd coume un toupin , e Felip èro encaro mai sourd que Jaque. Anèron davan lou juge , que se capitè pu sourd que Jaque e que Felip.

— Moussu lou juge , disié Jaque pèr si resoun , i'ai vendu cinq bèlli troussos de barjeirado , que fan bèn quatre quintau e mie , e me li vòn pas paga.

— Moussu lou juge , disié pèr li siéuno Felip , es pas vrai. Moun drole es esta de-longo un brave enfant. D'aiour , iéu bandisse moun gau , que garde si galino.

— Anen , mis enfant , dignè lou juge , perqué vous disputas ? Finalamen , es vosto maire , aquelo pauvo femo , e devès , en counsciènci , la recata e la nourri un pau chascun , e chascun à soun tour.

Eh bèn ! aro , adessias ! enjusqu'à l'an que vèn , se Diéu nous presto vido !

LOU CASCARELET.

Noublesso sènso argènt es un calèu sèns òli.

LOU VIN DE BACHELÈRI

A NOSTE AMI BRUNOUN AZAÏS , DE BEZIÈS

Entre li bano d'uno souco ,
Vers li miejour , lou créu s'ajouco ,
E dou campèstre li caiau
N'entèndon plus soun cant novviau...
Iéu m'ère di : Barren la bouco ,
L'aire es pousous , fau ista siau.

Dou tèms qu'emé de cant, frugalo ,
 La' cigaleto se regalo ,
 Chasque bestiàri fai soun nis
 E de graniho lou garnis :
 Piei vèn l'ivèr , pauro cigalo ,
 E la fournigo t'escarnis.

Souto la glòri di courouno
 S'escound lou verme que chirouno ;
 E pèr un ome calourènt
 Que pago double, emai dèu rènt ,
 Avès l'envejo qu'enferouno
 Milo escranca , milo ignourènt.

E l'un vous dis : Fort nous enueio
 Que l'auro boufe dins li fueio...
 Felibre d'Avignoun, tèms es
 Qu'un pau tranquile nous leissés ,
 O li marchand de paro-plueio
 N'ausaran plus parla francés.

E l'autre vèn : Cantas de-bado ;
 Vosto Prouvènço es bèn toumbado ,
 E fasès taco au grand soulèu :
 Dins la coupolo que lèu-lèu
 Vai sus lou mounde èstre acabado ,
 N'aurés pas meme un bas-relèu.

A la fin, aquelo fanfoni
 Vous rènd sôuvage e malancòni ;
 E i'a de fes , las d'endura ,
 Que vous-disés , tout mau-coura :
 Emé li porc de sant Antòni ,
 Dins lou bachas fau s'amourra.

Au-lío d'avé pèr nòsti rèire
 La pieta santo , au lio de crèire
 A la patrio onnt sian nascu
 E d'apara ço qu'es vincu ,
 Au cadarau sieguen, courrèire ,
 La troupelado à pèd fourcu.

Mai, au vaitan doun treboulèri
 Que la paraulo dis arlèri
 Ansin jìtavo dins moun cor ,
 Brunoun Azais, de toun vin d'or ,
 De toun vin vièi de Bachelèri
 M'es arriba lou recounfort.

L'ai messo à man , ta richo bouto !
 E soun rajou à fa rebouto
 Au mau-talènt , au cadenoun...
 L'ai messo à man , ami Brunoun ,
 E tourna-mai en encho bouto
 Ma calamello à sèt canoun.

Lou noble vin de Bachelèri
 Es un jouvènt bloundin e lèri
 Qu'es ourgueious de si *vint an*,
 E fai l'amour e vai cantant..
 Èu m'a douna si refoulèri ,
 E ièu n'en vole faire autant.

Toun noble vin es dous e linde
 Coume uno vierge ; e quand de l'inde
 Pèr mis ami vai degouta ,
 Saran ravi de sa bèuta...
 Lou béuran tout, pourtant de brinde ,
 Tout lou béuren à ta santa !

A ta santa , fin labouraire,
 Qu'un tant bon plant sables entraire
 Dins vòstis erme roucassié !
 A la santa , — durablo sié ! —
 De Gabriel Azais, toun fraire ,
 De soun oustau, de sa mouié !

A la santa , — tres cop lou dise
 En invoucant sant Afrondise, —
 De ta neboudo, elo que tèn
 Lis arribaire tant countènt

Emé la gràci de soun rise ,
E que rènd triste li partènt.

A la santa de l'Acadèmi
De toun Beziés, ounte d'arquèmi
Se parlo pau, ni d'alemand,
Ni de sanskrit, ni de Birman ,
Mai bravamen de la vendèmi
E di cansoun en vers rouman.

Adiéu ! jamai boutes en vèndo
Aquèu neitar : es la prevèndo
Qu'au Felibrige trelusènt
As counsacrado pèr presènt...
O , que jamai talo bevèndo
Caufe lou cor di mescreseint !

F. MISTRAL

Maiano (Bouco-dou-Rose), janvié 1863.

MORTUORUM

a Prouvènço a perdu :

I

- Lou generau Louis de Rostolan , senatour , nascu à-z-Ais lou 51
d'octobre 1791, e mort à-z-Ais lou 2 de desembre 1862, à sa bastido de la
Rostolano , ounte vivié retira desempièi quauquis an. Avié fa li cam-
pagnon espagnenco (1810-1814) , aquéli d'Africo (1830 , 51, 59 e 40) , e
de Roumo (1849), ounte èro esta nouma lou gouvèrnour ; e de
tout soun noum , autant que soun espaso , èro sourti lusènt e
moura.

II

- Lou pintre Emile Loubon , nascu à-z-Ais , direitour de l'Escolo de
peintura de Marsiho , mort à Marsiho lou 50 d'Abriéu 1863. S'èro fa cou-
se pèr de bouni pintura relativo à la Prouvènço , entre li qualo soun
èu di *Menoun*.

III

— Lou felibre Moquin-Tandon (Cristian-Ouràci-Benedit-Alfred), pofessor à la Facouta de Medecino de Paris, membre de l'Institut de France e de l'Acadèmi de Medecino, mantenièire di Jo Flourau de Toulou, vice-president de la Soucieta imperiale d'Aclimatacioun e d'aquel Boutanico, chevalié de la Legioun d'ounour, etc., naseu à Mount-pelié en 1804, mort à Paris lou 15 d'abriéu 1863, à 59 an. D'autre an pèu de si travai de medecin e de naturalisto, que, de l'Atenèu de Marsilha de la Facouta di Sciènci de Toulouso, — ounte avié proufessa, — menèron à Paris i founcioun seientifico li plus auto : à nautre de pèu d'ou Felibre e de l'ami.

Moquin-Tandon avié trouva dins sa famiho la tradicioun d'ou Gai-bé : èro felen d'ou troubaire Auguste Tandon, de Mount-pelié. Quand publicacioun de Raynouard aguèron mes de modo l'estudie de la Roumano, noste galoï counfraire aguè l'idèio d'embula li savènt, pèu pau galeja. E que faguè ? escriguè, souto lou titre de *Carya magalounensis*, uno crounico dins nosto lengo d'autre-tèms, e la donnè pèr un manu d'ou siècle quatourgen, atribui pèr èu à Mounsegne Fredol, evesque de Magalouno. Lou *Carya*, empremi in 8^o, emé d'enluminaduro (Toulouso, encò de Lavergne, 1856), e à 50 eisemplari soulamen, èro bèn retra que Raynouard pitè e selecità l'autour de sa precioso deberto. Dins la segoundo edicioun (Mount-pelié, encò de Bohem, 1863), èu decelè lou tour qu'avié jouga.

— Sachon, aro peréu, li leitour de *l'Armana*, que li galejado, lounado e bon mot signa d'ou Felibre de Magalouno, o de Fredol de Magalouno, èron de Moquin-Tandon. Noste savènt counfraire amavo apouncho, — que lou divertissien de si travai plus serious; n'avié fa n'ou n'ou, e devié meme li publica en Avignoun souto lou titre de *Guindouletos*. Sis enfant, eiretié de sa biblioutèco prouvençalo, èron di plus richo de François, — se faran un devé de l'apoundre quand jour lis oubreto de soun paire. E nautre, qu'avié toujours acouraja, n'ou, na, acoumpagna, avèn escri soun noum dins l'oustau felibren, e lo nèn aquí coume uno glòri.

IV

— Lon felibre Estève Cournaud, — de la tierro di Bèus-Art, — mort à Carpentras lou 21 de mars 1803, e mort en Avignoun, ounte

statuaire, lou 15 d'abriéu 1865. Èro uno douço e bravo naturo, qu'en-re-vesié lou bèu dins lou clarun de sis estâsi, e que l'aurié realisa 'méoun cisèu, se lis espino de la vido l'avien pas entrava long dôn camin. monstra en partido la grâci e l'amour de si pantai dins la *N. D. de pietà* qu'es à la glèiso Sant-Deidié en Avignoun, dins forço àutris obro elèi, e dins la vierge qu'avié facho pèr la tourre de N. D. de Dom, e u'au counours dubert, avié gagna lou pres. Mai noste ami èro pas rous, e uno outro estatuo es à la plaço de la siéuno.

V

Nous es ounour e nous fasèn devé d'escriéure eici lou noum de n-Mario-Matias Debelay, Ouficié de la Legioun-d'ounour, Coumandaire grand-Ouficié de l'Ordre religious e militari de Sant-Maurice e Sant-Lauri, Comte rouman, Prelat assistant au trone pounteficau, nascu à Miriat (Ain) lou 24 de Febrié 1800, mort Archevesque d'Avignoun lou 7 de setembre 1865.

Nouma, lou 15 d'òutobre 1848, precounisa lou 2 de desembre venènt, à Avignoun intrè soulennamen lou 27 de febié 1849.

Un jenine prèire bèn emparaula a racounta, lou 2 d'òutobre 1865, à l'ostro-Damo de Dom, la bello e noblo vido d'aquéu sant e bèn amarelât, qu'a ilustra de si vertu lou sèti pounteficau d'Avignoun.

Nous sara permès d'apoundre un pichot jouièu felibren à la resplendènto courouno qu'Avignoun vèn de metre piousamen sus lou cros vèra de Mounsegne Debelay. L'Armana de 1865 aguè grand gau de dire que l'Archevesque d'Avignoun èro « un ami fidèu e larg di bèlli-letro, » rèn de tant vrai ! A l'establiment meme dôn Felibrige, aplaudiguèrouvènt, dôn cor e di man, Roumanihò, quand, au rampèu de Roumanihò, venian tóuti nous apoundre. Bon, amistous, avenènt, nous donnèron-longo soun aflat e si benedicioun.

Lou 14 de setembre 1862, benesiguè li joio di jo flourau de Santonno, e n'en presidè, afable e sourrisènt, la distribucioun. Lou veguerian plaudi lou Raport de noste valènt Capoulié, e courouna li vincèire de la lucho duberto pèr la vilo d'At.

Dôn paradis, ounte a pourta, i pèd de Diéu, sa bello *garbo de blad* e ounte Diéu i'a baia sa recoupénso, longo-mai nous benesigue lou ountife que regretan !

ENSIGNADOU

Calendîe de Prouvêço.	3	La Crous dis Aubespin.	6
Li principau milêime de Prouvêço.	3	Uni Beriele pèr le vèire la nino.	
Esclüssi.	4	A la pu poulido e la pu bravo de noues-	
Crounico felibrenco.	9	sei Selounenco.	7
Counsêu d'un paire à soun fiéu sus lou		Lou Cassaire.	7
mariage.	16	La Preiêro de l'Enfant.	7
Jan Janet.	23	A-n-uno jouino Maire.	7
A Mistrau.	24	L'Enbriaigo.	7
Fai fre.	27	Cansoun nouvialo.	7
Lou Timbre-posto.	28	Nouvelun.	7
Tintourleto.	29	Album Prouvençau.	8
Granonio e Grapaud.	31	Dorme, moun enfantoun.	8
Sant-Jan lou Meissounié.	31	L'Arrouina.	8
A Ludôvi Legré.	33	A la Machoto.	8
La Counsericioun.	33	Un Mot de l'Academician Raynouard.	8
Lou Chin.	34	A Gariulet	8
Un Repas de fum.	34	Cant naciounau de la Poulungno.	8
La Cambo de boues.	36	La Barioto.	8
L'Ourfahello.	38	A Madamisello J. G.	8
La Dóutrino.	39	Lou Tregen de la Poucelado.	9
Lou Vin e la Lagagno.	40	Lou Roussignòn e la Machoto.	9
Brinde pèr Charle Gounod.	43	Li Luneto vèrdo.	9
Ounte vas, filheto?	43	Vilo-Novo.	9
Jarjaio au Paradis.	45	Tout-de-Nèr.	9
Un jour de pluieio.	48	Au Pont d'ou Gard.	9
Roso-Mirèio.	49	Lou Nadaire.	10
Bruneto.	50	Li Cacalaus.	10
L'Ourfeon de la Machoto.	52	La Lachiero.	10
Lou Renegat.	53	Is Ami F. Mistral e Roumanille.	10
Sus lou Pont d'Avignon.	58	Lou Taïoun de saucissot.	10
La Countricioun.	58	Chascun soun goust.	10
Lei Conte de Mèste Franc.	59	La Mostro à soulèu.	10
A l'Oucasioun d'ou Banquet oufert à		Resignacioun.	10
F. Mistrau pèr sis ami de Beziés.	62	L'Abihage.	10
Trop d'alo.	64	A Gabrièu Azais.	10
Un Mot de l'Academician Godeau.	64	Li tres Sourdin.	10
Lou Diable pres pèr li gendarino.	65	Lou Vin de Bachelèri.	10
Li Coudoun.	67	Mortuòrum.	10

ARMANA PROUVENÇAU

PÈR LOU BÈL AN DE DIÉU

1865

ADOUBA E PUBLICA DE LA MAN DI-FELIBRE

Joio, soulas e passo-tèms de tout lou pople dóu Miejour

AN VOUNGEN DOU FELIBRIGE



EN AVIGNOUN

ENCO DE ROUMANILLE, LIBRAIRE-EDITOUR

CARRIÈRO DE SANT-AGRICÒ, 19.

AQUEST ARMANA S'ATROVO :

A PARIS, encò de A. TARIDE (carriero *Marengo*, 2); encò de GIRAUD (carriero *des Saints-Pères*, 11); encò de J. TARDIEU (carriero de *Tournon*, 13); à la librerie d'ou *Petit Journal*, carriero *Richelieu*, 112.

A-Z-AIS, encò de REMONDET-AURIN, sus lou Cous, e encò de MAKAIRE e de SARDAT;

EN ARLE, encò de SERRE e encò de FÉVRIER;

EN AT, encò de JEAN e encò d'ARCHIAS;

EN AURENJO, encò de ROUSSEAU e de CLAUSEL;

A BAGNOU, encò d'ALBAN-BROCHE;

A BARBENTANO, encò d'ARNOUX;

A BÉU-CAIRE, encò de BIOLET;

A BEZIÈS, encò de DELPECH e de REBIÈRE;

A CARPENTRAS, encò de PINET;

A CASTÈU-REINARD, encò de LIELLY;

A CAVAIOUN, encò de E. GUILLON;

A CETO, encò de PATRAS;

A DIGNO, encò de VIAL;

A DRAGUIGNAN, encò de SIEYÈS;

EN EIGUIERO, encò de MARTIN;

A GAP, encò d'Aug. ANDRÉ;

A L'ISLO, encò de BONNARD;

A LIOUN, encò de MÉRA;

A MAIANO, encò de CHARLÈ BUSQUET;

A MARSILLO, encò de BOY, de FÉRAUD, de CAMOIN, d'ARRAU, de CHAUFFARDE de CRUÈGE;

A MENDE, encò de DURAND;

A MOUNTELMAR, encò de CHABERT;

A MOUNT-PELIÉ, encò de SEGUIN;

A NIMES, encò de GIRAUD e de WATON;

AU PONT-SANT-ESPRIT, encò d'EYBERT;

A ROCO-MAURO, encò de BACULARD;

A SANT-ROUMIÉ, encò de FAURE;

A SELOUN, encò de MAGLOIRE GOUNELLE;

A TARASCOUN, encò d'AUBANEL;

A TOULOUN, encò de MONGE, de RENOUX, de RUMÈDE e de GUILLEMIN;

A TOULOUSO, encò de BOMPARD, carriero d'ou *Taur*, 2;

A VAURIAS, encò de DÉRAND;

A VILO-NOVO, encò de PIPERT;

E pèr tout caire e cantoun de Prouvènço, de Coumtat e de Lengadò.

CALENDIÉ DE PROUVÈNÇO

LI PRINCIPAU MILÈIME DE PROUVÈNÇO

Foundacioun de Marsiho pèr li Fouceien.....	(av. J.-C.)	600
Annibal passo lou Rose, dóu coustat d'Avignoun.....	(av. J.-C.)	218
Foundacioun de-z-Ais pèr lou generau rouman Caius Sextus Calvinus.....	(av. J.-C.)	123
Domitius Barbo-Roussou aubouro l'arc-de-triounfle d'Aurenjo, en memòri de la desfacho dis Alabroge.....	(av. J.-C.)	122
De-vers Aurenjo, li Cimbre e li Tétoutoun escrapouchinon 80,000 Rouman.....	(av. J.-C.)	109
U pèd dóu mount Santo-Ventùri, lou Conse Caius Marius fai un tau chaple de Tétoutoun e d'Ambroun que lou prat-bataiè s'apello enca Pourriero.....	(av. J.-C.)	103
Julii-Cesar mando à-n-Arle, pèr couloun, li veteran de la legioun sieisenco.....	(av. J.-C.)	47
L'empereire Coustantin se fai basti un palais en Arle, e baio à-n-Arle lou noum de Coustantino.....	(ap. J.-C.)	314
Establiment dóu reiaume d'Arle.....		932
Lou Comte de Prouvèngo, Guihèn proumié, subrenouma <i>Paire de la patrio</i> , deliéuro la Prouvèngo di barbare Sarrasin.....		972
Li Comte de Prouvèngo de la famiho de Bousouin.....		948—1112
Li marin prouvençau envènton la Boussolo.....		1100
Li Comte de Prouvèngo de la famiho Barcelouneso. — Espandimen e flouresoun de la lengo prouvençalo, soutu li Ramoun-Berenguié.....		1112—1246
Proumierc réunioun dis Estat de Prouvèngo, à Tarascoun.....		1146
Guerro dis Aubigés.....		1207—1229
Li Comte de Prouvèngo de la proumiero famiho d'Anjou. — Glòri dóu Cai-Sabé, soutu lou rèi Roubert.....		1246—1382
Court d'Amour de Signo, ounte brihavo Claretto di Baus.....		1270—1275
Lou Papo Clemènt V adus la Papauta en Avignoun.....		1309
Establiment di Jo Flourau, à Toulouso.....		1323
Court d'Amour de Roumanin, ounte brihavo Estefaneto de Gantèume.....		1332
Court d'Amour d'Avignoun, ounte brihavo la bello Lauro.....		1340—1348
Lou Papo Gregòri XI entourno la Papauta à Roumo.....		1376
Li Comte de Prouvèngo de la segoundo famiho d'Anjou.....		1382—1481
Réunioun de la Prouvèngo à la courouno de Franco.....		1482
Establiment de l'emprimarié en Avignoun, pèr Micoulau Lepe.....		1497
— à-z-Ais, pèr Marius Roux, que venié d'Avignoun.....		1572
— à Marsiho, pèr Pèire Mascaron (lou proumié libre qu'estampè sieguè lis <i>Obro e Rimo prouvençalo</i> de Bellaud de la Bellaudio). ..		1594
— à Touloun, pèr Benoist Collomb.....		1650
Establiment dóu Parlamen de Prouvèngo.....		1501
Bello defènso de la vilo de Marsiho contro l'armado de l'empe- raire Carle-Quint.....		1536
Pèsto de Marsiho.....		1720
Darriero réunioun dis Estat de Prouvèngo, à-z-Ais, dins la glèiso dóu Coulàge.....		1787
La Countat d'Avignoun devèn franceso.....		1791
Establiment dóu Felibrige. — Revièure de la lengo prouvençalo. 21 de mai.....		1854

ESCLUSI.

Lou 11 d'Abriéu, esclüssi parciau de luno, en partido vesible en Avignoun.
 Lou 25 d'Abriéu, esclüssi de soulèu, envesible en Avignoun.
 Lou 4 d'Outobre, esclüssi parciau de luno, vesible en Avignoun.
 Lou 19 d'Outobre, esclüssi anelàri e parciau de soulèu, en partido vesible en Avignoun.

FÈSTO CHANJADISSO.

Cèndre, 1 Mars.
 Pasco, 16 Abriéu.
 Rouguesoun, 22, 23 e 24 Mai.
 Ascensioun, 25 Mai.

Pandeconsto, 4 Jun.
 Ternita, 11 Jun.
 Fèsto-de-Diéu, 15 Jun.
 Avènt, 3 Desèmbre.

LUNO MECROUSO.

Luno de Mai, que fai lou 24.

Luno mecrouso,
 Femo renouso,
 E auro bruno,
 Dins cènt an n'i'aurié trop d'uno.

TEMPOURO.

Mars.....	8, 10 e 11.	Setèmbre.....	20, 22 e 23.
Jun.....	7, 9 e 10.	Desèmbre.....	20, 22 e 23.

Lou printèms coumenço lou 20 de Mars;
 L'estiéu coumenço lou 21 de Jun;
 L'autoun coumenço lou 23 de Setèmbre;
 L'ivèr coumenço lou 21 de Desèmbre;

Trento jour an Setèmbre,
 Abriéu, Jun e Nouvèmbre;
 De vinto-vue n'i'a qu'un;
 Lis autre soum de trento-un.



JANVIÉ		FEBRIÉ		MARS	
Li jour crèissen d'uno ouro 4 m.		Li jour crèissen d'uno ouro 50 m.		Li jour crèissen d'uno ouro 48 m.	
Dim.	JOUR DE L'AN	1 dim.	S. Ignàci, evesque	1 dim.	CÈNDRE
dil.	S. Clar	2 dij.	LA CANDELOUSO	2 dij.	S. Simplicie
dim.	Sto Genevivo	3 div.	S. Blàsi	3 div.	Sto Cunegoundo
dim.	S. Ferriou	4 diss.	Sto Jano	4 diss.	S. Casimèr
dij.	S. Simèu de la coul.	5 DIM.	Sto Agueto	5 DIM.	S. Ambròsi
div.	Li Rèi	6 dil.	Sto Doro	6 dil.	Sto Couleto
diss.	S. Lucian	7 dim.	S. Richard	7 dim.	Sto Perpètio
DIM.	S. Severin	8 dim.	S. Ginous	8 dim.	TEMPOURO
dil.	S. Julian	9 dij.	S. Jan-de-Mata	9 dij.	Sto Franceso
dim.	S. Pau l'ermite	10 div.	Sto Coulastico	10 div.	Li 40 Martire
dim.	S. Teoudosi	11 diss.	S. Adofe	11 diss.	S. Gregòri
dij.	S. Gaspard	12 DIM.	Sto Oulaio	12 DIM.	S. Massemin
div.	Sto Verounico	13 dil.	S. Dounin	13 dil.	Sto Oufrafié
diss.	S. Alàri	14 dim.	S. Valentin	14 dim.	Sto Matiéudo
DIM.	S. Bounet	15 dlm.	S. Quenin	15 dim.	S. Cesar de Bus.
dil.	S. Ounourat	16 dij.	S. Armentàri	16 dij.	S. Abram
dim.	S. Antòni	17 div.	Sto Mariano	17 div.	Sto Reino
dim.	Sto Flourido	18 diss.	S. Favian	18 diss.	S. Cerile
dij.	S. Canut	19 DIM.	S. Valié	19 DIM.	S. Jousè
div.	S. Sebastian	20 dil.	S. Ouquèri	20 dil.	S. Jouaquin
diss.	Sto Agnés	21 dim.	S. Fèli	21 dim.	S. Benedit
DIM.	S. Vincèn	22 dim.	Sto Isabello	22 dim.	S. Bèn-vengu
dil.	S. Ramoun	23 dij.	S. Meraut	23 dij.	S. Vitourin
dim.	S. Babi	24 div.	S. Matias	24 div.	S. Gabriéu
dim.	Counv. de S. Pau	25 diss.	S. Aleissandre	25 diss.	N. D. DE MARS
dij.	S. Ansile	26 DIM.	S. Nestou	26 DIM.	S. Massemilian
div.	S. Màri	27 dil.	Sto Ounourino	27 dil.	Sto Natallo
diss.	Sto Cesarlo	28 dim.	S. Cassian	28 dim.	S. Ilarioun
DIM.	S. Coustant			29 dim.	S. Sist.
dil.	Sto Martino			30 dij.	S. Amaédiu
dim.	Sto Marcello			31 div.	S. Benjamin
no intro à soun proumié quartoun lou 4, à 3 ouro 52 m. de vèspre. soun plen lou 11, à 11 ouro minuto de vèspre. à soun darrié quartoun lou 20, à 9 ouro 45 minuto de matin.		La lune intro à soun proumié quartoun lou 3, à 1 ouro 18 m. de matin. Es dins soun plen lou 10, à 4 ouro 36 minuto de vèspre. Intro à soun darrié quartoun lou 18, à 9 ouro 47 minuto de vèspre. La lune fai lou 25, à 8 ouro 12 min. de vèspre.		La lune intro à soun proumié quartoun lou 4, à 0 ouro 28 m. de vèspre. Intro dins soun plen lou 12, à 10 ouro 51 minuto de matin. Intro à soun darrié quartoun lou 20, à 0 ouro 45 minuto de vèspre. La lune fai lou 27, à 5 ouro 27 min. de matin.	

ABRIËU

Li jour crèisson d'uno ouro 40 m.

1	diss.	S. Ugue
2	DIM.	PASSIOUN
3	dil.	S. Ricard
4	dim.	S. Isouer
5	dim.	S. Vincèn Ferrié
6	dij.	S. Prudènci
7	div.	S. Gautié
8	diss.	S. Aubert
9	DIM.	RAMPAU
10	dil.	S. Macàri
11	dim.	S. Leon
12	dim.	S. Jùli
13	dij.	Sto Ido
14	div.	S. Benezet
15	diss.	S. Frutuons
16	DIM.	PASCO
17	dil.	S. Anice
18	dim.	S. Apoulòni
19	dim.	S. Oufège
20	dij.	S. Anseume
21	div.	S. Ouspice
22	diss.	S. Leounido
23	DIM.	S. Jòrgi
24	dil.	Sto Vitòri
25	dim.	S. Marc
26	dim.	S. Clet
27	dij.	Sto Zeto
28	div.	S. Vidau
29	diss.	Sto Catarino de S.
30	DIM.	S. Estròpi

La lune intro à souu proumié quartoun lou 3, à 1 ouro 28 m. de matin.
Es dins souu plen lou 11, à 1 ouro 37 minuto de matin.
Intro à souu darrié quartoun lou 18, à 11 ouro 29 min. de matin.
La lune fai lou 25, à 2 ouro 23 min. de vèspre.

MAI

Li jour crèisson d'uno ouro 17 m.

1	dil.	S. Jaque e S. Felip
2	dim.	S. Atanàsi
3	dim.	LA STO-CROUS
4	dij.	Sto Mounico
5	div.	Sto Sereno
6	diss.	S. Jan Porto Latino
7	DIM.	S. Estanislau
8	dil.	S. Dresèli
9	dim.	S. Gregòri
10	dim.	S. Antounin
11	dij.	S. Maiòu
12	div.	S. Brancaci
13	diss.	Sto Glicèro
14	DIM.	S. Bounifaci
15	dil.	S. Pons
16	dim.	S. Gènt
17	dim.	S. Pascau
18	dij.	S. Fèli
19	div.	S. Celestin
20	diss.	S. Bernadin
21	DIM.	Sto Estello
22	dil.	ROUGUESOUN
23	dim.	S. Deidié
24	dim.	S. Dounacian
25	dij.	ASCENSIOUN
26	div.	S. Felip de N.
27	diss.	S. Oulivié
28	DIM.	S. Vincèn de Ler.
29	dil.	S. Massemin
30	dim.	S. Fèli
31	dim.	Sto Peirounello

La lune intro à souu proumié quartoun lou 2, à 4 ouro 14 m. de vèspre.
Es dins souu plen lou 10, à 8 ouro 32 minuto de vèspre.
Intro à souu darrié quartoun lou 18, à 6 ouro 49 minuto de matin.
La lune fai lou 24, à 10 ouro 59 m. de vèspre.

JUN

Li jour crèisson de 15 m.

1	dij.	Sto Lauro
2	div.	S. Marcelin
3	diss.	Sto Cloutléu
4	DIM.	PANDECOUSTO
5	dil.	S. Bounifaci
6	dim.	S. Glàudi
7	dim.	TEMPOURO
8	dij.	S. Medard
9	div.	Sto Pelagio
10	diss.	Sto Felecita
11	DIM.	TERNITA
12	dil.	Sto Oulimpo
13	dim.	S. Antòni de
14	dim.	S. Baslle
15	dij.	FÈSTO-DE-DU
16	div.	S. Cèri
17	diss.	S. Verume
18	DIM.	S. Ouzias
19	dil.	S. Cervasi
20	dim.	Sto Flourèng
21	dim.	S. Léufré
22	dij.	S. Estròpi, e
23	div.	Sto Agrevo
24	diss.	S. JAN-BATIS
25	DIM.	Tresl. de S. A
26	dil.	S. Dàvi
27	dim.	S. Antèume
28	dim.	S. Irenèu
29	dij.	S. Pèire e S.
30	div.	S. Lucido

La lune intro à souu proumié quartoun lou 1, à 8 ouro 31 m. de matin.
Es dins souu plen lou 9, à 9 ouro 20 minuto de matin.
Intro à souu darrié quartoun lou 17, à 0 ouro 9 minuto de vèspre.
La lune fai lou 23, à 8 ouro 10 minuto de matin.

JULIET

AVOUST

SETÈMBRE

demenisson de 58 minuto

Li jour demenisson de 1 ouro 25 m

Li jour demenisson de 1 ouro 42 m

ss.	S. Marciau
IM.	LA VESITACIOUN
il.	S. Anatòli
im.	S. Fourtunat
im.	S. P. de Lissemb.
i.	Sto Angèlo
v.	Sto Aubiergo
ss.	Sto Isabèu
IM.	S. Bres
il.	N.-D. DE SANTA
m.	S. Pie
m.	S. Ounèste
j.	S. Anaclet
v.	S. Bonaventur
ss.	S. Enri
IM.	N.-D. DÔU M. C.
il.	S. Alèssi
im.	S. Toumas d'Aquin
im.	S. Vincèn de Paulo
ij.	Sto Margarido
iv.	S. Vitou
ss.	STO MADALENO
IM.	S. Cassian
il.	Sto Crestino
im.	S. Jaume
im.	Sto Ano
ij.	S. Pantàli
iv.	S. Sanàri
ss.	Sto Marto
IM.	S. Loup
il.	S. German

1	dim.	S. Pèire encadena
2	dim.	S. Estève
3	dij.	Sto Lidlo
4	div.	S. Doumergue
5	diss.	S. Ion.
6	Dim.	S. Sauvaire
7	dil.	S. Gaïetan
8	dim.	S. Justin
9	dim.	S. Rouman
10	dij.	S. Laurèns
11	div.	Sto Rusticlo (d'Arle)
12	diss.	Sto Claro
13	Dim.	S. Pourcàri
14	dil.	S. Chapòli
15	dim.	N.-D. d'Avoust
16	dim.	S. Ro
17	dij.	S. Jacinto
18	div.	Sto Eleno
19	diss.	S. Louis de Brignolo
20	Dim.	S. Bernat
21	dil.	S. Privat
22	dim.	S. Safourian
23	dim.	S. Sidòni
24	dij.	S. Bartoumiéu
25	div.	S. Genèsi
26	diss.	S. Zefirín
27	Dim.	S. Cesàri
28	dil.	S. Julian
29	dim.	S. Jan degoulàssi
30	dim.	Sto Roso
31	dij.	S. Lazàri

1	div.	S. Baudèli
2	diss.	S. Agrico
3	Dim.	S. Aiòu
4	dil.	Sto Rousalio
5	dim.	S. Léugié
6	dim.	S. Amable
7	dij.	S. Autau
8	div.	N.-D. DE SETÈMBRE
9	diss.	S. Veran
10	Dim.	Sto Póuquerié
11	dil.	S. Paciènt
12	dim.	Sto Bono
13	dim.	S. Antounin
14	dij.	Eisaussam. de la C
15	div.	S. Anfous
16	diss.	S. Cournèli
17	Dim.	S. Lambert
18	dil.	Sto Esteveneto
19	dim.	S. Jenouvié
20	dim.	TEMPOURO
21	dij.	S. Matléu
22	div.	S. Maurlice
23	diss.	Sto Tèclo
24	Dim.	Sto Salabergo
25	dil.	S. Fermin
26	dim.	S. Ouzlas
27	dim.	St Cosme e Damian
28	dij.	S. Ceran
29	div.	S. MIQUÈU
30	diss.	S. Jirome

Intro à soun proumié quartou lou 1, à 1 ouro 50 m. de matin.
soun plen lou 8, à 8 ouro 30
ito de vèspre.
soun darrié quartoun lou 15, à
rou 36 m. de vèspre.
22, à 6 ouro 39 m. de vèspre.
soun proumié quartoun lou 30,
ouro 18 minuto de vèspre.

La luno intro dins soun plen lou 7, à
5 ouro 38 minuto de matin.
Intro dins soun darrié quartoun lou
13, à 9 ouro 51 minuto de vèspre.
La luno fai lou 21, à 9 ouro 51 min.
de matin.
Intro à soun proumié quartoun lou 29,
à 11 ouro 53 minuto de matin.

La luno es dins soun plen lou 5, à
ouro 1 minuto de vèspre.
Intro à soun darrié quartoun lou 12,
5 ouro 7 minuto de matin.
La luno fai lou 19, à 10 ouro 55 min
de vèspre.
Intro à soun proumié quartoun lou 28
à 2 ouro 56 minuto de matin.

OUTOBRE

Li jour demenisson de 1 ouro 44 m

1	DIM.	S. Roumié
2	dil.	Li S. Ange gardian
3	dim.	S. Cuprian
4	dim.	S. Francés d'Assiso
5	dij.	Sto Tùli
6	div.	S. Evòsi
7	diss.	S. Baque
8	DIM.	Sto Reparado
9	dil.	S. Danis
10	dim.	S. Vergéli
11	dim.	S. Castou
12	dij.	S. Veran
13	div.	S. Geraud
14	diss.	S. Calist
15	DIM.	Sto Terèso
16	dil.	Sto Rousselino
17	dim.	S. Flourèns
18	dim.	S. Lu
19	dij.	S. Gerard Tenco
20	div.	S. Grapàsi
21	diss.	Sto Oursulo
22	DIM.	Sto Marlo Salomé
23	dil.	S. Tederi
24	dim.	S. Maglòri
25	dim.	S. Crespin
26	dij.	S. Flòri
27	div.	S. Sauvian
28	diss.	S. Simoun
29	DIM.	S. Narcisse
30	dil.	S. Lucan
31	dim.	S. Cristòu

La luno es dins soun plen lou 4, à 10
ouro 41 minuto de vèspre.
Intro dins soun darriè quartoun lou 11,
à 3 ouro 31 minuto de vèspre.
La luno fai lou 19, à 1 ouro 37 min.
de vèspre.
Intro à soun proumié quartoun lou 25,
à 3 ouro 50 minuto de vèspre.

NOUVÈMBRE

Li jour demenisson de 1 ouro 17 m

1	dim.	TOUSSANT
2	dij.	Li MORT
3	div.	S. Marcèu
4	diss.	S. Chamas
5	DIM.	S. Zacarié
6	dil.	S. Estève (d'At)
7	dim.	S. Ernest
8	dim.	S. Goufrèdi
9	dij.	S. Maturin
10	div.	S. Just
11	diss.	S. MARTIN
12	DIM.	S. Reinié
13	dil.	S. Mitre
14	dim.	S. Ru, ev. d'Avig.
15	dim.	S. Ougèni
16	dij.	S. Ouquèri
17	div.	S. Agnan
18	diss.	Sto Audo
19	DIM.	Sto Isabèu
20	dil.	S. Elmound
21	dim.	PRESENT. DE N.-D.
22	dim.	Sto Cecilo
23	dij.	S. Clemènt
24	div.	Sto Floro
25	diss.	Sto Catarino
26	DIM.	Sto Déufino
27	dil.	S. Sifrèn
28	dim.	S. Soustène
29	dim.	S. Savournin
30	dij.	S. Andriéu

La luno es dins soun plen lou 3, à 8
ouro 12 minuto de matin.
Intro à soun darriè quartoun lou 10,
à 5 ouro 55 minuto de matin.
La luno fai lou 18, à 11 ouro 9 min.
de matin.
Intro dins soun proumié quartoun lou
26, à 3 ouro 8 minuto de matia.

DESÈMBRE

Li jour demenisson de 2

1	div.	S. Aloï
2	diss.	Sto Blbiano
3	DIM.	Las AVÈNT
4	dil.	Sto Barbo
5	dim.	S. Sabas
6	dim.	S. Micoulau
7	dij.	S. Ambròsi
8	div.	COUNCEPCIO
9	diss.	Sto Loucaic
10	DIM.	Sto Valiero
11	dil.	S. Damàsi
12	dim.	Sto Daniso
13	dim.	Sto Lùci
14	dlj.	S. Nicàsi
15	div.	S. Ousèbi
16	diss.	S. Azalaïs
17	DIM.	Sto Oulimp
18	dil.	S. Gràci
19	dim.	S. Timoule
20	dim.	TEMPOURO
21	dij.	S. Toumas
22	div.	S. Ounoura
23	diss.	Sto Vitòri
24	DIM.	S. Ives
25	dil.	CALÈND
26	dim.	S. Estève
27	dim.	S. Jan, eva
28	dij.	Li S. Innou
29	div.	S. Trefume
30	diss.	Sto Coulou
31	DIM.	S. Sivèstre

La luno es dins soun plen
ouro 54 minuto de vèspre.
Intro dins soun darriè qu
10, à 0 ouro 22 minuto de
La luno fai lou 18, à 4 ou
de matin.
Intro dins soun proumié qu
25, à 0 ouro 40 minuto

ARMANA PROUVENÇAU

CROUNICO FELIBRENCO.

I

Despièi dè s an que lou Felibrige vogo, l'ounour de la Prouvènço a-ti beissa ? Lou sentimen qu'un pople dèu avé de sa valour, lou legetime ourguei que dèu tira de soun passat, la cresènço energico que dèu avé dins l'aveni, an-ti febli d'uno osco dins lou cor di Prouvençau ? La lengo dóu païs s'es-ti arrascassido ? Avèn-ti davala dins l'estimo di nacoun ? En un mot, l'espandido felibrenco a-ti apichouni, abourdi, entenebra lou Miejour de la Franco ? Degun l'ausarié dire, sènso faire crida li muraio.

E pamens, en presènci d'aquéu ressort de pouesio — dóu quau tout lou païs, dóu quau nòsti vesin, e meme l'estrangié, an fa sa regalado —, en presènci d'aquéu meravilhous cop d'alo qu'a remès en lumiero, en creacioun, en unita, un parla poupulàri toumba dins lou bourboui e lou mesprés e lou vieiun, — s'es trouva quàuquis ome que nous an di *raca*, tau que lou marrit fraire marca dins l'Evangile.

II

Pàuri felibre ! Quau doune s'imaginavo, — en cantant lou soulèu, li chato de Prouvènço, la sàuvi de l'Aupiho, lis amour di gènt jouine, li tradicioun de nòsti vièi e la neissènço dóu bon Diéu, qu'acò faguèsse peno, e tant de peno, à quàuquis-un ? Quau poudié crèire que *Mirèio* empachèsse de dourmi la proso palinouso dóu Marqués de Laincel ? que lis *Oubreto* faguèsson enrabia M. Alfred Artaud ? que la *Miòugrano* faguèsse desparla M. Charle Dupuy ? e que la *Farandoulo* dounèsse d'aucidènt à M. Bouillon-Landais ?

Ignouravian, segur, que M. de Laincel aguèsse fa de vers francés... Mai, noum de noum de sort ! erian pas li soulet ! E pièi, vejan, per-ço-que li Prouvençau, pas mai que li Parisen, noun an vougu legi li bachiquello de Moussu lou Marqués, èro-ti uno resoun pèr mascara 400 pajo contro la jouino glòri di Felibre ?

III

En verita peréu, ignouravian que M. Alfred Artaud, o quaucun de sa famiho, sieguësse autour d'uno di marridaio noun courounado i jo celèbre de la vilo d'At. Èro-ti uno resoun pèr crida soun vinaigre à la carriero, e pèr escudela dous voulume de soutiso contro lou counsistòri felibren ?

Meten, Messiés, que n'agués pas li bras proun long pèr avera lis agrioto... Mai perqué, d'eilavau, aqueira lis auceloun que van beca la frucho ?

N'en counvenèn, moun Diéu ! sias pas nascu pèr la musico ; mai quau vous forço de canta ? De la couëto d'un gòrri, disié moun paure grand, farés jamai un bêu plumet.

Oh ! loungamen, Moussu Artaud, se parlara de vous en Felibrige ! Se 'n-cop sian vièi... e qu' à noste lesi, souto la chaminèio, charraren entre nautre di causo espetaclouso d'autre-tèms, — voste noum, pèr lou milèime 1864, servira d'entre-signe à nosto souvenènço, coume l'an dóu colera o l'an que li faviero aguèron lou pesou. — « Es l'an, dira Ranquet (lou levènti de la bando), es l'an qu'Alfred Artaud, à si frès e despèns, sous-tenguè publicamen que li mot *trempe, chato, mentastre, doumtaire, enchaple, tourna-mai, bestiau, vent-terrau, margoulin, guigno-co, clarinèu, plan-planet, rai, assoulucion, gibla, penja, acipa, rustica, davala, tresana, escrapouchina, etc., etc.* èron de mot pas prouvençau e de l'en-ivencion puro di felibre. »

IV

E vous, M. Dupuy, de Carpentras, bello amo liberalo, que, pèr pulèu fini emé ço qu'amas pas, demandarias simplamen l'interdicion de nosto lengo, digas : s'avès creba, sènso lou faire esprès, li dous o tres journalet qu'en vous bèn esquichant avias espeli, pecaire ! sian-ti l'encauso de vòstis avourtoun ? À vòsti papafard, que trespiron lou verin, lou publi de Prouvènço preferis l'*Armana*, l'armana clar e galoï que bouto en trin li farandoulo... N'en poudèn de mai ? Aurias belèu bèn fa, M. Dupuy, de pas quita lou prouvençau, que parlavias tant bèn en estènt jouïne... vous ensouvèn ?

Quant à M. Landais, es, pèr entendre dire, un rude arqueologue, un gros furnaire de ratun. Mai acò 's tout : la pouesio em' eu n' a rèn à veïre. L'escusan doune : sian pas dóu meme diéu.

Vaqui li quatre glàri que se soun counjura contro lou Felibrige... Bono salut, Messiés ! countinuas de faire acampa li gènt, nous-autro cantaren, e longo-mai lingueto !

V

Aro, parlaren-ti d'aquéu rambai de rimassaire e d'estrassaire sènso noum, que, noun poudènt miéus faire, tèn boutigo d'insulto encò d'un revendeïre ? Noun, avèn pas lou tèms. Acò-d'aqui es la *basso Prouvènço*, rèn la pòu releva ; acò-d'aqui es lou port de Marsiho... que sentira jamai la ferigoulo.

VI

Arriben à-n-un ome emé quau pousquen parla, à M. Damase Arbaud, de Manosco.

Dins la prefàci dóu segound voulume di *Chants populaires de la Provence*, que vèn de publica (Ais, Makaïre, 1864), M. lou Dóutour Arbaud, pèr justifica soun ourtougiràsi, qu'avian atacado l'an passa, trato aquelo matèri loungamen, e trovo forço à dire à la maniero felibrenco. N'es pas eici lou lio de veni à discussioun : lou large manco. Faren qu'uno óusser-vacioun à l'ounourable countrastaïre.

Es escri dins sa prefàci : *Nous avons scrupuleusement suivi l'orthographe étymologique, celle du Lexique roman de Raynouard et du Dictionnaire de la langue d'Oc d'Honnorat* ; pièi, — uno bello provo qu'aquéu sistèmo es inaplicable, e que fau se gibla davans la prounounciàcioun mouderno, — M. D. Arbaud, tout-de-long de soun libre, emplego l'o au lio de l'a dins li finalo femenino, countrarimen à Raynouard, countrarimen à Honnorat. Aro, un pichot eisèmplo.

M. Arbaud escriéu :

— *Bargiero, se vouriatz m'amar,
Auriou encar' uno bourselo.
— Garde les moutons qu voudra
Eme lou galant vau anar.*

E nautre aurian escri :

— *Bergiero, se voulías m'ama,
Auriéu encaro uno bourselo.
— Garde li mouloun qu voudra,
Emé lou galant vau ana.*

M. Arbaud escriéu :

*Es tres houros passados
Cousin, fau s'embarquar,*
Avem la piroulado,
Aujourd'hui grand gala.*

* Noutas bèn qu'Honnorat dis d'escriéure embarcar.

E nautre aurian escri :

*Es tres ouro passado,
Cousin, sau s'embarca;
Avèn la peiroulado,
Au jour d'uei grand gala.*

Queto maniero es la plus gènto, la mai vertadiero, la mai poulàri ?
Leitour, chausisse.

VII

Lou gros reproche que fan au Felibrige si contro-disènt, lou pecatas irremissible, es l'oumessioun dis *s* dóu plurau emé dis *r* de l'infinitieu. S'avian coupa l'auriho de Moussu lou Curat, aurian bessai pas tant eigreja de coulèro.

Eh bèn ! voulès que vous diguen perqué metèn ges d'*r* à l'infinitieu ? escoutas : es per-ço-que

1° Lou pople dóu Miejour, e tout entiè, nous douno eisèmples, car, d'uno mar à l'autro, prounóuncio *canta, brusi, courre*, e noun *cantar, brusir, courrer*.

2° Li pu renouma troubaire despièi 200 an, Goudouli, Saboly, Gros, Favre, Pelabon, H. Morel, Thouron, Lafare-Alais, Jasmin, Moquin-Tandon, Benedit, Gelu, Roumanille, Crousillat, Gaut, Mistral, Aubanel, etc., etc., an rejita l'*r*.

3° Li diciounàri li pu vièi de nosto lengo, tau que Doujat, Sauvages, Pellas, e dins li mouderne, Abriéu, Couzinié, Azais, an peréu oumès aquèu vièi chichibèlli.

4° Li latin escrivien *mori, pati, nasci, pasci*, còume nautre fasèn : *mouri, pati, naïsse, païsse*... E voulès qu'escriguen *mourir, naïsser* ?

5° Enfin, li Prouvençau soun pas soulet d'avè alisca si verbe còume acò, e li Valaque — que comton còume nautre au noumbre di sèt pople rouman — an còume nautre escampa l'*r* de-long dóu camin.

VIII

Venèn à l'*s* dóu plurau, e veici li resoun que nous l'an facho rebuta :

1° Dins li cinq despartamen de la Prouvènço, lou pople n'en fai ges senti, ço que rènd nosto lengo mai-que-mai couladiisso.

2° La grammatiko di troubadour esplico e autouriso nosto prounounciacion, car l'*s* èro autre-tèms signe dóu singuliè, noun dóu plurau : « *Lo nominativus singularis, quan es masculis, vol s en la fi, el nominativus pluralis nol' vol* (Donatz Proensals). » Es vrai que, dins de cas, còume à l'acusatièu, l'*s* redeveniè la marco dóu plurau, e acò-d'aquí esplico la

prounounciacioun de Lengadò e de Gascougnò, qu'es tant siblarello. Aquèsti an garda l'acusatièu, e nautre lou nouminatièu.

3° La provo que l's, coume signe plurau, es pas necito, e que lou sèns e lis article sufison pèr acò, es qu'en francès, coume en italian, i'a grand nombbre de mot indeclinable : tóuti li mot en *as, ais, aix, eux, is, ois, os, ous, ours*, etc., coume *repas, palais, faix, gueux, ris, fois, dos, jaloux, cours*, n'an pas lou mendre signe pèr la pluralita... E tambèn passon.

4° La generalita dis escrivan de la Prouvènço, e di poun li pu divers, an, dins aqueste siècle, segui aquelo règlo d'esperèli, temouin : Benedit e Gelu, de Marsiho, Gaut e Vidal, de-z-Ais, Pelabon e Thouron, de Touloun, Crousillat, de Seloun, Rancher, de Niço, Reybaud, de Carpentras, Castil-Blaze, de Cavaïoun, Roumanille, de St-Roumié, Adolphe Dumas, de Cabano, Mistral, de Maïano, Aubanèu, Martin, Brunet, Cassan e Boudin, d'Avignoun, l'abat Aubert, d'Arle, l'abat Lambert, de Bèu-caire, Tavan, de Gadagno, Autheman, de l'Islo, la Felibresso dóu Cauloun, Roumieux e Bigot, de Nimes, Trussy, de Lorgo, etc.

5° Enfin, pèr la gràci de Diéu e la voulounta dóu pople, li pouèto soun rèi dins la lengo qu'escrivon : ço que fan es bèn fa, ço que dison demoro, e la mendro cansoun es mai counservarello d'uno lengo que la proso pe-dassado de 40,000 Artaud.

IX

Dins lou mounde, pamens, noun i' a pas que d'Artaud. Se la lusido pouetico fatigo lis iue d'ùni, e se la réussido fai escuma l'envejo, n' i' a d'autre urousamen que se fan un plesi de pausa de courouno sus lou front di pouèto.

Lou 5 de mai 1864, l'Acadèmi de Beziès dounavo soun *Brout d'Ouliviè* au felibre Thouron. Pèr rèndre ounour à soun valènt counfraire — que tres an a-de-rèng a counquist lou rampau (en Ai, en Agen, à Beziès), Mistral e Roumanille l'avien acoumpagna. A la coumuno agué lio lou triounfle, davans uno assemblado di pu bello, à la presènci de l'Acadèmi en cors, de l'amenistracioun de la eiènta, e de M. Viennet, lou fiéu ilustre de Beziès.

Après la *Cansoun dóu Soulèu*, remarcablamen dicho pèr l'Ourfeon dóu lio, après un savènt discours de l'amistous M. Carou, president de l'Acadèmi, Mistral diguè soun odo *I Catalan*, e Beziès tresanè à-n-aquéu crid venjaire contro Simoun de Mountfort.

Pièi Roumanille regalè l'auditòri de sa pèço *lou Partage* ; M. Louis Noguer fai lou raport sus lou councours, e lou galoï M. Thouron, emé l'afat de tóuti, legis la pastorello qu'a óutengu lou pres. Enfin M. Viennet

emé tres fablo esperitado, M. Junior Sans em' uno bono boufounado, e M. Gabriel Azais em' uno fort graciouse pèço, terminon la sesiho. — Un banquet magnifique réuniguè, lou vèspre, Lengadoucian e Prouvençau : li muso sorre ie cantèron, e Bautezar Floret, lou gai troubaire d'Agte, em'un conte charmant ie paguè soun escot.

X

Cinq mes après, la vilo d' Ais, à l'oucasion d'un counours d'agriculturo, aguè l'idèio de n'en durbi un de pousesio prouvençalo. La presidènci, ouferto tout-d'abord au Capoulié d'ou Felibrige, fuguè d'eu refusado pèr eiçò : à la faci de la vioulènto acusacion soulevado contro nautre pèr li vineu de nòsti Jo Flourau, èro necite de prouva, clar coume lou soulèu, la rediculèta, lou marrit founs dis acusaire.

Or l'oucasion èro trop bello.

Veici lis ome que fuguèron chausi de l'amenistracion pèr èstre juge de la lucho : MM. Gaut, felibre, presidènt ; Nourbert Bonafous, proufessour à la Faculta di letro ; lou canounge Eméry, troubaire ; Carbonnel, proufessour au Coulège d'Ais ; Mouan, secretàri perpetuau de l'Acadèmi d'Ais ; Hermitte, ome de letro ; Constant André, avouat, e Marius Bourrelly, troubaire. Tres tèmo èron douna : *l'Eloge d'ou rèi Reiniè, l'Eloge de l'agriculturo prouvençalo*, em'uno *Galejado*. — T'outi lis ourtougرافی èron amesso... Vai bèn.

Lou 17 de setèmbre 1864, dins la grand salo de la coumuno d'Ais, poulidamen abandeirado, e espandissèn lis armo di principàli vilo d'ou Miejour, davans un auditòri ufanous, aguè doune lio la fèsto pouetico. M. Roux, maire d'Ais, en coustume, enviourna de sis ajoun e d'ou counsèu municipau de nosto capitalo, duerb alor la sesiho pèr un galant discours ounte es glourificado nosto literaturo. Pièi lou presidènt Gaut, dins uno longo tiero de bèu vers enauro peramount lou drapèu de Prouvenço, e M. Bonafous, elegant racountaire d'ou coumbat, dins soun raport courous e imparciau, prouclamo li vineèire.

86 luchaire avien pres part à la mesclado. Vesès que pèr gagna falié pas avè la rampo... Veici li primadié.

1^o Pèr l'Eloge d'ou rèi Reiniè, *Medaio d'or* au felibre Crousillat, de Se-loun ; — *Medaio d'argènt* à Marius Girard, de Sant-Roumié ; — *Mencioun d'ounour* au d'outour C. Bernard, maire d'At e felibre ; — *Mencioun d'ounour* à Lucian Geoffroy, à Paris.

2^o Pèr l'Eloge de l'Agriculturo, *Medaio d'argènt* à la felibresso Roso-Anaïs (M^{me} Roumanille) ; — *Medaio d'argènt* à Emile Ranquet, de Vilo-

no vo ; — *Medaio d'argènt* à Albert Arnavielle, de Bessejo ; — *Mencioun d'ounour* à Roumié Marcelin, de Carpentras.

3° Pèr la Galejado, *Medaio d'argènt* à F. Peise, de Marsiho ; — *Mencioun d'ounour* à J. Huot, d'Ais.

XI

D'ounte resulto, irrefragablamen, que li laureat Thouron, Girard, Roso-Anaïs, Ranquet, Arnavielle e Bernard, — que noste counsistòri courounè, o menciounè, dins li Jo Flourau d'At, e di quau M. Artaud countestè la vitòri en l'atribuïssènt à la favour, — èron justamen digne d'aquelo destincioun, d'abord que-z-Ais, Beziés emai Agen, óuficialamen lis an recourouna...

M. Artaud, acò 's ansin : plantas-ie 'n cade !

XII

La pèço qu' a gagna la *Medaio d'or*, — e de la qualo lou rapourtaire a di : « *Le style de cette ode est aussi correct que la pensée en est élevée, et, dans son vol sublime, le poète n'a pas une seule défaillance,* » — la bello Odo de Crousillat au rèi Reimié, fai partido de la *Bresco*, recuei de pouesio anuncia l'an passa dins nosto Crounico. Un alòngui urous de l'empremeire a permès à l'autour de manda coume inedicho sa pèço au counours d'Ais ; mai la *Bresco* aro es en vèndo, e quau vòu un baguié de perlo literàri, de jouièu felibren, n'a que de la croumpa.

Quiten pas Crousillat sènsò felecita li Selounen de sa bello counducho vis-à-vis de soun pouèto. Quand l'autour de la *Bresco* revengué de-z-Ais, la musico de Seloun i' ané jouga la serenado, e siegué fèsto dins l'èndré. Brave, li Selounen !

XIII

Veirés pu liuen, dins l'Armana, qu' i mémi fèsto d'Ais, i' aguè tambèn un counours de tambourin. Or la joio decernido pèr la vilo i meïour tambourinaire, fuguè just *Lou Tambourin* de noste ami Vidal, autro vitimo de M. Artaud. Semblable ounour, de la part de talo vilo, mostro noun soulamen la valour de l'óubrage, mai encaro lou cas que l'on fai en Prouvènço dis insinuacioun de la raço bizaïno. Ço que i'a de certan, es que li libre dis Artaud serviràn jamai de joio.

Lou Tambourin es un poulit vòlume de 300 pajo, countenènt l'istòri e la metodo de l'estrumen emé 80 èr nouta, èr naciounau de noste païs.

XIV

D'un autre caire, uno causo que fai gau es lou trelus e l'incessant prougrès dis estùdi rouman souldamen founda en Alemagno pèr Frederi Diez, l'autour celèbre de la *Granmatico di lengo roumano* (1836, 1838, 1844). M. Paulin Paris nous apren qu' à l'ouro d'ïuei, noste vièi prouvençau es esplica e ensigna dins vuech universita d'aquéu país, e entre tóuti, à Vieno e à Leipzig. E en Franço, o vergougno ! pas uno Faculta n'es counsacrado à-n-aquelo obro : leissan en d'Alemand lou siuen de nosto glòri, laissan en d'estrangié l'amiracioun de nòsti rèire ! E ço que i'a de triste es lou desden que l'on afèto, e ço qu'es redicule es l'ourguei que l'on mostro dins sa proprio ignourènço. Mai fau vèire, au countràri, l'afecioun dis Alemand, e lou cas e l'eloge que fan de nosto lengo. « Noun se pòu trop recoumanda, a di lou dótour Mahn au coungrès di Filologue, l'estùdi e l'ensignamen de l'encian prouvençau : es èu la clau, es èu la foundamento dis àutri lengo latino. » Lis Alemand, partènt d'aquí, an entre-pres de publica tóuti li pouesio de nòsti Troubadour. En foro di travai de Raynouard, de Fauriel e de M. Guessard, que soun pamens counsiderable, an deja parcigu lou *Provenzalisches Lesebuch* de M. Bartsch, lou *Girartz de Rossilho* de M. Hoffmann, e lou *Gedichte der Troubadours* e li *Werke der Troubadours* de M. Mahn.

Lou plus bèu es que, pèr coumpli lou tout, uno soucieta filoulougico de Berlin a fourni 500 thaler au dótour Grzymacher pèr qu'anèsse coupia tóuti li manuscri prouvençau que se trovon à Milan, Flourènço, Roumo e Veniso. Lou savènt dótour vèn d'acaba soun prefa, e meme qu'a douna, dins l'*Archiv für das studium der neueren Sprachen*, la taulo de tóuti li pouesio prouvençalo counservado au Vatiean e à Moudeno, emé lou tèste di pèço inedicho.

Es perén juste de menciouna eiei uno revisto di literaturo roumano e angleso, *Jahrbuch für romanische und englische literatur*, que se publico à Leipzig, despièi 1858, souto la man de M. Ebert.

La souleto nouvello que pousquen douna de Franço, relativo à la cultura de la vièio lengo d'O, es aquesto-d'eiei : lou felibre Pau Meyer vèn d'èstre autourisa à faire un cours publi sus l'istòri de la literaturo prouvençalo, à l'Escolo di Charto de Paris. Ie desiran forço escoutaire, e proumetèn is escoutaire forço goust.

XV

Lou Felibrige a fa dins l'an dos perdo precieuso, aquelo dóu troubaire D'Astros e aquelo dóu pouèto Reboul, de la Tiero dis Ami. Veguès au

Mortuorum ço que devèn à la memòri d'aquéli fraire regreta, d'aquéli dous valènts ami. Avèn chausi, en plaço dóu proumié, M. Ernest Rousset, de Nîmes, gènt escrivan dóu *Courrier du Gard*, e ardènt proupaire de l'idèio felibrenco.

En plaço dóu segound, avèn nouma M. Daniel Grasset, de Mount-pelié, alègre mantenèire de noste Gai-Sabé.

Sachon enfin nòsti luchaire que l'Acadèmi Bezierenco proumet toujour un *brout d'Oulivié d'argènt* à-n-aquéu que mandara, 'avans lou mes d'abriéu 1865, la meiouro pouesio en prouvençau.

XVI

Veici, pèr acaba, la listo dis óubrage publica nouvelamen e que traton dóu Miejour :

— *Nobiliaire des Bouches-du-Rhône*, par M. Gourdon de Genouillac et le Marquis de Piolenc, Paris, Dentu, Aubry et Dumoulin.

— *Annuaire du Languedoc* (1862-1863), deuxième année, publié par M. Louis de la Roque, countenènt, entre àutri causo, la noumenclaturo di terro noblo de Lengadò, lou caié di doulènci de la noublesso e dóu tiers-estat de Mount-pelié, emé lou de la noublesso de Toulouso, remés i deputa de 1789. Paris, Dentu e Aubry.

— *Les Derniers troubadours*, Jasmin, Mistral, par Adrien Donnodevie, extrait de la *Revue contemporaine*, Paris, Dubuisson. 1863.

— *Valdepeiras*, de Madamo Charle Reybaud, vòlume de nouvello que la plus part se passon en Prouvènço, talo que le *Fada* et une *famille de Parias*. Tòuti counèisson lou gàubi fin e bounias, lou cop d'iue penetrant e lou pincèu bèn prouvençau de Madamo Reybaud, l'autour de *Misé Brun* e dóu *Cadet de Collobrières*. Paris, Hachette, 1864.

— *La Prédicante des Cévennes*, rouman de Madamo Louis Figuier, 1864, Paris.

— *Lorgues et Toulon (union des deux villes, pestes de 1664 et 1731, etc.)* par M. Octave Teissier, Marsiho, Gueidon, 1864.

— *La légende des Saintes Fontaines, aujourd'hui Bondonneau (Drôme)*, par A. Espanet, Montélimar, Bourron, 1864.

— *Concours de poésies provençales, concours académique et fêtes agricoles d'Aix, en 1864*, Ais, Remondet-Aubin.

— *Notice sur le pèlerinage de Rians à Lérins, cantique provençal en l'honneur de Saint Honorat*, Ais, Remondet-Aubin, 1864.

ANSEUME MATHIEU.

DISCOURS DE JAN-BATISTO GAUT

AU COUNCOURS DE POUESIO PROUVENÇALO

De la vilo d'Aïs (17 de Setembre 1864).

I

Li a vounge annado, eici, dedins aquesto salo,
Venguerian festaja lei Muso prouvençalo ;
Auserian trefouli soun lengàgi courous,
E la vilo de-z-Aïs, l'enciano capitalo,
Aplaudiguè long-tèms à sei cant melicous.

Li a vounge annado, aussi, que sieissant troubaire,
Acampa de pertout, rampela de tout caire,
Arribèron ensèn au son dei tambourin.
Em' un biais amistous, aquèu vòu de cantaire
Alarguè dins leis èr l'eissame dei refrin.

Que gàubi tria ! que goust ! queto boueno-chabènço !
Que joïo ! que soulas pèr lei gènt d'en Prouvènço !
À l'envanc dei cansoun que nous coungousterian !...
La tristesso treboulo aquelo souvenènço :
N'en manco mai que d'un dei cantaire qu'erian !

Vesèn plus, au mitan de la grando taulado,
Lou capoulié D'Astros mestreja l'assemblado.
L'ausèn plus, desbuiant em' un tant poulit biaï
Lei fablo, en prouvençau finamen revirado,
Que fasien, en cadun, un plesi que-noun-sai !

E noueste vièi Bellot, lou pouèto cassaire,
Dóu ribas marsihés lou pouèto pescaire !
De la mouert a sauta dintre lou toumple amar !
Se sa voues canto plus emé nautre, pecaire !
Leis aucèu de la couelo e lei pèis de la mar,

Sei vers diran toujour nouèstei couelo embeimado,
La mar, que cacalejo o reno, abrasamado ;
Sei coublet fan bouqueto ei gènt dei cabanoun ;
E rên pourra passi sa flous de renoumado,
Nimai lou laurié verd que céncho soun bèu noum !

E tu peréu, D'Astros, ta glòri rèsto entiero,
E nouesto vilo d'Ais s'en trobo l'eiretiero !...
Adounc, à touei lei mouert ounour e souveni !
Ounour e souveni pèr la tròu longo tiero
Que la toumbo envejouso... empacho de veni !

II

Quand de vieiùgi toumbo un roure, de sa mato
Uno nouello vido à soun entour esclato,
E se ves regreia pertout de rejitoun.
Mai aquélei gisclan, que la souco recato,
Mouton souvènt pus aut que l'antique cepoun.

Ansin, despièi vounge an, la lengo prouvençalo
Ves poussa de tout caire uno ramo verdalo
Qu'aubouro, eilamoundaut, de rampau pouderaus !
La sabo proumeirencò ei brout escalo, escalo,
Enaurant jusqu'ei niéu sei cimèu auturous !

Jamai la pouesio en Prouvènço a d'esclùssi,
Ni dóu tèms sournaru cregne lou dai destrùssi :
Lou Cauloun ves rougi l'*Amouro dei ribas*,
E la calignairis qu'a canta Moussu Trucy,
Margarido, parèis dins lou Var, eilabas.

Alin de-vers lou Rose, ausès la *Farandoulo* !
A la voues de Mathiéu,ubre l'erbo que boulo,
Canto e sauto, en raubant de babeto e de flour.
Ta *Miòugrano*, Aubanèu, que l'amarun treboulo,
Espandis soun courau, mèu que sènte l'eigrour.

Ate, vilo de goust, quito sei counfituro :
En acampant li flous qu'embaimon sa centuro,
N'en treno de bouquet, lei pouerge ei *Jue Flourau*.
Mai l'óulivo d'argènt que soun cèu amaduro
Es pèr un cadet d'Ais, pèr lou jouine Vidau.

Marsiho, à centenau eissamo sei troubaire,
E maugrat lei sambé, soun journau *Lou Cassaire*
Leis aganto pas touei emé soun grand fielat ;
N'en a de touto merce e n'en vèn de tout caire,
Au travès de la mar, o de la man d'eila.

Oh ! perqué Benedit espoutis plus lei *Nèrvi* !
Perqué Gelu, qu'avié dins sei det tant de nèrvi,
Nous fa plus frenesi 'mé sa cœuerdo d'aran !
Mounte a leissa la Muso à la pipo de Sèrvi
Que dei quèco sabié tant prene lou trantran ?

Voulès uno nouvello, uno nouvello fresco ?
Crousillat, de Seloun, va nous durbi sa *Bresco*
E fa coula soun mèu... Pièi, pèr nous metre en trin,
Vidau nous jugara menuguet o moureseco
Subre lou Galoubet, subre lou *Tambourin* !

O pouèto d'èneuei, poudès leva la tèsto,
E veni, tôtei fièr, veni dins nouesto fèstò,
Car noueste àgi a trouba la glòri que voulié.
La Muso a d'amourous à miliasso e de rèsto ;
Lei troubaire an segur de flâmei capoulié.

N'en an fa trelusi, de joio e de lièurèio !
Emé la sedo e l'or coumo an vesti l'idèio !
Oh ! que d'*Obro* e d'*Oubreto* an alesti tant lèu !
Jamai la pouesio avié fa de *Mirèio*
Qu'aguèsson courouna tant de rai dóu soulèu !

III

Adoune, la vilo d'Ais, qu'es sèmpre capitalo,
Car saup reviseoulia, 'mé l'alen de soun alo,
Lou recalièu dóu bèu, de la sciènci e de l'art,
Vuei vèn mai rampela lei Muso prouvençalo,
E li pouerge la man sus lei ribo de l'Are.

O vautre, lei fidèu de nouesto lengo maire,
Dins nouesto Court d'Amour venès touei vous fa fraire,
E sarras-vous antour de noueste vièi drapèu.
Lou Païs vous aluco, o poudèrous louchaire.
Assajas vouèstei forço, o vautrei lei fidèu !

Venès. — Se lei proumié gagnon tôtei lei joio,
Aquèlei qu'en cantant auran pas tant de voio,
Seran pèr lou Païs ama ni mai ni mens ;
Car lou front dóu pouèto a 'n trelus de beloio
Que dóu poplo esmougu tiro l'aplaudimèn.

IV

Sèmble qu'ausi d'eicito o d'eilato — ai l'ausido ! —
 Un voues trufarello, e qu'en risènt me crido :
 As pas crento, marrias, de parla prouvençau ?
 Fuge la vilo ! lèu ! vai-t'en à la bastido,
 Car lei gènt coumo fau parlon francès, badau !

Sies pas countèn, veguen, d'èstre enfant de la Franço,
 Aquèu noble país que lou proumié s'avanço,
 Samenant autour d'èu-la civilisacien ?
 Que soun bras peso tant dins la grando balanço
 Mounte fan trebuca lei rèi e lei nacien ?

Co qu'es la verita fau jamai que s'escòunde :
 La lengo de la Franço a la gràci, l'abounde,
 Lou biais, lou goust ; l'afiat enauro seis escrit.
 La lengo de la Franço es la lengo d'ou mounde !
 Flamejo de grandour, beluguejo d'esprit !

O glàri d'autrei-fes, o trevan d'un autre àgi,
 Voudriès-ti revieu da nouésteis encians usàgi ?
 Mai la pouerto d'ou tèms a vira sei gounfoun
 Sus la satrassarié deis obro e d'ou lengàgi ;
 E lou parla d'antan es mouert, e mouert de-foun.

Marches de reculoun coume un chambre ? L'estello
 Trelusis dins lou gaz, alumes la candèlo ?
 Coupes lou fiéu d'aran de l'elcitricita ?
 Estoufes la vapour souto la cabussello ?
 As pas pòu que soun tron vèngue te fa sauta ?

V

Vaqui foueço resoun e foueço charradisso
 Sènso grand a-prepaus 'mé nouesto cantadisso.
 Vous esgousihés pas, renaire empachourlous !
 Leissas-nous regala de nouesto parladisso.
 Eh ! d'aquéu passo-tèms perqué serias jalous ?

Ai pas pòu que lou tron de la vapour me... fure !
 Que l'elcitricita vèngue lèu nous adurre
 Soun soulèu miracelous qu'embourniara lou gaz,
 E que touto lusour dins lou siècle s'empure !
 De nega lou prougrès sian pas tant darnagas.

Lou prougrès! mot novèu! Nouèstei rèire, es daumàgi,
L'avien pas vist clussi, plumàgi ni ramàgi.
Fau que lou batejen au jour d'uei prouvençau!
Noueste tèms marcho vite! An! couràgi à l'òubràgi!
Tèms novèu, novèu mot! Cadun saup ço que saup.

Nautre renegan rèn de nouesto jouino istòri;
Sabèn en chasque sant basti soun òuratòri.
Sian foueço mai Francès que foueço Franchíman!
La Prouvènço a d'enfant qu'escrivon, sus l'ivòri,
Lei triounfle dóu jour emé lei de deman.

Mandas vouèsteis enfant, vùech an, dins uno escolo,
Pèr li fa remaumia, rèn que pèr glouriolo,
De vièi rouigoun de grègo e de troues de latin.
Pèr li engourga, pamens, aquèlei faribolo,
Dessecas sus lei banc tant de pàurei mesquin!

Bello enfantueio! Vian s'estransina ta caro
Rèn que pèr lou malan d'aquélei lengo amaro!
E troubas estonnant, acò vous embrunis,
Qu'amen, e que parlen, e que canten encaro
La lengo deis encian, lou teta-dous dóu nis?

Aquelo lengo, anas! es pancaro toubado!
Leissas-nous à lesi juga nouèsteis aubado,
De noueste paraulis vira lou cabedèu.
Avès bèu li crida, de-longo: A l'acabado!
Vian toujours regreia d'eissame de fidèu.

Encuei, au bèu mitan de la Franco nouvello,
Coumo antan la Prouvènço a d'auro dins sa velo;
Encuei, coumo un jardin escoundu dins un boues,
Lou prouvençau verdejo e pouzzo sei jitello,
Mounte milo auceloun fan zounzouna sei voues.

Gramaci doune à vous, Conso, que, de tout caire,
Acamperias à-z-Ais la loucho e lei louchaire.
Leis un soun dins lou prat, leis autre fan lou round.
Lei tres joio au trouba lei meiour revessaire;
Lei revessa, plus tard, leis agantaràn proun.

Gramaci, vilo d'Ais, que dins soun sen empuro
L'amour de la Prouvènço e de sa lengo puro.
La Franço es richo, — a dich un letru de Paris : —
Anantis doues bessouno, a doues literaturo !
Glòri bessouno vèngue à noueste bèu Païs !...

Nautre, gènt dóu Miejour, enfant de la Prouvènço,
Avèn au couer tres fe, nourrissèn tres cresènço ;
Jouine o vièi, riche o paure, à tout pres nous lei fau,
Car fan despièi longtèms nouesto boueno chabènço :
Sian Crestian, sian Francès, subre-tout Prouvençau !

J.-B. GAUT.

LI TRES CASSAIRE.

l'avié, uno fes, tres cassaire de Venasco, que ie disien Sauvian, Filou-
goun e Bounifaci.

Un jour, de bon matin, partiguèron pèr la casso, e se proumeteguèron
de manja 'nsèn ço que cassarien.

E barrulo que barrularas ! un d'eici, l'autre d'eila.

Quand proun aguèron barrula, de-vèspre s'acampèron :

— Iéu, faguè Filougoun, ai manca dos lèbre. Li bèlli lèbre , lèi de
Diéu !

— Ah ! n'adusiéu segur quatre, diguè Sauvian..., s'aguèsse un bon
chin !

— Iéu, diguè Bounifaci, èro un gros lebraut quand landavo ; es esta
qu'un lapin quand l'ai engranaia ! Que n'en disès ?

— Es poulidet e grasset, faguè Sauvian... Mai, n'auren pas proun...

— Vau segur pas la peno de se bouta 'n trin, venguè Bounifaci... Sabès
pas ço qu'ai pensa ?...

— Tiren-lou à la paio courto !

— Se lou vendian !...

— Noun ! Lou de nautri tres que, la niue que vèn, fara lou pu bèu
sounge, lou lapin sara siéu. Voulès ?

— Eh bèn ! vague, diguè Filougoun.

— Zóu ! diguè Sauvian.

E se desseparèron, pèr se revèire l'endeman.

L'endeman, s'acampèron mai :

— Ai gagna, vèn Filougoun tout trefouli ! Oh ! mis ami de Diéu !

quete soungé ! lou poulit soungé ! Oh ! jamai de la vido !... Lis ange me soun vengu querre, e me pourtavon à la brasseto... Eh ! qu'èro brave ! E me tintourlavon, e me risien... Me sèmblo que ie siéu. E sis alo en voulant fasien uno musico !... Que siéu esta badau quand me siéu reviha !

— Eh bèn ! diguè Sauvian, as perdu lou lapin. Anaves en paradis, tu, e iéu, i'ère ; ère au bèu cèu-sin dóu paradis tresen ; e vesiéu, d'apereilamoundaut, un vòu de Cherubi que pourtavon noste bèu Filougoun en triounfle. Semblaves un soulèu, moun ome ! E li Cherubi nous adusien Filougoun, e cantavon, e tresanavon, e trelusissien qu'esbrihaudavon !... E tu, Bounifaci ?

— Ah ! bèn, iéu, diguè Bounifaci, quand ai vist que Filougoun èro i pèd de Diéu, e que Sauvian l'anavo sus lis alo di Cherubi : — Se trufon bèn de moun lapin, me siéu di ! E, ma fisto ! ai manja lou couniéu.

LOU CASCARELET.

PERQUÉ ?

— O tu que tant souvènt l'as visto sounjarello,
Digo-me li pantai que treboulon la bello,
Estello d'or,
E pèr que fugue ansin tant apensamentido,
Digo-me ço qu'a dounc ma migo tant poulido
Au founs dóu cor...

Ah ! digo-me perqué, quand si bloundis amigo,
Au brut dóu tambourin, qu'i pèd ie fai coutigo,
S'envan dansa,
Elo, alor, plan-planet s'escarto de la foulo,
E vai pereilalin s'assetta touto soulo
Pèr mies ploura ;

Perqué sus soun front blanc vese tant de tristesso ;
Perqué sèmblo óublida sis encièni proumessos
Pleno d'amour ;
Perqué vese plus, iuei, de ma douço amigueto
Lou sourrire espeli sus sa fino bouqueto
Coume uno flour...

— Se plouro tant souvènt, la chatouno que t'amo,
Es qu'un bèu jour de Mai ausiguè dins soun amo

La voues de Diéu

Ie dire : « Moun enfant, baio-me ti pensado ;
« Soulet, siéu lou soulas dis amo matrassado ;
« Vène vers iéu !... »

E despièi aquéu jour, la pauro adoulentido,
Pèr coumplaire à soun Diéu, segur sarié partido ;
Mai te quita ?...

Es acò que la fai, pecaire ! souloumbrouso ;
Es acò que la rènd ansin tant malurouso
Que n'es pieta !...

Mai, quand aura vesti la raubo di mounjeto
E qu'i pèd de soun Crist s'atrouvara souleto,
Soun cor souvènt
Emplira de toun noum si pus dóuei preièro,
Que mountaran vers Diéu d'aquesto pauro terro
Coume un encèns !...

ANTOUNIETO DE BÈU-CAIRE,

Felibresso de l'Èurre.

Bèu-caire, 15 de setèmbre, 1864.

LOU PAPO BENEDIT XII.

En Avignoun, à la glèiso de Nostro-Damo de Dom, e dins uno capello à man drecho dóu Cor, se vèi encaro, coucha subre sa toumbo — toumbo simple e sevèro — un grand papo de mabre emé la tiaro au front : es lou Papo Benedit XII.

Benedit XII — que regnè en Avignoun de 1334 à 1342 — èro lou fiéu d'un móunié de Toulouso.

Quand l'aguèron nouma, soun paire — qu'èro encaro en vido — lou sachè, e tirè vers Avignoun pèr vèire soun enfant dins soun pountificat. Aquí l'envirounèron li segnour de la vilo, lou vestiguèron de vestimen de sedo, e pièi poumpousamen l'acompagnèron au palais.

Benedit XII li reçaupè fort bèn ; mai quand ie presentèron soun benuous de paire : — Oh ! noun, diguè, acò n'es pas moun paire. Moun segne paire es un paure móunié dóu basacle de Toulouso — que jamai de sa vido a pourta sedo ni satin. — E vouguè pas lou recounèisse.

Lou paure vièi, doulènt, tournè reprene soun vièsti de mounié, e 'm' acò venguè mai davans soun siéu. Mai aquest cop lou Papo l'em-brassè — e plourèron long-tèms dins li bras l'un de l'autre — e l'ounourè coume soun paire graciosamen e davans tóuti, — voulènt moustra qu'au mai un ome es parti de basso man, au mai dèu respeta soun óuregino.

Pièi ie donè d'argènt pèr se croumpa 'n moulin e vièure sus lou siéu ounestamen ; e lou remandè 'nsin, en ajustant que noun èro permès d'apauri la Glèiso pèr enrichi si gènt.

N'i'a que trouvèron dur lou Papo Benedit. Iéu, dise que lou Papo agiguè sajamen e sajamen parlè ; car lou mai que maucoro dins lou respèt de la justico e de l'autourita, es quand li causo noun s'envan que pèr coumpaire e pèr coumaire.

LOU CASCARELET.

QUATRE POUTOUS.

(Parla de Lengadò).

I

Janeto, un vèspre, èro embé iéu ;

L'aviéu fa quita d'en journado

Un pau pu tard que noun se dèu ;

L'ère anado assourti ; l'aviéi acoumpagnado...

Èro escabour, sian sòuls ; sèns leva l'iel dóu sòu,

Me disiè : « 'mbé vous ai pas pòu... »

Trouvave qu'anavian trop vite !

Anavian èstre à soun oustau,

Quand me diguè : « Fau que vous quite ;

« Moun paire es ailai au pourtau ! »

E vouguè 'n s'escapant retira sa maneto,

Mai iéu tenguère soun delou,

E 'nte pouguère, à sa gauto fineto •

Faguère moun prumiè poutou !

II

Un autre vèspre, à soun oustau,

Tout lou mounde me fasiè fèsto ;

Moun sort en toutes fasiè gau :

Emb' uno raubo blanco e de flous sus la tèsto,

Amistouso venié se metre à moun cousta,

Emb' un pichot èr acata
Risié 'n m'escoutant d'en dessouto ;
Avié pas tant crento déjà ;
E quand seguèn souls, sus la routo,
Coumencè de me tuteja.

Quand vès nautres seguèn, me bailè sa maneto,
E sus l'anèl de soun detou
E 'nte vouguère, à sa gauto fineto
Faguère moun segound poutou !

III

Un autre vèspre, dóu travail
Veniéi bèn las, embé ma biasso ;
Ma cambro èro touto en rambal :
Janeto dins lou lie, plega dins sa bourrasso,
Palo, près d'elo avié soun enfant endourmi.
— « Pos travaia, moun paure ami !
Aro fau pas que Diéu nous laisse, »
Diguè Janeto. — « Moun efant,
Quau douno à naisse douno à paisse »,
Respoundeguère en l'embrassant.

E noste efantounet sourtiguè 'no maneto ;
Chascun ne prenguèn un detou,
E toutes dous à moun autro Janeto,
Ensemble faguèn un poutou !

IV

Autre vèspre, davans moun fio,
Tout soulet ma man sus ma gauto,
Plouravé en bressant moun pichot !
Mous einadets dormièu ! Janeto èro malauto !
Tout-d'un-cop me sounè : — « Moun ami, Diéu hou vòu !
Vène aici ; sènte que m'envau !
Vite, embrasso-me, vite, vite !
Lous efants dormon ?... an soupa ?...
Embrasso-lous pèr iéu ! vous quite !...
Laisso-lous... lous drevihes pa ! »

E, pecaire ! en sousclant, m'alounguè sa maneto ;
Moustrè lou cèl de soun detou...
E 'n barrant l'iel de ma pauro Janeto,
Le faguère un darriè poutou !

ANDRIÉU LEYRIS.

Alès (Gard), 1864.

L'ESTAMAIRE.

En 1763, l'an que tant boufè lou mistrau e que toumbè tant de nèu, lou Mistrau, que derrabavo tout, derrabè pas la gibo de Moussu lou Curat de Bargemoun, e la nèu blanchiguè pas soun jouine segoundàri.

Lou Curat de Bargemoun èro doune gibous ; mai sa gibo i'navo forço bèn, e la pourtavo emé biais, coume un camèu porto la sièuno. De façoun talo que se Moussu lou Curat s'èro, un bèu matin, pèr miracle, revilha sènso gibo, tout Bargemoun aurié di : — Es bèn daumage ! i'navo tant bèn !

Soun segoundàri èro bloundinèu... coume un courcoussoun. Èro pecat que se fuguèsse fa capelan, car, lou sabès, terro negro fai bon blad.

— *Oh ! estama brasa casseirolo, estama !* bramavo, un matin, pèr Bargemoun, un Napoulitan.

Passè davans la elastro.

Moussu lou Curat, sus sa porto, regardavo... de quete caire venié lou vènt.

— Rèn à refoundre ? rèu à blanchi ? ie diguè l'estamaire.

— Ah ! moun Diéu si ! repliquè lou Curat : se poudias me refoundre e blanchi moun segoundàri !

LOU CASCARELET.

PRINTÈMS E FELIBRE.

A MOUSSU A. VERDOT.

Is alen dóu printèms la campagno flouris ;
Un bon soulèu rescaufo, e tout crèis e tout ris !...
Felibre, fau canta ! L'amo coume la roso
Boutouno, s'espandis e l'eigagno l'arroso.

Fau canta 'mé l'aucèu voulant dins l'aire pur,
Emé lou riéu poulit que trais un gai murmur,

Emé lis aut ciprès que balanço l'aureto,
Emé lou parpaïoun que baiso li floureto ;

Emé li saclarello au mitan di blad verd
Que dison si cansoun, lou jougne entre-dubert,
E la maire belant soun enfantoun que teto,
Emé tout ço que parlo o zounzouno o bequeto.

Sus la tepo flourido anen nous asseta,
E canten, perquè Diéu nous douno lou canta ;
La naturo fai gau : dins nosto parladuro
Encadren li retra de la bello naturo.

Diéu es bon, — lou soulèu canto tóuti li jour, —
Diéu es bon, Diéu es grand, Diéu nous amo toujours !
E l'espigo di plano e la flour di mountagno
L'aprenon lou matin di poutoun de l'eigagno.

A l'oumbro di bouseas e sus lou bord di font,
Felibre, canto Diéu qu'a boufa sus toun front ;
A tout crea pèr tu : regardo, escouto, bèlo,
Dins la countemplacioun de sis obro tant bello !

Prenènt pertout sa part, à l'aubo, au calabrun,
A la luno, au soulèu, la flour fai soun prefum :
Pèr coungreia toun vers, felibre, de calamo,
De pas, de liberta, d'amour, nourris toun amo.

La ciéuta 'mé soun brut, lou mounde e si plesi
A peno de toun cor podon se faire ausi ;
Mai toun cant pietadous un moumenet regalo
L'enfant qu'a gens de maire e l'aucèu qu'a gens d'alo.

Creses à la famiho e l'amour crèi en tu ;
Vos counèisse e te fau un bonur escoundu ;
Ames lou cèu, la mar, e l'aubo e li niue claro,
E toun amo recato uno pensado amaro ;

Car toun amo pantaïo un bonur sènso fin
E vèi toumba li flour qu'esgaïon soun camin,
E, 'mé la set d'un bèn que sèmpre la desfauto,
Espèro, e rèi i' arribo, e n'es un pau malauto.

Mai l'amour, de toun front embandira li niéu,
L'amour reviéudara toun cor malancouniéu,
Car dóu bèn que toun amo entre-vèi en oumbrage,
L'amour es lou mirau e l'aubeto e l'image.

Dins la negro sournuro un lume agrado tant !
Brihas, linde regard di chato de vint an !
Se l'ome se languis, se lou felibre rèvo,
L'amour, soulèu divin, sus lou mounde se lèvo...

Felibre, canto Diéu, la campagno flouris,
La naturo tresano, e tout crèis e tout ris...
Canto Diéu e l'amour : l'amo coume la roso
Boutouno, s'espandis e l'eigagno l'arroso !

A. TAVAN.

Rougna, 1864.

AMOUR E POUESIO.

AU FELIBRE AFONSE TAVAN

Deus nobis hæc otia fecit.
(VIRGILE).

De la naturo o dous cantaire
Souto un rai de glòri assousta,
Quand un Diéu vous a fa troubaire,
As resoun, Tavan, fau canta !
Lou cèu nous larguè l'armounio
Pèr abouca nòstei doulour,
E vouguè que la Pouesio
Espeliguèsse de l'Amour.

O, canten la naturo amanto
Que, lou jour, la nue, sènso fin,
Souspiro, prègo, adoro e canto
Ei pèd de soun Ama divin.
Emé lei voues de la ramiho
Canten, plen d'uno santo ardour,
De Diéu lou noum, qu'es Pouesio,
L'obro de Diéu, qu'es rèn qu'Amour.

Lei bos, la mar, l'aire, nosto amo,
Soun lei cordo d'un estrumen
Que vibro uno sublimo gamo
Mountant de terro au siermamen ;
Mai, d'un nis l'umblo meloudio
Autant agrado au Creatour :
Prouvènço, astre de Pouesio,
Dins moun cor fai canta l'Amour !

Canten leis ue dei vièrgi bello
E lou front pur deis enfantoun :
Angi, femo à l'ounour fidèlo,
Que courounarias de poutoun...
Se l'ome a, pièi, de fernesio
Que ie dounon la tressusour ;
Fasen dire à la Pouesio
Coumo dèu s'eisserva l'Amour.

Canten la Franço magnanimo
Emai sei generous enfant,
La Poulougno, grando vitimo
Que rangoulejo dins soun sang !...
Nourri de fèu o d'ambrousio,
Au Païs devèn nòstei jour :
Patrioutisme e Pouesio
Soun de belugo de l'Amour.

Sus terro i'a proun labouaire
Que samenon lagremo e bla ;
Fau canta lou Bèn, pèr lou faire,
E la Peno, pèr l'assoula :
Vejen dounc subre la paouriho
L'or que ie secara sei plour,
Lei pantai de la Pouesio
Emé lou baume de l'Amour.

Tu, Religioun, maire deis amo,
Nous abarisses dóu bon gran ;
Destapes lou cèu à quau t'amo,
E quau s'abaisso, lou fas grand !

En servènt Diéu, fraire e Patrio,
Nous enauran au blu sejour :
O Religioun ! o Pouesio !
Sias lei dos alo de l'Amour !

AUGUSTE VERDOT.

Eiguiero, jun 1864.

LA ROUMIÉUVO DE ROCO-FORT.

Aquéu Dimenche, boufavo un vent-terrau dóu fio de Diéu.

Tanto Coulastico, maire de la Coungregacioun d'Aramoun, avié prou-mès un cire à Nostro-Damo-de-Roco-fort, e ie pourtavo à pèd soun pichot présent.

Lou vent-terrau se despoutentavo. Tanto Coulastico fasié souvènt mai de pas à rèire qu'à l'avans. Lou mistralas ie coupavo l'alén.

Arribè pamens, desgounfounado e touto relènto, emé soun cire rout, i pèd de la santo mountagno.

— Grando bello Nostro-Damo, faguè, ai agu proun obro, lou sabès, per m'adurre enjusqu'eici, iéu emé moun cire. Ai ni bras ni cambo... Fasès, au mens, que, quand m'entournerai, aquéu gusas de vènt boufe de l'autre caire.

Oh ! jour de Diéu ! quau vous a pas di que, quand tanto Coulastico à-n-Aramoun s'entournè, lou gusas de vènt boufavo de l'autre caire ; boufavo, e boufavo dur dóu caire d'Aramoun !

— Ah ! faguè la piouso roumiéuvo, siéu uno grando pecairis ! En van ai prega... Mai, noun ! s'aquéu vènt endemounia me boufo de-longo pèr davans, es que moun cire èro rout... Pamens, ma bello Nostro-Damo ! se moun cire s'es rout, n'en siéu l'encauso, iéu ?

LOU CASCARELET.

CRISTOU E BATISTO,

Pastourello qu' a gagna lou Rampau d'ouliivié de l'Acadèmi de Beziés (5 de mai 1864.)

*Hinc movet Euphrates, illinc Germania bellum :
Vicina, ruptis inter se legibus, urbes
Arma ferunt ; sævit toto Mars impius orbe.
VIRG. Georg. lib. 1.*

BATISTO, *soudard de Napoleon III, nouvelamen tourna de l'armado.*

Bouen-jour, paire Cristòu, coumo va la santa ?
Vous qu'avès tant courru, pièi vous sias aplanta :
Sias pastre... Aro estendu soutu l'oumbro dei tousco,
Escoutas la cigalo en vous couchant lei mousco ;
Quand avès souem dourmès, manjas quand avès fam.
Es uno bello vido !...

CRISTÒU, *soudard d'ou proumier empèri.*

E qu sies, brave enfant ?

BATISTO

Mirecouneissès plus ? siéu l'enfant de Batisto.

CRISTÒU

Moun ami, mi fau vièi, ai gaire boueno visto.

BATISTO

Emé Nourat moun ounce erias d'ou meme tèms.

CRISTÒU

Ah ! lou paure Nourat !... Toco aqui, bouen toustèms :
Erian d'un regimen que partè pèr l'Espagno.
Pecaire ! veguè pas la fin de la campagno,
Foguè tua proche iéu... Mai tu, digo-mi 'n pau,
Qu'as fa despièi lou jour que quitères l'oustau ?
Mi parlèron de tu, la semano passado ;
M'an di qu'as toun counjiet, que vènes de l'armado :
As doune fini toun tèms ?

BATISTO

O, remerciant à Diéu.
Ai barroula bèn proun, e si siéu enca viéu,

Es pas fauto de guerro e fauto de mi batre :
De dès, parti d'eici, tout-bèu-just restan quatre !

CRISTÒU

De que païs venès ?

BATISTO

Venèn de Mexicò.

CRISTÒU

N'ai pas auvi parla... Que païs es acò ?

BATISTO

Tout lou païs vau mens qu'un cantoun de la Franço.
Gràci à Diéu l'ai quita ! n'aviéu pus l'esperanço,
Car pèr sa fèbre jauno es foueço renouma ;
Cregnian pas leis atous, mai cregnian lour climat.

CRISTÒU

Perqué li sian ana ? qu'es que li voulèn faire ?

BATISTO

Lou sôudard va saup pas, e lei chèfe, pas gaire ;
Coumo li fa plesi chascun pòu resouna.
Qu dis qu'es pèr l'argènt que voulien pas douna ;
Qu dis qu'aquéu païs, estènt dins lou desordre,
Demando un empeiraire à fin de metre l'ordre,
E que, pèr lei sourti pulèu d'aquéu dangié,
Li dounon pèr counsèu de prendre un estrangié.
M'an di que va parti...

CRISTÒU

Si fan coumo en Espagno,
Pèr li si manteni bessai qu'aura de lagno !
Mi diras que pèr éu lei Francès si batran :
N'en vouèli counveni, mai n'a que li mourran.

BATISTO

S'es deja que tròu vist !... foueço, dóu tèms que l'èri,
Li gagnèron la crous... la crous dóu cementèri !

CRISTÒU

La crous ! l'aviéu gagnado, auriéu degu l'avé...
E s'èri decoura gardariéu pas l'avé...
Mai parlen pas d'acò, leissen lei cavo tristo.
Digo-mi ço que fas, parlen de tu, Batisto :
Aquèlei que soun mouert an plus besoun de rèn.

BATISTO

Tout de meme es fachous d'ana mouri tant luen,
E de leissa leis oues dins un país sôuvage.
Ami mies, se Diéu vòu, mouri dins moun vilage.

CRISTÒU

As resoun ! mai que voues ? lei Francès, de tout tèm,
An tròu ama la guerro, e soun jamai countènt.
Si mesclon un pau tròu deis afaire deis autre.
Sèmblo que serié tèms que sounjessian à nautre ;
E d'impôt lou país sera pas tant clafi ;
Avèn agu la peno, esperan lou proufi...
Lou proumier empeiraire, au tèms de ma jouinesso,
L'aurian segui pertout, anesso mounte anesso.
Nous menè dins l'Espagno...

BATISTO

E perqué l'èro ana ?

CRISTÒU

Pèr soun fraire Jousè, que voulié courouna.
L'Espagnòu es testard e souslenguè la guerro :
Demandavo soun rèi qu'avian sus nouèstei terro...

BATISTO

Perqué lou li pas rèndre ?

CRISTÒU

Aurian bessai mies fa !
Uno guerro à l'Espagno es un marrit prefa.
Après dous o tres an, va sacherian de rèsto ;
Mai l'Empeiraire avlé soun proujèt dins la tèsto ;

Sieguè pas lou counsèu que l'èro esta douna ;
 Quand voulié quaucarèn, falié pas resouna.
 Marcherian... va falié. Leis Espagnòu, de sèro,
 Mounte devian passa, si metien à l'espero.
 Qu saup quant de coumbat nous fauguè soussteni !
 Si va ti disiéu tout, auriéu panca fini.
 Mai pièi n'aguerian proun e quiterian l'Espagno.
 Ferian de garnisoun dins touto l'Alemagno.
 Prenguerian Vieno, Dresdo, e pièi un bèu matin,
 Après uno bataio intrerian à Berlin.
 Pertout mounte anavian, pourtavian l'escaufèstre.
 S'anessian pas tant luen, serian resta lei mèstre.
 Mai n'arrestèrian pas, anerian jusqu'au bout ;
 Intrerian en Russio e prenguerian Mouscou.
 Lei Rùssi, en la quitant, avien brula la plaço.
 Venguè lou gèu après... après lou fue la glaço.
 Dins un tant luen país es pas tout de l'ana !
 Avian plus ges de vièure e falié retourna.
 Es aquí, moun ami, que fauguè de courage !
 Marchavian dins la nèu ; e sus noueste passage,
 Aquélei qu'en anant èron nouèsteis ami,
 Quand nous entournavian fouguèron d'enemi.
 Avian desespera de mai vèire la Franco...
 Fouguèrian pres... acò nous rendè l'esperanço.
 Pu tard aprenguerian qu'avien chanja la lèi,
 Qu'avian plus l'Emperaire e qu'avien mes un rèi :
 Èro Louis Dès-e-vue que li venien de metre...
 Nautre, que li poudian ? fauguè bèn si soumettre !
 E tóutei lei sòdard que l'erian pas resta,
 A Paris en intrant nous fèron arresta.
 Aquí Louis Dès-e-vue, quiha su 'no cadiero,
 En revisto vouguè passa nouèstei renguiero :
« Mes amis, nous diguè, que l'ague plus qu'un cri,
Lou cri : Vivo lou Roi ! n' i'aura plus de cousèri,
Ni de droïts réunis : je connaissais vos peïnes...
Anas, còume fasias, cultiver les domaines...
Anas, bràveis enfant ! reprenez vos travaux,
La pas vous fara 'vé de plus nombreux troupeaux. »
 Demandavian pas mai : n'avian proun de la guerro !
 Quiterian lou fusiéu pèr travaia la terro.

Veguerian nouéstei maire e fouguerian countènt.
Pertout l'avié la pas... mai duré pas long-tèm :
Venguè mai l'Emperaire, e si fauguè mai batre.
Pièi venguè mai lou Rèi, cantant : *Vivo Enri quatre !*
Oh ! pèr aquesto còup, diguèri, n'en a proun !
E sounjèri au mariage e prenguèri Claroun.
Aguerian dous enfant, e pièi mourè, pecaire !
La regrèti toujours, elo, coumo ma maire...
Nous voulïan tant de bèn !... Rèn que de n'en parla,
Plouri coumo un enfant...

BATISTO

Si fau pièi counsoula...

CRISTÒU

Moun ami, sabes pas l'amista qu'an lei femo !
Li pènsi pas-pulèu que m'en vèn lei lagremo.
Mai tu, ti plagnes pas : dèves èstre countènt,
Pueisque sies de-retour e qu'as fini toun tèm.
As mai vist toun païs, as embrassa ta maire ;
Ti pouertes bèn, e sies un poulit calignaire :
Tu tambèn, moun ami, ti déurriés marida.

BATISTO

Iéu ? demàndi pas mies, e siéu bèn decida,
Lou pulèu que pourrai, de prendre uno coumpagno.
Si Roso me voulié, farian lèu la campagno.
Es la fiho de Jan, voueste pichoun nebout...

CRISTÒU

Roso t'agrado ? as pas tant mau jita toun bout !
A de gäubi, es dei gènto, es uno sajo fiho,
Qu'aura bèn quaucarèn, d'uno bravo famiho...
Si ves, moun bouen ami, que sies pas degousta...
Mai fau saché tambèn si tu, de toun cousta,
L'agrades...

BATISTO

Vès, Cristòu, despièi nouesto jouinesso
Nous counouissèn, nous vian lou dimenche à la messo :

Siéu pas galo-bouen-tèms, sàbi fouire, laura,
Sègui, fau lei cabus, siéu bouen pèr securà ;
Ço que sàbi pas bèn, v' aprèni, ai boueno tèsto,
È quand siéu au travai, travaie, rèn m'arrèsto.

CRISTÒU

Tout acò va proun bèn, mai va diéu enca 'n còup,
Avans tout, moun ami, fau saché se ti vòu...

BATISTO

Va crési !... L'autre jour, lou bèu jour de la fiero,
D'aise, de davans iéu, marchavo à la carriero,
Li diguèri moun mot.

CRISTÒU

Elo, que ti diguè ?

BATISTO

D'abord mi disié rèn, mai pièi mi respoundè.

CRISTÒU

E que ti respoundè ?

BATISTO

N'ausi pas va vous dire !

CRISTÒU

Rèn de bouen ?

BATISTO

Mi diguè : « Bessai parlas pèr rire. »

CRISTÒU

E que l'aviès tant di ?

BATISTO

Rèn...

CRISTÒU

Acò 's un pau fouert !

BATISTO

L'aviéu di que l'amour me sarravo lou couer.
Aro, quand dèu sourti, l'espèri, fau la gardo ;
Elo baïsso leis uei... mai pamens mi regardo ;
M'apprèschi, e ço qu'ai di, va li diéu enca 'n còup ;
Respouende : « Sàbi pas si moun paire va vòu :
Va li fau demanda. » Vias qu'elo si decido,
Mai éu, si disié noun, me coustarié la vido.
A soun paire tres còup ai vougu n'en parla :
Siéu pas lache, pamens tres còup ai recula.
Quand lou tèni d'à ment pèr vèire mounte passo,
Tremouéli coume un joun, d'abord que l'ai en faço.
Lou couràgi mi vèn, mai es quand a passa !
Pèr bèn fini, si dis que fau bèn coumença,
N'en pèrdi la resoun, sàbi plus coumo faire...
Vous que sias soun parènt....

CRISTÒU

O, n'en fau moun afaire...
Mai viéu que la nue vèn, recampen lei moutoun.
Despièi que sies aqui, s'es fa soulèu tremount ;
Nous acoumpagnaren, passen d'aquesto caire :
En camin nous diren tout ço qu'avèn à faire.

V. THOURON,

Prèsidènt de la Soucieta dei Sciènci,
Bèlleï-letro e Art de Touloun.

LA CORDO DE LA CAMPANO.

Èro un dimenche. Bautesar Coucho-Mousco entendié la messo dins la
apello de Sant-Baudéli, souto lou clouchié ; e la cordo de la campano ie
endoulavo davans lou nas.

Subran, eilamont, lou companié sounè la grand messo... e trignou-
javo ; e la cordo, eilabas, dansavo davans lou nas de Bautesar, e l'enfetavo.

E Bautesâr s'enmaliciavo, e couchavo la cordo, que, de-longo, tes-
ardo, ie tavanejavo davans.

Èro proun defecile de coucha talo mouseo ! Pamens, Bautesar la cou-

chè ; car, finalamen, tant la cordo tavanejè, e Bautesar se l'encagnè tant, que, despacienta, lis iue foro la tèsto, pren soun coutèu, lou duerb, emé li dènt l'aganto, s'arrapo à la cordo ; — à force de bras e de nèr, mounto, mounto... ; e quand, de la man gauch, quàsi toco la croto de la capello, de la man drecho emé soun coutèu tranco la cordo, ras de la croto, e...

Oh ! d'aquéu Bautesar !... Se tuè pas, mai s'amaluguè proun. Es desempèi que ie dison Coucho-mouseo.

LOU CASCARELET.

PANTAI D'AMOUR.

— S'ère l'aureto molo

Que davalò di colo

Pèr poutouna li flour espendido au soulèu,
Ie prendrièu si prefum li pu dous ; pièi, ma bello,
Vendrièu lis espousca dins ti lóngui trenello...

— Mai sies pas l'aureto, o moun bèu !

— S'ère lou rièu que trepo,

En fasènt dins la tepo

Dinda si coudelet coume de cascavèu,
Quand t'espassejariés sus mi ribo, o ma bello,
Moun aigo se farié pèr tu mai clarinello...

— Mai sies pas lou rièu, o moun bèu !

— Quand tout dins la naturo

Alestis sa paruro ;

Quand renaís lou printèms, s'ère pichot aucèu,
Es à toun fenestroun que nisarièu, ma bello,
Pèr apoundre mi cant à ta voues d'anjounello...

— Mai sies pas auceloun, moun bèu !

— Pougnerà e mau-courouso,

Dins toun amo amourouso

Quand l'amaro doulour se pauso de-cantèu,
S'ère qu'un moumenet lou bon Dièu, o ma bello,
Lèu ! leu ! que liuen de tu bandirièu la crudèlo...

— Mai sies pas lou bon Dièu, moun bèu !

— Ah ! noun, siéu pas l'aureto,
Ni mai la font clareto,

Ni l'aucèu trelusènt coume uno flour d'ou cèu,
Ni lou bon Diéu que trais lou bonur dis estello :
Siéu qu'un paure felibre amoureux de sa bello...

— O, mai sies lou qu'ame, o moun bèu !

L. ROUMIEUX.

Bèu-caire.

L'EIMINO E LA GUINDELLO.

Mouneto pren soun cabas, e s'envai, lou dissate, à la boucharié, qu'èro pleno de fèmo :

— Siéu pressado, serve-me lèu.

La car pesado, Mouneto sort de sa pòchi uno pognadeto d'or.

— Te pagarai deman, dis au bouchiè : me faudrié chanja cinquante franc. Siéu anado sènso lume dins l'endré mounte metèn l'argènt : au-liogo de pesca dins l'eimino di sòu, ai manda la man dins la guindello di louvidor.

LQU CASCARELET.

A MOUSSU VIENNET

E AS FELIBRES DE PROUVÈNÇO.

(Parla de Lengadò).

Beziès, quano bouno escasènço !...

Quand Viennet te vèn de Paris,

— Amb' un que n'es pas apendris
Mistral t'arrivo de Prouvènço.

Atal, souvènt, al meme lioc,

Dins lou tèms que Marto fielavo,

Cantaires d'oil, cantaires d'oc,

En verses jitavou sa savo.

E d'aquel tèms — mentissi pas —

La lengo d'Oc, aro escarnido

E dins un cantou refaudido,

Sus la d'amount avié lou pas.

Lou troubaire segnourejava,
Quand, amb' elo, dins sa éansou
Disió sa tèndro languisou
A sa damo, que lou belavo.

Mai lou tèms, aquel rambalhè
Qu'à tustos e bustos travalho,
Que matrasso tout am sa dalho,
L'a messo dins l'escoubilhè.

Es malautouno, mai s'aparo :
Qu' age souvènt de medeci s
Coumo lous dous qu'avèn aieis,
Fara foço esperlos encaro.

Qu'ai dich?... Roumanilho e Mistral
An reviscoulat la vielheto ;
Dins *Mirèio*, dins *lis Oubreto*
A reprès soun vestit nouvial.

A lou gàubi de la jouvènço ;
Quand cascalhejo ambé Vincèn,
Soun babilhage es tant plasènt
Qu'i dirias toujours : Recoumenço.

A vautres, courouses sourciès,
Qu'à nostro lengo anequelido
Avès rendut santat e vido,
Las amistanços de Beziès !

Gramecis, mous braves felibres !
Pèr vous hou dire coumo cal,
Me calrió, d'un cop de rasal,
Pesca lous mots dins vostres libres.

A tu, la glòrio del país,
Qu'à Paris envejo Toulouso,
Viennet, ma lengo vergougouso,
Dins soun patoues dis : Gramecis !

Beziès ambé joio saludo
Ta muso, que vèn d'un palais
Pèr moustra soun esprit, soun biais
Dins lou païs ount es nascudo.

Que vers aici prengue soun vol
A la primo de cado annado,
Coumo tourno à sa bouissounado,
Al mes de mai, lou roussignol !

Felibres, lou camì de ferre
Vous porto à Beziès dins un ai ;
Se tournas, vous amaren mai ;
Se venès pas, vendren vous querre.

GABRIEL AZAIS.

Beziès, lou 5 de mai 1864.

L'AVARAS.

Raubèron tout à-n-un riche avaras. E l'avaras se desoulavo, picavo di
pèd, se rousigavo li poung, se derrabavo li péu !

E pèr lou counsoula sa femo ie disié : — Espargnaves, prestaves à gros
interès ; e coume lis aiet travaïaves de tèsto : coumtaves lis interès dis
interès ; beviés d'aigo, manjaves pas toun sadou, dourmiés sus dous det
e paio...

Assolo-te ! sies autant riche que ço qu'ères !

Ço que beviés, béuras ; manjaras... ço que manjaves ; sus la paio
dourmiés, dourmiras sus la paio ; e de tout ço que te cresiés d'avé, vei-
as, badau, que n'as rèn perdu.

LOU CASCARELET.

A ROSO.

Vous n'ensouvèn, ma bèn amado,
D'aquest estièu, quand cantavian,
En mancho souto la ramado,
Lou sero quouro soupavian ?

Vous ensouvèn peréu qu'à tauilo,
Mounte toujour visajavian,
Sènso ges gausi de paraulo
Coumo deïs uei nous charravian ?

O, vous n'en remembras, va viéu; voueste sourrire
Dis ço que vouesto bouco a erento de mi dire ;
O, vous n'en remembras, va sàbi, e iéu peréu ;
De cauvo ansin, lou couer v'oublido pas tant lèu.
Cènt fes en travaiant, Roso, dins la journado,
Sàbi pas vous, mai iéu m'envau d'uno voulado,
Pourta pèr moun esprit finquo dins lou valoun,
Souto lou grafiounié vo dins lou cabanoun,
Revèire leis endré que pèr vouesto presènço
Avès tant rendu car, bello, à ma souvenènço,
E que mouu pensamen, encaro vuei, emplis
De vous e dei prepaus de voueste paraulis.

Dintre lou carreirau que meno à la bastido
Mi sèmblo que vous viéu quouro venias poulido,
Emé lou capèu brun, lou paneiret au bras,
Souleto, plan-planeto, en countant vouèstei pas ;
Mi sèmblo que vous viéu, rèn qu'en raubo picado,
En courset courdela 'm' un foulard pèr fichu,
Quouro, de la calour pèr èstre pas genado,
Vous boutavias en péu, 'mé lou rai sus lou su.
Vous retròbi pertout, pertout crési vous vèire :
Eici, sias à la fouent que refresecas lei vèire ;
Eila, de vouesto sorre amusas lou pichoun,
En lou bressant bèn plan subre vouesto faudeto ;
Li cantas de cansoun, li fès faire bouqueto
E lou poutounejas sus soun poulit mourroun.
Sènti enca sus moun sen vouesto blanco maneto,
Vèsi enca davans iéu voueste poulit bras blanc,
Quouro metias l'esplingo à ma cannié blanqueto,
Que, fauto de boutoun, mi badavo davans.
De voueste couer alor moun amo èro ramplido,
Semblavo qu'emé vous viviéu d'uno autro vido ;
D'escoundoun v'alucàvi, e tout ço que fasias
M'agradavo autambèn que tout ço que disias.

Tout mi plasié de vous, finqu' à la primo erbeto
Qu'avias de vouéstei pèd bôula dins la draieto ;
Jusqu'au gai ventoulet que dins vouéstei péu lisc
Tout lou jour soulejavo, urous e couladis ;
Jusqu'à l'aigo dóu true que si fasié tant claro,
Jalouso qu'èro de miraia vouésto caro !

Bèu tèms, aro ounte sies e que sies devengu ?
Bèi jour de moun bonur, jamai revendrès plu ?
Coume tout es chanja despièi que l'ai pas visto !
Eici, coumo sènso elo, au mai va, tout s'atristo !
Tant gai dins sei péu brun, aro lou vènt enquet
Si plouro en derramant lei grèu dóu grafiounié ;
De plus l'ausi canta, dins lei rouei que passisson
Ausès leis auceloun, pecaire ! que gemisson ;
L'erbo e tóutei lei flour, jaunido avans lou tèm,
La vesènt plus passa, modèron de languimen ;
De plus vèire seis uei l'eigueto desaviado
Tremouelo dins lou true de-longo treboulado,
E iéu, mai que lou vènt, l'aigo, l'erbo e lei flour,
Mai que leis auceloun, souspiri nuech-e-jour !

FELIP CHAUVIER.

argemoun (Var), Nouvèmbe 1861.

LOU CAPITANI LUCAS.

Un intrepide marin Toulounen, lou Capitani Lucas, fuguè pres pèr lis
Anglès au coumbat d'Algesiras. Mai avans de se rëndre, Diéu saup quant
e bourdado larguè sus l'enemi, quant d'esclapo faguè, e quento grelo
e boulet reçaupè dins sa careno ! Basto, soun bastimen n'avié plus que
resto.

L'Amirau dis Anglès felicitè Lucas de sa noblo defènso, e pièi apounde-
guè : — Mai pamens, Capitani, un contro quatre ! vesias pas que noun
ourrias teni ?... E tambèn, regardas : un bèu veissèu còume lou vos-
re, qu'èro la perlo de Touloun, arregardas un pau coume l'avès fa-
etre... L'avès peri, ma fisto ! bèn inutilamen... — Adouc lou Capitani,
e revirant coume un lioun : — Eto mai, tron de Diéu ! se voulías, dis,
ncaro, que vous li pintessian de-fres !

LOU CASCARELET.

ADIËU

(Imita de l'Anglès.)

Cado fes que jite uno flour
Que, despièi lou matin culido,
Es, pecaire ! touto passido,
Au cor me poun uno doulour.

A noste moble lou mens rare
Devengu trop vièi... coume ièu !
Quand fau que me n'en dessepare,
Es en plourant que dise adieu.

Adieu ! Counèisse rèn de pire
Qu'aqueu mot... qu'ai di trop souvènt
A mis ami mort o vivènt !
Cado fes que me lou fau dire,
— Fugue en novèmbe, fugue en mai, —
En lou disènt, de cor aspire
Au lio mounte se dis jamai.

AMADIËU PICHOT.

Paris, novèmbe 1863.

L'IOU DE SAUMO.

Es mai à Jan-Janet, sabès?... aqueu finocho que, quand Catarino ie diguè, l'an passat : « Oh ! li poulit poucèu ! » respoundeguè : « Es ièu que lis ai fa ! » es mai à Jan-Janet di Baumeto que faguèron encrèire que li pijoun tetavon, e que, tout lou bèu mes d'avoust, au marcat de Cavaïoun, vendien... d'ïou de saumo ! e que n'espelissiè d'asoun o de saumeto.

— Metren couva, se diguè Jan-Janet. Em'acò pièi auren bessai un asoun, un poulit asenoun ! Un ase de mai dins lou mas sara pas de rèsto.

Encambè doune soun ai, e partiguè pèr Cavaïoun. Arriba, establè, e bousquè lèu un marchand d'ïou de saumo. Intrè d'abord encò d'un abou-ticari :

— Brave Moussu, escusas, se me trompe... vendrias pas d'ïou de saumo ?

— Si. Mai fau lou mòuse. Sara lèu fa...

— 'Nous entendèn pas... Moussu, vous demande un iòu de saumo...

— 'Un... ?

— Un iòu de saumo ! (Es belèu sourd !)

— Ah !... Coumprene. Vès, lis ai tóuti chabi, moun paure agnèu !
N'espère. S'erias pas trop pressa, dins tres jour...

— E quant se vèndon ?

— De-fes mens, de-fes mai. Èi segound la qualita...

— Acò vai bèn. Adessias. Gramaci. Escusas, se me troumpe...

E filè. En filant, rescountrè 'no femo que bramavo pèr carriero :
« Que soun bèu mis iòu ! Quau me croumpo mis iòu ? »

— Bravo femo, ie venguè Jan-Janet... Escusas se me troumpe... Vous
que vendès d'iòu, saubrias pas, peraqi de-long, un marchand d'iòu de
saumo ?

— De... ?

— D'iòu de saumo.

— Oh ! moun bèl innoucènt !... Voulès d'iòu de saumo !... Sias en vilo
prouvesido... Tenès, anas tout dre. Quand sarés au bout de la carriero,
amoundaut, — vesès bèn... lou marchand d'esclop ? — tournarès à
man drecho, tournarès pièi à man gauchò, e pièi prendrès à vosto man
drecho... e demandarès.

Jan-Janet anè tout dre, virè, tournè... virè mai, e se capitè just
davans l'oustau de Coucourdan, que n'en fasié tranquilamen tuba uno
sus lou lindau de sa porto.

— Brave ome, escusas, se me troumpe, saubrias pas un marchand d'iòu
de saumo ?

E Coucourdan, qu'es un galejaire, e que fai en gros lou negòci di
meloun :

— Capitas bèn, ie diguè : es ièu que tene li meiour que i'ague... Se
fan eicito meme, s'outo mis iue ; e sabe ço que tènou e ço que valon.
Dounariéu pas pèr cènt louvidor la saumo que me li fai ! N'en manco pas
un... Ah ! n'es sourti d'ai d'aquesto boutigo ! E, ma fisto ! n'en sourtiriré un
bèu se, quand sourtirirés... empourtavias l'iòu que vau vous pourgi.
Intras. Chausiren sus lou mouloun...

E Coucourdan agantè un d'aquéli gros meloun blanquinèu e lisc e
lusènt, e :

— Tenès, veici ço que vous fau. Pèr pau que siegués bon couvaire,
espelira lèu. Dous jour e dos niue, n'ra proun. Lou coucharès emé vous :
vosto calour naturalo vous vai douna 'n ai, Moussu, un ai qu'aura l'ieue vièu,
que levara lou pèd net, e que lou péu ie lusira... Es ièu que vous lou
dise !...

— E quant n'en voulès ?

— Sara siès franc pèr vous, lou pu juste... Mai, tenès, pachejen pas, que li paraulo longo fan li jour court : baias-me cinq franc, e n'en parlen plus. Vole que tournès me vèire... Vous avisarès bèn de lou pas rompre, e lou tendrès bèn caud...

— Vague ! Sias un brave ome. Escusas, se me troumpe.

E Jan-Janet prenguè l'iòu, paguè, anè lèu bouta la bardo à sa bèsti, e partiguè pèr li Baumeto, sarrant, d'uno man, sus soun pitre, l'iòu precieus, e de l'autro, tenènt lou bridèu de soun ai. E ja ! i ! — Sara un ai ? se disié ; s'ara 'no saumeto ?... M'a di que sarié 'n ai... Hòu ! pièi, s'es uno saumo, me fara d'iòu, e se vèndon pas mau, dóu biais que vese !

E ja ! i ! i !...

Ah ! jour de Diéu ! quand vous autre disès ! A-n-uno oureto de Cavaïoun, meme à la grand davalado que i'a, peraqui, pas liuen de la crous de bos que ie manco un crousioun, à l'ai prenguè iéu noun sai que ramagnou : aguè belèu pòu de l'oumbro de sis auriho... E reguigno que reguignaras ! Sautavo coume un cabret, bèn tant que Jan-Janet debanè de l'ai coume un sa de eniero. Fort urousamen tombè sus soun quiéu. Lou quiéu n'a gens d'amo... Tout vai bèn.

— E l'iòu ? me dirès.

— Ai ! ai ! ai ! l'iòu barrulé, anè s'esclapa contro un buto-rudo, au pèd d'un roumias. E vai pas se capita qu'i pèd dóu roumias, i'avié 'n lebraut ! Lou lebraut, espavourdi, part coume lou vènt... Jan-Janet, que s'aubouravo, vèi lou lebraut landa, vèi si lónguis auriho :

— Ah ! malavalisco ! dis, — enterin que soun ai se viétavo dins la pousso dóu camin —, ah ! dis, èro di bon !... Lou poulit asenoun ! e coume lando ! S'au mens sabié lou camin de noste estable !... Malan de sort ! me lou raubaran !.. Mi bèu cinq franc !

Anen ! perqué lou fau, tournen à Cavaïoun.

E Janet encambè mai soun ase, virè brido, e tournè vers Coucourdan.

LOU CASCARELET.

ODO AU BON RÈI REINIÉ

Qu'a gagna la Medaïo d'or au Councours de la vilo d'Ais (17 de Setèmbre 1861.)

Anen, Museto de Prouvèngo,
Canto, se cantes pas bèn rau,
Aquéu de qu la souvenèngo
Durara autant que lou Mistrau ;

Aquéu que sa bounta requisto
A mes dei proumié sus la listo
Deis ome que, lou pople, aman ;
Aquéu que z-Ais, vuei coume arrèire,
Sèmpe se charmo de lou vèire
Requinquiha, lou scètre en man :

Lou bon Reinié, rèi sènso faste,
E sènso morgo e sènso fèu,
Coumo l'Istòri dins sei Faste
N'enregistro pas dous belèu ;
Pietous, afable, poupulàri,
Abarous de noueste denàri,
Dóu siéu largamen generous,
Lou soulet rèi què sa memòri
Per-mié nautre encaro fa flòri,
Enca d'en parla sian urous.

Tau que mestrejon plen de croio,
Diéu lei toco d'avuglaman,
E, dins tres jour, lou pople en joio
Lei debausso gaiardamen ;
Tu, Reinié, n'aviés rên à cregne,
Ama per-ço-que n'ères digne,
E sabiés rèndre lou guierdoun,
E l'amo aviés touto engausido,
Quand de ta plumo benesido
Rajavo l'or o lou perdoun.

Emé toun fres e bon caràgi,
Toun esprit gai, toun couer de fue,
Auprès dei damo d'aut paràgi
Poues-ti manca d'avé bèu jue ?
Pas ges que, fougnouso, te nargon :
D'autre, en parié cas, la desmargon ;
Sobre, amoudères tei desi,
E plan-planet, jusqu'au vieiounge,
Vas t'amourrant, galbi canounge,
A la sourgueto dei plesi.

Oh! mai, se l'amour es toun cèntre,
La guerro te maucouero pa,
E n'as pas la pòu dins lou vèntre
Se fau qu'afrontes lei coumbat.
Pèr l'Anglès la Franço quichado
Que pièi s'enarque despichado,
Sèntes lou despié que la poun;
En tóutei lou couer vous bacello
Sus lei piado de la Piéucello
De revenja lou rèi d'amount...

Long sarié dire de tei guerro
E lei suocès e lei trebau.
Basto, n'as lèu plus sus la terro
D'autre desi que lou repau;
E, siau ei cop de la fourtuno,
Quand aprenes que se degruno
De ta courouno un bèu diamant,
Bon Reinié, tant pàu te raneures
Que su 'no perdris que pintures
Noun cèsses d'amusa ta man.

Naple a vist dins la mauparado
Co qu'as mes de voio e d'engien;
Naple saup que l'as aparado
Soulet, fouert coume uno legien;
Mai, contro l'umano prudènci,
Quand lou sort, quand la prouvidènci
Dóu bon dre trahis lou drapèu,
Sariés bèn panto e bèn arlèri
Se vouliés cava lou mistèri,
Se te derrabaves un péu.

L'as coumprés, te fas pas de hilo :
D'aro-en-avans, sènsò ressaut,
Voues passa la vido tranquilo
Au mitan de tei Prouvençau.
Ausin, l'ivèr, quand lou peseaire
Emé la bresounié, pecaire !
Revèn en terro sènsò bòn,
A la calo dins sa famiho,

Davans un bon fue de ramiho
Se chalo encaro... coumo pòu.

Quand de la Mouert lou dai terrible
Pico à-de-rèng dins toun oustau,
E qu'au founs de toun couer sensible
Reboumbis chasque cop fatau,
Eseuse ta doulour amaro,
Car se sies rèi, sies ome encaro,
Mai vouele un terme à la doulour :
Au malur jusqu'au bout fai tèsto,
Anen, la Prouvènço te rèsto,
Douno-li tei suen, toun amour.

Es lou counsèu de la sagesso,
Es aquéu que Reinié seguís. —
Mando adounc jaire la tristesso,
E s'aplico au bèn dóu païs ;
A la musico, à la pinturo,
A la gaio literaturo
Demando lei pu dous soulas ;
E pèr de lèi de touto merço
Butant lou travai, lou coumerço,
Fa regna la joio e la pas.

A. B. CROUSILLAT.

(*Tira dóu* Concours Académique et Fêtes agricoles à
Aix, en 1864. — Aix, Remondet-Aubin.)

Seloun.

LI DOS VACO.

Lou fiéu einat de M. Cause — qu'es de la Soucieta d'Agriculturo —
èro vengu passa si vacanço à Mount-favet; vers soun fraire de la.

Lou jouine Cause manco pas d'inteligènci e amo de s'estrurre : tiro de-
vers soun paire pèr acò.

Or, en se permepant emé Cadocho, veson dos bèlli vaco, uno blanco
e l'autro negro, que manjavon dins lou prat.

Lou jouine Cause ie vèn à Cadocho : — Coume vai que tenès pas rèn
que de vaco blanco ?

Cadocho — qu'es un pau galejaire — ie respond : — Li blanco fan lou la... e li negro fan lou café.

— Ah ! alor es diferènt !... Lou dirai à papa, faguè lou jouine Cause.

LOU CASCARELET.

LI MEISSOUN.

Pèço qu'a gagna lou pres au Councours de la vilo d'Ais (1864).

I

Oh ! que li blad soun rous ! Drole, enchaplas li daio !
Chato, vòsti capèn : lou souleias dardaio !
Lèu à l'obro, jouvènt, que prèssò la meissoun.
Charrarès mai deman. D'aut ! toumbas lis espig o,
Segas, levas, ligas. An ! calignaire e migo,
Proun i'a de rire e de cansoun.

II

Louviset, 'au dardai de la grand souleiado
Aganto lou daioun, e zóu ! à grand daiado
Sègo lou blad de Diéu. — Sus soun front, la sus our
E sourgènto e perlejo... Oh ! mai se n'enchau gai re :
Es pas lou souleias qu'arrèsto un meissounaire,
Pèr l'aplanta, i'a que l'amour :

III

Zino ligo après éu ; Zino, la bruno chato,
A bandi pereita lou fieu que l'acato ;
Sus soun còu mita nus se destreno soun pèu ;
E lou drole l'espinocho en galejant, alegre,
E béu, trefoulissènt, li rai di bèus ine negre
Que luson souto soun capèn.

IV

Anen, chut ! li jouvènt ! à l'obro, e de courage !
Calignarès dimenche ; aro, dur ! a l'oubrage !
Lou blad s'espoussò, d'aut ! nousas lou fièr blad rous.
Toumbo, bèl or d'estiéu, e couchen la vanello !
Lou mèstre ris soulet, car li garbo soun bello,
Faran d'un vint. Oh ! qu'es urous !

V

Un vòu d'enfant, eila, long dóu ribas s'amuso :
Soun vengu pèr glena, casson de lagramuso,
O dins lis estoubloun cercon de prègo-Diéu.
Subre li garbeiroun pièi lou pu lèst escalo,
E, d'aise, lou gusot ! aganto uno cigalo,
E l'embandis la paio au quiéu.

VI

Pièi, souto lou nóuguié lèu vèngue la dinado !
Li prefachié galoi, en chourmo afeciounado,
A l'entour de la biasso afama fan lou round ;
L'un s'amourro au flasquet e l'autre à la dourgueto ;
Zino, de sis iue negre, à Louvis fai lingueto,
E se calignon d'escoundoun.

VII

Lou mèstre, entandóumens, sus li garbo soumiho ;
La maire, à soun entour, a sa jouino famiho :
L'un dor sus si geinoun, e l'autre vòu teta.
Tounin agarris Nino, e ie fai li coutigo.
E, se courrènt après : — Fenis, ie vèn sa migo.
Siéu lasso, ve, laissez-m'ista.

VIII

— Meissounié, meissounas, e ligas, ligarello !
Dis lou mèstre, — e fasès la part di glenarello...
E la chourmo subran quito lou fres oumbrun,
E zóu mai au travai !... Boufo pa 'no alenado ;
S'ausis que li cigalo. E li fiho arrenado :
— Ai ! vèngue lèu lou calabrun !...

IX

Quente soulèu, parai... ? Segur, la peno es grando !
En susant fau gagna lou pan que Diéu nous mando.
Mai vous plagnegué pas de si benedicioun !
Lou paure vourrié bèn, meissounant vòsti garbo,
Bagna de sa susour lou péu gris de sa barbo,
Mai pèr éu i'a ges de meissoun !

Lou calabrun arribo em' uno pichoto auro ;
 E li travaïadou, que l'aureto restauro,
 Urous quiton l'estoublo : es l'ouro dóu retour.
 Lis un porton li biasso e lis autre li daïo...
 Pièi cadun, alassa, de soun mas pren la draïo :
 — « Adieu, mamigo ! » — « Adieu, m'amour ! »

ROSO-ANAÏS ROUMANILLE.

Malamort (Vaucluso), Juliet 1862.

UN BON ENFANTAS.

Lou gros Baudèli èro de Sant-Andiòu : bello caro d'oumenas, gènt d'autre-tèms, la pasto di faiòu blanc. Èro uno courpouanço retrasènt is encian Cèute — di quau vesèn de-fes derraba di vièi eros de cambasso o de bras qu'an bèn trës pan de long, de cran de tèsto coume de cour-nudoun, e de cadeno d'esquino coume de rastèu de rosso.

Pourrièu pas dire au just quant avié de pan d'autour, mai ço que sabe, es que t'avié de man coume de post de fougasso, e de petas coume de pèd d'estagiero. Soun pitre èro à pau près coume la caïssò d'un toubarrèu, e sa tèsto, ma fisto ! semblavo uno gerlo. Poulit ome pamens, ounèste emé lou mounde, farcejaire, taulejaire, galejaire en un mot coume soun tóuti à Sant-Andiòu.

Or lou dimars de carnava, li cambarado se disien : Que pourrian faire pèr bèn rire ?

— Voulès que riguen bèn ? diguè lou gros Baudèli. Aseiguen uno carreto en maniero de brès : iéu m'abiharai coume un enfant de neissènço e me ie coucharai dedins, emé ma bailo contro. Tóuti assentiguèron.

Enterin que lis autre adoubavon la carreto, èu s'envai vers sa femo e ie dis : Mudo-me, mudo-me coume mudaves lou pichot... Oh ! qu'anan rire !

La femo pèr banèu pren un linçou, uno vano pèr bourrasso, emé pèr faïssò uno pèço de telo.

Quand es muda, l'aganton entre quatre e l'estèndon dins lou brès. — La tèsto fretavo lou quièu de la saumo, li pèd sourtien en co, de l'autre bout de la carreto. A soun coustat i'avié, vesti en nourriço, un de si cambarado qu' avié mes pèr teté dos coucourdo barbaresco.

E l'equipage part en cantant *Ne-ne-som-som*. Arribon à la plaço, qu'èro pleno de mounde.

L'enfantoun vèn : Mama, teté ! La nourriguiero desfaï soun fichu, sort uno de si coucourdo, e bouto i brego de Baudèli uno de si berrugo.

Un pau pu liuen : Mama, poupou ! Porjon à la nourriço un agoutat de poupo, e elo emé lou det fai esquiha li lescò dins la gorjo de Baudèli, en lèsent : Mignot, moun bèu ! as fam ? Tè, ploures pu, pecaire !

Quand aguèron bèn ri, bèn fa si farço, Baudèli vèn : Desfasès-me, que me languisse... Mai si cambarado, que, libre de si membre, l'avien tèmpre respeta, alor que lou veguèron encadena pèr sòu, ie dounèron, i lache ! unò raisso de chico sus lou nas.

— Ah ! pevoulin, ie cridavo Baudèli, iéu vous estranglarai à cha dougenò, se'n-cop siéu foro d'èici.

— Ah ! repoutegues ? replicavon li sòci. Eh bèn ! te desfaren que se proumètes de rèñ faire en degun...

E li chico s'abrivavon sus aquèu bèu nas rouge, dur e moutu coume un couciroun de lichet.

Baudèli proumeteguè. Lou desmudèron, e tenguè paraulo. Pièi memamen, coume èro, éu, bon enfantas, autànt coume èli èron marridoun, em'èliournà-mai recoumencè de rire. E de soun cacalas tremoulè tout Sant-Andiòu, quand à sa femo cridè : Teresoun ! Teresoun ! vai pourta lou banèu au lavadou !

LOU CASCARELET.

SOUNET.

Lou soulèu toumbo e la luno s'aubouro,
Emé lou calabrun vèn la melancounié,

Lou roussignòu dins l'oumbro eissejo e plouro,
E l'aureto fernis dins leis amarinié.

Qu'es que fau iéu, tout soulet, d'aquesto ouro,
Alounga noun-chaiènt su 'n ribas d'agrenié ?

Ai ! ai ! de tu revasseje, o tourtouro,
Que sies aperamount dintre toun pijounié.

Leis ue fissa de-vers ta fenestreto,
Ah ! dise, que noun ai doues alo lóugeireto
Pèr gaiamen jusqu'à tu m'enaura !

Mai, languissènt, bate plus que d'uno alo :
Bèn lèu m'endourmirai de la souem eternalo...
Tres fes urous, bello, aquèu que t'aura'!

A. B. CROUSILLAT.

Seloun.

LOU COUSIN BAMERDO.

« En Eirago, lou tambourin es tengu de longo toco pèr la famiho Bamerdo. Lei tres fraire Bamerdo an fa dansa lei calignaire de la vesinanco mai de trenta an de tèms, e leis enfant tambourinon enca prouounourablamen.

En 1814 o 15, quand lou Rèi tournè en Franço, li aguè, coumo sabès, grandò fèsto à Marsiho, e lou prefèt requerissè tóutei lei tambourin dóu despartamen. Lei Bamerdo li anèron. E fau vous dire qu'avien un cousin que jugavo d'aquelo grosso caisso que li disèn *Bachas*; mai pèr ço que n'es dóu galoubet, jamai l'avié touca.

— Cousin, li fan, vène emé nautre, tambèn te pagaran.

— Cousin, respouende, coumo voulès que li vègui, counèissi pas lou tambourin.

— Cousin, li repliquèron, n'as qu'à faire lou mouert ! Emboucaras lou flaiutet sènso boufa, e boulegaras lou bras coumo li cambarado. Dins lou noumbre, l'ase quihe quau se n'avisara !

Lou cousin Bamerdo anè dounc à Marsiho e faguè sa partido coumo lei cambarado. La fèsto finido, van vers lou prefèt tira lou pagamen, e se capito que lou cousin en questien sieguè lou darriè paga. Lou Secretari alor li vèn :

— Asso ! em'un estrumen que n'a que tres trauc, coumo diàussi fasès pèr juga tóutei leis èr ? Tenès, pèr me fa vèire, jugas-n'en un brigouloun.

Lou faus tambourinaire l'aguè lèsto :

— Moussu, dis, fasèn coumo poudèn ; e se vous l'ensignavi, n'en saubrias autant que ièn. Adiéussias !

E s'esbignè. »

(*Tira dóu TAMBOURIN de F. Vidal*).

MA DINDOULETO.

ELEGIO.

A Madamo Roso-Anaïs R.

I

Ma dindouleto
Poulideto,
Perqué noun te vese, aquest an,
Souto l'envan
De ma téulisso ?
Mignoto, auriés-ti la malïço
De me leissa toun nis vacant ?
Cade printèms, me veniés vèire.
Quand esperave toun retour,
Me languissiéu qu'es pas de crèire :
Ère à moun èstro tout lou jour...

E tu veniés dins ma chambreto,
E te pausaves sus ma man ;
E te fasiéu milo babeto
Que recebiés en tresanant !...

Veniés, e vesiéu à ta pato
E beisave, sènso manca,
Lou pichot riban d'escarlato
Que t'aviéu mes pèr te marca.

Ères coume de ma famiho ;
Adusiés la joïo à l'oustau.
T'ausi, te vèire, douço mio,
Èro un bonur à faire gau !

Quand nourrissiés toun espelido,
Te teniéu à moun fenestroun
Uno manjadouïro clafido
De mousco pèr ti bèu nistoun...

II

Ma dindouleto
Poulideto,

Perqué noun vènes àquest an,
Souto l'envan
De ma téulisso ?
Mignoto, auriés-ti la malieço
De me leissa toun nis vacant ?

Pamens, iéu vese ti coumpagno
Que soun adeja de-retour :
Coume vai que sies tant loungagno ?
Auriés óublida moun amour ?

Lou mes de Mai tout ésparpaio,
Li flour, la verduro e lou fres ;
A soun nis cadé aucèu travaio
Dins li planuro e dins li gres...

Long di camin e di baragno
La courbo-dono e l'aubespín
E lou roumaniéu di mountagno
Embaumon l'alén dóu matin.

L'eigagno fresco, de tout caire,
Perlejo is aubre e sus li blad ;
Se véi enca gens de cassaire
Que sounje à 'stèndre si fielat...

Vène lèu, vène, o ma negreto,
Vène sus l'alo dóu printèm !
Lou dòu èi sus ma fenestreto...
Arribo ! Qu'es que te retèn ?...

III

Mai venguè pas la dindouletto...
Soun nis sieguè véuse aquel an :
S'èro negado, la paureto !
Dins la grand mar, en travessant.

AUBERT,

Curát do Malamort (B.-du-R.) o Capelan dóu Felibrige.

LOU CHIVAU DE DON CABESSO.

Lou paire de la Rèino Jano — l'ou Prince Carle, Duque de Calabro, — dison que proumetié lou retour de l'âge d'or au reiaume de Naple e de Prouvêno. Veici un tra que justifico lis esperanço que dounavo.

Coume s'èro avisa que souvènt si doumestique empachavon d'intra lou aure mounde — que venié cade jour ie demanda justico — avié fa metre uno campaneto à sa porto.

Uno fes, sus t'outi lis autro, un paure viè roussin — que soun mèstre, arès, leissavo barrula dins la carriero — en passant vers lou palais, enguè pèr se grata contro la porto, e en se gratant turtè la campaneto.

— Fasès intra, cridè lou Duque.

— Mounseignour, i' a degun, diguèron li varlet. Es lou chivau de Don Cabesso qu'a turta la campano en se fretant.

— Es egau, diguè lou Prince, fasès toujour intra, e anas querre Don Cabesso : fau rèndre la justico i bèsti coume i gènt.

Van querre Don Cabesso. Quand es aquí :

— Coume vai, ie fai lou prince, que leissas courre bourrido à-n-quéu paure chivau ?

— Monseignour, repliquè Don Cabesso, tout bon chin vèn rato-souiro. Certanamen aquelo bèsti es estado pèr tèms un flame chivau de bataio... Vai, pecaire ! i'a dès an que marco plus... E lou laisse en liberta bousca a vido coume pòu...

— Don Cabesso ! alor ie vèn ansin lou Duque de Calabro, voudrias, e'n-cop sias vièi, que lou rèi voste mèstre vous faguèsse coume acò?... Menas aquèu chivau dins soun estable : iéu vous coundane à lou nourri, coume se dèu, jusqu'à sa fin.

Aquèu bon prince mouriguè à 31 an, e lou Rèi Roubert soun paire, dison que s'escriidè : *Cecidit corona capitis mei ! Væ vobis ! væ mihi !*

LOU CASCARELET.

A-N-UNO ARLATENCO.

— Se te metiéu dins l'Armana,
Dins l'Armana de Roumaniho,
Te pintariéu, quand as dina,
Souto la lèio dis abiho.

Diriéu toun jougne fach au tour,
Ti bèlli bouco riserello,
E ta paraulo, que l'amour
Chausiguè pèr encantarello.

Tóuti vourrien saupre toun noum,
Ausi ta douço cansouneto,
E sables pas quant de poutoun
Vourrien toumba sus ta maneto!...

— Ie pènses pas? Un armana
Se fai pèr parla de la luno,
Dóu fre, dóu caud..., se vos, di pruno,
Mai deù rèn dire de Nina!

E. CHAUFFARD.

Marsiho, 29 d'avoust 1864.

LI SOURNETO DE MA GRAND LA BORGNO.

Lou Siblet.

I

l'avié 'no fes un drole qu'apelavon Pascalet, e qu'avié 'no meirastro.
Aquelo meirastro lou mandavo garda li pore, e ie baiavo pèr manj
qu'un rousigoun de pan móusi. E Pascalet plouravo tout lou sant elam
dóu jour.

Or un jour qu'en plourant gardavo li gourret de-long de la ribiero
passè Noste Segnour, Sant Jan, emé Sant Pèire.

E ie venguèron : — Paure, de que ploures ansin?

— Quau voulès pas que ploure? ie diguè Pascalet, ai ma meirastro
que me mando tout l'an garda li pore, e que jamai me baio qu'un tros d
pan móusi pèr tout lou jour!

— Se nous vouliès passa de la man de là de l'aigo, ie diguè lou bo
Diéu, te dounarian ço que nous demandariés.

— Voulountié, diguè l'enfant.

E pren Sant Jan à cabrinet, e 'm' acò lou passo ; e pren Sant Pèire
cabrinet, e 'm' acò lou passo mai ; à la fin pren lou bon Diéu, vèn pè
intra dins l'aigo... mai lou paure mendi n'avié tant que poudié faire :

— Noum de sort ! dis, pesas bèn, vous que sias lou pu pichot ! Tout
aro vous escampe, car mis espalo plegon...

— Courage, moun enfant ! respoundeguè Noste Segnour. Es pas es

unant que pese : iéu siéu lou bon Diéu, e porte dins ma man la boulo
ou mounde !

Basto, enfin arribèron.

— Eh bèn ! fai lou bon Diéu, de-que vos pèr ta peno ?

— Voudriéu, dis lou pichot, faire dansa ma meirastro.

— Eh bèn ! tè, Pascalet, vaqui un siblet, e vai plan de lou pas perdre.

E lou bon Diéu ie douno un poulit pichot siblet, mai tant menu que
u drouloun poudié l'escoundre, quand voulié, dins soun auriho.

II

Pascalet, sus lou vèspre, revèn à soun oustau. De-long dóu camin,
scontro tres cassaïre que furnavon un roumias.

— Un pau vèire, diguè lou pourqueiroun, coume fai moun siblet.

Pascalet siblo, e vaqui que si pore se bouton à dansa, e que li tres.
ssaïre dansavon pèr despié, s'escaragnant li cambo contro lis espino.

Pièi Pascalet rescontro un terraié que menavo à la fiero un viage de
rraïo.

— Un pau vèire, diguè lou pourqueiroun. E coume siblo, lou ter-
ié danso, la carreto danso, la faiènço danso... e plat, oulo, escudello,
chié, boucau, e tout au diable, s'esclapon e s'embrigon en cènt milo
oussèu.

E li cassaïre emé lou terraié acoumpagnavon lou siblaïre, en sautant e
lant que se devourissien, e l'aclapavon de soutiso...

Arribo à soun oustau :

— Bon-sèr, meirastro ! Fasès-me soupa.

— Ah ! pichot galatoun, sies bon que pèr manja ! Crese qu'acabarié
u couvènt de Bon-Pas ! A toujour fam... Eh bèn ! s'as fam, manjo ta man...

— Manjo ta man ? repliquè Pascalet... Ah ! marrido meirastro ! Eh
en ! anas, vous vau faire dansa !

Embouco soun siblet. Ai ! ai ! ai ! la meirastro se met à dansa, e fasié
entrechaut de quatre pan d'autour, èro enrabiado coume uno galino
lo, e 'mé sa tèsto toucavo li cabrioun.

Quand l'aguè bèn doumtado, lou brave pourqueiroun estremè soun
siblet dins soun auriho, e l'escamandre toubè au sòu, à mita morto dóu
ssige.

Vèn lou paire de l'enfant. E la meirastro : — Acò 's un pichot mase,
s, acò 's un moustrihoun que vaudra jamai un sòu ! M'a fa dansa que
elèu n'en mourrai... Fau lou faire brula !...

Vènon li tres cassaïre, vèn mai lou terraié. Tóuti diguèron : Fau lou

faire brula. La justico l'aganto ; lou coundanon à mort pèr mascarié, lou menon brula.

III

Avien amoulounna, sus la plaço de l'endré, uno làupio de bos que fasi pòu ; e l'entour dóu lignié, misericòrdi ! èro negre de gènt que venie vèire l'espetacle. Lou terraié, li tres cassaire e la meirastro, en mesfisant dóu siblet, s'èron fach estaca contro lis óume de la plaço...

Or, coume lou bourrèu anavo bouta fio : — Ah ! erido alor i jug lou paure pourqueiroun, avans que de mourir vous demande uno causo leissas-me, encaro un cop, jouga de moun siblet !

Li juge, apietousi, i'acordon sa demando.

E 'm' acò Pascalet sort lou siblet de soun auriho, e lou bagno e l'assajo pièi tout-d'un-cop boufant tant qu'a d'alén, coumenço un rigaudoun...

Li juge, lou bourrèu, li gendarmo, lou pople, tóuti, pres dóu balun d'un balun freneti, se meton à dansa : èro uno causo demasiado, infernalo, inausido, e que finissié plus. Mai la meirastro, li cassaire, emé lo terraié, que s'èron estaca contro lis aubre, dansavon coume diable, e s'e pejavon la cadeno à la rusco dis óume, bèn talamen que tóuti enfin eridèron sebo, e demandèron gràci pèr lou paure Pascalet. Ie proumeteguèron gràci, se voulié se teisa.

Pascalet se teisë, e agùè gràci.

LOU CASCARELET.

A MOUN AMIGUETO.

(Parla de Lengadò.)

Oh ! que de fes, tout soul, quand la niue m'enmantello,
Sièi vengu pèr canta, sus lous serres, l'estello

Que bèn aut vese lusi ;

Moun cant, fort, se fai ausi...

Mai sèns paraulo demore

Davans tous bèus iels qu'adore !

Pamens, mai que l'estello, an tous iels de elarta ;

E d'ounte vèn qu'alor pogue pas lous vanta ?

Coumo vante toujours l'èli blanc, es ansindo

Que cante bèn souvènt de la font l'aigo lindo :

Mai que l'èli, que la font

Es blanc e linde toun front.

Mai sèns paraulo demore
Davans aquel front qu'adore !
Oh ! quand sènte moun cor que vanto sa bèuta,
D'ounte vèn que ma voues pogue pas lou vanta ?

Ame dóu roussignòu l'armouniouso gamo,
Mai ta voues me plais mies, car a l'amour e l'amo.
Vante toujours dins mous vers
Lou chantre de l'univers,
E sèns paraulo demore
Au son de ta voues qu'adore !

Forço mies que l'aucèl, o, ta voues sap canta,
E d'ounte vèn qu'olor pogue pas la vanta ?

Oh ! save bèn que sies, poulido creaturo,
Ço que i' a de plus bèu dins touto la naturo ;
E de tu, tant que viéura,
Moun amo vòu s'abéura !...
Se sèns paraulo demore
Davans ta bèuta qu'adore,

Bello, se rèste mut, quand déurriéi te vanta,
Es qu'acò se sentis e noun pot se canta.

ALBERT ARNAVIELLE.

essejo, lou 1 d'Outobre 1864.

ARRI, CATINAT.

Lou generau Catinat, grand capitani dóu tèms de Louis XIV, un
our que s'avapçavo contro lou Duque de Savoio, vouguè vèire pèr éu-
neme lou camp di Piemountés. Pèr acò, de-que fai ? S'abiho en car-
ounié, embasto un ase de saco de carboun, e m' acò se gandis au bèu
nitan dis enemi.

Travessè d'aquéu biais l'armado savouiardo, espinchant à soun lesi-
oume li causo anavon. E, tout en couchant l'ase, dison que ie cridavo :
Arri, Catinat !

E li Piemountés de rire ! Mai l'endeman, viedai ! riguèron plus que
l'uno gauto, car Catinat li venguè prene d'à-rebous, e, paure ! quento
ousto !

LOU CASCARELET.

SOUNET.

(Fiho pau visto, fiho requisito),

Laisso, laisse enea 'n pau que te cante, o Leleto !
La fouent de tei lausour noun se pòu agouta :
Diguen coumo à-despart, ignourado, simpleto,
Sies requisito, sies bello en toun escurita.

Ansin ei toumple amar s'escounde la perleto,
L'estello au founs dei cèu nèblo ansin sa clarta ;
Ansin, ei fres oumbrun, la piehoto vióuleto,
Oudourouso e moudèsto, amo de s'acata.

Mai, vèn que lou diamant, fouero de l'aigo, briho ;
L'astre amoundaut perdu, l'ue de Diéu lou destrio,
E soun parfum trahis la floureto dóu riau.

— Tu, tresor, de bonur courounariés ma vido ;
Resplendiriés, soulèu, sus moun amo ensournido ;
Bouquet, m'embaumariés d'un baume celestiau !

A. B. CROUSILLAT.

Seloun.

PROUVENÇAU E POUNENTÉS.

L'Amirau de Vilo-novo racountavo qu'un cop avié sus soun veissèu un equipage, mitadié de Prouvençau, mitadié de Pounentés. Èro, dis, un chamatan, e de disputo, e de batèsto de-countùnio. N'èron vengu meïamen à tau poun que se poudien plus veïre ni senti.

Vous trouverès qu'un jour un bastimen parèis en visto, un coursàri anglès...

Tout-d'un-tèms, brande-foro ! Zóu ! E pruno de plòure !

Adoune li Prouvençau se dison coume ciçò : — Sarian pas de gour-nau d'ajuda li Pounentés?... Perqué soun tant arrogant, leissen-lèi merdo en coulaire... Que se baton soulet ! Em' acò veïren un pau ço que faran sèns nautre !

Tant fa, tant va. Mi boujarroun s'esbignon, e van, un après l'autre, s'escoundre à founs de ealo.

Urousamen que virè bèu. L'enemi pensè au prouvèrbi : *Coursàri contro coursàri, i'a à gagna que de barrièu vueje*. E se vesènt aculi miéus que noun s'atendie, virè de bord e lèu gagnè la largo.

M. de Vilo-novo alor descènd en calo, e trovo aqui mi Prouvençau que
ort tranquilamen jougavon à la bourro.

— Eh bèn ! ie fai, sias pas de bon pitouet ? Valié la peno, sequello de
narrias, que tratessias de lache aquéli bràvi Pounentés ! Ah ! crese que,
ènso éli, aro sarian poulit ! Valon cènt cop mai que vautre, se soun batu
croume de tigre !...

— Un bèu miracle ! alor replico un Sièis-fournen... Aquéli franchi-
mand?... es tout de bèsti : counèisson pas lou dangié !

LOU CASCARELET.

LIS IUE-DE-L'ENFANT-JÈSU.

(Myosotis).

— Pichot riéu que dins ta coussou
Poutounejes tant de flour,
Digo-me se sus la moussou
As pas vist ma flour tant douço,
Ma flour d'amour ?...

— Sarié pas la margarido,
Que miraio tant souvènt
Dins moun eigueto poulido
Sa blanco estello, espandido
En rai d'argènt ?

— Pichot riéu, que dins ta coussou
Poutounejes tant de flour,
Digo-me se sus la moussou
As pas vist ma flour tant douço,
Ma flour d'amour ?...

— Sarié pas la campaneto,
Lou benechié dis aucèu,
Que clino, en fasènt lingueto
A moun aigo risouletto,
Soun front de nèu ?

— Pichot riéu que dins ta coussou
Poutounejes tant de flour,
Digo-me se sus la moussou

As pas vist ma flour tant douço,
Ma flour d'amour ?...

— Sarié pas la flour tant gènto,
De l'enfanço blound tresor,
La flour qu'espelis risènto
Sus mi ribo relusènto,
Lou boutoun d'or?

— Pichot riéu que dins ta coussou
Poutounejes tant de flour,
Digo-me se sus la mousso
As pas vist ma flour tant douço,
Ma flour d'amour ?

— Sarié pas la flour sacrado
Que bluiejo dins l'adous ?
E que dis à la pensado
De dos amo separado :
Souvenès-vous !

— Pichot riéu que dins ta coussou
Poutounejes tant de flour,
Poutouno iuei sus la mousso,
Poutouno ma flour tant douço,
Ma flour d'amour !

ANTOUNIETO DE BÈU-CAIRE,
Felibresso de l'Èurre.

20 de Setèmbre 1864.

ENFANTOUN.

Quand te revihes, qu'as à faire ?...
Sourrisès, moun bèl anjounet,
Se, clinant sus toun brès, ta maire,
Pèr vèire se dormes, pecaire !
Aubouro plan-plan toun velet.

Sourrisès en vesènt sa tèsto
Te faire cènt babarouchoun ;

Te noumo rèi, prince e lou rèsto...
E d'aquéu jo qu'èi que te rèsto ?
Cènt sourrire emé cènt poutoun.

Sourrisés, quand dins ti maneto
Ta maire met un brassadèu ;
Sourrisés, quand sus ta coucheto
Volo uno mouseco belugueto,
Quand ie toumbo un rai de soulèu.

Sourrisés à tout dins la vido ;
A l'espaso, au carboun ardènt
Coume à l'estello benesido ;
A la serp, à l'aspro caussido
Coume à la flour, paure innoucènt !

Avans que la lagremo amaro
Vèngue avani ti dous pantai,
Avans que se treboule encaro,
Anjoun, que noun toun amo claro
Dins un sourrire amount s'envai !

FELIBRESSO DOU CAULOUN.

10 d'Outobre 1864.

LOU BRÈS.

Brès de l'enfant que dèu veni,
O galant brès, fugues beni !
Souto toun velet de dentello
Adeja vese moun nistoun
Que me duerb si bèu bras redoun,
Bouqueto roso e riserello.

Sus mi geinoun iéu lou prendrai ;
Iéu, sus mi geinoun, bressarai
L'enfant que ie fara neneto...
E que pièi quand voudra teta,
En plourant, — pèr me descata
Mandara sa gènto maneto.

Rai de bonur dóu paradis,
Estello d'amour resplendis

L'ïue risènt que fas à ta maire,
Enterin que, sus moun faudau,
E me fas fèsto e me fas gan,
E cacalejes, bèu tetaire !

E de-longo, quant de poutoun
Sus toun front, ti man, ti petoun !
— Moun pichot rèi, dins ta bressolo,
Sies bèu, sies pu bèu que lou jour !
Quand pèr un rèi sies tout en plour
E que subran un bais t'assolo !

E pièi, tout nus sus tonn couissin,
Quand te mude, moun cherubin !
Te viéoutoules, fòu e risèire ;
E ti pèd rose e ti bras blanc
Jogon ensèn ; e iéu, moun sang !
Iéu, trefoulido de te vèire,

Sone toun paire ! E vèn, urous,
Vèn nous poutouna tóuti dous ;
Baiso l'enfant, baiso la maire...
— Maí chut ! que lou nistoun s'endor !
De bonur ressautes, moun cor !
Sies ébri de bonur, o paire !...

Diéu dis enfant, Jèsu, fasès,
Quand nous sourrira dins soun brès
L'enfant que noste amour espèro,
Fasès que visque en vous amant ;
Menas-lou sèmpre pèr la man,
Tant que caminara sus terro !...

Brès de l'enfant que dèu veni,
O galant brès, fugues beni !
Souto tonn velet de dentello
Adeja vese moun nistoun
Que me duerb si bèu bras redoun,
Bouqueto roso e riserello.

ROSO-ANAÏS ROUMANILLE.

LOU SANT-ESPRIT.

Tounin Cacalaus es un brave enfant de Laudun, german de Jan-Janet, n cadelas qu'es dins si dès-e-vuech an. E se li granouio an ges de co, es segur pas l'encauso.

L'autre jour, sa maire s'avisè que quand soun Tounin se signavo pèr ire si preïèro, disiè : *Au noum dóu Paire, dóu Fièu, de Bagnòu. Amen.*

— Tounin, moun brave drole, ie faguè, escouto que te parle : fau se gna coume se dèu. Eh ! que dirien li gènt se sabien qu'à toun age, as oblida toun sant signe de Crous ? Te mandarien à la Dóutrino tournamai.

— L'ai pas óublida, maire !

— L'as pas óublida, noun ! mai lou fas pas bèn ! Vejan, signo-te dans ièu.

E Tounin : — *Au noum dóu Paire, dis, dóu-Fièu, de Bagnòu. Amen.*

— De Bagnòu ?... Coume dises ?

— Eto-mai, de Bagnòu ! Soun tant brave !

— Crese que sies nèsci ! Eh ! perqué de Bagnòu, badalas ?

— Per-ço-que !

— Mai, miserable ! e lou Sant Esprit ?

— Lou Sant-Esprit ? N'en vole plus entendre parla ! me ie fise plus ! ai mes deforo. Lou Sant-Esprit ? Vès, me batrièu emé moun oublebro, èn que de ie sounja ! Oh ! se jamai n'agante un, l'estripe !...

— Amaiso-te, moun paure drole ! Que t'a fa, lou Sant Esprit ?

— Vès, maire, erian à la voto, Dimenche passa. Erian au cabaret. N'avié que cantavon, ièu siblave. Em' acò, coume voulien pas que si-lèsse, toumbèron sus ièu, ùni quatre o cinq levènti. Em' acò m'aurien egur escarteira, se de bràvi jouvènt, de Bagnòu, m'aparèsson pas...

A la voto dóu Sant-Esprit, maire, m'amassoulavon. Es Bagnòu que n'a sauva ! E longo-mai vivo Bagnòu !

LOU CASCARELET.

LOU PROUMIÉ GRIÈU

MUSICO DE MARIUS AUDRAN. *

I

Lou proumié jour dóu mes d'abrièu,
Voulièu faire uno cansouneto

* Que trovarés à la fin d'aquest Armana.

Sus un èr bèn galoi, bèn viéu
Coumo un dindin de campaneto,
Risouletto coumo lou riéu,
Coumo un aucèu cascadeleto,
Autant plasènto que l'erbetto
Dóu proumié griéu.

Lou proumié jour dóu mes d'abriéu,
Landèri lèu dins la campagno,
Dins la campagno dóu bouen Diéu.
Ausiéu brusi, dintre lei sagno,
La lono e soun moulin plantiéu ;
Lei flous risien dins lei baragno ;
L'aubeto emperlavo d'eigagno
Lei proumié griéu.

Lou proumié jour dóu mes d'abriéu,
Un bèn soulèu d'or dardaiavo
Dins lou campas ounte courriéu ;
Lou parpaïoun se souleïavo ;
La bousecarlo se reveïavo
En cantant sei poulit chiéu-chiéu ;
Touto la terro regreiavo
Dóu proumié griéu.

Lou proumié jour dóu mes d'abriéu,
Adounc m'enanàvi, sounjaire,
De l'eigueto sieguènt lou fiéu,
Degrunant de mot de rimaire,
Tout esmóugu, m'arrestant gaire,
Amirant tout ço que vesiéu,
Escoutant la naturo traïre
Soun proumié griéu.

Lou proumié jour dóu mes d'abriéu,
Dóu tèms que moun cors barrulavo,
Moun esperit, tout pensatiéu,
Dins leis idèio s'enaïravo,
E ma cansoun se debanavo...
Dintre ma cabesso l'ausiéu :
Ma voues trefoulido cantavo
Lou proumié griéu.

Lou proumié jour dóu mes d'abriéu
A de tant dóuceis alenado !
Lou printèms, de soun recaliéu,
Escaufo la terro enfleurado
E la naturo afeciounado...
D'aquéu bèn-èstre m'enebriéu
En dounant ma pichouno aubado
Ei proumié griéu.

II

Ai ! ai ! lou nòu dóu mes d'abriéu,
Adiéu l'aureto que poutouno :
L'aire s'emplis d'alén catiéu
E de tremountano ferouno.
Adiéu leis espèr de l'autouno
E lei proumessos de l'estiéu...
Lou champ a perdu sa courouno
De proumié griéu.

La nue dóu nòu dóu mes d'abriéu
Coungreio la frejo neblasso.
Lou counglas qu'a plóugu dei niéu
Jalo pertout ounte tirasso.
Sa malici, que rèn n'alasso
Ei planto a leissa rèn de viéu,
Besusclant, pertout ounte passo,
Lei proumié griéu.

Aro siàn plus au mes d'abriéu,
E Mai fa lusi sa Mirèio :
Lou cèu es clar e sènso niéu,
La terro a reprès sa lièurèio,
La terro canto e se recrèio,
Mesclant sa voues emé la miéu...
Aquéu cant es coumo lei lèio.
Dóu segound griéu.

Maudi siegues, o mes d'abriéu !
Maudicho sie ta luno rousso !
A nebla lou mai agradiéu,
Griéu proumeiren e jouéinei pouso ;

A 'nraumassa la muso douço...
E pouédi pas, coumo voudriéu,
Canta lou segound brout que pouosso,
Lou darrié griéu !

J.-B. GAUT.

A-z-Ais, Mai 1864.

LOU CANDELAIRE.

Esperit Fléchier, lou glourious enfant de Perno, l'illustre evesque nimausen, èro sourti d'uno famiho dóu coumun, — ço que l'engardè pas de veni un flambèu de la glèiso de Franco. Un cop, sabe plus coume, un gentilome impertinènt ie venguè coume eiçò :

— Es vrai, Mounseghour, que voste paire èro candelaire ?

— Moussu, es bèn vrai, respoundeguè Fléchier. Mai crese que, se vous erias esta soun fiéu, farias encaro de candèlo.

LOU CASCARELET.

L'AMOUR PRESOUNIÉ.

Dins un pichot valoun
Plen d'oumbro e de mistèri,
Plen de prefum e de cansoun,
Li Muso emé l'Amour se fasien de misèri.
L'Amour, aquéu pichot arlèri,
Iè jougavo de tour de tóuti li façoun :
De-cop li pessugavo ;
De-cop li coutigavo ;
E'm'acò s'envoulavo...

Pièi venié, de garapachoun,
Ie tira si raubeto
O bèn ie faire la cambeto,
E s'envoulavo mai... E ie fasié lingueto...
Ie jougavo de tour de tóuti li façoun...

En risènt, à la fin, li Muso l'agantèron ;
Emé de flour l'encadenèron,

Pièi lou boutèron
Sout la gèrdi de la bèuta,
E de cadeno ansin tant e tant i'agradèron
Que vouguè plus jamai aguè sa liberta.

A. MICHEL.

pentras.

LOU VARLET INTELIGÈNT.

— Ve, Jòusè, diguè Moussu de Vau-rugo à soun nouvèu serviciau, te
ene à moun service, mai fau èstre un pau inteligènt. Quand te dirai
uno supousicioun — : Aduse-me moun rasour, que vole me faire la
rbo, faudra m'adurre perèu d'aigo caudo, de saboun... enfin tout ço
t'es necite pèr se barbeja. — E ansin dóu rèsto.

— Fuguès tranquile, Moussu !

Un jour, Moussu de Vau-rugo se sentiguè malaut, e mandè Jòusè querre
a medecin.

Jòusè meteguè proun tèms pèr acò...

— As bèn resta ! ie diguè lou malaut.

— Que voulès, moun brave mèstre ! lis oustau d'aquéli messiés se
con pas...

— Coume ?

— Fau èstre un pau inteligènt... Quand ai agu vist lou medecin, sièu
a querre lou noutàri : — se voulías faire voste testamen ! — lou
pelan : — se voulías vous counfessa ! Ai pièi averti l'entarro-mort
croumpa dè pan de telo pèr voste susàri... — s'anavias fuma li mauulo !

LOU CASCARELET.

A-N-UNO ESTELLO.

Tóuti li niue, vese uno estello
Que davalo vers lou Pounènt :
Fan esvani, si rai ardènt,
La luno palo e blanquinello.

Flour dóu cèu, douço cabridello,
Me sèmblo que nous counceissèn ;
M'espinchaves en sourrisènt,
Aniue, quand durbiès ti parpello.

Sies-ti l'iue de l'ange gardian
Que Diéu douno i pichots enfant,
E que li gardo e que li guido?...
.

Astre brihant, belugo d'or,
Sies-ti l'amo di pàuri mort
Qu'avèn couneigu dins la vido ?

G. CHARVET.

Remoulin, 11 de novèmbre 1863.

TISTOUN LOU GALEJAIRE.

Un de Digno, que sabe plus soun noum, aguènt après que Tistoun, lou galejaire, èro pèr descèndre à-z-Ais, l'anè trouva e ie diguè coume acò :

— Es verai, Tistoun, que vas bèn-lèu parti pèr Ais ?

— Si bèn ; que i'a ?

— I'a que me déurriés faire un plesi.

— Dous, s'es poussible.

— Sarié de pourta pereilabas à Moussu P. l'avouat, un brave ome, que i'ai forço óbligacioun, aquest panié d'eici, tè, que i'a tres perdis, em' aquest pichot mot de letro.

— Basto ! tant tirassara Bourrisquet un panié de mai coume un de mens. Signés tranquile : vosto coumessioun sara facho.

Tistoun part... E, vaqui, l'endeman arribo à-n-uno aubergo, ounte, lou vièure mancant, n'avien plus à ie semoundre qu'uno maigro manjiho. Proun maucoura d'eicò, emé 'n ruscle que lou rousigavo : — Hòu ! tenès, dis à l'oste, fasès-me couire à l'aste aquesto perdis... E l'aste viro à fair gau... E, la perdis róurado, noste ome se n'arregalo se pòu pas mièus. Acò vai bèn.

Fauguè pièi arriba, fauguè pièi adurre à Moussu P. lou presènt que ie mandavon. Coume faire ? coume dire ?

— Bonjour, Moussu ! Vaqui ço que m'an carga de vous remetre, em' aquest papié.

— Quant vous fau ?

— Rèn.

— Gramaci. Veguen 'ço qu'es tout eicò... Oh ! tè, Fino, acò poudié pas nous veni pus à prepaus, estènt qu'avèn de mounde à la soupado : dos bèlli perdis que nous mando... un tau !... Mai, se sabe legi, lou papié

en marco bèn tres , tres déurrié se n'atrouva. Que n'en pensas, coum-
ire ? Vès, coumtas bèn : aqui soun subre la taulo coume li vène de
urti dóu panié... uno... e dos... N'i' a pas mai ; n'en manco uno.

— Eh bèn ! uno e dos, replico Tistoun... Quant voulès que n'i' ague ?
no... e dos... fan pas tres ?

— Ah ! ço, m'avès l'èr d'un galejaire ; vese que voulès farceja ; o bèn,
ssas-me vous dire que sias pus espès que noste bàrri ! Fasès bèn aten-
oun, anas coumprene la causo : meten que nous partejen li tres perdris
tre nous àutri tres, que sian eicito autour de la taulo. Eh bèn ! uno pèr
1, la ; uno pèr Madamo, la ;... vaqui dos. Mai l'autro, LA VOSTRO,
nte es aquelo ? la tresenco ? que n'avès fa ?...

— Ah ! se me parlas ansin... Eh bèn ! l'autro, LA MIÉUNO... vous dirai
e... l'ai manjado !... Em' acò bello fenido.

— LOU CASCARELET.

I LABOURAIRE PROUVENÇAU,

PÈÇO QU'A GAGNA LOU PRES AU COUNCOURS DE LA VILO D'AIS (1864).

O fortudates. (Virg.)

A M. Nourbert Bonafous, proufessour à la Faculta di Letro d'Ais.

Bràvi gènt de la terro, o païsan mi fraire,
Bonjour : i baile d'iero, i ràfi, i jardinié,

I pourqueiroun, i vendemiaire,
I chouro, i ligarello, i valènt meissounié,
I segaire toumbant li luserno flourido,
I vaquié de Camargo, i pastre de la Crau,
A vâutri tóuti, gènt di mas e di bastido,

Fièr labouraire prouvençau !

Se dis que, mespresant lis us antique, o fraire,
Eiretage sacra de nòsti segne grand,

Voulès vous leva de l'araire,
Voulès plus laboura la terro coume antan ;
Se dis que voulès plus, l'estiéu, sout li piboulo,
Dansa, coume fasias, au son dóu tambourin ;
Se dis que voulès plus faire la farandoulo,
Que voulès èstre ciéutadin !

Que tenès plus en rèn, pas meme à la Prouvènço...
Mai noun, lou eresè pas : coumo lou grand soulèu,
 Coumo lou Rose e la Durènço,
A noste sant païs demourarès fidèu ;
Rusticares toujours, amoureux d'ou terraire ;
Lou travi de la terro èi tant noble, èi tant grand !
Èi tant bèu de nourri lou mounde, o labouraire,
 De ie pourgi l'òli e lou pan !

Li richas de Paris noun vous fagon envejo ;
An mai d'argènt que vous, mai pas tant de bonur.
 Èi pas d'or tout ço que lampejo :
N'an pas voste cèu blu qu'esbrihaudo tant pur ;
N'an pas vòsti niue semo e vosto imour galoio.
Anas, sias lis urous : dins noste terradou
Avès la pas, avès l'amour, avès la joio,
 O bastidan, avès de tout.

Avès de fru, de flour e de vèrdi pradello,
E de vigno fegoundo e de plan d'amourié ;
 Avès de segue e de tousello
Tant que pèr la meissoun mancon li meissounié ;
Avès de grand troupèu de fedo bessouniero,
Avès de biòu fèran pèr la courso, o jouvènt !
E de cavalo blanco errant dins li sagniero,
 Que van pu vite que lou vènt !

Avès d'oulivié gris sus tóuti li coustiero ;
Avès de chato bello à n'en mouri d'amour,
 Que fan lou brande sus lis iero ;
Avès de drole fort, frucho à coustat di flour,
Vièu e fièr, embria d'ou vèn de la jouinesso...
Prouvènço, rèino sies de tóuti li païs :
L'ou soulèu te chausis pèr èstre sa mestresso,
 E de si poutoun t'endrudis !

Adès vous lou disièu, e lou vole mai dire :
O fraire, o païsan, sias vautre lis urous ;
 Ièu vous enveje e vous amire...
Vièure de soun travi, es tant noble e tant dous !
Ome, jouvènt, droulas, me fasès gau à vèire,

Quand de l'aubo à la niue trenquejas en cantant.
Es ansin qu'àutri-fes fasien nòsti bon rèire,
Que fasien nòsti rèire-grand !

EMILE RANQUET.

(Tira de *Concours académique et Fêtes
agricoles à Aix*, en 1864. — Aix,
Remondet-Aubin.)

ilolo-novo-d'Avignoun.

UN RESSIMELAGE.

L'avié, dins un vilage proche moun endré, que n'es pas necit de vous
ire, un sabatié proun grelin que se maridé en segòundi noço. Acò vai
èn... Quand, pièi, lou clergue, après la messo, vèn ie demanda bèu siès
ranc, noste ome ressauto, dóumaci n'avié gaire la pocho mataiado..., e
lan-plan, de garapachoun, s'esbigno à soun oustau. Lou Curat ie mando
ou clergue pèr eisegi la pagó coustumiero. — Tòu ! tòu ! dis lou groulié,
eu doune pas siès franc pèr acò : sian pas proun drut, lou sabès. Pièi
eici l'estiganço : passo, uno fes, d'avé baia la soumo entiero, quand me
aussère de nòu ; mai, vuei, m'es avis que... mita pres, 3 fr. es bèn proun
de rèsto ! Car coumprenès, moun ami, e fasès ben coumprene à Moussu
ou Curat, qu'eiço n'es pièi qu'un *ressimelage*.

LOU CASCARELET.

A F. MISTRAL.

Dóu Mistrau que la tempèsto,
Gai felibre de moun couer,
Boufe jamai sus ta tèsto
Vo dóu mens jamai tròu fouert !

Mai dins moun amo — charmado
Dei cansoun d'eilamoundaut —
Qu'entèndi toujour l'aubado
De ta voues, moun dous Mistrau !

LOUIS JOURDAN.

Paris.

LI PENDELOTO.

Un jour, un brave vièi capelan, Curat de Moulegès, fasié, au caire d'soun fougau, la dóutrino à tres chatouno : à Zeto, à Doro em' à Claroun.

— Veguen à tu, Zeto : se me dises toun *Pater* de-filo, sènso t'encalade ta baie ùni bèlli pendeloto ! Ah !... Vejan !

E Zeto se signè lèu, e lèu enreguè soun *Pater*. Quand n'en fuguè *l'in cœlis*, s'arrestè ; e :

— Soun en or, Moussu lou Curat ?

— Ah ! ma pauro Zeto, te sies encalado ; as perdu li pendeloto, bèlli pendeloto ! Vejan, à tu, Doro.

E Doro se signè lèu, e lèu enreguè soun *Pater*. Quand n'en fuguè *a sanctificetur*, s'arrestè ; e :

— l'a de brihant, Moussu lou Curat ?

— Ah ! ma pauro Doro, te sies encalado ; as perdu li pendeloto, bèlli pendeloto ! Vejan, à tu, Claroun.

E Claroun se signè lèu, e lèu enreguè soun *Pater*. Quand n'en fuguè *au Libera nos*, s'arrestè ; e :

— Baias li pendeloto, Moussu lou Curat !

— Ah ! ma pauro Claroun, te sies encalado. As perdu li pendeloto, bèlli pendeloto ! E l'à *malo* ?

— La Malo, Moussu lou Curat, es un gusas : dèu quaranto sòu à moupaire, e i'a jamai vougu rèndre.

M'an pas di se lou Curat ie baiè li pendeloto.

LOU CASCARELET.

A MOUSSU ***

Vers lou coulet mounte es vouesto bastido,

Ah ! que souvènt ai l'uei vira ;

E, Moussu, que sièu maucoura

Quand vièu lei teso en dòu ploura vouesto fugido !

Digas un pau, qu'a Paris de tant bèu

Pèr vous faire óubrida noueste lusènt soulèu ?

Sabès proun que la vido

Dins la nèblo e lou fum amount es lèu chabido.

Restas eici pèr respira

Lou dous prefum que dins leis èr barroulo,

Sentour de l'îeli e de la ferigoulo,
Restas, ami, que vous remountara.

De plesi, d'agradanço eici tout v' enviouno :
Un castèu oubleja, bèu-vesé se n'a v-un ;
Au cagnard, dins cènt brusc, un apié que vounvouno ;
Uno mar de blad rous purga de l'amarun ;
De petelin qu'à vouel atiron l'auceliho ;
D'amendié qu'en abriéu jieton sei flour de nèu ;
Un vignarés qu'embalo e que dins lei boutiho
Raio, eïça pèr òutobre, en un vin rouginèu ;
Lou sero, dei bouié la douço cantadisso,
Quand vènon sus lou germe emé vous s'acampa ;
Dei carbounié tambèn la gaio charradisso,
Quand laïsson la destrau, esten de recepa.
A faire aquéu tablèu moun amo si delego.

Chalun vanta dei plus nòblei palai,
Vous prési rèn : amariéu foueco mai,
Escoundu, luen dóu mounde, eici faire ma plego.

Tout-aro es l'embruni, s'ajoucara l'aucèu :

Ami, venès, escalen sus lou serre,
Veiren dins la mar luencho espeli de veissèu...
Sèmblon fa velo vers lou cèu.

Dins l'Americo, abrama, van pèr querre
Co qu'es avau à dounacien
È qu'eici pièi vau de milien ;
Mai pèr l'aduerre, ami, que de mau, que d'esglàri,
Sus l'Oucean, ah ! que d'auvèri !
Turtas un baus entrevadis,

E lou veissèu creba subran v'aproufoundis...
Mesfisen-nous deis oundado en coulèro,
Es vertadié lou prouvèrbi que dis :

Lauso la mar, tèn-t' à la terro

E noun vagues en guerro.

E vous pamens, vint an barroulerias.
Dóu vièi Napouleon avès vist la desbrando ;
Trouvant dins l'agounié la França encaro grando,
Ei darrié chaple assisterias.

D'uno vido ensin trumentado,

Es juste que passés la fin dins lou repaus,
Counvidant soulamen en galoio taulado
Leis ami que son glout d'ausi vouèstei prepaus.
Aro, gielour d'ivèr, furiously mistralado,
Au mens venguessias pas sacreja seis autin !
A la Gènto-Bastido es pièi tant bouen lou vin !

J. GARNIER.

Signo (Var). 1864.

L'INNOUCÈTO.

— Moussu lou Curat, bonjour ! Es pas que noun sachés que sié Neneto de la Troussado, la femo de Pèire Chechin, que ie dison Pesco-à l'oulo, dóumaci quand èro jouine...

— Vai bèn. E que i'a pèr voste service, bono femo ?

— I'a qu'avèn uno bravo chato : ie dison Claroun. Aura quatorge an vèngue la Candelouso. Devès la counèisse : es vous que l'avès batejado

— Em'acò ?

— Em'acò, coumuniara mai pas aquest an, car Moussu lou Vicàri i mai bandido de la dóutrino. Fai li dous an. Acò 's pas juste !

— E perqué l'a bandido ?

— Dóumaci, dis, ma chato saup pas faire soulamen lou signe de l'Crous.

— Oh !

— Que voulès ? n'en pòn pièi pas de mai, pecaire ! dins la famiho d'moun Chechin, soun tóuti gauchié de paire en fiéu.

— Es pas poussible !

— A mens que ma chato ague fa quauque gros peccat?... L'autre divèn dre, faguè gras.

— Oh !

— Que voulès ? èro un pau malauto : restavo, dóu dijòu, un os d'pore, em' à l'entour un pau de car-salado, valiè quàsi pas la peno... e lou rousiguè. Dimenche passa, manquè proun la messo...

— Oh !

— Mai es, pecaire ! pas sa fauto. Que voulès, Moussu lou Curat ? m'a vié rauba quàuqui sòu...

— Oh !

— L'embarrère : voulièu pas que sourtiguèsse pèr n'ana croumpa de roumandiso. Me grafignè proun un pau, mai pamens óubeïguè : es pièi nt bravo ! D'aiour, avié la man empatado. Vesès, enterin que fasiéu li e, tirè la car dóu toupin.

— Oh !

— S'esbouientè, pecaire ! e tant reboulissié que, quand davalère, sié peta li tron enca mies que soun paire !...

— Oh ! oh !

— Coupèn court, Moussu lou Curat : vous la mandarai, la veirès, la unfessarès, e s'a fa quauque gros pecat, me lou dirès... E ie metrai on ordre.

LOU CASCARELET.

MOUN IROUNDELLO.

— Iroundello negreto,
Que fas toun nis
Souto ma fenestreto,
Liuen de-qu'as vist ?

— Ai vist mai d'un cassaire
Dins li campas
Au paure aucèu voulaire
Cala si las.
Ai vist la margarido,
Galanto flour,
Pecaire ! lèu passido
Souto li flour ;
Ai vist sa blanco estello
Toumba plan-plan
Pèr répondre à la bello
Em' au galant...

— Iroundello negreto,
Que fas toun nis
Souto ma fenestreto,
De-qu'as mai vist ?

— Ai vist uno chatouno
A péu bloundin

Qu'i pèd de sa patrouno
Pregavo ansin :
— « Maire, counsoulairello
De la doulour,
D'uno pauro ourfanello
Prenès li jour ;
Lèu de sa tristo vido
Coupas lou fiéu,
E menas-la candido
Vers lou Bon-Diéu !... »

— Iroundello negreto,
Que fas toun nis
Souto ma fenestreto,
De-qu'as mai vist ?

— Ai vist de flour culido
Avans soun tour,
De chatò bèn poulido
Mouri d'amour !
Ai vist d'ome, de femo
E d'enfantoun
Toumba milo lagremo
Pèr un poutoun !...

E l'aqèu — que piétavo
Sus tint de còu,
Eilamoundaut anavo
Prendre soun vòu...

— Iroundello negreto,
Oh ! rèsto eici :
Tant liuen, alin souleto,
Pourriès mouri !...
Quand fara fre, pecaire !
T'amagarai ;
E de toun calignaire
Te parlarai ;
Pièi au tèms, bestiouleto,
Que tout flouris,

Souto ma fenestreto
Faras toun mis.

ANTOUNIETO DE BÈU-CAIRE,
Felibresso de l'Éurre.

Mai 1864.

LA COUMPARESOUN.

Èro en plen mes de mai, fres e gai, e Gervàsi, emé sa saumo, anavon peto.

Quand s'atroubèron just davans lou jardinet flouri de Moussu Courbo-Dono, la saumo — touto trefoulido, parèis, de l'òndour qu'escampavon tant de flour requisto — franquiguè la sebisso, e se vièutoulè bèn à soun aise sus aquèu tapis embaumà.

Moussu Courbo-Dono se derrabè li pèu e jurè coume un carretié... Prenguè pièi la saumo de Gervàsi pèr lou licòu, e :

— Te la rendrai, ta saumo, ie diguè, quand m'auras paga lou daumage. Te vendras, davans lou juge, raubo-galino !

— Ah ! vau bèn la peno, faguè Gervàsi. Quàuqui flour anequeuido !... Finalamen Gervàsi fuguè cita davans lou juge. Anè doune à la vilo pèr counta soun afaire à-n-un avocat. E derin-din-din ! derin-din-din !

— Es pas eici que demoro Moussu Tregelengo ?

— Si. Intras, ie diguè Madamo. Que l'a pèr voste service ? Moussu es à l'audiènci. Que vous arribo ?

— Pati-pata-pas-rèn...

— Assetas-vous. Countas-me voste afaire. E se, d'asard, Moussu rintravo pas lèu, ièu ie countarièu, quand vendra ; coumprenès que sariè tant de fa.

— Pati-pata-pas-rèn. Ai uno saumo, moun gagno-pan. M'an pres ma saumo, e me la volon plus rèndre. Sièu doune un ome arrouina ! Dise pas que ma bèsti ague pas quauque tort... Anavian i peto ; fasiè bèu tèms. Li flour embaumavon. l'aviè 'no sebisso. Dise pas lou countràri. La saumo, touto trefoulido...

— Pas tant d'alòngui, brave ome ! parlas clar e coupas court.

— Veici ço qu'èi. Sias la saumo, vous, Madamo. Vai bèn. Vous bride, vous embaste, banastoun d'eici, banastoun d'eila. Uno supousicioun. Partèn, anan i peto. Vai bèn. Rescountras un jardinet, li flour vous agrandon. M'escapas, intras dins lou jardinet. Vai bèn. Meten aqui qu'agués tort, vous... Mai, li bèsti noun soun gènt, fio de Diéu !

LOU CASCARELET.

LA SORGO.

Lis alentour soun gai, e li fiho poulido :
 Felibre, i'a pèr tu de rimo afrescoulido !...
 La Sorgo fresco e puro, en caressant si flour,
 Poutouno vint endré dins si milo countour,
 Gaiamen li miraio, e chato belugueto,
 En se ie regardant, daveron si dourgueto ;
 De soun oundo, que dauro un caud soulèu d'avoust
 Sort milo ventoulet que, jougant dins soun cous,
 Di pibo de si bord fan rire lou fuiage.
 Milo riéu, sis enfant, bagnon lou vesinage :
 Aquí lou coudounié mostro si rous condoun,
 Eila, la melounièro escound si gros meloun ;
 L'art plaço alin sa rodo, e la Sorgo la viro :
 La garanço vèn poudro e lou coucoun se tiro.
 A l'oumbro e sus la tepo èi brave de dourmi,
 E l'amigo ie vèn reva de soun ami.
 De l'aigo que s'encour — gaire sabon l'entèndre —
 S'aubouro, vers lou vèspre, un murmur dous e tendre :
 Antan, aperamount, d'ounte aquelo aigo vèn,
 A la coumbo, à la cauno, à la font em'au vènt,
 Espantant li roucas e l'oundo fresqueirouso,
 Petrarco souspirè si cansoun amourouso ;
 E l'aigo qu'èi tant lindo amè si vers tant pur,
 E lèu à sis acord maridè soun murmur.
 E la Sorgo dempièi, quand babiho emé l'auro,
 Murmurejo lou noum de Petrarco e de Lauro !...
 Sèmpre em'aquéu murmur toun aigo coulara,
 O Vau-cluso ! e toustèms ta glòri flourira !
 Lis alentour soun gai e li fiho poulido,
 Felibre, i'a pèr tu de rimo afrescoulido !

A. TAVAN.

LI DOUS CHIVAU.

FABLO

Dedicado à moun counfralre Bigot, de Nimès.

Dins un estable escur, tapissa d'aragnado

Emé de grùpio arrengruieirado,
Un jour de la fiero de Mai,
I' avié de bèstio mai-que-mai.
Li vesitère à la vesprado.
I' avié de chivau adraia

O bèn à la civado, o bèn à l'esperseto ;
D'autre legissien la gazeto,
Lou mourre en l'èr, badant coume gènt enuia,
Quand n'ausiguère dous en trin de babiha :

— O, fasié 'n chivau gris, siéu necite à moun mèstre :
Carreje tapo-quiéu, araire, toumbarèu ;

Dóu mas aduse li fais grèu ;
Sabe m'acoumouda autant lèu
Dóu marrit tèms que dóu bèn-èstre ;
Paio, luzerno, tout m'èi bòn,
Lou bast, la sello, e la font lindo

O l'aigo treboulado emé de bren ; ansindo
N'ai jamai di sebo en quicon.

Dins lou trin d'equipage ai dès an fa la guerro.
Se iuei siéu pas raplèt, dirai :

I'a de nèr i jarret, de sang à l'iuèl ; jamai
Me siéu trufa de res, sèns saupre ço que n'èro.

Ansin, ai ! las ! fan pas de iéu,
Qu'à moun entour souvènt ause dire : Boudiéu !

Acò 'i la bèstio dóu bon Diéu...
E 'm' acò bèn souvènt me mandon fa lanlèro.

— Alor, fai en risènt un chivau soun vesin,
Creses d'èstre quicon ? Eh bèn ! sies un roussin,
Sies un ase, un bardot ! Osko s'acò 'ro encaro

Nosto obro ! Emé l'ome, tout-aro,
Davans dous cènt messiès danse lou rigaudoun ;
Pièi fau lou mort ; tout dre, pièi demande perdoun ;

Emé lou pèd pique lis ouro ;
Manje de flo de sucre, e pièi sabe coumta
E carto e dominò ; pièi, dins la soucieta,
Devine just aquéu que lou mai s'enamouro.
Osko ! iéu — l'an escri — siéu lou *chivau savènt* ;
Iéu ! sèmpre siéu farot ; iéu ! siéu un persounage !

De-qu'es acò ? Trin d'equipage ?
Tis ensàrrrio ! toun bast que carrejes souvènt !
Me fas rire em'a juéu lengage !
Rebales un bèu noum , lou bèu noum de chivau !
E te laisses trata coume uno vièio miolo !
Mounte siéu iéu?... Dins la Justolo
Siéu vesti de drap d'or, e porte... un cardinau !...
Vai trima, rosso de bataio !
Iéu siéu fa pèr dansa, pièi... pèr pourri de paio.

De ma fablo veici la fin...
— Counèisse foreo gènt ausin :
Quand i'a de bèstio uno manado,
De viage, lou chivau qu'apelarés *roussin*
Vau mieï qu'un *chivau de parado*.

LEON ALÈGRE.

Bagnòu (Gard).

VINCÈN.

— Me dirias pas, magnanarello,
Lou noum d'a juéu poulit jouvènt
Que chaseo niue parlo is estello,
E s'envai pièi dins la capello
I pèd de Diéu traire soun cor doulènt ?
— Aquéu?... plouro Mirèio, e ie dison Vincèn.

ANTOUNIETO DE BÈU-CAIRE,
Felibresso de l'Èurre.

A JAN REBOUL.

PÈÇO DICHÒ SUS SOUN CROS, LOU JOUR QUE L'EXTARRÈRON.
Emai iéu tambèn vole escampa quàuqui plour
Sus la terro que vai l'acata pèr toujours,
Noble cor, illustre pouèto !
Vole adurre ma pèïro au mounumen d'amour ;
Vole mesela ma vòues au councert de doulour
Dóu pople que tant te regrèto !...

Tóuti te couneissian : dirai pas ti vertu.
Pèr bèn li celebra, me faudrié, coume tu,
Aguedre un tresor d'engenio !
De mai digne que iéu segur li cantaran ;
Pèr iéu, ço que desire es de réndre, en plourant,
Un óumage à ta pousesio !...

Adiéu dounc, o Reboul ! noble cantaire, adiéu !
Se la terro a toun cors, se toun amo es à Diéu,
Toun noum e ti vers nous demoron :
Toun noum ama dóu riche e dóu paure beni,
Ti vers grava tant founs dins noste souveni
Qu'avèn pas pòu que jamai moron !

Mèstre, adiéu ! Te leissan à la niue dóu toumbèu ;
Mai lou bon Diéu t'espèro amoundaut dins lou cèu ;
E dins la draio celestiale
Vese l'*Ange e l'Enfant* que vènon, sourrisènt,
Urous e trefouli, sus toun front trelusènt
Pausa la courouno inmourtalo !...

Li poulit serafin ! escouto-lèi canta :
Un dis : « An li souspir tambèn sa vouldpta,
« Si joio li jour de tristesso... »
L'autre : « Toun darrié jour, Reboul, es lou pu bèu ;
« Se la terro te plouro, à l'eterne castèu
« Tóuti sian en grando alegresso... »

E nàutri, que t'aman, escampan nòsti plour
Sus la toumbo que vai t'escoundre pèr toujour,
O noble cor, o sant pouèto !
E, quand Nimes te dréisso un mounumen d'amour,
Ause mescla ma voues au councert de doulour
D'un país que tant te regrèto !...

LOUIS ROUMIEUX.

imes.

LA PRESOUN.

Avien rejoun au Palais — dins la presoun d'Avignoun — lou Sacre-
ant, que ie dison peréu Det-de-Pego. L'autre Dimenche, soun fraire

venié lou vèire, e coume sabié pas ounte èro la presoun, lou demandavo.

— Brave Moussu, diguè à-n-un marchand de sànti-bèlli, ensignas-me la presoun.

— Ah ! la presoun ? rèn de tant eisa !... Vès, enregas la càrriero dis Orfèbre, qu'es à dous pas. Intras dins lou proumié magasin à vosto man drecho. Prenès-ie soulamen, sèns faire semblant de rèn, un pan de cadeneto en or, e vous menaran à la presoun tou dre.

LOU CASCARELET.

MARTOUN DE ROUMANIN.

A A.-B. CROUSILLAT.

Ah ! mounto, mounto à la grand tourre,
Mounto-ie, bèu, e me veiras.

ROSO-ANAI S ROUMANILLE.

L'oumbro davalo dins la plano !
Bèn lèu lou jour aura feni :
Aniue, moun page dèu veni
Dins lou bousquet di Castelano...

I

— Bello ! m'a di, noun fagues eas,
Long di rouecas,
Au cant pietous de la tourtouro :
Mai au bousecas,
Vène-t'en lèu, quand sara l'ouro.

Bello ! amoundaut, de Roumanin
Entre li pin,
Rous e crema 'mé si grand tourre
Veiras alin
Moun castelas entre li moure.

Tre que lou jour aura feni,
Que i' aura l'oumbro sus la plano,
Moun galant page dèu veni
Au bos ama di Castelano.

— Bello ! l'angelus dóu couvènt
 Emé lou vènt
 Plouron abas dins la ramado.
 Vers toun jouvènt,
 Vène-t'en lèu, ma bèn amado !
 Bello Martoun ! vène-t'en lèu !
 Que lou soulèu
 Trecolo alin darriè l'Aupiho :
 Coume un calèu
 Amount deja la luno viho !
 Es niue ! lou jour vèn de feni,
 L'oumbro davalò dins la plano...
 Dins lou bousquet di Castelano
 Lis amoureux soun réuni.

MARIUS GIRARD.

nt-Roumié, 16 de Setèmbre 1863.

LA VIDO.

Coume uno oulo estrecheto e bèn curbecelado,
 Mai pleno fin qu'au bord d'uno aigo d'amarun...
 Au cremasce dóu tèms la vido es pendoulado,
 Brandussant dins soun pitre un pau de sabourun.

Paureto ! ansin gargoto, e, sèmpre desoulado,
 Lagremejo e s'esbéu en un nivo de fum,
 Ai ! las ! sènso pousqué vers la capo estelado
 Amount ! faire giscla 'no brigo de prefum.

Se quauque jour pamens, moun Diéu ! dintre moun oulo
 Sentiéu li vai-e-vèn d'un brout de ferigoulo,
 De saüvi, e de girofle un pichounet clavèu,

Alor, Segnour ! veirias moun amo entrefoulido
 Vous dire emé bonur : Au fougau de ma vido,
 Que vosto man divino empure lou gavèu !

ROUMIÉ MARCELIN.

arpentras, 1864.

LOU FLAHUTAS.

Nòsti paire disien :

Tres grand flèu pèr la Prouvènço,
Lou Mistrau, lou Parlamen e la Durènço.

89 nous delièurè dóu Parlamen.

La Durènço, saunado tout-de-long pèr vint canau, es devengudo iue uno drudo nourriguiero que fai teta nòsti jardin.

Mai restavo lou Mistrau, l'indoumtable Mistrau, que derrabo la co de rosso de Camargo.

Or, un savènt — lou prougrès jamai calo — un savènt, bèn counceign de nòsti leitour, nous coumunico un plan espetaclous : s'agis — nour d'interdire lou Mistrau (sarié desounnourant pèr la Prouvènço) — mai sabès de que ? de lou faire travaia e de lou rèndre utile à la patrio.

Aquest atrouvat nouvèu es degu tourna-mai à Charle Dàvid, lou celèbre tireira de plan, l'engenious inventour de la *Carreto di porc*, dô *Froumage de Baleno* e di *Bericle pèr ie vèire la niue*.

Charle Dàvid prepauso de coustrurre, en zingue o en estan, uno clari neto moustro — que noumo *flahutas* — e'm' acò de l'establi, pourtad pèr d'arc-de-triounfle, sus lou courrènt dóu Rose, entre Bèu-caire Roco-mauro. L'emboucaduro, bèn entèndu, virara de-vers lou vènt, e rounflado se l'engourgaran dedins. Lou pavaïoun de l'estrumen — qu sara quaucarèn coume un fourmidable embut — fara lou couide en aut sara mouvedis.

Li clau dóu *Flahutas* saran tiradisso pèr de cordo que respoundra à-n-un claviè plaça dre d'Avignoun, dins l'iselo de la Bartalasso ; e lo claviè sara mougu pèr uno machino à vapour soutu la man d'un musicaire.

L'on pourra, d'aquéu biais, jouga i nacioun vesino tóuti lis èr que i faran plesi. Meten que l'Anglo-terro nous demande — en pagant — lo *God save the queen*, o la Souïssou lou *Ranz di vaco* : tout-d'un-tèms lo musicaire viro lou pavaïoun vers lou pople en questioun, e ie fai rounfloun èr coume uno trounadisso.

La memo causo, quand gagnaren quaucò bataio : sara plus de besoun d'èr canta lou *Te Deum* dins 30,000 glèiso : l'aura qu'à dire un mot au musicaire Bartalassen, e sus-lou-cop lou Vènt-terrau fara rumba l'èr triounfal coume uno couloussalo ourgueno.

Que n'en pensas, coumpaire ?... Ièu me sèmblo qu'acò n'es pas l'idèu d'un taloun.

LOU CASCARELET.

LA PLANO DEI DEDAU.

Avans la Vièrgi, cauco qu vòu ;
Après, qu pòu.
Qu cauco en Avoust
Cauco paurous.
(PROVERBE).

I

Erian au tèms qu'ei pastequiero
La frucho es pas tant de bouen goust ,
Car dei nue sentian la fresquiero ;

Deja lei rin; gounfle de moust,
Marcavon la fin dei caucado
Eiça vers la Vièrgi d'Avoust.

Dins leis eiròu, à cha fourcado,
S'èron fa las lei païsan,
En diant : Leis iero soun traucado ;

Acò, va dison touei leis an...
Pamens, prenguen ço que Diéu mando :
Sus la terro sian qu'en passant,
E lou tèms, degun lou coumando.

II

Subre la Plano dei Dedau ,
Au Mount-eiguet, vers la coustiero,
Antan li aviè, peramoundaut,

Un carradoun que servié d'iero,
Bèn souleia, bèn enaura
Pèr lou vènt-larg, la mountagniero.

Aqui, dei faissò e dei carrat,
Chasque an, à la sesoun nouvello,
Jamai plus tant se caucara

L'espigo rousso dei gavello
Avans, bèn avans lou sant jour
De Nouesto-Damo vierginello ;

Cadun li caucavo à soun tour,
E tambèn, n'en soubravo gaïre
De garbo, aperaquito au tour ;

Alor, la bato dei caucaire
N'avié tout espoussa lou gran,
Lou gran que d'amount noueste Paire

Fa madura pèr seis enfant.

· III

Pamens, pèr la fèsto, sacrado
De la Boueno-Maire de Diéu,
Sènso amour pèr la Benurado,

Li avié de païsan tardiéu
Que, dimenche e fèsto, sus l'iero,
Trimavon coumo de judiéu!

Soucitous que de sa garbiero,
Serien pas vengu jusqu'à-z-Ais,
'Mé lei bastidano galiero,

Pèr faire fèsto que-noun-sai :
Aquéu jour, osco ! èron bèn messo,
Eici fau pas dire bessai.

Mai n'i a tant que van à la messo
Pulèu pèr se fa reluca,
Que pèr fin d'avé la proumesso

Dóu Paradis tant recerea !
Acò se saup...n'i a bèn, pecaire !
Que poudran pas se li entrauca.

Entandóumens, se sabian faire,
N'enregarian lou dre camin :
Coumo de farandoulejaire,

Li anarian 'mé lei tambourin.

IV

Adounc, lei cauco èron darriero.
Lei tardiéu voulïen lèu fini
D'empli seis uèrri e sei païero ;

E vague de mai estèrni,
E de jura, dins sei virado,
A vous faire tout referni !

Mai au mitan de la journado,
Pèr sousta la Vièrgi e lei Sant,
Subran vèn uno revirado.

L'èr devenié sourne, mau-san,
A mouloun lei niéu s'acampavon,
Lou tèms fasié bouï lou sang...

Leis auceloun s'espaventavon,
En viant leis uiau flameja,
E dins sei piéu-piéu s'aplantavon :

Aujavon plus cantouleja ;
Lei messagiero dindouleta
Au sòu venien voulastreja,

En flouorejant de seis aleto
La blesto d'or qu'èro à l'eiròu ;
E dins soun trau, la fournigueto

Lèu s'estremavo de la pòu.
O journado ! quinto tempouro !
Souto lou cèu, quintei pimpòu !

Lou tròn de l'èr gingoulo e plouro,
En davalant resclantissènt,
E, dins l'afaire de miech-ouro,

Sacrejo tout, bèsti emé gènt !
Lou marin-blanc remoulinavo,
Mesclant sa voues en touei lei vènt.

'Mé la chavano que boufavo,
D'encavala fouguè tròu tard :
Car bèn-lèu, tant d'aigo toumbavo

Que lou sòu semblavo uno mar :
E gènt e bèsti d'aquelo iero,
Tout s'aprefoundissè dins l'Arc !...

Tant aguè crèis nouesto ribiero
Qu'un gourg li servè de toubèu !
La cauvo es que trôu vertadiero !

E desempièi, lou planestèu,
Dintre sa pèiro lisco e duro,
Es trauquiha coumo un crevèu

O coumo un dedau de courduro ;
De tant soun drole àquèlei trau,
Pèr despinta sa gravaduro

Li dien la Plano dei Dedau.

V

Aro li vian un óuratòri
Que remèmbro en touei lei Crestian
Lou souveni d'aquelo istòri ;

E nous fa dire en tant que sian :
— Lei jour de repaus faguen fèsto,
Viven pas coumo de bôumian...

Car Diéu, dins soun iro celèsto,
Belèu nous soubro un darriè jour
Mounte anaren pica de tèsto

Dins lou fin founs d'un marrit gourg.

F. VIDAL CADET.

L'ESTATUO DOU COMTE DE GASPARIN.

Lou 11 de Setèmbre 1864, la cièuta d'Aurenjo a vist rèndre à l'un de ses enfant l'óumage lou pu bèu que se posque rèndre à l'òme. La France entiero, representado pèr li baile de la scièncèi agricòlo, es vengudo inaugura l'estatuo de brounze de Moussu de Gasparin. Dous an après sa mort causo meravilhoso ! de tóuti li part dón globe, l'argènt, aviè plóugu pèr auboura lou monumen. Moussu de Gasparin aguènt di bèu proumi aguènt mai que degun óumura e servi l'Agricuilturo, e estènt l'agriculturo la maire nourriguiero de tout lou gènè uman — tóuti li pople, s'acompren, an vougu pourgi sa pèço à la foundo glouriouso.

— Glòri doune, coume a di M. Guérin-Méneville, à l'urouso Prouvènço
l'a douna mai aquèu grand ome au mounde recouneissènt ! — E urous
enfant, coume a di M. Barral, que tau que MM. Paul e Agenor de Gas-
rin, podon, de soun vivènt, saluda sèns pali l'estatuo de soun paire !
Enfin, en meme tèms, l'Acadèmi de-z-Ais, au noum de la Prouvènço,
cernissiè sa grand medaio d'or au *Cours d'Agriculture* de l'illustre
rounome, triounflant e vivènt maugrat la mort.

ANSÈUME MATHIEU.

GAUSI PAS.

(Parla de Lengadò).

L'autre tantost, dins l'ort t'ai troubado endroumido :

A tous pèds la margarido

Fasiò lou berd pradèl tout mirgalhat de blanc,

E darrè, sus toun cap, la galoio brillhado *

Coumo pèr soun galant uno joubo abrassado,

S'arremassabo entourtilhado

As brasses d'un rousié ban.

En l'aire milo bols de bestiolos merudos,

Tant finsos que sul cop on las aurió cregudos .

Fielados pèr toun rèbe, en farandoulejant

Dins un bralle falourd mesclabon sas aletos

Mai lusèntos e bouleguetos

Que las milantos beluguetos

Qu'escampilho en poulset lou fioc de la Sant-Jan.

I n'i'abió qu'èron mai de pas amourachados,

Mai paurugos-del bruch : e lou bènt amistous

Dos à dos penchoulados

Sus un rai de soulèl las bressabo pla dous.

Las flous que lou pantai benurous enhusclabo

Sul pecoul alanguit d'aise s'espandisiou

Sus uno girouffado un liri se penchabo :

En badant de plasé poul sabo e tremoulabo ;

Sas coulous lusissiou ;

Las felhos à l'entour de gau trefoulissiou.

* Courrejolo o campaneto, planto.

Co que d'embejo adounc dins moun cor embarrèri
È toutos las baujès foulassos que matèri,

Lou saupra pas degus.

Ço qu'ai bist e pensa sera sèmpre mistèri :

Soulo sachos-hou, tus.

De las flous de toun ort èros la pus poulido ;
Mai que la giróuflado escampabos d'oudou ;
O broutèl fresc e gai ! plantó que sos claufido
De bierjun e de chuc, pèr embauma ma bido
Ambé tus i n'i'a prou !

Del tèms que bergougous, atupit, sèns paraulo,
Restàbi drech aqui, la ma sus la cadaulo,
— Ai ! làgui que pamens tu pourriós amausa ! —
De sul soulhet ai bist uno abilho abarmido
Prene pèr uno flou ta bouqueto, e l'ardido
De beni s'i pausa !

E iéu, paure crentous que la gueitàbi faire,
Me disió que coumo elo aurió pouscut, pecaire !
Béure dins un poutou ma peno e moun desaire...
Ai ! maniago, qu'es du de pourre pas gausa !

GRACIAN CABANES.

Beziés, (Eraut).

BRINDE I FELIBRE

THOURON, ROUMANILLE E MISTRAL

(*Beziés, 5 de mai 1864.*)

Coussi, Messiés ! pàuri bevèire,
Se vese clar d'aquest moumen,
Perqué faire tranquilamen
De vinaigre dins vòsti vèire ?

Bagnen l'encho ! A vosto santa !
Ardit ! saunen veissèn e tino,
E de vèspre jusqu'à matino,
Ami, tenguen-n'en de pinta !

Z.

PAURO CHATOUNO.

Pènses qu'amour
Noun a que flour?
Pauro chatouno,
T'enganes bèn !
Car es doulèt
Tout ço que douno.

Lis iue courous
Dis amoureux
Te volon dire
Qu'auras soun cor
Fin qu'à la mort !...
— Te n'en fau rire !

De ti vertu,
Ni mai de tu,
Soun calignaire :
Ie fau d'argènt...
E se n'as rèn,
Adièu, pecaire !

A. DE F.

COUNCOURS DE TAMBOURINAIRE.

Ei councours e divertissènço qu'an boulega la vièio capitalo dei Prouençau (16, 17 e 18 de Setèmbe, 1864), lei Conse e lou Counsèu de la ilo d'Ais, plen d'amour pèr nouèstei tradicien, decidèron d'apoundre un councours de Tambourin e de Galoubet.

En festejant l'Agriculturo, valènt-à-dire l'art bastidan, counveniè d'ouour la musico dei bastido ; en ounourant lou travai poupulàri, counveniè de faire plaço à la musico naciounalo.

Veici lei joio qu'èron penjado au gaiardet :

- 1° Un Tambourin d'ounour, pourtant uno placo d'argènt ounte vesias raya leis armo de la vilo, la dato dóu councours e lou noum dóu gagnaire.
- 2° Un Galoubet d'ebèni e mounta sus l'argènt.
- 3° Tres *Accessit*, representa en joio pèr l'oubràgi *lou Tambourin*.
- 4° Doues mencien ounourablo. Enfin, pèr fe d'acò, un gènt encartamen deliúra en cadun.

Lei Prièu dóu Roumavàgi, o s'amas mies, lei jùgi, èron Messiès : — Michèu, capoulié dei tambourinaire e presidènt de la jurado ; — Char bonnier, canounge e ourganisto de la Metroupòli ; — Agard, dóu coun sèu municipau ; — Audran, ex-tenor de l'Opera-coumique, proufessou au Counservatòri de Marsiho, e felibre ; — Hancy, avoueat ; — Ponce mèstre de capello ; — Silvestre, musicaire ; emé F. Vidal, felibre, pèr scretàri.

Lou dimènche 18 de Setèmbe, en plen miejour, en pleno plaço de Presicadou, se presentèron lei tambourinaire lei pu fouert de Prouvènç emai de Lengadò. Èron uno vinteno.

E tout d'abord, pèr durbi lou counceours, touquèron alegremen e toue ensèn la marche nacionalo de *Cabassou* ; e pièi après, chascun dei gar artistico faguè vèire a-de-rèng soun saupre-faire, à la grand satisfaciè deis ausidou.

Entre-tèms lei jurat noutavon avisadamen lou gènre dóu moussèn e la qualita deis eisecutant, coumo l'emboucaduro, lei còup de lengo, lei batarié, lei rampelado e l'acord de la masseto emé lou flaiutet.

Or vejeici lou noum dei triounflaire :

— Lou *Tambourin d'ounour* sieguè pèr Filemoun Boyer, de Pouciè (Var) ;

— Lou *Galoubet d'ounour* pèr Jòusè Espanet,ubre-nouma *Canàr* de Malo-mouert (Bouco-dou-Rose) ;

— Lou proumier accessit à-n-Isidor Berbezier, de Remoulin (Gard)

— Lou segound accessit à Louis Arnoux, dei Peno, em' à Francès Regimbaud, de Sant-Chamas (Bouco-dou-Rose) ;

— La proumiero mencièn d'ounour à Fèli Richelme, de Touloun,

— E la segoundo à Marius Pourcin, d'Ais.

Vaqui lei franc cepoun d'ounte regreiaran bèlle jitello prouvençalo vaqui lei mèstre de la joïo, lei flàmei counservaire de l'enavans de la naciè

En seguito d'aquelo gènto fèsto, ajusten que desempièi s'ourganiso a z-Ais uno *Acadèmi dóu Tambourin*, que sara lou souleiant ounte lei musicairé dóu galoubet vendran s'afeciouna e se perfeciouna, sus lei piado de Cabassou, dei Michèu, dei Carhounèu, aquèlei majourau dóu galoi chichi pounpoun.

F. VIDAL, cadet.

A-z-Ais, 1861.

REMÈDI CONTRO L'IDROUPISIO.

Mèste Grimaù, un embriaigo,
Qu'aviè pòu, coume un cat, de l'aïgo,
Mai, pèr ma fisto! pas d'ou vin,
— N'aviè lou nas tout cremesin, —
Èro malaut de la pepido,
E se cregnissiè pèr sa vido :
S'èron creba si douç boutèu,
L'aigo ie rajavo is artèu.

A sa femo, que lou gardavo,
Dis un jour : — De tout aquéu mau
Sies bèn l'encauso ! — léu, Grimaù ?
— O, tû ! me faneaves la cavo,
E, d'escoundoun, dins lou boucau
Metiès mai d'aigo que noun cau.
Lou veses, es aquelo eigasso
Qu'aró me tibo la carcasso ;
N'ai trop begu, pèr mi pecat !
Mai podes me sauva la vido,
Ma migueto ! Parte d'ausido,
Vai-t'en encò de l'Escrancat
Me querre un quartoun de muscat.

G. A.

A MADAMISELLO M... B...

Avès un parla qu'èi tant tendre
Que vaudrien bèn vous entendre
Quand legirès eiçò-d'eici.

J. ROUMANILLE.

« Ti vers soun gènt, plen d'armounio,
Sènton lou fres e l'engenio, »
Madamisello, me fasès ;
Pièi coume, quand boufo l'aureto,
L'aubespín toumbo si floureto,
De vosto enflourado bouqueto
Mi vers toumbon poulit, d'ou biais que li disès.

Mi vers soun umble : la viôuleto,
S'escound, e vòu flouri souleto,
E d'escoundoun fai soun prefum.
I souleias, à la plouvino,
Entre li mouto e lis espino
Mi vers soun na dins la champino,
E soun de garrigaud, e sènton lou ferun.

Mai pièi, 'mé voste gai sourrire,
Quand ièu vous lis entènde dire,
Trove mi vers cènt fes pu dous :
E moun amo n'es encantado ;
E crese en vous vèire uno fado
Chanjant li joune en jauriflado,
E moun jargau d'estame en un mantèu sedous !

O jouino fado de la Nesco !
Sias lou matin que me refresco ;
Voste regard fai dins moun cor
Coume à mi labro la melico ;
Vosto riseto es angelico,
E voste dire èi la musico
Que dóu sant Paradis acoumpagno li Cor.

Voste bèu dire, o jouino bello !
Èi la cansoun toujours nouvèllo
Dóu ventihoun e de l'aucèu ;
Es uno aubo reviscouleto
Es uno font toujours clareto
Que ris au mitan di floureto ;
Es un touse mes d'abrièu qu'aleno dins lou cèu.

Coume un prat que l'eigagno arroso,
Quand vosto bouco fino e roso
Redis mi vers — oh ! paure ièu ! —
Quand, à voste entour reculido,
Vòsti sourreto trefoulido
Vous escouton, o ma poulido,
E que ièu vous regarde, enclaus e pensatièu,

Oh ! paure ièu ! Lou front en flamo,
De bèlli fes dise en moun amo :

Urous lou jouvènt qu'amarès !
Bonur en quau farès entendre
Voste dire amoureux e tendre,
E sus lou pau qu'auson pretèndre,
O bello bloundo ! urous aquéu que chausirès !

A. TAVAN.

astèu-nòu'de Gadagno, 1861.

A MISTRAU,

IMITACIEN D'OURACI.

Eheu ! fugaces, Postume, Postume,
Labuntur anni.

OUR., lib. 2, odo xiv.

Moun bèu Mistrau, passon coumo lou vènt,
Fujon leis an, e la vieiesso vèn :
Quand nous aganto, avèn bèl èstre sage,
Nous rènde clin, nous frouncis lou visage.
Pièi vèn la Mouert ; pico mounte li plai ;
Degun la doumto e s'alasso jamai.
Plutoun soun mèstre escouto pas qu plouro :
Dins sei presoun, à l'aigo negro amourro
Lou grand Titiéu, lou triple Gerioun.
Rèi vo sujèt, riche o dins lou besoun,
Qu que siguen, avèn tóutei nouesto ouro,
Fau que passen la barco de Caroun.
Que s'embarquen vo que resten en terro,
Que fugen l'èr, lou caud, lou fre, la guerro,
E que sounjen rèn qu'à se mitouna,
Ni pèr acò, li fau tóutei ana.
Lei fau quita, teis ami, ta coumpagno —
Que tant te plais ! — e d'aquelo campagno
Leis aubre verd qu'amaves ! A l'après
Noun t'anara que lou triste ciprès
Que sus toun cros estendra soun oumbrage.
Entandóumens, lou vin qu'as counserva,
— Digne dei diéu, — e que t'en sies priva,

En lou bevènt, toun eiretié pu sage
Bèn mies que tu n'en saurra faire usage.

V. THOURON.

Touloun (Var), 24 dé mai 1863.

LOU MARIAGE.

En 1839, l'abat Saurèu èro curat de Mazan. Èro un ome d'encian tèms, un sant ome, e bounias ! Un jour, fasié un mariage. Quand venguè lou rode de la ceremouniè ounte fau que lis espous se dounon la man, lou capelan ie diguè : Dounas-vous la man. L'espouso — èro laido, parèis, coume pecat, e segur un pau sourdo — presentè la man à Moussu lou Curat, que ie faguè :

— Lèvo-te d'aqui, lèvo, laido caro ! que se m'ère marida, n'aurièu pres uno pu poulido que tu.

LOU CASCARELET.

LOU ROUMANIÈU

A J. R.

Tonei lei rouunièu que passon
N'en cufran soun brout....

(VIEIO CANSOUN.)

Li a'no planto sus la coulado
Vounte vau canta mei cansoun,
Que naisse emé leis avausson
Sus la roucassiho pelado ;
A toujour verdo, ivèr e 'stièu,
Sa fucio linjo e redoulènto ;
Trachis à l'auro treboulènto ;
E li dison lou Roumanièu.

Entessi pèr la secaresso,
Se pièi, quand baïsson lei calour,
L'aubeto li espousco sei plour ;
Se 'n gai ventihoun lou caresso ;
Se sènte, aseiga pèr lou nièu,

Doues escandihado caudeto,
De pichòtei flous poulideto
Lèu se vestis lou Roumaniéu :

De pichòtei flous azurino
Coumo un matin dóu mes de mai,
E tant óudóuso que-noun-sai,
Tant óudóuso que soun divino !
Si, ferigouletto d'abriéu,
Dei coutau courouso garlando,
Espì, sàuvi, isop e lavando,
Rendès óumàgi au Roumaniéu !

Vese d'abiho matiniero,
Estraviado luen de l'amèu,
Veni li rapuga soun mèu
E sa pus óudourouso ciero.
Mai d'uno fes ansin fau iéu ;
E siéu countènt de ma journado,
Se pouede cueie en ma tournado
Un pichot brout de Roumaniéu.

A. B. CROUSILLAT.

(Fira de la Bresco).

MORTUORUM PROUVENÇAU.

Lou Miejour a perdu :

I

Lou Felibre Jousè-Jaque-Leon D'Astros, majourau d'age di Troubaire, ascu à Tourves (Var), lou 15 de Nouvèmber 1780, e mort à-z-Ais ou 31 de Desèmber 1863, dins si 84 an.

Lou venera dóutour D'Astros apartenié à-n-uno di proumiéri famiho lou païs : lou grand juriscounsulte Portalis èro soun ounce, e lou Cardinau D'Astros, archevesque de Toulouso, èro soun fraire. Dóutour en medeino de la Faculta de Mount-pelié à 22 an, venguè faire soun estat dins un vilage, e jüsqu'à 40 an ie demourè. Es aqui que prenguè goust à la engo prouvençalo, e que pesquè lis óusservacioun agrèsto, reprouducho plus tard dins si coumpousicioun.

Mai en 1819, se vesènt paire d'uno grosso famiho — dèss enfant venguè s'establi à-z-Ais pèr ie douna d'educacioun. En pau de tèms gag l'estimo de tout Ais, noun soulamen pèr sa sciènci medicalo, sa bèn sènço e soun desinterès, mai pèr sa vido puro, soun noble caratère soun amenita. — Counsacravo si lesi à la literaturo. Amavo subre-to de vira en prouvençau li fablo de Lafontaine. N'aviè meme tradu — sa principalo obro — ùni quatorge o quinge, entre li qualo *lou Mu que vanto sa lignado, lou Cat, la Moustelo e lou pichot Lapin, lei do Pijoun, lou Bastidan, soun Chin e lou Reinard, lei Laire e l'Ase, l'Mau-Marida, lei Granouio que demandon un rèi*, etc. Se trovon, pau proun, dins li memòri de l'Acadèmi d'Ais.

Dins aquelo partido, lou bon M. D'Astros aviè un gàubi tria : jan groussiè nimai amoussuri, gardo toujours un naturau, un toun galo fin, uno bouniassarié de raço que se trovo plus gaire foro dis ome d'a tre-tèms. Au noumbre di vivènt, lou soulet que ie retraigue es M. Vito Thouron.

Coume M. Thouron, un autre majourau de nosto lengo, M. D'Astros èro d'aquelo meno de Prouvençau raça, fidèu e destingui, que nous counserva li bòn tradicioun de la Pròuvènço.

A l'acamp que li troubaire faguèron en Arle en 1852, emai au Roum vage que se tenguè à-z-Ais en 1853, M. D'Astros, capoulié d'aqueli fèst presidè poulidamen, e prounounciè dins la darriero, à la communo d'A un discours prouvençau que charmè tout lou mounde. N'a perèu leis un, tout en prouvèrbi, qu'aviè fa dins sa jouinesso coume jo d'esprit.

Enfin lou Felibrige — qu'aviè graciosamen acouraja — s'èro ounou en l'escrivènt au noumbre de si meiours ami, e coume tau, aro n' porto dòu.

II

Prouspèr Cabasse, nascu à-z-Ais, encian counseié de la Cou d'Apèu d'aquelo vilo, autour d'un libre entitoula : *Essais historiques s l'ancien Parlement de Provence* (Paris, 1826), mort à Paris à la fin Desèmbre.

III

Emile Saisset, nascu à Mount-peliè lou 16 de Setèmbre 1814, professeur à la Faculta di Letro de Paris, membre de l'Istitut de Franç filousofe remarca, autour de *Essai sur la philosophie et la religion XIX^e siècle* (1845) ; *Mélange d'histoire, de morale et de critique* (1859)

Essai de philosophie religieuse (1860), etc., etc., mort à Paris lou 29 de desembre 1863.

IV

Jan Reboul, nascu à Nimes lou 23 de Janvié 1796, mort à Nimes lou 29 de Mai 1864, dins si 69 an. Fiéu d'un sarraié, se faguè boulengié pèr èstre ajudo de sa maire, restado véuso emé cinq enfant. Pèr s'assoula e s'essassa, lou mitroun sounjadou, dins lis oureto de lesi que lou pestrin e lou ourie leissavon, legissié, pantaiavo, escrivié.

Es en 1820 qu'espeliguèron, galoiso e fouligaudou, si proumiéris oubreto : de cansoun e de satiro.

Devié pamens aussa lou toun, e pus aut s'enaura : Jùli Canounge nous is, e fau lou crèire, que Jan Reboul un jour s'èro endourmi sus lis reno, e qu'en pantai veguè soun paire mort, sa maire morto, e la bello hatò que la mort ie raubè, quand tout-bèu-just venié de l'espousa.

E à parti d'aquí, Jan Reboul passè dóu rire i lagremo.

En 1828, publicquè l'*Ange et l'Enfant*, qu'es e sèmpre restara lou pu bèu ai de sa courouno de pouèto. Lamartine meraviha saludè armouniou-amen *le Génie dans l'obscurité*.

En 1836, pareiguèron à Paris li *Poésies de Jean Reboul*, e la França avido aplaudiguè.

En 1838, Châteaubriant venguè fèlecita, diren pas « lou fournié que asié de vers, mai lou pouèto que fasié de pan. »

En 1839, Jan Reboul partiguè pèr Paris, ounte grand fèsto ie faguèron, e mounte triounflè. Aguè lèu pamens lou mau dóu païs ; èro apenamenti : regretavo soun four, lou cèu linde e l'ardènt soulèu de Nimes la Tour-Magno. S'entournè pèr mai enfourna de pan, e mai legi la Biblo e Corneille, e mai reva dins la glourièto ounte tant souvent descendié soun *ange*, pèr ie sourrire e ie parla.

En 1840, publicquè *le Dernier jour*, epoupèio majestouso e sournou.

En 1846, li *Poésies nouvelles* mantenguèron soun bon e bèu renoum.

En 1848, Nimes lou noumè deputa.

En 1850, applaudiguèron, au tiatre de l'Odeon, sa bello *Vivia*.

En 1857, si *Traditionnelles* s'espandiguèron, e mai que tout ie faguèron onour.

En mourènt, a leissa d'àutris obro que sis ami van publica.

Aro, emé fiera poudèn lou dire, — dempièi que nous acamperian au Congrès d'Arle en 1852, emé nautre de-longo l'avèn ausi canta ; emé nautre l'avèn vist camina, nous afougant e nous proutegènt. Nous amavo coume sis enfant, e l'amavian tóuti coume un paire. « Lou bon

« Diéu benesigue vosto tau! — nous diguè quand partian pèr Arle.
« Siegon de festo vòsti lueho ! Que li rivau siegon d'ami ! Aquéu qu'a
« lou cèu, a la lou de noste bèu pàis tant grand e tant blu que i'a
« large pèr tóuti lis estello. » (*Letro à Roumanille, 28 d'Avoust 1852.*)

E quand pièi la vilo de Nimes, lou 12 de Mars 1859, publicam
e soulennamen glourifiquè lou Felibrige, dins la grand salo dóu capítol
Nimausen, — Jan Reboul, au noum de la cièuta, courounè li Felib
davans tout lou pople esmougu. Diguèn-lou mai : « Semblavo un v
proufèto qu'impasavo li màin sus lou front de si disciple, e que ie m
metiè soun mantèu e soun doun. »

Jan Reboul, que cantavo tant bèn, en semoundènt lis *Oubreto* à
Prouvènço :

Amis, chantez en Provençal,
Car l'habit ne fait pas le moine...

Jan Reboul au precète vouguè jougne l'eisèmples ; e, èu perèu gai
men, en franc prouvençau èro uros e fièr de canta. Quau à Nime
counèis pas la galoiso *Capitello*, cansoun clareto e douço coume un flo
vin blanc de Baumo ? Quau à Nimes counèis pas *Mèste Matièu*, e àu
perlo preciouso e fino ?

Reboul es mort fideu i principe de sa vido entiero ; e la vilo de Nime
digno maire d'un tau fièu, i'a fa coume i grands ome, sus soun tres
pub i, ùni poumpòusi funeraio.

Que si councièutadin l'aubouron un mounumen, e qu'en passant davan
tóuti se clinon : aquel ome dóu pople èro avans tout un ounèste ome.

V

Jan-Louis Brian, nascu lou 15 de Novèmbre 1805 en Avignou
mort à Paris lou 15 de Janviè 1864, escultour celèbre e trop moult
te... Un italian, Serri, fuguè lou proumiè mèstre di fraire Brian. L'eina
Jousè, mort en 1860, estudiavo emé Louis... e s'acourajavon l'un l'aut
tre, e ço que pantaiavo l'un, l'autre l'eisecutavo. Avien tóuti dous a
front l'estello de l'engèni : e tant resplendissiè aquelo de Louis, que
bono vilo d'Avignoun, meravilhado, à Paris lou mandè, e lou pensoun
Escoulan de Bosio, pièi de David d'Angers, en 1832 gagnè lou grand pr
de Roumo. Pèr Roumo partiguè, e ie restè sièis an. Mandè d'alin d'obr
d'elèi e de mèstre ; n'en menciounaren dos : lou *Proumetièu* en mabr
doun que faguè au dóutour Yvaren, soun ami, e lou *Faune*, en mabr
perèu, qu'es, se pòu dire, lou pu riche jouièu dóu Museon d'Avignou
Aquel amirable travai, en 1840, óutenguè la proumièro medaio, e lo

res que la Franco douno, tóuti li cinq an, à l'obro la meiouro di pensionari de l'Escolo françeso.

Eici poudèn pas loungamen parla de tóuti lis obro e oubreto de Louis Brian. Pamens, noumen li dos *figuro* e lou bas-relèu que decoron ou capitòli Parisen; lou *Sant Marc* de la Galarié que joun li tourre e Sant-Vincèn de Paul, la *Seino* e lou *Ren*, dóu grand reløge de l'embarcadou de l'Est, plaço de Strasbourg; lou *Sant Jerome* couloussau, n pèiro, de là nouvélo glèiso de Sant-Agoustin, e pièi, dintre tant l'autri buste, lou buste de Lamartine, lou pu bèu qu'agon fa d'aquéu grand pouèto.

La vilo d'Avignoun pousse dis de Louis Brian un *Cornille* apensamenti, asseta sus l'escaliè de la faciado dóu Tiatre, e que fai pendènt au *Colière* tant di de soun fraire Jousè.

La Mort, la despietouso Mort, a pas vougu que Louis acabèsse lou *Mercuri* qu'avie tant bèu acoumença : rèu de bèu e de soulennamen iste coume aquèu darriè travai — à mita fa — de noste Avignounen. gagna, aquest an meme, la grand medaio d'ounour. Ounour tardièu, ! las !

VI

Batistin Poujoulat, fraire de l'encien representant dóu pople, nascu à Faro (Bouco-dou-Rose), mort à-z-Ais, i proumiè jour de jun 1864, à nquanto-tres an. Aquel escrivan avie coumença, coume Reboul, pèr tre boulenigiè; mai pièi, voulènt se rèndre digne de soun fraire, se meguè fermamen à l'estudi, e bèu que tard, reussiguè. A leissa en efèt soun travai estimable, entre quau uno *Histoire de Constantinople em'un voyage en Orient*.

VII

Jaque Jasmin, lou grand pouèto de Gascongno, nascu en Agen lou 9 de ars 1798, mort en Agen lou 5 d'Outobre 1864.

La lengo dóu Miejour es pèr aquèu trespas amaramen adoulentido : un pu glourious entre si fièu, un di troubaire que l'an lou mies facho nta, un dis engèni que l'an lou mai rejuvenido, lou celèbre Jasmin, jauqui mes après Reboul, a perèu mes en dòu la pousio.

Jasmin, o pèr miès dire *Jansemin*, coume éu l'a racounta d'uno madero tant pietouso dins soun pouèmo *Mous Soubenis*, èro un enfant dóu pople e d'uno famiho di pus umblo :

Sabioi que cap de bièl nou mourió dins l'oustal,
E que de pais en fils, dedins nostro familho,
Talèu que prenion la bequilho,
Se pourtabon à l'espital.

Aprenguè, coume pousquè, la leituro e l'escrituro, e m' acò intrè p'aprendris vers un barbié. Es aqui que faguè si proumié vers. Pièi, quan n'en sachè proun pèr soun mestie, durbiguè à soun comte boutiguè e se maridè. De pau à pau, soun renoum de troubaire e soun gàubi rasaire i' aduguèron de pratico e *lou pichou rièn argentat* que meleguè barco à flo.

Li país souleious amon la pouesio. La Gascougno, vivo coume la poëtro, s'enamourè de soun cantaire e prenguè fio pèr éu. En veritab' troubadour, Jasmin, de vilo en vilo, anavo declamant apassiounadament si pouèmo lusènt, e metènt si triounfle au service de Diéu, valènt-à-dire de la carita. Fau l'agué vist, pèr se faire une idèio d'un talènt dramatiq' metié dins soun gèste, dins soun ardènt regard e dins soun remena bouco : Jasmin plouravo e fasié tóuti ploura, Jasmin risié e fasié tóuti rire. Èro bèn lou pouèto pourtant marca lou det divin e atendrissènt cor de sa paraulo melicouso.

Diguen que lou Miejour, e subre-tout sa raço, l'aculiguè reialament lou recoumpensè d'uno maniero magnifico.

Tóuti li vilo de Gascougno, emai de bèn pu liuen, Auch, Dax, Limou, Aguioun, Bergera, Vilo-novo, Toulouso, Carcassouno, Angoulèmes, dounèron soun present : quau uno plumo d'or o bèn un cachet d'or, quau uno coupo d'or, o 'n ramèu d'or, o 'no medaio d'or. Segur, jamai pouèto faguè dins soun país miracle coume aquèu. Ounour à Jansemin ! Mai ajusten peréu : ounour à sa patrio !

Li mèstre de la critico parisenco, Charles Nodier, Sainte-Beuve, Léon de Lavergne, Villemain, etc., counsacrèron sa glòri. Louis-Felip le noumè Chivalié de la Legioun d'Ounour (1845), e M. de Salvandy i' erivié : « La lengo d'Enri IV èro à mand de peri : l'avès reviscoulado ensignado i Parisen coume en touto la França. »

L'Acadèmi franceso i'acourdè lou grand pres de 5,000 franc (1852), lou pu bèu de tout, Agen, sa vilo nourriguiero, ie voutè soulennament pausè sus la tèsto uno courouno d'or (1856). Es lou plus dous trioum qu'un ome posque desira ; e nosto lengo d'O a de que s'enourguli, aguè vist renouvela dins noste siècle, e pèr un de si fiéu, ço que s'èro pas vè desempièi que Petrarco fuguè à Roumo courouna.

Veici lis obro de Jasmin :

Lou Chalibari (1825), *lou Tres de Mai* (1830), *Mous Soubenis* (1830)

Abuglo de Castèl-Culhè (1835), *Françouneto* (1840), *Maltro l'Innocènto* (1845), *Ma Bigno* (1845), *Lous dous Frais bessous* (1846), *La Senmano un fil* (1849), tout acò publica souto lou noum de *Las Papillotos*, emèrço àutri cansoun, epistro e impromptu, e la traducioun franceso en rerd (Agen, encò de Noubel, e Paris, Firmin Didot, 1860, 1 voul.).

La pousesio de Jasmin, claro, puro e simpleto, es toujours trelusènto e ouvènti-fes epico. Li lagremo perlejon dins si vers, mai mesclado de re e de soulèu. Soun estile, brèu e sobre, bandis coume d'uiàu li coum-aresoun vivo, e pico just e proumte coume une bono carabino entre li an d'un bon cassaire. Sa pensado energico, e energicamen rendudo, poulego dins lou cor tóuti li nòbli sentimen ; e Jasmin, pèr tout dire, es u pouèto poulàri — qu'es de-longo esmougu e esmouvènt de-longo. Avèn fa la part de la glòri, veici la part de la justico.

Dins l'obro de Jasmin se regrèto uno deco. Emai couneiguèsse proun richesso de sa lengo, lou troubaire gascoun a manca d'uno causo, lis stùdi rouman, indispensable à quau escrièu noste parla. Fauto de linuistico, a bouta dins si vers que-noun-sai de formo estranjo e francihoto coume *cat* pèr *cap*, *lassès* pèr *l'acès*, *puple* pèr *pople*, *famus* pèr *famous*, (c.), que soun tout simplamen de corrupcioun, e que rëndon sa leituero mau-courouso i Prouvençau. Un editour inteligènt poudriè facilamen ie va 'quéli taceo.

Autro causo: Jasmin n'a jamai touca la man à-n-un pouèto de sa lengo. Pèr éu la lengo d'O n'avié ges de passat, ges d'aveni. Eu se cresiè oulet, se coumplasiè soulet, vouliè resta soulet ; e, ço qu'es triste à dire, esié de marrit iue tóuti aquéli que, foro d'éu, ilustravon peréu nosto literaturo. Tambèn après sa mort, e maugrat uno vido longo e resplendènto, n'a pas leissa dins la Gascougnò ço que s'apello *un* escoulan.

Mai jiten un mantèu aqui dessus e tiren lou capèu à soun engèni, car e noun i'es degu l'espandimen dóu Gai-Sabé, en grando part soun aussa-ten i'es redevable.

VIII

Jùli Gerard, lou tuaire de lioun, nascu à Pignan (Var), lou 14 de Jun 1817, mort en Africo. Se fau n'en crèire lou *Manchester Courrier*, noste alènt coumpatrioto se sariè nega dins la ribiero Young, dins uno es-louracioun entre-presso pèr éu au cèntre de l'Africo. Jùli Gerard s'èro ngaja à 24 an dins li Spahis. Li vinto-cinq lioun qu'avié tua dins lou esert l'avien rendu celèbre, e lis Arabe l'apelavon que *lou Terrible Franc*. ro aro capitàn e chivalié de la Legioun d'ounour.


IX

Charle Reybaud, journalisto remarcable, nascu à Marsiho en 1804, mort à Paris lou 17 d'Outobre 1864. Èro un di redatour d'ou *Moniteur Universel*.

— E vejaqui lou terrible mourtalage de 1864.

JAN BRUNET.

Avignoun.



ENSIGNADOU

Calendié de Prouvènço.....	3	Lis Iue-de-l'Enfant-Jesu.....	65
Li principau milèime prouvençau.....	3	Enfantoun.....	66
Eschlüssi.....	4	Lou Brès.....	67
Calendié.....	5	Lou Sant-Esprit.....	69
Crounico felibrenco.....	9	Lou Proumié Griéu.....	69
Discours de Jan-Batisto Gaut.....	18	Lou Candelaire.....	72
Li Tres Cassaire.....	23	L'Amour Presounié.....	72
Perqué?.....	24	Lou Varlet inteligènt.....	73
Lou Papo Benedit XII.....	25	A-n-uno Estello.....	73
Quatre Poutous.....	26	Tistoun lou Galejaire.....	74
L'Estamaire.....	28	I Labouiraire prouvençau.....	75
Printèms e Felibre.....	28	Un Ressimelage.....	77
Amour e Pouesio.....	30	A F. Mistral.....	77
La Roumiéuvo de Roco-fort.....	32	Li Pendeloto.....	78
Cristòu e Batisto.....	33	A Moussu.....	78
La Cordo de la Campano.....	39	L'Innocènto.....	80
Pantai d'Amour.....	40	Moun Iroundello.....	81
L'Eimino e la Guindello.....	41	La Cumparesoun.....	83
A Moussu Viennet.....	41	La Sorgo.....	84
L'Avaras.....	43	Li Dous Chivau.....	84
A Roso.....	43	Vincèn.....	86
Lou Capitani Lucas.....	45	A Jan Reboul.....	86
Adiéu.....	46	La Presoun.....	87
L'Iòu de Saumo.....	46	Martoun de Roumanin.....	88
Odo au bon Rèi Reinié.....	48	La Vido.....	89
Li dos Vaco.....	51	Lou Flahutas.....	90
Li Meissoun.....	52	La Piano dei Dedau.....	91
Un bon Enfantas.....	54	L'Estatuo dóu Comte de Gasparin.....	94
Sounet.....	55	Gàusi pas.....	95
Lou Cousin Bamerdo.....	56	Brinde i Felibre.....	96
Ma Dindouleto.....	57	Pauro Chatouno.....	97
Lou Chivau de Don Cabesso.....	59	Councours de Tambourinaire.....	97
A-n-uno Arlatenco.....	59	Remèdi contro l'idroupisio.....	99
Lou Siblet.....	60	A Madamisello M... B.....	99
A moun Amigueto.....	62	A Mistrau.....	101
Arri, Catinat.....	63	Lou Mariage.....	102
Sounet.....	64	Lou Roumaniéu.....	102
Prouvençau e Pounentés.....	64	Mortuòrum.....	103


LOU PROUMIÉ GRIËU

RAULO
J. B. GAUT.


MUSICO DE M. P. M^{re} AUDRAN
EX - ARTISTO DE L'OPERA COMIQUE



Lou proumie jou d'ou mas da brieu Vou



re uno cansa - re - to . Sur un ér bèn gaior, bèn vieu coumo un dindin de can - pa - re - to , Ri - sou - le - to coumo lou



Coumo un succa casca - re - le - to , Autant pla-sen-to me-ler he ta, D'ou proumie griëu. D'ou proumie griëu



ARMANA PROUVENÇAL DE 1865. J. ROUMANILLE EDITOUP.

AVIGNOUN. - Litougrafio d' A. CHAUVIN

ARMANA PROUVENÇAU

PÈR LOU BÈL AN DE DIÉU

1866

ADOUBA E PUBLICA DE LA MAN DI FELIBRE

Joio, soulas e passo-tèms de tout lou pople dóu Miejour

AN DOUGEN DOU FELIBRIGE



EN AVIGNOUN

ENCO DE ROUMANILLE, LIBRAIRE-EDITOUR

CARRIERO DE SANT-AGRICÒ, 19.

AQUEST ARMANA S'ATROVO :

- A PARIS, encò de A. TARIDE (carriero *Marengo*, 2); encò de GIRAUD (carriero *des Saints-Pères*, 11); encò de J. TARDIEU (carriero de *Tournon*, 13); à la libreria d'ou *Petit Journal*, carriero *Richelieu*, 112.
- A-Z-AIS, encò de REMONDET-AUBIN, sus lou Cous, e encò de MAKAIKE e de SARDAT.
- EN ARLE, encò de SERRE, de FÉVRIER e de FAURE;
- EN AT, encò d'ARCHIAS;
- EN AURENJO, encò de ROUSSEAU e de CLAUSEL;
- A BAGNOU, encò de BAYLE;
- A BARBENTANO, encò d'ARNOUX;
- A BÈU-CAIRE, encò de BIOLET;
- A BEZIÈS, encò de BENEZECH;
- A BRIGNOLO, encò de VIDAÜ, libraire;
- A CARPENTRAS, encò de PINET;
- A CASTÈU-REINARD, encò de LIELLY;
- A CAVAIOUN, encò de E. GUILLON;
- A CETO, encò de PATRAS;
- A DIGNO, encò de VIAL;
- A DRAGUIGNAN, encò de SIEYÉS;
- EN EIGUIERO, encò de MARTIN;
- A GAP, encò d'AUG. ANDRÉ;
- A L'ISLO, encò de BONNARD;
- A LIOUN, encò de MÉRA;
- A MAIANO, encò de CHARLE BUSQUET;
- A MARSIIHO, encò de BOY, de FÉRAUD, de CAMOIN, d'ARRAU, de CHAUFFARD e de CRUÉZAT;
- A MENDE, encò de DURAND;
- A MOUNTELMAR, encò de CHABERT;
- A MOUNT-PELIÉ, encò de SEGUIN;
- A NIMES, encò de GIRAUD e de WATON;
- AU PONT-SANT-ESPRIT, encò d'ENDERT e de VERNET;
- A ROCO-MAURO, encò de BACULARD;
- A SANT-ROUMIÉ, encò de FAURE;
- A SELOUN, encò de MAGLOIRE GOUNELLE;
- A TARASCOUN, encò d'AUBANEL;
- A TOULOUN, encò de MONGE, de RENOUX, de RUMÈBE e de GUILLEMIN;
- A TOULOUSO, encò de BOMPARD, carriero d'ou *Taur*, 2;
- A VAURIAS, encò de DURAND;
- A VILO-NOVO, encò de PIPERT;

E pèr tout caire e cantonn de Prouvènço, de Comtat e de Lengadò.

CALENDIÉ DE PROUVÈNÇO

LI PRINCIPAU MILÈIME DE PROUVÈNÇO

Foundacioun de Marsiho pèr li Fouceien.....	(av. J.-C.)	600
Annibal passo lou Rose, dêu coustat d'Avignoun.....	(av. J.-C.)	218
Foundacioun de-z-Ais pèr lou generau rouman Caius Sextus Calvinus.....	(av. J.-C.)	123
Domitius Barbo-Rousso aubouro l'arc-de-triounfle d'Aurenjo, en memòri de la desfacho dis Alabroge.....	(av. J.-C.)	122
De-vers Aurenjo, li Cimbre e li Tèutoun escrapouchinon 80,000 Rouman.....	(av. J.-C.)	109
Au pèd dêu mount Santo-Ventùri, lou Conse Caius Marius fai un tau chaple de Tèutoun e d'Ambroun que lou prat-bataié s'apello enca <i>Pourriero</i>	(av. J.-C.)	103
Jùli-Cesar mando à-n-Arle, pèr couloun, li veteran de la legioun sieisenco.....	(av. J.-C.)	47
L'empeiraire Coustantin se fai basti un palais en Arle, e baio à-n-Arle lou noum de Coustantino.....	(ap. J.-C.)	314
Establimen dêu reiaume d'Arle.....		932
Lou Comte de Prouvènço, Guihèn proumié, subrenouma <i>Paire de la patrio</i> , deliéuro la Prouvènço di barbare Sarrasin.....		972
Li Comte de Prouvènço de la famiho de Bousoun.....		948—1112
Li marin prouvençau envènton la Boussolo.....		1100
Li Comte de Prouvènço de la famiho Barcelouneso. — Espandimen e flouresoun de la lengo prouvençalo, soutu li Ramoun-Berenguié.....		1112—1246
Proumiero réunioun dis Estat de Prouvènço, à Tarascoun.....		1146
Guerro dis Aubigés.....		1207—1229
Li Comte de Prouvènço de la proumiero famiho d'Anjou. — Glòri dêu Gai-Sabé, soutu lou rèi Roubert.....		1246—1382
Court d'Amour de Signo, ounte brihavo Clareto di Baus.....		1270—1275
Lou Papo Clemènt V adus la Papauta en Avignoun.....		1309
Establimen di Jo Flourau, à Toulouso.....		1323
Court d'Amour de Roumanin, ounte brihavo Estefaneto de Gantèume.....		1332
Court d'Amour d'Avignoun, ounte brihavo la bello Lauro.....		1340—1348
Lou Papo Gregòri XI entourno la Papauta à Roumo.....		1376
Li Comte de Prouvènço de la segoundo famiho d'Anjou.....		1382—1481
Rènnioun de la Prouvènço à la courouno de Franco.....		1482
Establimen de l'emprimarié en Avignoun, pèr Micoulau Lepe.....		1497
— à-z-Ais, pèr Marius Roux, que venié d'Avignoun.....		1572
— à Marsiho, pèr Pèire Mascaron (lou proumié libre qu'estampè sio- guè lis <i>Obro e Rimo prouvençalo</i> de Bellaud de la Bellaudio). ..		1594
— à Touloun, pèr Benoist Collomb.....		1650
Establimen dêu Parlamen de Prouvènço.....		1501
Bello defènso de la villo de Marsiho contro l'armado de l'empe- raire Carle-Quint.....		1536
Pèsto de Marsiho.....		1720
Darriero réunioun dis Estat de Prouvènço, à-z-Ais, dins la glèiso dêu Coullège.....		1787
La Countat d'Avignoun devèn franceso.....		1791
Establimen dêu Felibrige. — Reviéure de la lengo prouvençalo. 21 de mai.....		1845

ESCLUSSI

Lou 16 de Mars, esclüssi parciau de soulèu, envesible en Avignoun.
 Lou 31 de Mars, esclüssi toutau de luno, en partido vesible en Avignoun.
 Lou 15 d'Abrièu, esclüssi parciau de soulèu, envesible en Avignoun.
 Lou 24 de Setèmbre, esclüssi toutau de luno, envesible en Avignoun.
 Lou 8 d'Outobre, esclüssi parciau de soulèu, en partido vesible en Avignoun.

FÈSTO CHANJADISSO

Cèndre, 14 Febrié.
 Pasco, 1 Abrièu.
 Rouguesoun, 7 Mai.
 Ascensioun, 10 Mai.

Pandecousto, 20 Mai.
 Ternita, 27 Mai.
 Fèsto-de-Diéu, 31 Mai.
 Avènt, 2 Desèmbre.

LUNO MECROUSO

Luno de Novèmbre, que fai lou 7.


Luno mecerouso,
 Femo renouso,
 E auro bruno,
 Dins cènt an n'i'aurié trop d'uno.

TEMPOURO

Febrié.....	21, 23 e 24.	Setèmbre.....	19, 21 e 23
Mai.....	23, 25 e 26.	Desèmbre.....	19, 21 e 23

Lou printèms coumenço lou 20 de Mars;
 L'estiéu coumenço lou 21 de Jun;
 L'autoun coumenço lou 23 de Setèmbre;
 L'ivèr coumenço lou 21 de Desèmbre.

Trento jour an Setèmbre,
 Abrièu, Jun e Novèmbre;
 De vinto-vue n'i'a qu'un;
 Lís autre soun de trento-un.



JANVIÉ

Le jour crèisson d'uno ouro 8 m.

il.	JOUR DE L'AN
im.	S. Clar
im.	Sto Genevivo
ij.	S. Ferriou
iv.	S. Simèu de la coul.
iss.	Li Rèi
im.	S. Lucian
il.	S. Severin
im.	S. Julian
im.	S. Pau l'ermite
ij.	S. Teoudosi
iv.	S. Gaspard
iss.	Sto Verounico
im.	S. Alari
il.	S. Bounet
im.	S. Ounourat
im.	S. Antòni
ij.	Sto Flourido
iv.	S. Canut
iss.	S. Sebastian
im.	Sto Agnés
il.	S. Vincèn
im.	S. Ramoun
im.	S. Babi
ij.	Counv. de S. Pau
iv.	S. Ansle
iss.	S. Màri
im.	Sto Cesario
il.	S. Coustant
im.	Sto Martino
im.	Sto Marcello

Les dies dins soun plen lou 1, à 6
57 minuto de matin.
soun darriè quartoun lou 8, à
ro 46 minuto de vèspre.
16, à 8 ouro 46 m. de vèspre
soun proumiè quartoun lou 23,
ouro 3 minuto de vèspre.
soun plen lou 30, à 8 ouro
minuto de vèspre.

FEBRIÉ

Li jour crèisson d'uno ouro 5 m.

1	dij.	S. Ignaci, evesque
2	div.	LA CANDELOUSO
3	diss.	S. Blasi
4	Dim.	Sto Jano
5	dil.	Sto Agueto
6	dim.	Sto Doro
7	dim.	S. Richard
8	dij.	S. Ginous
9	div.	S. Jan-de-Mata
10	diss.	Sto Coulastico
11	Dim.	S. Adofe
12	dil.	Sto Oulaio
13	dim.	S. Dounin
14	dim.	CÈNDRE
15	dij.	S. Quenin
16	div.	S. Armentari
17	diss.	Sto Mariano
18	Dim.	S. Favian
19	dil.	S. Vatié
20	dim.	S. Oaquèri
21	dim.	TEMPOURO
22	dij.	Sto Isabello
23	div.	S. Meraut
24	diss.	S. Matias
25	Dim.	S. Aleissandre
26	dil.	S. Nestou
27	dim.	Sto Oanourino
28	dim.	S. Cassian

La lune intro à soun darriè quartoun
lou 7, à 7 ouro 49 m. de vèspre.
Fai lou 15, à 10 ouro 22 minuto de
vèspre.
Intro à soun proumiè quartoun lou
22, à 4 ouro 57 minuto de matin.

MARS

Li jour crèisson d'uno ouro 48 m.

1	dij.	Sto Antounino
2	div.	S. Simplicie
3	diss.	Sto Cunegoundo
4	Dim.	S. Casimèr
5	dil.	S. Ambròsi
6	dim.	Sto Couleto
7	dim.	Sto Perpètio
8	dij.	S. Jan-de-Diéu
9	div.	Sto Franceso
10	diss.	Li 40 Martire
11	Dim.	S. Gregòri
12	dil.	S. Massemin
13	dim.	Sto Oufrazié
14	dim.	Sto Matiéudo
15	dij.	S. Cesar de Bus.
16	div.	S. Abram
17	diss.	Sto Reino
18	Dim.	S. Cerile
19	dil.	S. Jousè
20	dim.	S. Jouaquin
21	dim.	S. Benedit
22	dij.	S. Bèn-vengu
23	div.	S. Vitourin
24	diss.	S. Gabriéu
25	Dim.	RAMPAU
26	dil.	S. Massemilian
27	dim.	Sto Natallo
28	dim.	S. Ilarioun
29	dij.	S. Sist.
30	div.	S. Amadiéu
31	diss.	S. Benjamin

La lune es dins soun plen lou 1,
0 ouro 2 minuto de vèspre.
Intro à soun darriè quartoun lou 9, à
ouro 2 minuto de vèspre.
Fai lou 16, à 9 ouro 46 min. de vèspre
Intro à soun proumiè quartoun lou
23, à 1 ouro 12 minuto de vèspre
Es dins soun plen lou 31, à 4 ouro
41 minuto de matin.

ABRIÉU

Li jour crèisson d'uno ouro 40 m.

1	DIM.	PASCO
2	dil.	S. Francés de P.
5	dim.	S. Ricard
4	dim.	S. Isouer
5	dij.	S. Vincènt Ferrié
6	div.	S. Prudènci
7	diss.	S. Gautié
8	DIM.	S. Aubert
9	dil.	Sto Souflo
10	dim.	S. Macàri
11	dim.	S. Leon
12	dij.	S. Jùli
13	div.	Sto Ido
14	diss.	S. Benezet
15	DIM.	S. Frutuons
16	dil.	S. Ugue
17	dim.	S. Anice
18	dim.	S. Apoulòni
19	dij.	S. Oufège
20	div.	S. Ansèume
21	diss.	S. Ouspice
22	DIM.	S. Leounido
23	dil.	S. Jòrgi
24	dim.	Sto Vitòri
25	dim.	S. Marc
26	dij.	S. Clet
27	div.	Sto Zeto
28	diss.	S. Vidau
29	DIM.	Sto Catarino de S.
30	dil.	S. Estròpi

La luno intro à soum darrié quartoun lou 8, à 8 ouro 51 m. de matin.
 Fai lou 15, à 7 ouro 12 minuto de matin.
 Intro à soum proumié quartoun lou 21, à 10 ouro 40 minuto de vèspre.
 Es dins soum plen lou 29, à 9 ouro 32 minuto de vèspre.

MAI

Li jour crèisson d'uno ouro 16 m.

1	dim.	S. Jaque e S. Felip
2	dim.	S. Atanàsi
3	dij.	LA STO-CROUS
4	div.	Sto Mounico
5	diss.	Sto Sereno
6	DIM.	S. Jan Porto Latino
7	dil.	ROUGUESOUN
8	dim.	S. Dresèli
9	dim.	S. Gregòri
10	dij.	ASCENSIOUN
11	div.	S. Maïon
12	diss.	S. Brancèci
13	DIM.	Sto Glicèro
14	dil.	S. Bounifaci
15	dim.	S. Pons
16	dim.	S. Gènt
17	dij.	S. Pascau
18	div.	S. Fèli
19	diss.	S. Celestin
20	DIM.	PANDECOUSTO
21	dil.	Sto Estello
22	dim.	Sto Jullo
23	dim.	TEMPOURO
24	dij.	S. Dounacian
25	div.	Sto Mario Jacobe
26	diss.	S. Felip de N.
27	DIM.	TERNITA
28	dil.	S. Vincèn de Ler.
29	dim.	S. Massèmin
30	dim.	S. Fèli
31	dij.	FÈSTO-DE-DIÉU

La luno intro à soum darrié quartoun lou 7, à 9 ouro 51 m. de vèspre.
 Fai lou 14, à 3 ouro 7 m. de vèspre.
 Intro à soum proumié quartoun lou 21, à 10 ouro 7 m. de vèspre.
 Es dins soum plen lou 29, à 1 ouro 27 minuto de vèspre.

JUN

Li jour crèisson de 14 m.

1	div.	Sto Lauro
2	diss.	S. Marcellin
3	DIM.	Sto Clontieuc
4	dil.	S. Quentin
5	dim.	S. Bounifaci
6	dim.	S. Glàudi
7	dij.	S. Nourbert.
8	div.	S. Medard
9	diss.	Sto Pelagio
10	DIM.	Sto Felecita
11	dil.	S. Barnabèu
12	dim.	Sto Oulimpo
13	dim.	S. Antòni de
14	dij.	S. Basile
15	div.	Sto Moudèsto
16	diss.	S. Cèri
17	DIM.	S. Verume
18	dil.	S. Ouzias
19	dim.	S. Cervasl
20	dim.	Sto Flourènç
21	dij.	S. Léufré
22	div.	S. Estròpi, e
23	diss.	Sto Agrevo
24	DIM.	S. JAN-BATIS
25	dil.	Tresl. de S. A
26	dim.	S. Dàvi
27	dim.	S. Antèume
28	dij.	S. Irenèu
29	div.	S. Pèire e S.
30	diss.	S. Lucide

La luno intro à soum darrié quartoun lou 6, à 7 ouro 22 m.
 Fai lou 12, à 10 ouro 16 m. de matin.
 Intro à soum proumié quartoun lou 11, à 11 ouro 54 minuto de vèspre.
 Es dins soum plen lou 28, à 3 minuto de matin.

JULIET

Li deminsson de 57 minuto

1.	S. Marciau
2.	LA VESITACIOUN
3.	S. Anatòli
4.	S. Fourtunat
5.	S. P. de Lisse nb.
6.	Sto Angèlo
7.	Sto Aubiergo
8.	Sto Isabèu
9.	S. Bres
10.	N.-D. DE SANTA
11.	S. Pie
12.	S. Ounèste
13.	S. Anaclet
14.	S. Bonaventur
15.	S. Enri
16.	N.-D. DÔU M. C.
17.	S. Alèssi
18.	S. Toumas d'Aquin
19.	S. Vincèn de Paulo
20.	Sto Margarido
21.	S. Vitou
22.	STO MADALENO
23.	S. Cassian
24.	Sto Crestino
25.	S. Jaume
26.	Sto Ano
27.	S. Pantàli
28.	S. Sanàri
29.	Sto Marto
30.	S. Loup
31.	S. German

o intro à souu darrié quar-
ou 5, à 2 ouro 13 m. de vèspre.
12, à 5 ouro 44 m. de matin.
souu prounmié quartoun lou 19,
ouro 53 minuto de vèspre.
souu plen lou 27, à 4 ouro 22
de vèspre.

AVOUST

Li jour deminsson de 1 ouro 40 m

1	dim.	S. Pèire encadena
2	dij.	S. Estève
3	div.	Sto Lidio
4	diss.	S. Doumèrgue
5	DIM.	S. Ion.
6	dil.	S. Sauvaire
7	din.	S. Gaïetan
8	dim.	S. Justin
9	dij.	S. Rouman
10	div.	S. Laurèns
11	diss.	Sto Rusticlo (d'Arle)
12	DIM.	Sto Claro
13	dil.	S. Pourcàri
14	dim.	S. Chapòli
15	dim.	N.-D. D'AVOUST
16	dij.	S. Ro
17	div.	S. Jacinto
18	diss.	Sto Eleno
19	DIM.	S. Louis de Brignolo
20	dil.	S. Bernat
21	dim.	S. Privat
22	dim.	S. Safourian
23	dij.	S. Sidòni
24	div.	S. Bartoumiéu
25	diss.	S. Genèsi
26	DIM.	S. Zefirin
27	dil.	S. Cesàri
28	dim.	S. Julian
29	dim.	S. Jan degoulàssi
30	dij.	Sto Roso
31	div.	S. Lazàri

La luno intro à souu darrié quartoun
lou 3, à 7 ouro 27 minuto de vèspre.
Fai lou 10, à 2 ouro 46 minuto de
vèspre.
Intro à souu prounmié quartoun lou 18,
à 9 ouro 25 minuto de matin.
Intro dins souu plen lou 26, à 3 ouro
43 minuto de matin.

SETÈMBRE

Li jour deminsson de 1 ouro 45 m

1	diss.	S. Baudèli
2	DIM.	S. Agrico
3	dil.	S. Aiòu
4	dim.	Sto Rousallo
5	dim.	S. Léugié
6	dij.	S. Amable
7	div.	S. Autau
8	diss.	N.-D. DE SETÈMBRE
9	DIM.	S. Veran
10	dil.	Sto Pôuquerié
11	dim.	S. Paciènt
12	dim.	Sto Bono
13	dij.	S. Antounin
14	div.	Eisaussam. de la C
15	diss.	S. Anfous
16	DIM.	S. Cournèli
17	dil.	S. Lambert
18	dim.	Sto Esteveneto
19	dim.	TEMPOURO
20	dij.	S. Jenouvié
21	div.	S. Matiéu
22	diss.	S. Maurice
23	DIM.	Sto Tèclo
24	dil.	Sto Salabergo
25	dim.	S. Fermin
26	dim.	S. Ouzias
27	dij.	St Cosme e Damian
28	div.	S. Ceran
29	diss.	S. Miqrèu
30	DIM.	S. Jirome

La luno intro à souu darrié quartoun
lou 2, à 0 ouro 18 minuto de matin.
La luno fai lou 9, à 2 ouro 24 min. d
matin.
Intro à souu prounmié quartoun lou 17,
à 3 ouro 38 minuto de matin.
Es dins souu plen lou 24, à 2 our
15 minuto de vèspre.

OUTOBRE

Li jour demenisson de 1 ouro 45 m

1 dil.	S. Reunié
2 dim.	Li S. Ange gardian
3 dim.	S. Cuprian
4 dij.	S. Francés d'Assiso
5 div.	Sto Tuli
6 diss.	S. Evòsi
7 dim.	S' Baque
8 dil.	Sto Reparado
9 dim.	S. Danis
10 dim.	S. Vergéli
11 dij.	S. Castou
12 div.	S. Veran
13 diss.	S. Geraud
14 dim.	S. Calist
15 dil.	Sto Terèso
16 dim.	Sto Rousselino
17 dim.	S. Flourèns
18 dij.	S. Lu
19 div.	S. Gerard Tenco
20 diss.	S. Grapàsi
21 dim.	Sto Oursulo
22 dil.	Sto Mario Salomé
23 dim.	S. Tederi
24 dim.	S. Maglòri
25 dij.	S. Crespin
26 div.	S. Flòri
27 diss.	S. Sauvian
28 dim.	S. Simoun
29 dil.	S. Narcisse
30 dim.	S. Lucan
31 dim.	S. Cristòu

La luno intro à soun darrié quartoun lou 1, à 6 ouro 18 minuto de matin.
 La luno fai lou 8, à 5 ouro 8 m. de v.
 Intro à soun promiè quartoun lou 16, à 9 ouro 35 minuto de vèspre.
 Es dins soun plen lou 24, à 0 22 m. de matin.
 Intro à soun darrié quartoun lou 30, à 2 ouro 15 minuto de vèspre.

NOUVÈMBRE

Li jour demenisson de 1 ouro 19 m

1 dij.	TOUSSANT
2 div.	Li MORT
3 diss.	S. Marcèu
4 dim.	S. Chamas
5 dil.	S. Zacarié
6 dim.	S. Estève (d'At)
7 di n.	S. Ernest
8 dij.	S. Goufrèdi
9 div.	S. Maturin
10 diss.	S. Just
11 dim.	S. MARTIN
12 dil.	S. Reinié
13 dim.	S. Mire
14 dim.	S. Ru, ev. d'Avig.
15 dij.	S. Ougèni
16 div.	S. Ouquèri
17 diss.	S. Agnan
18 dim.	Sto Audo
19 dil.	Sto Isabèu
20 dim.	S. Eimound
21 dim.	PRESENT. DE N.-D.
22 dij.	Sto Cecilo
23 div.	S. Clemènt
24 diss.	Sto Floro
25 dim.	Sto Catarino
26 dil.	Sto Déoufino
27 dim.	S. Sifrèn
28 dim.	S. Solstène
29 dij.	S. Savournin
30 div.	S. Andrieu

La luno fai lou 7, à 10 ouro 24 m. de matin.
 Intro à soun promiè quartoun lou 15, à 2 ouro 16 minuto de vèspre.
 Es dins soun plen lou 22, à 10 ouro 21 minuto de matin.
 Intro à soun darrié quartoun lou 29, à 3 ouro 14 minuto de matin.

DESEMBRE

Li jour demenisson de

1 diss.	S. Aloï
2 dim.	Lis Avènt
3 dil.	S. Franc
4 dim.	Sto Barbo
5 dim.	S. Sabas
6 dij.	S. Micoula
7 div.	S. Ambròs
8 diss.	COUNCEPCI
9 dim.	Sto Louca
10 dil.	Sto Valier
11 dim.	S. Damasi
12 dim.	Sto Danise
13 dij.	Sto Lùci
14 div.	S. Nicasi
15 diss.	S. Ousèbi
16 dim.	S. Azalaïs
17 dil.	Sto Oulim
18 dim.	S. Graci
19 dim.	TEMPOURO
20 dij.	S. Filougo
21 div.	S. Toumas
22 diss.	S. Ounour
23 dim.	Sto Viltòri
24 dil.	S. Ives
25 dim.	CALÈND
26 dim.	S. Estève
27 dij.	S. Jan, eva
28 div.	Li S. Innou
29 diss.	S. Trefume
30 dim.	Sto Conlou
31 dil.	S. Sivèstre

La luno fai lou 7, à 5 ouro de matin.
 Intro à soun promiè quart lou 14 ouro 51 minuto de m.
 Es dins soun plen lou 21, à 43 minuto de vèspre.
 Intro à soun darrié quartoun lou 27 ouro 33 m. de vèspre.

ARMANA PROUVENÇAU

CROUNICO FELIBRENCO

I

L'avié 'no fes uno iselo dins lou Rose, uno bello iselo verdo, ounle neissié de flour e nisavo d'aucèu de touto meno. Mai arribè uno inondacioun, uno furiously inondacioun que ie passè dessus, e la rousiguè tant e tant l'amoulinè que, d'aquelo iselo drudo, n'en restè plus qu'un aube secarous e pela. Or, au-lïo de ploura e de se descounsoula, lou mèstre, qu'èro un ome de fe e de courage, anè coupa 'no cargo de plansoun de sause e li venguè planta de-long de soun gravas. Li sause en jau de tèms devenguèron sausiero, retenguèron la limo que floutavo dins l'aigo, e l'aube secarous devenguè lèu iscloun. Lou mèstre, l'an venènt, sus lou crèis de sa ribo plantè mai quàuqui vergant, e, 'mé lou ais dóu Rose, l'iscloun assegura toujours que mai s'agrandiguè; e de-ongo ansin lou mèstre plantant dins lou cremen, de-longo d'an en an s'espandiguè sa terro, memamen qu'à la fin recatè soun iselo entiero, e plus verdo e plus bello, e mai pleno de flour e d'auceliho que ço que 'avié visto jamai à tèms passa.

II

Aquelo parabolo es la figuro de nosto reneissènço. D'un an à l'autre pouèmo à cha pouèmo, voulume à cha voulume, la lengo provençalo recounquière soun terraire, sa richesso perdudo, soun publi amistadous. Après lis *Oubreto*, après *Mirèio* e la *Miòugranò entre-duberto*, qu'an vengu au provençau l'atencioun e l'aflat de la critico, es vengu la *Farandoulo*, es vengu la Coumèdi de Roumièux, es vengu lis *Amouro de ribas*.

L'*Armana provençau* porto tóuti lis an à si vint milo leitour la joio tanto dóu patrioutisme e lou soulas de la douço pouèsio, emé li passò-èms dóu gai Cascarelet. E lou Cascarelet, — que Dièn mantègue ! — es lou mignot di Prouvençau : aquèli bràvi Prouvençau, lou pople lou plus gai que terro porte, e qu'aquèsti vendémio, emé lou Colera, à Mar-siho, à Touloun, e de tout caire, fasien la farandoulo autour di fio de oïo, escalustrant la Mort !

Pièi li Felibre an rempremi *Saboly*, lou bon e vièi cantaire de novè, tant famihié, tant poupulàri : l'an rempremi emé grand lùssi, musico e acoumpagnamen (edicioun Seguin, 1856) ; l'an rempremi à bon areat, em' uno bando de novè mouderne (edicioun Aubanel, 1852-1858) ; l'an tourna rempremi, emé de vièi novè inedi (edicioun Roumanille, 1865) ; e aro tourna-mai en dous voulume, countenènt li de Peyrol e de forço autre (nouvello edicioun Aubanel, 1865).

Pièi, ambicions que mai de refreseca lou noum de sis antecessour, an publica *lou Galoubet*, recuei di pouësio de Jacinte Morel, un troubaire avignounen bon à counèisse e d'ou quau F. Mistral a escri la biougrafio.

Après *lou Galoubet*, pèr coumpli la musico, Francés Vidal nous a douna *lou Tambourin*, istòri e metodo d'aquel estrumen, seguido de nòstis èr naciounau. — Lou suocès d'aquéu travai es esta plen : M. Duruy, lou Menistre de l'Estrucioun publico, a souseri éu-meme pèr un nombre d'eisemplàri.

E l'an passa, enfin, lou melicous Felibre selounen, Antòni-Blasi Crou-sillat, meteguè sa *Bresco* à man. Avèn agu plesi à legi aquélis Odo, ounte noste parla, gaubeja de man de mèstre, ajoun la gràci, lou brinde elegant, la perfecsioun d'Ouràci ; aquéli fin Sounet coula dins l'or, dins l'or sounant e pur, coume de medaio antio ; aquéli Pastourello, Soulas, Plang e Cansoun, e subre-tout aquéu pouèmo de *Dideto*, ounte es retra-cho la naturo emé tant de paciènci e d'amour.

Vesès doune que noste aube pau à pau se fai iseloun, e qu'à eha pau se mounto nosto biblioutèco. Mai es pas tout : veici mai dous bèus aubre que venèn de planta sus lou dougan.

III

Cinq troubaire de la bono, Castil-Blaze, Adoufe Dumas, Jan Reboul, Glaup e Toussant Poussel, èren mort sèns agué rejoun à tèms sis obro felibreneo. Pauris ami ! tóuti si nòbli pensamen, tout soun bonur de vièure, touto sa devoucioun à la patrio prouvençalo, lis avien mès en vers, e si vers escampilha, dins vint an emai mens, riscavon de parti sus lis alo de l'auro. Èro uno causo tristo !.. Mai li pescaire an si calanco e li pouèto an sis ami : Roumanille e Mistral an acampa li cant d'aquéli cinq cantaire souto lou titre de *un Liame de Rasin*. Ah ! se ve-sias lou poulit libre !

Chascun di cinq pouèto, en tèsto de soun obro, a sa biougrafio, e lou libre, richamen estampa pèr li Fraire Gros, es simplamen dubert pèr aquesto dedièci :

A MADAMO LA COUNTESSO MARIO LAMSDORFF.

MADAMO,

Quàuquis-un de nòstis ami e coumpan en Felibrige èron mort aquèstis an, avans d'agué liga soun fais, valènt-à-dire, publica e adouba coume se dèu la rejouncho de sis obro.

Acò-d'aquí èro grand daumage, autant pèr la memòri d'aquéli fraire ama que pèr l'ounour d'ou Gai-Sabè.

Mai, gramaci vosto asecioun pèr li letro prouvençalo, lou precious eiretage, qu'èro en dangiè de s'avalì, vèn d'èstre mes en terro sauvo.

Emé li souns degu à vosto liberalita, editan au-jour-d'uei, s'oulo lou titre cou leitièu d'ou Liame de Rasin, lis obro felibrenco de Castil-Blaze, Adòuse Dumas, Jan Reboul, Glaup e T. Poussel.

Sian urous, Madamo, urous coume se pòu pas mai, d'escrièure voste noum sus lou froutau d'ou mounumen, en remembranço e testimòni de vosto generousita pèr la lengo de Prouvènço, e de vosto pieta pèr li troubaire que soun mort.

J. ROUMANILLE, F. MISTRAL.

Avignoun, 15 de Juliet 1865.

Bonadi la Countesso Lamsdorff, uno granda e generousa damo rùssio, Blaze, Dumas, Jan Reboul de Nimes, Glaup e Poussel, an vuei un mounumen superbe, digne d'éli. Avis à tu, leitour : lou *Liame de Rasin* es de frucho requisto e de counservo. *

IV

Leitour, 'ou *Mortuorum* t'aprendra la mort, la regretado mort d'Antounieto de Bèu-caire, aquelo gènto Felibresso que faguè, l'an passa, uno intrado tant brihanto dins noste Armana. Es morto à 25 an !

Subre sa toumbo enca trempo de plour, Louis Roumièux, soun coumpatrioto, a dubert uno souscripcioun pèr publica li vers inedi de la pauro chato. Causo toucanto, cinq-cènt souscrivèire an sus-lou-cop respoundu à l'apèu, e d'aquí mai es sourti un bèu libre entitoula *li Belugo d'Antounieto de Bèu-caire*, e empremi coume se dèu pèr Aubanel.

Li Belugo countènnon la vido de la jouino muso pèr Louis Roumièux, tóuti li pouèsio d'Antounieto, emé li plang e flour diverso jita pèr li Felibre sus soun cros. Au froutau d'ou vòlume, i'a lou retra courous de l'inspirado Felibresso.

V

L'Acadèmi de Beziés a decerni sa recoupènso acoustumado. Es un troubaire bearnés, M. de Bataille, qu'a gagna lou *Brout d'Oulivié* pèr soun pouèmo de *Nousto-Damo de Buglosa*. Es la segoundo fes qu'aquèu pouèto

* Se n'es fa, pèr la vèndo, que 250.

es courouna dins la meme vilo e pèr uno pouësis en l'ounour de la Vierge. Co que i'a de poulit es qu'a penja si dos courouno sus l'autar de soun ispirarello. Mai la lucho, parèis, es estado vivo, car M. de Bataille avié pèr còuncurrènt l'autour de la *Bresco*, l'intrepide Crousillat, qu'a òutengu la *Proumiero Mencioun*; la *Segoundo* es estado pèr M. Marius Trussy.

La Soucieta Bezierenco proumet toujours un *Brout d'ouliviè d'argent* à-n-aquéu que ie mandara, avans lou mes d'Abriéu, lou meïour pouëmo en lengo d'O.

De-mai, lou Menistre de l'Estruciuon publico semound un pres de 1,500 fr. au meïour trawai qui ie sara manda, en 1867, sus li dialèite dóu Miejour, — o dóu Nord de la Franço.

VI

Au noumbre di counferènci tengudo à Paris aquest ivèr, li dóu Felibre Pau Meyer, facho à l'Escolo di Charto sus la literaturo prouvençalo, an jita forço lume sus nosto vièio istòri. Souveten que lou jouine savènt publicq pèr eseri aquèli leïçoun de bouco, coume a deja fa de quàuquis-uno (*Cours d'histoire de la littérature provençale, leçon d'ouverture, par Paul Meyer. Paris, librairie A. Franck, 1865. — Recherches sur les auteurs de la chanson de la Croisade Albigeoise, par le même. Bibliothèque de l'Ecole des Chartes, 6^{me} série, t. I*).

A Paris tambèn a pareigu dins l'an un voulume ilustra, resplendènt, aguènt pèr titre *le Monde de la Mer*, par Alfred Fredol (Hachette, 1865). Dins aquèu libre d'istòri naturalo, de sciènci serieuoso, lou leitour estouna vèi en chasque chapitre uno epigrafo prouvençalo :

— Siqs pichoto segur, mai que de souveni ! — (AUBANEL).

— Ame tout aquèu pople amable e banari. — (C. REYBAUD).

— Era gros coma un aze e era pelos coma un aze.

(Pichot Thalamus, de Mount-peliè), etc.

Veici la clau : acò 's l'obro poustumo de Moquin-Tandon, membre de l'Istitut e Felibre, qu'en mourent eilamont liuen de soun brès e de sa lengo, nous a touca la man à sa maniero

A Paris peréu a pareigu *lou Rèi de la Favo*, fantesiè pouëtico de M. Placide Cappeau.

A-z-Ais enfin s'es rempremi, encò de Remondet-Aubin, dous vièi cantico prouvençau, — paraulo e musico, — sus la *Passioun* de N.-S. Jèsu-Crist.

VII

A la justificacioun de nosto ourtougرافی que, l'an passa, dins aquesto crounico espauserian, noste contro-disènt M. Damase Arbaud a replica. Mai nautre, tout en lou remerciant de soun urbanita, n'avèn plus qu'un mot à ie dire : trop parla noui e trop grata coui. Chascun aguènt de soun caire fa valé sis argumen, es tèms de claure aquí uno discussioun que poudrié deveni la cansoun de l'Agnèu Blanc, valènt-à-dire, fastigouso pèr lou publi ; d'autant mai que, davans l'espandimen, lou lustre e l'unita, rendu au prouvençau pèr l'escolo felibrenco, sian segur d'avé pèr nautre l'aveni, — e li Damase Arbaud de l'aveni.

Parlaren-ti encaro de M. Alfred Artaud ? La discussioun em' éu a fa 'no pauro fin. Noun poudènt, coume se dis, avé lou blanc dóu pòrri, sabès qu'a fa lou galant-ome ? A fa tout simplamen parèisse un papafard em' aquest titre : *Réfutation du livre de M. Artaud, intitulé : Les Félîtres aux Jeux floraux d'Apt en 1862, par douze Félîtres. Avignon, à la Grand-Felibrerie, rue St-Agricol, 29.* Aquel escri, anonime, mai censa de nosto man, pren maladrechamen nosto defènso pèr nous rediculisa. Or, l'empremèire de talo vilanié, mes en demoro de n'en nouma l'autour, a déclara... M. Artaud ; e lestamen, M. Alfred l'a retirado. Vau mai ansin pèr éu....

VIII

Un journau avignounen, *le Mémorial de Vaucluse*, nous a fa lou reproche, dins soun numerò dóu 22 d'Avoust 1865, de noun avé parla d'uno publicacioun de Gelu, *Mèste Anserro*.

Nosto responso es touto simple : rendèn comte, eici dedins, que di libre que nous mandon, au Secretariat dóu Felibrige. Mai sian trop atentiéu à tout ço que preloeo nosto lengo, e trop recounceissènt à tout ço que l'ounouro, pèr leva lou salut à quinto obro que fugue dóu vigourous troubaire marsihés.

Remarcan soulamen que Moussu A. Bonnet, signatàri dóu reproche en questioun, trovavo sèmpre irreprochablo nosto pichoto crounico, au tèms que l'*Armana* s'empremissié à soun oustau : segound lou vènt, la velo ! Acò 's ansin.

IX

La Prouvènço a reçaupu, aquest estiéu, un vesitaire interessant. Lou remarcable movemen de nosto lengo a restounti jusqu'eilamont au Pole, e l'Universita d'Helsingfors, en Finlando, a manda un de si membre, lou proufessour Estlander, estudia sus lou lio la boulegado prouvençalo. L'ounourable savènt, après avé fuia li biblioutèco dóu Miejour e li de

Catalougno, se prepauso de publica l'istòri de nosto literaturo despièi Belaud de la Belauidiero jusqu'au Felibrige inclusivamen.

X

Terminen la revisto annalo pèr un salut courau à nòsti bons ami de Catalougno, à Damaso Calvet lou plus encian, à Francese Bartrina lou plus jouine, à Rubió, à l'illustre Balaguer, i fraire Thos, à Celestin Barrallat, à Juan Tholosa, à Antoni de Torres, e particulieramen à F. Pelayo Briz, lou calourènt creaire e valènt dreitour dóu *Calendari catala*.

XI

I'a proun encaro uno nouvello que vouliéu reserva pèr l'an que vèn, mai la pode plus teni : Mistral met la darriero man à soun nouvèu pouèmo de *Calendau*, que vendra au mounde, se Diéu vòu, l'an que vèn pèr Calèndo. Tout ço que pode deja dire es que lou fraire de *Mirèio* poudra bèn faire parèu emé soun amirablo sorre. Amen !

ANSÈUME MATHIEU.

Avignoun, Outobre 1865.

LOU COLERA

CRISTOU LOU BÈFI, E TISTO

TISTO.

Boudiéu, Cristòu ! mai qu'as ? Queto caro de jusiòu ! Tout-aro ti gauto se tocon. Oh ! que nas ! Se n'aviés un autre coume acò de-pèr-darrié, te poudrien pourta coume un cournudoun, emé dos barro.... Mai qu'as, bello tèsto ?

CRISTÒU.

Iéu ? ai rèn....

TISTO.

Coume ! as rèn ! E fas pòu ! As belèu agu lou colera-morbus.

CRISTÒU

Veleici mai, aquest, emé soun colera-morbus e pas morbus !... Sies mai d'aquéli, tu ? L'ai pas agu, e vai ! l'auren pas, lèi de Dieu !

TISTO.

Ah ! basto devinèsses, Cristòu !... Mai de-qu'as ? As pres lou quina ? Dèves avé li fièvre, o bessai sies amoureux coume uno cato. Marrit mau, Cristòu ! Se n'en mor, t'avertisse.... Ah ! couquinot, fas ti cop sourne. Se vèi bèn que vos agrada Es proun verai de dire que, se t'atrovo pas trop laid e se vòu, auras uno galanto femo ! Es la Frisado que t'a douna la fièvre d'amour ?...

CRISTÒU.

Ai pas la fièvre ; siéu pas mai amoureux qu'un buto-rodo, — moun Diéu, vous rènde gràci ! Mai... i'a tout-aro un mes, fau te dire, que passe de niue...

TISTO.

Hoi !... Souto sa fenèstro ?

CRISTÒU.

De quau ?

TISTO.

De la Frisado..

CRISTÒU.

Saras doune toujours un galejaire ? T'ai di que passave li niue, e sian mai de vint : i'a Esperit lou goi, Alèssi, Ausias, Nourat lou lentihous, Rafèu lou creba, Coulau dis Ase, Pauloun, lou long Nouvè....

TISTO.

E perquè passas li niue?

CSISTÒU.

Dóumaci.... dóumaci voulèn li passa.

TISTO.

Dise pas lou countràri. Mai, tron de l'èr ! quand fasès quaucarèn, es pèr quaucarèn que lou fasès, o bèn sias de bartavèu e de tuerto-bàrri. Sies bessai d'aquéli finocho, tu, que samenon de favo pèr recueie de blet o de coucourdo muscado....

CRISTÒU.

Te dise que li samenon !

TISTO.

Li favo?

CRISTÒU.

Noun.

TISTO.

Li coucourdo muscado?

CRISTÒU.

Ehèi ! noun !

TISTO.

Li blet ?

CRISTÒU.

Noun !... Te dise que li samenon.

TISTO.

Sies pas bèn, Cristòu ! as un asclo à la cabosso. La bello Frisado te gatiho lo cor. Planto-l'aquí coume un terme ; o bèn, maridas-vous, e fagués plus desparla li gènt.

CRISTÒU.

Ièu te parle pas de la Frisado nimai dóu Frisa. Te dise que ièn, Coulau, Nouvè, Rafèu, Ausias, Alèssi, Iou long Nouvè..., empacharen bèn que li samenon. Li samenaran pas ! Çai sian, e que n'ïague unque boulegue ! Se ie rassan pas lou còu !...

TISTO.

Li samenon, li samenon pas ! li samenaran, li samenaran pas !... Fariés

bèn, Cristòu, d'ana t'embarra quàuqui mes à Sant-Roumié, ounte li garisson. Li samenaran pas.... de-que? parlo, barjo-fresco, de-que?...

CRISTÒU.

De-que? li globe!... Veguen, Tisto, se sies un bon bougre, digo-me'n pau ço qu'es lou colera-morbus.

TISTO.

Pardineche! es un flèu de Diéu.

CRISTÒU.

Acò 's pas acò.

TISTO.

Es uno epidemio.

CRISTÒU.

Coume as di?

TISTO.

U-no e-pi-de-mi-o, sourdin!

CRISTÒU.

Ie sies pas.

TISTO.

Es uno pèsto.

CRISTÒU.

Ah! pas mai, n'en brules pancaro. As proun manja de favo?

TISTO.

Es un viedase coume tu!

CRISTÒU.

Ah! pas mai!... Cerco que cercaras!

TISTO.

Se lou colera-morbus es pa'n flèu de Diéu, uno epidemio, uno pèsto, de-ques, que, boufo-lesco?

CRISTÒU.

Es un globe.

TISTO.

Un?...

CRISTÒU.

Un globe, o, un globe.... la pousoun.

TISTO.

Ah ! ah ! ah ! n'en sies un bèu de globe, tu ! Vai-te faire vèire en fiero de Bèu-caire, dous sòu per persouno, vai, frestèu ! faras fourtuno ! *Hòu, Cristòu, la luno es levado....*

CRISTÒU.

Eh ! que rises, aqui ? que cantes ? Que vos dire, emé ta luno qu'es levado ?

TISTO.

Vole dire que sies luna. E coume vos pas que rigue, Jan-l'Amelo ? me dises de resoun que van coume uno pounnado de pèu sus uno soupo !... Lou colera es un globe !!

CRISTÒU.

O, un globe !... E lou samenon, encaro ! Eh bèu ! Iou sables, aro, per-qué passan li niue ?

TISTO.

Oh ! quento uno ! Mai se vèn, sarés li proumié à lou pipa.

CRISTÒU.

Tòu ! tòu ! tòu ! mountan la gardo, fasèn patrouio...

TISTO.

Perqué Iou samenon pas ? Ah ! chourmo de Martegau, vaudrié pas mies que dourmiguessias ?

CRISTÒU.

Pas tant viedase ! E piéi se lou samenavon, sarian pas de poulit merle ? Sourtiriéu, que fau que me lève matin, e lou pipariéu ; sourtiriés, tu peréu, e lou pipariés ; l'autre lou piparié, tóuti lou piparian ! E bouto ! se sies d'aquéli que fau que crèbon, lou medecin te douno pas la contro-pousoun.... Dins dos ouro sies eue ; t'an lèn fa toun comte ; acampes ti pato ; l'alén te manco, vires de palo, sies troussa ; te meton quàuqui quintau de terro sus l'embourigo... Es que, n'entendèn pas acò d'aqui, nautre, malan de sort !

TISTO.

Cristòu !

CRISTÒU.

Eh bèu ?

TISTO.

Vouliéu te dire que, quand vòsti maire s'ajaguèron, se deguè tira l bouito.

CRISTÒU.

E que provo?

TISTO.

Provo que sias aqui quàuquis-un que n'avès pas enventa la poudro.

CRISTÒU.

Ah! vai! la poudro, sabes ounte èi, la poudro? es dins li globe.... Passan li niue, e li passaren! Sias bèn urous que vous gardan! E la poudro dóu colera s'esparpaiara pas dins lou vilage, e res la piparen. Avèn d'ásti, de fourco, de fourcat, de daio manchado de rebous, de fusiéu emé de sabre.... Vèngon li samenaire! se ie durbèn pas lou vèntre e se ie manjan pas la fruchaio!... Veses pas qu'es li riche, li gros catau, que se volon desfaire dóu paure mounde? E l'autro vesperado, n'en faguerian landa un!... Siéu segur que lando encaro!

TISTO.

Alor samenavo, aquéu?

CRISTÒU.

Ehèi! noun, samenavo pas, mai.... anavo samena! Acò's autant bèn verai coume me dison Cristòu.

TISTO.

E que fasié?

CRISTÒU.

Lou sabe, iéu, ço que fasié? Foulimassejavo. Èro eila de-long de la ribo, soutu li sause de Mèste Blàsi. Tiravo de plan. Queto mino! Èro laid coume uno toro di pelouso. Uno barbo esgarussido, e que s'esparpaiavo sus soun pitre, grando coume la co d'uno dindo, quand fai la bello; d'iue coume lou pourtau! Grafignavo, em'un tros de bos, uno besougno coume un chassis. Diguerian: N'es un! E avié soun massapan, que semblavo un tiradou, plen de globe!... Zóu! fasen lou courre. E te responde que jouguè di quiho coume se dèu. S'aquéu tourno, ie pague un merle blanc! E béuriéu pas de l'aigo dóu pous ounte beguè, quand me baièsson cènt escut!

TISTO.

M'es pas un em'un capèu que semblavo un paro-plucio... à grandis alo?..

CRISTÒU.

Si.

TISTO.

Long? un grand escamandre d'ome que sèmblo uno destarinadouiro de glèiso? meigrinèu? de cambo de flabuto? lou nas coume un pèd d'oulo?

CRISTÒU.

Si.

TISTO.

Que couchavo au *Moutoun d'or*?

CRISTÒU.

Si.

TISTO.

Que virouiavo à l'entour de noste vièio glèiso?

CRISTÒU.

Acò's bèn éu!

TISTO.

Ah! ah! ah! paure pintourlejaire!... Eh! veguerias pas que tiravo lou retra dóu vilage! Sias de bèus espoussos-ensalado! Meritarias bèn que vous faguèsson passa sus l'ase, cadun à voste tour, que vous faguèsson la bramado e que vous estoupinèsson. Que voulèsque vou digue, Moussu dóu Globe? sias uno liasso de bedigas! Lou colera es un globe! un globe!! Ah! ah! ah!

CRISTÒU.

E s'èi pas un globe, digo-me de-qu'èi, tu que creses de tout saupre.

TISTO.

Escouto-me, Cristòu. De-qu'an agu ti favo, aqueste an?

CRISTÒU.

An agu lou rouvi.

TISTO.

E aquéli de toun vesin, li miéuno, aquéli de Tounin, tóuti li favo, de-qu'an agu?

CRISTÒU.

Lou rouvi.

TISTO.

E qu'èi lou rouvi?... Es un globe ? lou samenon ?

CRISTÒU.

Noun. Lou rouvi... es lou rouvi... un marrit èr que passo, uno nèblo, un vènt... que sabe iéu ?

TISTO.

As jamai mounta la gardo à l'entour de ti favo, pèr que lou rouvi lis agarriguèsse pas ?

CRISTÒU.

Vos rire, Tisto !

TISTO.

Faudra viha e faire la gaito emé d'ästi, emé de daio manchado de rebous, pèr que samenon plus de globe dins nòsti taulo de tartifle ; e li tartifle auran plus lou mau, coume l'aguèron l'autre an. Faren patrouio à l'entour de nòsti tartifle.

CRISTÒU.

Asso ! mai, me prenes doune pèr un darut ?

TISTO.

E vòsti magnan, an réussi, aquest an ?

CRISTÒU.

Coume li vostre, coume aquèli di tres quart. Engenesterian : n'en mountè pas un. Un gros malur ! e i'a proun tèms qu'acò duro !

TISTO.

Sies badalas ! Falié mounta la gardo em'un fourcat à l'entour de vòsti canisso. Veses pas, pelòfi, que jiteron de globe sus vòsti magnan ?...

CRISTÒU.

Ah ! lèvo-te d'aquí, lèvo ! Siéu piéi pas tant Martegau que ço que creses !

TISTO.

Sabes que fuguerian de bèu tarnagas, — i'a d'acoto un parèu d'an, — de pas mounta la gardo em'un sabre à l'entour de nòsti pouciéu ! Aurien

pas jita de globe à nòsti pore, que, pechaire ! nous crebavon tóuti entre li bras. Se te n'ensouvènes, res n'en pousquè abari un. Toubavon coume li mousco eïça quand vènon li plouvino. Pàuri pore ! coume li pipèron, aquéli pouisoun de globe !

CRISTÒU.

Ehèi ! li pore avien lou mau di pore. Que vos que te digue ? faudrié èstre proun dessena pèr passa li niue, em'un sabre, contro un poucièu, pèr ie garda lou noble !

TISTO.

E ta sorre, qu'èro segur uno chato qu'aurié fach uno bravo femeto e qu'agradavo, ta sorre, pecaire ! de que mouriguè ?

CRISTÒU.

Pauro bello !... Zino mouriguè, coume n'en mouriguè tant e tant, de la veirouleta.

TISTO.

Quau soun aquéli bóumian que samenavon la veirouleta ! Acò d'aqui dèu mai èstre quauque marrit globe que jiton pèr carriero, dins li quièude-sa, e que se pipo !... S'avian passa de niue, acò-d'aqui sarié pas arriba... Que n'en dises, tu ?

CRISTÒU.

Iéu ? dise que sies un fouligaud. La veirouleta... es la veirouleta.

TISTO.

Te dise qu'èro aquéli couquinas de gros catau que voulien esclargi li pàuri paure...

CRISTÒU.

Alor, digo-me d'ounte vèn que la veirouleta agantè la damisello de Moussu lou Marqués, e que n'en crebè... Ah !

TISTO.

As belèu resoun, Cristòu ! la veirouleta dèu èstre la veirouleta.... E lou senepioun, sabet ço quèi, lou senepioun ?

CRISTÒU.

O.

TISTO.

Es un globe ?

CRISTÒU.

Eh ! m'enfêtes, me vènes en òdi, emé ti globe !

TISTO.

E li fèbre, que, de tèms en tèms, vènon faire di siéuno, que nous fan tremoula coume de jounc ; que nous engipon e nous apounchon lou mourre ; que nous fan un vèntre plat coume un post de fougasso ; aquéli couquino de fèbre, vèngon-ie mai ! Passaren li niue emé de fourco, emé de fusiéu ; faren patrouio. E li gusas que jiton li globe di fèbre, saran bèn reçaupu, es iéu que te lou dise !...

CRISTÒU.

Anen ! Tisto, finiras o finiras pas ?

TISTO.

E la grelo, es de globe... Ah ! pos pas dire lou countràri, Cristòu. Eh bèn ! vai, laissez que lou bon Diéu nous jite aquéli globe, que fan de mau... coume la grelo ! faren patrouio emé d'asti, emé de rounco, emé de daio, emé de coutéu, emé...

CRISTÒU.

Tisto, me vènes en òdi, t'ai di, emé ti globe ! me 'roumpes lou casca-vèu !... M'envau, tèn-te gaiard.

TISTO.

Vène eici, vène, panto de mas, bêu-l'òli, brescambiho, vène eici que te parle. Lou rouvi es lou rouvi ; la veirouleta es la veirouleta ; li fèbre soun li fèbre ; lau mau di pore es lou mau di pore.... e lou colera es un globe ? Fasès pas patrouio pèr vous engarda di fèbre, de la veirouleta, de tóuti li malandro que courron pèr l'èr, e la fasès pèr vous engarda dóu colera ? Mai, vesès pas que l'aurié de que vous faire tóuti dansa 'm' uno barro ! Coumprenes pas que sian de favo, e qu'aquest an, lou colera es noste rouvi ? que sian de pore, e que lou mau nous arrapo, nous amalugo e nous ensuco ? que sian de magnan, e qu'un marrit èr, un vènt, uno nèblo nous engipo ?... Veses pas que tóuti li daio dóu mounde, li fourco, li fourcat, li fourquello ; tóuti li fusiéu, tóuti li sabre e tóuti lis asti de l'univers ; tóuti li patrouio de Pauloun, de Coulau, de Nouvè, de

Cristòu, empacharan pas lou colera de veni, — se dèu veni, — coume se pòu pas empacha que la grelo toumbe, gargamelas !

CRISTÒU.

Hoi ! tè !... Ah ! bèn ! as belèu resoun, Tisto !

TISTO.

Ecreses que li riche li pipon pas, ti globe ? Escouto-me. Quand toumbo de granisso, digo, n'en toumbo gens sus li terro de Moussu lou Marqués ? Quand li tartifle an lou mau, li sièu l'an pas ? M'as di que la veirouletto troussè sa damisello... Veguen : de qu'es mort l'Evesque d'Ourleaus ? dóu morbus. De qu'es mort lou grand generau, coume ie disian ? Bizaud... Basaud... Bugcaud ? dóu morbus. De que soun mort uno ribambello de deputa, que gagnavon si bèu 25 franc eade jour, pèr manja bon, pèr rèn faire que se disputa coume de repeliero à la Plaçò ? dóu morbus. E tant de sànti mounjo, e tant de bràvi capelan, e tant de medecin ? dóu morbus. E tant de richàs que li papié dison ? dóu morbus... Tout acò l'a pipa.

CRISTÒU.

Eh bèn ! Tisto, me sèmblo pamens qu'as resoun...

TISTO.

An ! vai atrouva ti vilhaire, ti patrouiaire. Digo-ie que s'empaion de hono ouro, que manjon pas coume de pore, que s'empegon pas coume de lignòu, que s'espavourdigon pas ; digo-ie que labouren, que manjon, que begon, que dormon tranquile ; qu'agon l'esprit siau, lou vèntre libre e la counsciènci neto ; que secuton plus li pàuri pintourlejaire ; que prègon Dièu e sa santo Maire. Tu, Cristòu, fai coume éli... E tout acò, crese-lou, nous sauvara pus lèu dóu morbus, que vòsti patronio, vòsti daio e vòsti foureat, tourtourire !

CRISTÒU.

Eh bèn ! ve, m'es avis qu'as resoun, Tisto !

1849.

(Tira dis *Oubreto en prosa*, de Roumanille.
1 voll. in-18 — 428 pajo — 1864).

PLAGNUN

Perqué pas monri ? que moun ouro sone
E qu'eilamoundaut vèngue pèr toujour !

LOUIS ROUMIEUX.

Sus la terro d'abord que siéu tant malurouso,
Me ie laisses pas mai languì dins la doulour !
Mando-me lèu la mort : sa voues tant esfraïouso
M'agradara, moun Diéu, coume un bèu cant d'amour ;

Qu'eiçabas lou bonur es taca de lagremo ;
Lis ouro li mai douço an soun degout de fèu ;
Ma pauro nau, pecaire ! a pòu de la mar semo :
Lou sènte, sarai bèn qu'amoundaut dins toun Cèu !

Pecaire ! avèn jamai de mèu sènso amarezzo ;
Vesèn trepa de niéu dins l'azur lou plus bèu ;
Li jour li mai urous an si niue de tristesso,
E lou brès de l'amour èi souvènt soun toumbèu !...

Tambèn, sono vers tu moun amo presouniero ;
Prene-la pèr t'ama dins l'eterne sejour...
Vole mouri, moun Diéu ! escouto ma preiero,
Que lou jour de ma mort sara moun plus bèu jour !

ANTOUNIETO DE BÈU-CAIRE.

(Tira di *Belugo* d'Antounieto
de Bèu-caire).

2 de Novèmbre 1864, jour di mort.

LEI PASTÈCO DE MOUSSU LAFORÈT

PROUVÈRBI.

Persounage.

MÈSTE LAPLAGNO
TANTO CLARO
JÓUSÈ
ESTÈVE
MOUSSU LAFORÈT

Travaïadou.
Sa mouiè.

Seis enfant.

Bourgès dou Plan de la
Gardo (Var).

SCENO I

MÈSTE LAPLAGNO.

Enfant, nouéstei pastèco an pas bèn reüssi :
Moussu Laforèt n'a, que soun pas luen d'eici,

De bello ! d'ou castèu ! soun davans sa façade ;
Lei ves de sa fenèstro, e lei cres bèn gardado.
En travessant soun bèn, li mi siéu acipa :
Ero niéu, fasié sour, li vesiéu quâsi pa ;
En lei turtant, moun pèd resquihè sus l'escorso,
Mi revessèri au sòu e mi fèri uno entorso ;
Mai va mi pagaran... va fau... lei tastaren.

JÓUSÈ.

Leu demàndi pas mai. Quouro es que l'anaren ?

LAPLAGNO.

De-vèspre ; proufichen de l'oucasien, qu'es bello,
Fau que nous preparèn ; nous saurrié de garbello.

ESTÈVE.

Nàni ! pèr lei pourta prenguen de canestèu :
Lei carrejaren mies, auren fini pu lèu.
Fau pas perdre de tèms dins aquéleis afaire.
Vous que sias vièi e goi, fau pas veni, moun paire !
Restas pèr escouta ; nàutrei dous l'anaren ;
Lei rabaiaren lèu, pièi lei carrejaren.

LAPLAGNO.

V' espèri ; partès lèu, e quand serès en routo,
Fès pas de brut ! que noun, quaucun siegue à l'escouto.
Lou mèstre, emé soun chin, que vènon de passa,
Van coucha ' Fenouiet, pèr deman li cassa.
Au castèu l'a degun e l'oucasien es bello.
D'eici tendrai d'à-ment e farai sentinello.
Merito, meis enfant, que li juguen lou tour !...
E va li jugaren, ma paraulo d'ounour !
Que sache, s'es tant fièr, lou tort qu'acò li pouerto !
Fau derraba lei planto e lei pèndre à sa pouerto.

ESTÈVE.

O, pèr si trufa d'eu fau faire quaucarèn :
Li diguèri bonjour e mi respoundè rèn.
Mi pensèri à despart : saurra que va mi pague !

LAPLAGNO.

Depènde que de nautre au-jour-d'uei.

JÓUSÈ.

Eh bèn, vague !

Estève e Jòusè van querre lei pastéco.

SCENO II

TANTO CLARO.

Mai n'avès bèn adu ! e que faren de tant !
Pèr lei tóutei manja faurrié qu'aguessian fam !
Se lei pouérta au marcat, que siégui rescountrado,
Pourrié bèn si saché que leis avèn raubado ;
E Moussu Laforèt deman boulegara :
Es tant fin ! e pertout lou gardo cercara.
Se vèn apereici saché ço que si passo,
Dei pastéco surtout que trove pas la traço.

ESTÈVE.

Ma maire, avès resoun, lei fau tóuti sounda,
E manjen lei meiour, sènso n'en ges garda.

JÓUSÈ.

Coumencen pèr aquesto... Es pancaro maduro.....

ESTÈVE.

Fau garda pèr lou pouere aquélei que soun duro ;
Lei metren au pouciéu.....

JÓUSÈ.

Se quaucun en passant

Lei ves, garo !

ESTÈVE.

Aquelo es roujo coumo lou sang.
Tè ! manjo aquelo trancho e gardo-n'en lei grano ;
Leis escoundras tout-aro au founs de la cabano.

LAPLAGNO.

Mai, lei pourrien trouva... Quand auren acaba,
Fau rejougne lei grano e lei bèn escouba.
Lei trancho, que lou pouere aurié panca manjado
Avans deman matin, que siegon aclapado...

Fan ço qu'an di.

SCENO III

MOUSSU LAFORÊT, *tout esmougu*, à
Laplagno que foui.

Laplagno !

LAPLAGNO.

Que voulès ? e que v'es arriba ?
En courrènt coumo fès, Moussu, pourrias toumba !

MOUSSU LAFORÊT.

M'an rauba mei pastèco e n'an pas leissa uno.

LAPLAGNO.

E quouro ?

MOUSSU LAFORÊT.

Aquesto nue.

LAPLAGNO.

Mai pamens fasié luno,
E de vouesto fenèstro... Anen ! va crési pa,
Voulès rire, Moussu, mi voulès atrapa !

MOUSSU LAFORÊT.

L'a rên de plus segur ! e se va voueles vèire,
Vène emé iéu : diras, après, s'es pas de crèire.

LAPLAGNO.

L'anen !

En arribant davans la pastequiero :

Oh ! lei couquin, que v'an tout empourta !
Verd e madur ! Parèis qu'èron pas desgous'a.
S'avien pas tout cuï, dirièn qu'es la jouinesso,
Qu'en passant... avien set, mai leis an tôtei presso.
Lei voulur ! lei bregand ! que vo v'an tout rauba !
Qu'an pourta lei pastèco e qu'an tout derraba !

MOUSSU LAFORÊT.

Vèn, Laplagno, vèn vèire uno cauvo plus fouerto..
Lei planto derrabado e pendudo à ma pouerto !

LAPLAGNO.

Acò 's tròu ! Lei bandit ! Se dependié de ieu,
De capoun coumo acò, lei faurrié brula viéu !
Avès resoun, Moussu, de vous metre en coulèro :
Aquélei que v'an fa, meriton lei galèro.
Vous rauba lei pastèco, e si trufa de vous !

MOUSSU LAFORÊT.

Lèn o tard, tout si saup : pèr aro fili dous.
Un jour seran pesca leis autour de la taro ;
La justici vendra... plus tard, s'es pas pèr aro ;
A l'uei dubert, dóu mounde escouto lei prepau,
Cerco, demandò... E tu l'ajudaras pa 'n pau ?
Co que ti diéu aquí, Laplagno, es pas pèr rire...
Sé sabiés quaucarèn, va mi vendriés pas dire ?

LAPLAGNO.

Poudès èstre segur, se se dis quaucarèn,
Que vous n'en farai part, qu'ignourarès de rèn...
Iéu demàndi pas mies que vous rèndon justici...
Sabès que sian vesin, siéu à voueste servici ;
S'avias besoun de nautre, aurias qu'à demanda ;
De-nue coumo de-jour mi poudès coumanda...
A passa de Bóumian qu'avien marrido mino ;
Pourtavon de paquet e de sa sus l'esquino ;
Avien segur pas l'èr d'èstre carga d'argènt :
Si saup que dins lou plan sian que d'ounèstei gènt,
Li sospèti degun... dei varlet ni dei mèstre.

MOUSSU LAFORÊT.

Iéu cèrqui pas tant luen pèr saché qu pòu èstre
S'es pas tu, serié pas quaucun de tei ami ?
Souvènt nouèstei vesin soun nouèsteis enemi.

V. THOURON.

La Gardo près Touloun, Outobre 1865.

LA MORT A VINT AN

Ah ! que siéu urouso de saupre
Qu'on se souvèn en Paradis !

ANTOUNIETO.

Au mes de mai, l'erbo nouvello
Demando qu'à durbi sa flour ;
Au mes de mai, la vierginello
Demando qu'à flouri d'amour.

Perqué doune, o bello Antounieto,
A vint an te descoulouri ?
Perqué doune carga la teieto
D'aquéli que volon mourir ?

Vint an !... la fresco pountannado !
Es lou soulèu, es lou seren,
Li niue d'estello courounado,
Li jour clar, lou cèu azuren !

Perqué doune rebuta la coupo
De la jouinesso e dóu honur ?
Perqué dire : O mort, vène, e coupo
Ma vido, trop pleno d'eseur ?...

Tóuti t'amavian, o chatouno !
Gènto e braveto à faire gau,
Aviès li vertu que Diéu douno ;
Eres l'ange de toun oustau.

Perqué doune ères pensativo ?
Quinte pougoun avies au cor ?
E perqué tant despachativo
D'être embrassado pèr la mort ?...

La mort di chato es un mistèri
Bèn defecile à penetra ;
Es un secrèt qu'au cementèri
Ené toun cors as embarra.

Dóu mens, se l'amo inmateriolo
Pòu davala, quand Diéu lou vòu,
Dis estendudo celestialo,
Pèr counsoula lis amo en dòu,

Amo urouso, amo apasimado,
Es pèr nautre lou plus marrit :
A-n'aquéli que t'an amado
Laisso-te vèire en esperit !

JAN BRUNET.

Avignoun, 1865.

(Tira di *Belugo* d'Antounieto de Bèu-caire.)

LI DARBOUN ENGENIAIRE.

Sabès que se travaio à-n-un camin-de-fèrri que, partènt d'Avignoun e remountant Durènço, dèu ana fin-qu'à Turin en travessant lou Mount Cenis. Mai aquéu Mount Cenis fau que se traucque, e lou pertus aura de long mai de tres lègo. Tres lègo souto terro, dins la roco ! fai trambla. Pamens li traucarié soun coumençado di dous bout, à Bardounecho e à Mondano ; de-niue, de-jour, la bourro di traçaire e l'aguhio di minaire roumpon, trepanon e bornon lou roucas, infatigablamen despièi belèu dous an.

Certo, lis engeniaire soun pas de farnagas e an pres sis amiro e si mesuro. Mai pamens, acò s'es vist, i plus fin li braio toumbon... Pourrié bèn arriba qu'en s'anant à l'endavans, e de-plegoun, dins lou vèntre de la mountagno, li dos chourmo de traçaire se manquèsson : i' a rènn d'impossible. E alor, counsideras quant de milioun perdu e de travai fichu !

Bèn vai que noste ami lou tiraire de plan, l'enventour saberu de la *Carreto di Porc*, dóu *Froumage de Baleno*, di *Bericle pèr ie vèire la niue*, emai dóu *Flahutas*, en un mot Charle Dàvid, a previst tout acò e a trouva remèdi à la mau-parado.

— Arrapas, dis, dous darboun, un masele e un femèu, au tèms de sa calourado : boudissès-lèi, l'un dins uno goulo dóu pertus, l'autre dins la goulo óupousado. Li dos taupo, moun Dièu ! traucaran en drechiero, d'aquí-que se rescoutron.

Acò-d'aquí es clar coume l'aigo-boulido ! car, encò di bestiàri, l'istint èi soubeiran e traucò mar e mount. E alor, dis Charle Dàvid, uno fes que pèr signau avès la darbouniero, i'a plus que de segui, sias segur de voste afaire : fau que vous rescoutrès... o que l'ase me quihe !

LOU CASCARELET.

A ROUMANIHO

QUE ME DEMANDAVO DE VERS PÈR AQUEST ARMANA.

Sabe plus canta, Roumaniho !
Siéu malaut de malancounié,
E quand boufo la broufounié
Eissamo pas lou brusc d'abiho.

A passa l'ouro dóu canta :
N'èi plus lou tèms de benuranço
Ounte cresiéu à l'esperanço
E pantaiave la bèuta.

Disiéu : Amen-nous, vierginello,
Car la jouvènço sènso amour
Es lou mes de Mai sènso flour,
Es la niue d'estiéu sènso estello. —

Mai moun pantai s'es esvali.
Messorgo soun amour de femo :
E dins lou dòu e li lagremo
Moun front de vint an a pali.

N'en siéu vengu, dins ma misèri,
Tant moun cor es las de soufri,
A desira de lèu mourir :
Auriéu la pas au cementèri !

Vaqui perquè siéu maucoura,
Perquè regounfle d'amaresso !
Ah ! laissez-me dins ma tristesso...
Pèr aro sabe que ploura.

EMILE RANQUET.

Vilo-novo, 19 d'Outobre 1865.

LOU RICHE E LOU PAÛRE

A L'AVOUCAT BARRET, DE CARPENTRAS

Un riche em'un paure un jour mouriguèron,
E pèr l'autre mounde ensèn partiguèron.
— L'un sènso regrèt, l'autre sèns remors,
Anavon, ravi de sa bono mort,
Empourtant tout-just, coume es l'ourdinàri,
La crous de soun front, e pièi soun susàri :

— Eh bèn ! fai lou paure, eici vas à pèd,
E nous disèn tu, parlant sèns respèt ;
Eici sian egau : anan dins la glòri,
Urous d'avè fa noste purgatòri,
Iéu emé ma femo, e tu 'mé toun or...
Avau nous batian, eici sian d'acord!...

Enterin que l'un ansin galejavo,
L'autre quinquè pas, e revassejavo.

Coume lou camin dóu cros vers lou cèu
Pèr li bon crestian es court e fort bèn,
Au sacra lindau arribèron Iéu.

— Pan ! pan ! durbès-nous ! — Quau èi ? dis sant Pèire.

— Nautre... Pèire duerb : — Hoi ! Moussu, ie dis,

Èi vous ! Cresiéu pas jamai de vous vèire...

Sieguès benvenu dins lou Paradis !

Tout lou mounde eici de bon cor s'apresto,

A vous bèn reçaupre : intras, faren fèsto,

Intras, car parèis que l'avès gagna ;

Sias digne d'ausi noste alleluia.

Farés un bèu Sant!... dóu-mens iéu lou crese.

Lou paure subran, pas plus gros qu'un pese ;

— Moussu, dis au riche, à vous lis ounour,

Intras lou proumié, pièi vendra moun tour.

— Intro, tu. — Noun, — Si ! — Noun ! ai lis iue tèndre,

E tant de clarta m'esbarlugarié !...

Vès, pèr lou moumen me sufis d'entèndre

Tant bello musico : intras lou proumié.

E lou riche intrè. Lou paure, pecaire !
Pèr dire un *Pater* s'escound en un caire.
Quand n'es au *fiat*, vaqui que subran
Pèr lou riche an mes li campano à brand,
Coume fan pèr Pasco eïçavau sus terro.

En ausènt acò, sachè plus ounte èro,
E coume un palet aqui restè sot
Lou paure ; e diguè : Mai qu'es tout eïço ?
Li riche toujours saran dounc li riche ?
Eici meme, eici soun li prefera ?
Li mai encensa ? li mai ounoura ?
Malan de bon sort !... Dirieu : Me n'en fiche
De soun Paradis, s'èro pas que Dieu
Lou prendriè pèr mau. Mai, per qué ie siéu,
Vole ie resta, vire negre o rouge.
Moun grand nous disie : Quau es bèn noun bouje !

Quand lou grand sant Pèire ausiguè sacra,
Roundina lou paure, e tant chapitra :
— Quau dounc auso eicito èstre tant renaire ?
D'aquel uganaud ! saguè lou clavaire.
Es tu, rafala ? Se i'a 'n pesouious
Es bèn toujours éu qu'es lou mai glourious !
— Dise pas de noun, bèu Sant venerable !
Oh ! mai, voulès pas, vejan ! que m'endiable
En vesènt qu'eici, coume avau tambèn,
Li riche soun tout, e li paure rèn ?
Cresès que siéu sourd ? Aquéli campano,
Pèr quau li brandas, pèr éu o pèr iéu ?
Fau pièi èstre juste. Ah ! lèi de bon Dieu !
Aqueu brut m'enràbio, e vès, me trepano !

E sant Pèire alor : — Mai, sies bèn entié !
Que sacres aqui coume un carretié ?
En plen Paradis agi de la sorto !
S'apoundes un mot, te bouté à la porto !
Festejan li riche, acò 's bèn vrai,
E s'ansin fasèn, es qu'ansin nous plai.

Tàli fèsto, ai ! las ! soun pièi tant requisto !
Fan pas nèblo eici, li riche. Ah ! ma fisto,
Sounan pas souvènt !... — Se falié souna
Quand un paure mor e qu'es courouna,
Eh ! gros gargamèu, aurian trop à faire,
Troubarian degun pèr èstre sounaire !

J. ROUMANILLE.

25 de Setèmbre 1865.

LI DINDO.

Èron bello, li dindo de Coulau, forço bello, e se lou cresien ! Falié lis
ausi quand fasien *glou ! glou ! glou !* N'avié dos, e grasso à lard ! Li
mitounavo pèr festa Calèndo, Coulau, e lis avié emboucado éu-meme, e
se ie miraiavo !

Apereïça vers sant Ousèbi, de maufatan lipet, que voulien peréu festa
Calèndo, raubèron li dindo, au calabrun, e pendoulèron à la cadaulo de
Coulau, li gusas ! un tros de papié ounte escriguèron : « Coulau, ti
» dindo soun au poun que fau. Se l'an que vèn vos nous lis apresta
» coume acò, te li prendren au meme pres. »

LOU CASCARELET.

ANTOUNIETO DE BÈU-CAIRE.

N'avié mes au front uno estello
Tosto Muso, e d'eilamoundaut
Avié veja sa canestello,
Tout un tresor dins toun faudaut

Ères amado, jouino, bello :
La Mort t'a visto, e t'as fa gau,
E t'a 'mpourtado, riserello,
Leissant lou dòu à toun fougau.

O Mort, es pas la chato urouso
Que falié sega despietouso
Dins la glòri de si vint an,

Mai es ièu, maire, pauro femo,
Que bagne en van de mi lagremo
Lou brès vuege de moun enfant !

ROSO-ANAÏS ROUMANILLE.

25 de Janvié 1865.

MERLE O MERLATO?

I

Èro la vueio de Calèndo; Jaque Barrau, de Perno, anè cassa, e tuè 'n merle. En arribant : — Tè, Nanoun, fai à sa femo, plumo acò pèr deman.

— Oh! diç Nanoun, la bello merlato!

— Es un merle, fai Barrau.

— Èhèi! veses pas qu'es uno merlato?

— Iéu te dise qu'es un merle!

— E iéu te disé qu'es uno merlato!

— Sies un pico-pebre!

— Sies un pau-de-sèn!

— Oh! d'aquelo souiro! Tout-aro te....

— Es uno merlato!

— Ah! es uno merlato? Eh bèn! espèro....

E foutrin! e foutrau! de bacèu, de grafignado! Couifo d'eici, capèu d'eila! Quèntis espoussado!

Enterin que s'espoussavon, la cato rapinè lou merle... o la merlato, e s'esbignè. Courre-m'après!

II

L'an venènt, la bello vueio de Calèndo, Barrau e Nanoun anavon pausa cacho-fio e manja si cacalaus, quand Barrau :

— Que, Nanoun, coume fuguerian bèsti de tant nous espoussa lis argno, l'an passa, tau jour que vuei, pèr aquèu merle!

— As prèun resoun. Iéu disiéu qu'èro uno merlato, parai? E, bouto, vai, n'èro segur uno.

— Èro fort bèn un merle. Lou sabe bèn, iéu que lou tuère.

— Moun bèu, me sèmblo que la vese : èro uno merlato.

— Sies mai aqui emé ta merlato? Que sies cacho-pesou, pamens!

— Coume sies testard, Jaque!

— Te teisaras, chaupiasso!

— Oh! laid moudèle! laid travail! Èro uno merlato!!!

— Ah! èro uno merlato? Eh bèn! tè....

E foutrin! e foutrau! de bacèu, de grafignado! Couifo d'eici, capèu d'eila! Quèntis espoussado!

E dire, pamens, que i'aura sièis an pèr Nouvè qu'aquèu trin duro!

AU LESERT

Tradu de l'Anglès, pèr F. Mistral.

I

Prim lesert, lesert courous,
Lusejant au soulèu rous,
De te vèire siéu urous!

Davans iéu, lesert moudèste,
Que ta pòu adounc s'arrèste,
Pèr qu' aquéu bonur me rèste !

Car me fas autant de gau
Que dis erso lou fougau,
L'arc-de-sedo celestiau,

La couquiho acoulourido,
O l'agrèsto margarido
Qu'es d'argènt e d'or flourido.

Noun per-ço-que d'un aubere
Tout brihant de diamant verd
Toun cors fréule es recubert,

— Autant riche e bèu ansindo
Coume un soubeiran dis Indo,
Quand sus lou trone se guindo,

O de Jòu lou fiéu alu (*),
Quand fendié li nivo blu,
Esempant milo belu ; —

Nimai per-ço-que, pecaire !
Sies eregnènt e boulegaire
Coume un cor de chato, au caire

De toun pichounet courtiéu
Ounte, siau e pensatiéu,
Te souleies tout l'estiéu,

Ounte, esmougu, te reviho
Lou cascai d'uno graviho
O lou vounvoun d'uno abiho ;

(*) Persiéu.

Mai de tu ço que me plais,
Fin lesert, es que toun biais
Justamen au miéu retrais.

II

Coume tu voulountié trêve
Li rouino, pleno de rêve,
Ounte dōu passat m'entrêve :

Castelas, tèmple, couvènt,
Vuei dubert i quatre vènt,
Mai d'istòri grand savènt ;

Lis Areno e si caverno
Que sus li cièuta mouderno
Escampon soun oundbro eterno ;

E la colo emé si baus
Ounte canton en repaus
Li perdris dins lis avaus.

Coume tu, dins lou mistèri
Léu m'escounde, s'un arlèri
Fai brusi soun treboulèri,

E pas mai que tu m'enchau
De trepa sus lou lindau
Que trapejon li badau.

Ames, creaturo misto,
Dōu soulèu te metre en visto,
Car sènso éu lou Bèu noun isto ;

Ames béure si rai d'or
E senti soun reconfort,
E lusi dins soun ressort.

Iéu ansin visquèsse entanto
Dins la souleiado santo
D'Apouloun, lou diéu que canto !

M'abéurant à soun trelus
E nadant dins soun infus
De pouësio, tout nus!

Ah ! deforo, toujours vihe
E toujours escarrabihe
Lou soulèu, e pèr tu brihe !

E dedins, dins moun oustau,
Que de-longo brihe tau
Apouloun, lume inmourtau !

O, que lou diéu adourable
Que fai lusi sus toun rable
Un aubere tant amirable,

Emé l'auto resplendour,
Atribut dóu Creatour,
Iéu, m'ilumine à moun tour !

E di elàris espóussado
Que dóu cèu jito à brassado
Revestigie ma pensado !

III

MANDADIS

De Maiano grand soulèu,
Qu'as daura lou fres tablèu
De Mirèio, dauro lèu

Emé la bloundo lusido
De ta lengo amourosido
Que regalo moun ausido,

Dauro moun lesert de gres
Que, pecaire ! fai tres-tres
Dins soun abihage anglès,

E pourra belèu retraire
I lesert dé toun terriare,
O Mistrau, tu qu'ame en fraire !

GUINÈN C. BONAPARTE WYSE

CANT ESPOUSIÉU

La bello nòvio es maridado
Emé quau vòu ;
E lis amour dins sa faudado
Nison à vòu.

Lou galant nòvi a la còumpagno
Que Diéu voulié :
Podon flouri sus la mountagno
Lis amelié.

Li long souvèt de dos famiho
Soun countenta :
Lis auceloun dins la ramiho
Podon canta...

Mai, galant nòvi, me retire :
Vous-àutri dous,
Sèns tant parla, saubrès vous dire
De mot plus dous !

F. MISTRAL.

LARGUESSO

Lou brave Aubert menavo à rèndo un di mas de Moussu de l'Arpo.
Un dimenche, avans dina, Aubert, e soun cinat, i'aduguèron pèr
présent, em'un bon sa d'ourtoulaïo, dous parèu de poulet, un parèu de
pijoun, em'un gros panié d'iòu.

— Intras, ie diguè Catarino, la servicialo. Moussu de l'Arpo es dins
soun gabinet : vau ie dire que sias arriba.

— Moussu, dis Catarino à soun mèstre, voste rendié, 'mé soun drole,
vènon vous vèire, e vous aduson d'ourtoulaïo, de poulet, de pijoun em'un
panié d'iòu. Fau li faire dina.

— Fasès-lèi dina.

— Que ie fau metre ?

— Eh ! bèn, metès-ie.... Fau ie metre un iòu enciha.

— Un iòu enciha ! Que voulès que vous digue, Moussu ? Cresès que
n'auran proun ? Soun dous.

— Hòu ! pièi, tenès, Catarino, metès-n'i'en dous, e erèbe l'avariço !

LOU CASCARELET.

LIS AURIHO.

Lou Curat de Mouniéu avié 'no manio : èro, quand dounavo un repas, de s'oucupa de la cousino ; — de la cousino, es pas lou mot, — mai dóu preparadis, coume dirian, d'amoula li coutèu, d'enasta lou roustit, etc. l'a proun pichot bourgeois qu'an aquelo abitudo.

Un jour, counvidè à dina l'ermito de Sant-Gènt.

— Mariano, diguè à sa chambriero, vuei, auren à dina fraire Pantàli : boutarès couire, emé quaucarèn autre ; e pièi farès rousti aquéli dos becasso, que Pascrau Escoufié, moun cousin de Tuleto, me mandè l'autre jour.

— Acò suffis, Moussu !

Misè Mariano se bouto en cousino, pènjo l'oulo au cremascle, met lou toupin au fio, e fai rousti la casso dóu cousin Escoufié.

Or, veici qu'en virant, toumbè de l'ästi, dins la lichafroio, un moussèu de becasso.

Mariano lou tasto e lou trovo pas marrit ; pièi, se lipant li det :

— Aquelo pèço, dis, aro n'a plus ges de gràci, tant vau l'acaba !

E, hau ! la bono fiho chico l'aucèu goustous.

Mai l'apetis vèn en manjant ; e nosto consiniero, arragardant lou rèsto em' un èr entendu :

— Uno pauro becasso, dis, que sara pèr dous ? Es un roustit pas presentable....

E, ma fisto, acò di, esquicho, empasso ! n'en fai qu'uno mourdudo. Fisas-vous di chambriero !...

Acò vai bèn.

Fraire Pantàli arribo :

— Bonjour, misè Mariano !

— Frai Pantàli, bonjour !

— A panca di sa messo, Moussu lou Curat ?

— Pancaro, frai Pantàli ; mai assetas-vous, pòu pas tarda....

— M'a counvida pèr dina 'm' éu, vous lou dèu avé di.

— Ah ! me l'a que trop di ! alor vèn Mariano em'un biais pietadous.... Moun paure fraire ! moun paure fraire ! n'avès dounc trop, de dos auriho ?

— Coume ! de dos auriho ?...

— Sabès dounc pas, sant ome, que Moussu lou Curat, pèr soun dessert, manjo d'auriho ?... Se lou voulès pas crèire, regardas : quand n'a de rèsto, li pendoulo amount.

E Mariano ie fai vèire uno courdelado de berigoulo que se secavon au saumié.

— Mai es poussible, bono Maire de Diéu ? diguè l'ermito de Sant-Gènt en venènt pale.

— Talamen es poussible qu'entre intra dins la elastro, — l'anas vèire, — entre intra, demando li coutèu, li passo un contro l'autre, e copo lis auriho.... de quau pòu.... Acò 's sa malautié : fau que n'en manje.

Aqui-dessus, lou capelan de Mouniéu intrè.

— Ah ! bon, dis, frai Pantàli, sias eici ?.... Mariano, baias li coutèu....

Quand lou paure ermitan entend parla de coutèu, pren d'aquelo erbo, mis ami de Diéu, e vène me querre !

Mai lou curat fai à sa servicialo : — Ounte soun li becasso, que li bouten à l'asti ?

E Mariano ie respond :

— Avès pas vist lou fraire que lis empourtavo ?

— Voulès badina, foulasso !

Tout-d'un-tèms lou capelan sort sus la porto, si coutèu à la man, e vesènt eilalin l'ermito que landavo, ie crido coume eiçò :

— Frai Pantàli ! frai Pantàli ! au-mens, de dos uno !

Mai tout courrènt, fraire Pantàli ie replico :

— Ni l'uno ni l'autro, manjo-crestian !

LOU CASCARELET.

ZINO

Ai ausi dins lou boues galoio retournello

Que bresihavo Filoumèlo

Coumo n'aviéu ausi jamai ;

Segur de l'auceloun la voues es claro e fino,

Dirias lou cant d'uno angelino ;

Mai quand dirias encaro mai,

Acò 's pas lou canta de Zino !

Viéu se pavouneja, sus nouesto permenado,

De chatouno bèn aliscado

Que d'uiav parton de seis ue :

Si, la roso flouris subre sei gauto fino ;

Mai cmé seis èr d'angelino

E sei bèn vistoun plen de fue,

N'an pas lou dous regard de Zino !

Ai peréu lou dimeneche agu vist à la messo
De bràvei chato, umblo e soumesso,
Que pregavon de couer soun Diéu ;
Mai n'avien pas lou biais d'aquelo perlo fino
Quand prègo coumo uno angelino,
Simplo coumo la flous dóu riéu ;
Mai n'avien pas lou biais de Zino !

Lei faroto qu'avèn dins nouesto gènto vilo
Parèisson pas se fa de bilo,
S'enchauton pas mau dei counsèu ;
En n'escoutant degun creson d'èstre plus fino
E saran jamai d'angelino,
Autramen di, perdran lou cèu :
— Lou perdras pas, tu, gènto Zino !

Mies que lou roussignòu canto la piéuceleto.
Seis ue coumo doues esteleto
Lusisson souto soun front pur ;
Soun poulit péu bloundin eadro sa caro fino...
— Oh ! bèu tresor, douço angelino,
Quand reseontre teïs ue d'azur,
Coumo urous iéu te bèle, o Zino !

Vau te dire en dous mot, bello, coumo iéu t'ame,
E pèr tu nuech-e-jour m'aflame :
T'ame coumo un an de printèms,
Tant coumo l'agneloun amo l'erbeto fino,
Tant qu'un àngi soun angelino,
E mai qu'un rèi iéu siéu countènt
Quand pouede te 'n pau vèire, o Zino !

T'ame mai que noun amo à pausa seis aletò
Lou parpaïoun sus lei floureto,
La lagramuso lou soulèu,
Mai que lou tourtourèu sa tourtourelo fino,
Mai qu'un anjoun soun angelino,
Mai que l'abiho amo lou mèu...
Iéu t'ame mai-que-mai, o Zino !

LOUIS MOUNET.

LA CHATO E LA MORT

(PÈR ANTOUNIETO DE BÈU-CAIRE)

LA CHATO.

O Mort, pieta d'uno chatouno !
Vole pas, vole pas mourir !
Ai panca trena ma courouno,
Tóuti mi flour an pas flouri.

LA MORT.

Enfant, li flour que la Mort douno
Quand vèn deliéura l'esperit,
Soun pas d'aquéli passidouno
Qu'un soulèu vèi naisse e peri.

LA CHATO.

A mi fres pantai de jouvènço,
A mi cansoun, à ma Prouvènço
Vole pancaro dire adieu.

LA MORT.

Vène emé ièu, que siéu la vido,
Vène ! e benesiras, ravidó,
La misericòrdi de Diéu !

Mai 1865.

J. ROUMANILLE.

L'EMBRIAGO

Èro un chuchho-moust coume n'ia gaire, Jan de la Tino ! E quand cargavo soun plumet, cresié que l'anavo bèn, car lou gardavo tres jour, e lou vesien plus à sou oustau.

Un vèspre, qu'èro encouca, e que fasié tibra sa guèto, anè, balinbalant, trouva l'entarro-mort :

— Simoun, ie diguè, moun brave Simoun ! i'a quatre jour que manque de l'oustau ; me cerque, m'atrobe pas, e iéu noun sai ço que siéu devengu ! Digo-me, moun ami, digo, m'auriés pas entarra ?... S'ère segur d'èstre en terro, me cercariéu plus.

LOU CASCARELET.

SE VOULIÈS M'AMA !

(PARLA DE LENGADÒ)

Dempièi lou premiè jour, poulido ! que veguère
Tous iels tant bèus, tous iels ounte à plens gots beguère
Un quicon de tant bo, l'amour s'es embauma
Dins mouñ cor, e dempièi i fai brula 'no flamo
Que cade jour tous iels empuron dins moun amo :
Poulido, se vouliès m'ama !

Se tu saviès de-qu'ès aquel fio que me tuio,
Belèu sariès pas plus, ò divino estatuio,
Frejo e duro pèr ièu. Ah ! moun cor espaima,
Aquel fio sèns espèr lou seco coumo un sièure ;
Mai lou fio que lou tuio alor lou farié vièure,
Poulido, se vouliès m'ama !

Me lou fau, toun amour, pèr vièure... Que la vido,
Avans de te counèisse, èro pèr ièu, poulido !
Èro un rajòu de la qu'amave de chimà...
Te veguère, e dempièi la vido m'ès amaro.
Mai, bèn mai que davans me sarié douço e claro,
Poulido, se vouliès m'ama !

Pèr gagna toun amour, tè, de-que vos què fague ?..
Aro, se me disiès : — Ta vido, fau que l'ague
Après qu'à mous ginouls auras vint an trima, —
Soufririèi mous vint ans ; à la fi de ma peno,
Mouririèi à tous pèds, de bonur l'amo pleno,
S'aquel moumen vouliès m'ama !

Mai un jour m'amaras, acò 's dins ma pensado,
E toutes dous, soulets, faren nosto nisado
Souto un cèl azuren, dins un bos bèn rama...
Aqui cantaren Diéu qu'a mes l'amour sus terro !...
Mai vese dins tous iels ço que moun cor espèro,
I legisse que vos m'ama !

ALBERT ARNAVIELLE.

L'OME TREMUDA EN ASE

I

Mèste Blai èro un brave ome de Caroubm que partejavo soun cor entre soun ase e sa mouié. Anavo jamai à l'estable que noun poutèsse à Cendroulet de rusco de meloun, de pelagno de pero e quauque tros de fougasso. Tambèn, au bourriscoun, lou péu ie lusissié, avié l'auriho redo, e valié mai de vint eseut.

Es pèr acò, ma fisto, que de laire, uno niue, intrèron dins l'estable e raubèron l'animau. E, la couquinarie ! pèr que Mèste Blai noun anèsse se plagne e denouncia lou raubatòri, un di raubaire carguè lou cabestre e demourè au rastelié, à la plaço de l'ase.

Lou mèstre de-matin, s'avançant vers l'estable, entend pas, coume decoustumo, brama Cendroulet.

— Sarié malaut ? se dis. Intro... e à la grùpi vèi l'ome encaussana :

— Que fasès aqui, vous ?

II

— Ah ! mèstre, moun bon mèstre, lou laire ie respond, leissas proumié que vous remercie pèr tout lou bèn que m'avès fa, dóu tèms qu'ère bourrisco.... E sachès pièi, bon Mèste Blai, que i'a sèt an e mie que m'ère marida... em' uno bravo chato de Malauceno.

Li proumié mes, teniéu la rego, sourtién pas : la femo èro countènto, e l'oustau èro drut, e tout anavo bèn. Mai, pèr coumpagno, coume dison, Mounsen Jan se bagnè 'mè sis auco. De galo-bon-tèms m'entrinèron : anère au cabaret, au jo, i marrits oustau ; m'embraguère, berlandejère, gourrinejère... Basto, un matin que rintrave à l'aubo, la femo vouguè dire quaucarèn, lou sacrebièu me pren, l'agante pèr li péu, l'estaque à la pecouliero dóu lie, e ie mande uno rousto, à grand cop de barroun, que cujè n'en peri : aguè tres costo enfounsado.

Eh ! bèn, bon Mèste Blai, lou creirès o noun, lou bon Diéu me mostrè miracle !.. Oh ! m'amerito ! Me coundanè, pèr penitènci, à resta sèt an ase.

Moun proumié mèstre, — lou fio de Diéu lou cure ! — sieguè 'n patiaire d'Eigaliero, que me fasié manja, — pas moun sadou, encaro, — rèn que de cauco-trepo emé d'auriolo, e me tanavo coume un cuer, e me fasié trima pire qu'un galiot, pèr mi pecat, ai ! las !

Vous asseure, anas, qu'ai rebouli ! Vès, ma co se pelavo ; ère maigre, pecaire ! coume uno canisso, e vermenous ! Mi plago abarissien un cissame de mousco de mai de quatre ciminol... Que Diéu vous en pre-

serve, dóu mau qu'ai endura ! Mai, coupén court. Lou patiaire estènt mort, es vous, moun brave mèstre, que me croumperias. Osco ! acò fuguè 'n plesi ! Sougna coume voste enfant, bèn afena e bèn acivada, mi plago se sòudèron, li mouseco s'enanèron, lou péu me revenguè, e m'escarra-bihère coume un gârri de feniero.

Mèstre, gramaci doune, e bèn dóu founs dóu cor, pèr li siuen amistous que m'avès douna sèmpre... Mi sèt an de penitènci vènon de fini aro à l'aubo, e lou bon Diéu (èro pas trop lèu !) m'a rendu ma formo d'ome.

III

Mèste Blai èro candi, e durbié d'iue coume un cat que béu d'òli. Tout esmougu pamens, lou meno à la cousino, lou fai bèn dejuna, ie baio uno pèço de trento sòu, e m'acò lou chabis en ie disènt :

— D'abord qu'acò 's ansin, moun paure Cendroulet, aro adiéu doune ! Vai-t'en, moun bèl ami, à toun oustau, e siegues brave ! Anes plus i cabaret, ni dins li turno, e trèves plus li libertin. Agues bèn siuen de ta femo ! Souvèn-te de la leïçoun que ta baiado lou bon Diéu ! E agues longo-mai davans lis iue lou bastoun dóu patiaire d'Eigaliero, si caucotrepo, sis auriolo, e li quatre eimino de mouseco.

— Siegués tranquile, respoundeguè lou laire.

IV

Passo un jour, n'en passo dous, e lou besoun d'un ase se faguè lèu senti. Mèste Blai, au bout d'uno quingenado, pren lou camin de Carpentras, pèr s'achabi un autre pòutre. Ero la fiero de Sant-Sifrèn...

Or, coume lou bon-ome intro au fierau dis ase, vai n'ausi brama un que lou fai tresana. Se reviro, e que vèi ? que vèi, tout espanta ? Vèi soun paure Cendroulet que ie fai la benvangudo de sa plus bello voues, e lou reluco en chaurihant, e ie reclamo en grand musicolou trosde fougasso..

Mai Mèste Blai aquest cop se fachant :

— Ah ! sacre gourrinas, crido au bourrisco, ah ! lou bon Diéu t'a mai moustra miracle ? Ah ! ie sies tourna, au cabaret ! Ah ! ie siès mai ana vers aquéli femasso ! Ah ! l'as mai tabassado, ta pauro mouié !... Eh ! bèn, moun ome, quau noun te counèis, que t'achate ! Dins moun estable, iéu vole ni brutau, ni embriago, ni roufian.

LOU CASCARELET.

— l'a ges de porto sènsò martèu.

— l'a ges de carretié que sa carreto noun revèsse.

LOU PAPAGAI ROUSTI

Dins la court d'uno aubergo, un perrouquet barjavo dóu matin au vèspre.

Arribo un Gascoun :

— Aquel aucèu verdau, vèn coume eiçò à l'oste, 'es bon pèr manja ?..

— Eicelènt, ie respond l'oste.

— E quant n'en farès paga ?

— Vint eseut.

— Costo pas forço, cap-de-diéu ! Poudès lou metre à l'àsti.

Uno ouro après, l'aubergisto fai au Gascoun :

— Moussu, la taulo es messo.

— E l'aucèu, es bèn cue ?

— Oh ! rous coume un fiéu d'or, e sènt qu'embaumo....

— Ah ! bèn, acò vai pla ! heilas-m'en pèr dous sòu...

LOU CASCARELET.

REMEMBRANÇO

Era già l'ora, che volge 'l dislo
A' naviganti, e 'ntenerisce 'l cuore
Lo dì ch' han detto a' dolci amici addio :
E che lo nuovo peregrin d'amore
Punge, se ode squilla di lontano,
Che paia 'l giorno pianger, che si muore.

(Dant.-Div. Comm.-Purgatorio, c. viii).

Èro uno chato de Prouvènço
Naseudo i bord de la Durènço
Dins un jardin, contro lou Riau ;
Soun oustau es au pèd d'un moure
Qu'aubouro au cèu dos gràndi tourre,
Ounour dóu païs prouvençau.

Dins soun mas, elo emé sa maire
Vivien tóuti soulo, pecaire!
En pregant Diéu e bèn-fasènt ;
La primo-aubo li revihavo ;
La niue, la luno li vihavo
Emé si baneto d'argènt.

E me dounè touto soun amo
Davans l'autar de Nostro-Damo
Un bèu matin dóu mes d'abrieu :
En aquéu jour, o Crous divino,
Quau m'aurié di que la mesquino
Restarié tant pau emé ièu !

Dintre mi bras, palo e mourènto,
Espirères, pauro doulènto !
Aro dormes ounte tout dor,
Douço amigo de ma jouvènço !...
Oh ! l'amarun di souvenènço ;
Me poun e me tranco lou cor !

E me leissères, o ma bello,
Un pale enfant, bloundo jitello...
Segur, l'ame coume mis iue :
Mai, li brassado d'uno maire
Sèmblon li caresso d'un paire
Coume lou jour sèmblo la niue.

Tóuti lis an, la Madaleno
Dins la Prouvènço me remeno
Acoumpagna de noste enfant ;
Anan vèire, ounte lou leissères,
Lou bèu rousié blanc que plantères
Lou jour que nous mariderian.

Lou paure mas, aro, es bèn sourne !
A jour fali, quand me i'entourne,
Vese plus res sus lou lindau ;
Tóuti li porto soun barrado,
E la regalido aflamado
Petejo plus dins lou fougau.

Quand la pampo se descourouno,
Ie vène ausi boufa l'autouno
A la vihado dóu-calèu ;
Ie vène ausi, dins la vesprado,
Lou brut di campano aliunchado
Que plouron lou jour mourtinèu.

E d'enterin, l'ouro s'avanço,
Ounte, coundu pèr l'esperanço,
Nous reveiren i pèd de Diéu :
Alestissès-nous, bono Maire,
Pèr que pousquen davans lou Paire
Nous ama 'nsèn, elo emé iéu.

G. C.

Remoulin, lou 20 de Setèmbre 1864.

LIS IRUGE

Jan de la Touseco, de Mountéu, se sentié pas bèn, e mandè querre lou medecin.

Lou medecin veguè sa lengo, ie tastè lou pous : — Sara pas rèn, diguè. Boutas-vous uno vinteno d'irugè sus l'estouma, e' m' acò bello finido !

E lou malaut faguè lou remèdi, e lou remèdi grand bèn ie faguè.

Quand pièi, de vèspre, tournè lou mège pèr vesita soun malaut, regardè sa lengo, ie tastè lou pous : — T'ai sauva, ie diguè. Ah ! bèn, aro te lou pode afourti, n'as escapa d'uno bello ! E dire que quàuqui bestiolo t'an tira d'aquí !

— Oh ! mai, faguè Jan de la Touseco, lis avèn mes à la sartan, i'avèn apoundu quàuqui tartifle... e dins un òli, Moussu, un òli qu'embaumo e que revendrié 'n mort !

— Lis as manja !!

— Eh ! falié li béure ?

LOU CASCARELET.

— N'es pas miracle de resquiha quand plòu.

— Noun i'a talo mourdeduro que d'un pesou revengu.

— Noun i'a tau fio que de vièio banasto.

— Quau tiro trop, fai dous bout.

— Quand an fa dóu barralet,

Lou trason pèr la paret !

— Quau bèn se mesuro, bèn se counèis ;

Quau bèn se counèis, pau se preso.

— Tóutis lis antan soun bon.

SALUT I TRAVAIAIRE

A l'oucasoun d'ou Coumice tengu à Veisoun, lou 9 e lou 10 de Setembre 1865.

ER : *Salut aux Chanteurs de la France.*

I

Salut, salut, bràvi gènt, travaiaire,
Mèstre, varlet, meinagié, venès lèu ;
Venès lucha 'mé l'eissado e l'araire :
Joio e travai saran voste drapèu. (ter)
Quand lou soulèu, l'estiéu, dardaïo
E qu'à l'oumbrun lou gourrin dor,
Vous-autre, arma de bôni daïo,
Couchas au sòu l'espigo d'or.

II

Salut, o fiéu de la terro fegoundo !
Amas-la bèn, vous e vòstis enfant,
Car de soun sen alargant tout desboundo,
L'òli, lou mèu, la sau, lou vin, lou pan. (ter)
Urous, de Diéu cantas lis obro ;
Demandas-ie plueïo e soulèu.
Vosto vido paciènto e sobro
Es un eisèmples grand e bèn.

III

Salut, granjié de noste drut terraire !
Au sant travai dreissas vòstis enfant ;
Ensignas-ie d'ama lis ome en fraire
E de jamai dire au paure : « A deman ! ». (ter)
Fousès en pas la terro bruno ;
Se l'estrangié pren lou fusiéu,
Alor aubouras-vous tout-d'uno
Pèr l'Empereire e pèr soun fiéu !

Alc MAZEN.

— Quau fai Calèndo de si porc,
Au bout de l'an n'a tres de mort.

A LA DOUTRINO

- Vejan, à tu, Verdoulet, sies crestian ?
- Sièu crestian pèr la gràci de Diéu.
- Vai bèn. E quant i'a de Diéu ?
- N'i'a qu'un.
- E de persouno en Diéu ?
- Soun tres: i'a lou Paire, i'a pièi lou Fiéu, i'a peréu lou Sant-Esperit.
- Vai bèn. Lou Paire es Diéu ?
- Eto-mai.
- Lou Fiéu es Diéu ?
- Ah ! pancaro... Quand lou Paire sara mort.

LOU CASCARELET.

LA SERVÈNTO PAGESO

SUS L'ÈR : *Je veux revoir ma Normandie...*

Despièi qu'ai quita moun vilage,
Que sièu luencho de moun oustau,
Qu'ai leissa ma maire dins l'iage
E moun paire, qu'a souvènt mau;
Despièi qu'ausi plus moun lengage
E que pàrli plus prouvençau,
Regrèti toujour moun vilage,
Regrèti toujour moun oustau.

De moun lie vesiéu la campagno
Cuberto d'aubre emai de flour ;
Vesiéu escala la mountagno
Ei troupèn segui dei pastour ;
Vesiéu dei fiho de moun iage
Lei danso, lou rire, la gan :
Vouéli mai vèire moun vilage,
Vouéli mai vèire moun oustau.

Despièi que rèsti dins la vilo,
Ai plus degun pèr counfisa ;
Mi dison : *Vous êtes gentilo*,
Mai li si fau pas tròu fisa.

Lei travaïadou soun plus sage ;
Soun plus paure, mai m'es egau....
Retourni mai dins moun vilage,
Retourni mai dins moun oustau.

V. THOURON.

Touloun (Var).

LI SOURNETO DE MA GRAND LA BORGNO

JÛRGI-BANET.

I

L'avié 'no fes un nèsci nouma Jõrgi-Banet. Sa maire lou mandè querre d'aguhio.

Jõrgi-Banet vai croumpa lis aguhio. E, quand lis a croumpado, s'en-tourno au bastidoun e li porto à la man. Mai en passant contro un païé, vèi, ma fisto, un passeroun qu'èro pres à-n-un las.

— Oh ! lou bêu passeroun, dis, laissez que l'agante !

E pèr se desbarrassa, planto dins lou païé lis aguhio que l'empachon. Pièi, quand a pres l'aucèu, vòu cerca sis aguhio : bouseo que bousearas ! li trovo plus.

— Ma maire me charparié, dis, oh ! i'a pas de mitan, fau pamens que li trove !

E que fai lou bedigas ? Bouto lou fio au païé, pèr cerca lis aguhio dins li cèndre... Mai vous demande un pau se li dèuguè trouva !

— Ah ! darut ! sa maire ie cridè, d'avé brula 'n païé pèr cerca dous-liard d'aguhio ! Poudiès pas li larda dins ta mancho ?... Tè, pataras, vai faire apoucha la reïo !

Jõrgi-Banet vai vers lou manescan ; e, pounchudo la reïo, sabès pas ço que fai ? la lardo dins sa mancho : vous laisse à vèire quent estras !

— Ah ! gargamèu ! sa maire ie cridè, d'avé peri ta bello vèsto en ie lardant la reïo ! Poudiès pas la pourta sus toun espalo ?... Vai, tarnagas, vai-t'en querre lou pore, qu'es eilavau dins lis estoublo...

Jõrgi-Banet s'envai querre lou pore ; e'm'acò se remembrant la repri-mendo de sa maire, lou cargo sus l'espalo à sant-eristòu. Mai lou pore, tron de goi ! long dóu camin, ie manjè pas l'auriho ?...

— Ah ! grano d'abesti ! sa maire ie cridè, de s'èstre fa manja l'auriho pèr lou pore ! Que noun lou tirassaves après tu !... Alor saubras jamai rên faire ?... Marcho, gros pòutre, marcho vers la vesino i'emprenta soun peiròu, pèr faire bugado.

Jòrgi-Banet lando vers la vésino, e quand a lou peiròu, l'estaco em'uno cordo, e patatin ! e patatòu ! tirasso lou peiròu tout-de-long dóu camin... Poudès proun vous pensa quant ie faguè d'encloutaduro !

— Ah ! sacre testoulas ! sa maire ie cridè, l'a gens de bèsti que te passe ! me pode plus fisa de tu : me fariès veni folo... Que lou diable t'emporte !

II

Falié pamens faire li coumessioun ; e la niue s'avançavo....

— Jòrgi-Banet, sa maire ie diguè, ve, vau eroumpa 'n pata de pebre, tu gardo la bugado ; e mete-ie dessus, quand lou leissièu aura passa.

— Azò sufis, ma maire !

Vaqui doune meste Jòrgi que coulo la bugado. Tout en la coulant, e empurant lou fio, e dounant li bouiènt, Jòrgi-Banet acampo set. Pren doune lou poutarras e vai tira de vin.

Mai, noum de sort ! dóu tèms qu'es au celié, entènd lou peiròu qu'es-campo : vai-te faire lanlèro ! Cour vitamen pèr leva de leissièu, e, lou fada, laisso duberto la canello ! Quand revèn au celié, la bouto èro escampado...

— Ah ! moun Diéu ! diguè lou paure, aquest cop ma maire m'ensuco ! Lou plus court es de curbi lou mal-adoubat..

Tant fa, tant va ! pren lou sa de la farino, e lou vejo, pataflòu ! sus lou garrouias de vin.

Mai la elusso que couvavo fasiè *clou-clou ! clou-clou !*

— Ah ! marrido barjaco ! ie vèn Jòrgi-Banet, lou diras à ma maire ? Tè, vaqui pèr ta lengo !

E zóu ! de rambaiado ie mandant lou fauci, còu-treco la galino.

— Ai ! ai ! ai ! eh bèn ! aro, quau couvara lis iòu ?... l'a qu'uno causo à faire, diguè lou dukanèn, es de me ie metreubre.

E moun Jòrgi-Banet s'agrouvo sus lis iòu.

III

La maire enfin arribo :

— Jòrgi ! Jòrgi ! ounte sies ?

— Siéu eici, maire, què couve...

— E coume vai que couves ?

— Eh ! bèn, per-ço-que, maire, ai tua la galino...

— As tua la galino ! ! E perqué l'as tuado ?

— Per-ço-que voulié vous dire, maire, qu'ai degaia la farino....

— As degaia la farino, moustre ! E perqué l'as degaiado ?

— Maire, pèr acata lou garrouias de vin... qu'ai escampa la bouto...

— As escampa la bouto ? O bastard de quauque diable ! brigand, taean

de pas, escapa de galèro ! Moun Diéu, que sort ! Sian arrouina de-founs ! nous rèsto plus que lis iue pèr ploura ! nous rèsto plus, capoun, plus qu'à prene un saquet e ana de porto en porto demanda noste pan !

IV

E la maire, acò di, destimboulado, sort, e li man sus la tèsto, part à travès de champ. Jòrgi-Banet la seguis, tèsto souto. Or, èro deja niue, e se ie vesié gaire.

— Tiro la porto, au-mens, gusas !

Jòrgi alor s'entourno, desgounfouno la porto, la cargo sus l'esquino, e cour après sa maire.

— Mai, grando santo Vierge ! ie vèn elo quand se viro, — as derraba la porto ?

— M'avès bèn di de la tira ?

— Ah ! galapian, que lou bon Diéu te patafiolo !...

Marcho que marcharas ! Quand an marcha belèu uno ouro, entèndon parla d'ome davans éli.

— Jòrgi, fai la femo esfraiado, escalen lèu sus aquest aubre, qu'es bessai de voulur !

Lèu escalon sus l'arbre, Jòrgi-Banet, sa maire e la porto peréu.

V

Li voulur, — car n'en èro, — li voulur justamen s'arrèston souto l'arbre, pèr coumta sis escut e faire sa bouiaco. Ma fisto, abron de fio, meton soun oulo sus tres pèiro, e de si larrounice coumençon lou partage.

Mai, au bout d'un moumen, Jòrgi-Banet vèn à sa maire :

— Maire, o queto pissagno ! pode plus teni !

— Retèn-te, malurous, o senoun sian perdu !

— Ai ! lou vèntre me peto : tène plus barraduro...

E lachant l'esparsié, lou paure escampo d'aigo... dins la pignato di voulur.

— Hoi ! faguèron aquèsti, Jan-fouire ! vès que plòu !

Zou ! bourroulo, bourroulo :

Dou cèu tout ço que toumbo es pas marrit dins l'oulo.

Au bout d'uno outro passado, Jòrgi-Banet vèn mai :

— Maire, la porto m'escapo !

— Tèn-la bèn, miserable, o senoun sian perdu !

— La pode plus teni !

Tout-d'un-cop, bròu ! la porto cabusso eilavau, au mitan di voulur, di voulur espavourdi que patuselon au diable, cresènt que lou cèu toumbo...

Vite Jòrgi-Banet descènd emé sa maire ; à pounado, à jounchado acampon lis èscut, e li bèlli pistolo, e li louvidor double ; e quand n'aguèron proun, que n'en pousquèron plus pourta, retournèron bèn countènt à soun oustau... E ièu m'envenguère.

LOU CASCARELET.

AI ! PECAIRE !

M'an di que preniés la raubo ;
Ami, sarié pas vrai ?....
S'à moun bonur Diéu te raubo,
Veiras que n'en mourirai !
Pèr iéu, que t'ère aproumesso,
Sé noun me gardes toun cor,
Pourras, tre qu'auras la messo,
Canta la messo di Mort !...

Quau voudrié, quau voudrié mai, digo,
Quau voudrié m'ama iéu, un jour,
M'ama iéu, la douço amigo
Que pèr tu mouris d'amour ?
Quau voudrié, quau voudrié mai, digo,
Ai ! peccaire ! quau un jour
Voudrié de la douço amigo
Que pèr tu mouris d'amour ?...

Riran, aro, li jalouso,
Èli que bèn tant souvènt
M'an fa : — Coume sies urouso
D'aguèdre un tant bèn jouvènt !—
Riran ; piéi, vendran à foulo
Vers tu se faire beni :
Ta morto, ta morto soulo,
Ai ! las ! noun pourra veni !...

Quau voudrié, etc.

Crudèu ! que me laisso enèrèire
Que m'a dounà soun amour,
E pièi se vai faire prèire,
Sèns soueit de ma doulour!...
Es toun destin, fau lou segre;
Anen, perqué Diéu lou vòu,
Ami, vestis-te de negre :
Ansïn pourtaras moun dòu !

Quau voudrié, etc.

LOUIS ROUMIEUX.

Bèu-caire.

LOU BIOU E LOU BRAU

A Bèu-caire fasien courre li biòu; e Moussu Chapas èro sus li tiatre emé sa fiho, galanto damisello d'uno quingeno d'an, e que sourtié dóu couvènt. Or, de que se parlavo sus li tiatre? Coume à l'acoustumado, de biòu e de vaqueto, e de tau e de brau.....

— Ah çò, moun paire, demandè la chatouno, quinto es la diferènci d'un *brau* emé d'un *biòu* ?

Sus-la-caudo, lou bon Moussu Chapas fuguè proun estoumaga; pièi pamens respoundeguè :

— Lou brau, ma fiho, — o bèn lou tau, coume voudras ie dire, — es lou paire dóu vedèu, e lou biòu..... n'es que soun ounele.

LOU CASCARELET.

-
- Quau toujours pren e rèn noun douno,
En fin lou mounde l'abandouno.
 - Quau escupis au cèu, bago sa caro.
 - Segound la raubo, Diéu mesuro la fre.
 - Soubro fan ounour.
 - Touto aigo vèn à soun fiéu.
 - Touto òumorno,
Lou cèu la torno.

LA FLOURETO DE ROUGNA

Iéu sabe uno jouino fiho
Que vous dirai pas soun noum ;
Mai la luno pleno briho
Mens sereno aperamount ;
La beloio noun la tènto,
Èi toujours gaio e countènto,
E soun front risènt e pur
Es uno aubo de bonur.

Autambèn de soun vilage
Li plus sage
L'amon bèn ;
E d'èlo, sèns ie rèn dire,
Ièu souspire
Proun souvènt.

Se noun sa maire es barouno,
Soun paire,marqués ni du,
Porto uno doublo courouno
D'innoucènci e de vertu ;
Coume lou bon pan es bono,
De soun travai vièu e dono ;
Pren siuen de sa vièio grand,
Amo Diéu e lis enfant.

Es toujours fresco e lisqueto
E se lèvo bon matin ;
De-vèspre emè sa dourgueto
Vai à l'aigo au pous vesin ;
Pèr faire un brout de charrado
Espèro si cambarado ;
L'aigo s'escampo au retour,
Qu saup se parlon d'amour !...

Dirés que n'i'a pancaro uno
De Marsiho à Carpentra
S'avès la bono fourtuno
Un jour de la rescountra :
Vous saludo la proumiero
D'uno tant gènto maniero

Que d'elo e de soun bonjour
Vous n'en souvendrés toujours.

Noun èi soto : de leituro
Nourris soun amo per-fes;
Es abilo à la courduro,
Lou mestié que i'an après;
Es avenèto i pratico,
Mai tant, que de sa boutico
Tóuti, tóuti, quand s'envan,
Se dison : La bravo enfant !

A bon biais e gènto faci,
A lou camina lóugié;
D'un ange a touto la graci,
E lou port d'un arangié.
A lou parla dous e tènre,
— Es un plesi de l'entèndre, —
A l'esprit sutiéu e gai
E vous languissès jamai.

Segur moun amigo es raro,
Vau segur soun pesant d'or.
Mai soun cor es bèn encaro
Lou meïour de toui li cor;
E crese que, pèr ie plaire,
Manco pas bêu calignaire
Que metrien à si geïnoun
Sa fourtuno e si poutoun.

Pèr iéu, se moun cant i'agrado,
Moun cant e mi sentimen,
Eïça vers lis ôulivado,
Se vòu, nous maridaren;
Vèngue lèu lou jour de noço,
E que se ie cante foço !
Pèr moun cor sara 'n bêu jour,
Car es tout abra d'amour.

I'a trop de tèms que souspire.....
Ie vau dire

D'aquest pas
Que ie remete moun amo
Touto en flamo
Dins si bras.

A. TAVAN.

Rougna, 31 d'Avoust 1865.

LOU DOURMÈIRE

— Pan! pan! o Mèste Alau, hòu! vous sias bèn coucha d'ouro! Pan!
pan! pan!

— Quau es acò?

— Es iéu, lou vesin Bicarèu. Deman, coume sabès, es la fiero de
Sant-Clar..... Auriéu besoun de quàuqui sòu pèr faire mis afaire.....
Mèste Alau, se dourmès pas, me pourrias rèndre aquèu service.....

— Sarié de tout mon cor! Mai n'en siéu bèn facha, moun ami : dorme.

LOU CASCARELET.

L'AVUGLO DI BAUS.

La caro de Leloun, jouino avuglo baussenco,
Tant luis de bonur, tant de joïo maienco,
Vesès, que l'enfantoun, quand sautejo au soulèu,
Es mens benura qu'elo en soun triste toubèu.

Mai sa gauto, de-fes, me parès touto palo,
E tremolo sa voues coume un cant de eïgalo ;
E sèmblo avé regrèt de l'arcas estela,
E dóu clar trelusènt, e dóu roucas pela.

Vai, ploures pas, Leloun! vai, ploures pas, chatouno,
Pèr l'auceloun voulant o la flour que boutouno ;
Car lou Bèu, lou Courous, lou Grand e lou Verai,
Es l'amo, e noun pas l'ive, que n'acampo li rai.

Lou niéu enviournant toun amo clarinello
Es un eïssame pur d'angeloun, vierginello !
E soun escuresino es un divin eledis
Pèr escarta la Serp liuen de toun Paradis !

GUIHÈN C. DONAPARTE WYSE.

Amèli-di-Ban, Desèmbro 1864.

LA LAGRAMUSO

La pauro lagramûe, dins soun trau alanguido,
Têms-en-têms, Diéu-merci ! pounchejo au bon soulèu,
Que sei raïoun caudet la rëndon à la vido,
E li fan de l'ivèr oubliida l'aspre gèu...

Lou soulèu soun teïs uei, o chatouno poulido,
Que reflèton seren la lumiero d'ou cèu ;
La lagramuso es iéu, que, l'amo enfrejoulido,
Me reviscouele un pau à toun regard tant bèu !...

Se, coume crese, adoune sies bravo autant que bello,
Noun te despiches, quand toun Felibre te bèlo :
Acò noun ternis rên tei grâci, toun ounour.

Lou grand astre brihant pèr tout lou mounde briho :
Ansin laïssô gisela, charmanto jouïno-fiho,
Jusquo sus iéu un rai, un pichot rai d'amour.

A. B. CROUSILLAT.

Seloun, 1865.

LA MEISSOUN

Pèr que la terro doune aquéu sant blad de Diéu,
Mai-que-mai fau que l'ome eissugue de fatigo
A la pougne, l'esmòure e roumpre e metre en brigo,
Dei degout desoun front en l'arrousans à fiéu.

Vaqui dins la meïssoun lou paire e lei dous fiéu :
Un, la daïo à la man, tranco dins leis espigo,
Qu'un autre acampo lèu e lèu un autre ligo,
Souto un vènt desgranaire, à l'uscle de l'estiéu.

Es pas lou tout : vaqui qu'un perdigau de fiho
Li adus d'aperalin lou béure e la manjiho :
— Ai ! la chato-angeloun de qu moun couer a set !—

Au soulèu, dins la pousso, afougado cambéjo,
Retenènt soun capèu que lou mistrau li eïgrejo,
E pourtant sus soun anco un pesant cabasset !...

A. B. CROUSILLAT.

Seloun, 1865.

A MISTRAU

Despièi leis encian Troubadour
Nouesto longo s'èro assoulado :
Avié perdu sei cant d'amour,
E lei Muso l'avien plourado.

Mai l'auro bouso dóu m'iejour,
Reviscoulo l'eimalugado,
E dins touto soun esplendour,
Mistrau, nous l'as ressuscitado.

Ta Mirèio a tant d'amourous,
Tant de gènt vènon pèr l'entèndre
Que Vincèn n'en sara jalous!....

E iéu, vicianchoun e pau tèndre,
A sei pèd, emé seis ue dous,
M'a-ti pas fourça de me rèndre ?

COMTE SAVIÉ DE LA CANORGUE.

At, 1863.

LA POULITICO DOU CAFÈ CHABAS

I

Es quatre ouro de tantost ; coumenço à faire un pau fresquiero ; lis ounouràbli prático dóu Cafè Chabas arribon uno après l'autro, e s'assèton deforo, autour d'uno tauleto ounte vèn lou fatour de pausa lon journau.

I'a d'abord M. Moutu, ome de pes e de grosso esperiènci : — a vist toumba cinq o sièis gouvernemen ; es esta marchand de blad emai de grano de magnan, counseié municipau, e eisènt dóu service coume einat de femo véuso. Mai si fòrti counvicioan an jamai flechi d'uno osco : tèn pèr lou dre.

I'a M. Caneloun, un di bon proupiètàri dóu quartié, ome de pas. En 1830, l'avien nouma serjant de la gèrdi naciounalo... Refusè, noun que lou nouvèn règne intrèsse pas dins sis idèio ; mai, en tèms de bourroulo, fai marrit èstre en plaço ! N'an guihoutina forço que sarien encaro viéu, s'èron resta dins soun oustau.

I'a pièi M. Cartaud, un ome saberu : avié estudia pèr èstre capelan,

mai soun empencho lou faguè rat-de-cavo. A pèr glàri mourtau lou Feli-brige. Pòu pas comprene qu'un gouvèr inteligènt noun defènde lou debit di libre prouvençau, e n' interdigue pas i fièu dóu pople l'usage escandalous d'aquèu lengage : car enfin, sian francès ! dis, e li francès, déur-rian parla francès ! Es pas vrai, acò ?

I'a pièi M. Barrachin, ome de bon counsèu : es esta, vint an de tèms, e noun sèns glòri, Prièu di penitènt blu. l'es d'avis que se tóuti erian penitènt blu, i' auriè mai de respèt dins la jouïnesso, e'n counseguènci mens de revoulucïoun e de marridi causo.

I'a enfin M. Bouiroun, un ome drut e un pau-parlo : es adjudicatàri di fumié de la caserno, e a tres fiho à marida.

II

M. Cartaud, arriba lou proumié, tèn lou journau e lou legis ; lis autre, en esperant soun tour, se semoundon la priso.

M. MOUTU. — Autramen, coume van aquélis afaire ?

M. CARTAUD, *en fasènt la cabro* : — Hem ! hem ! 'acò 's toujours la meme causo... crese que vuei i'ague pas rèn de nòu...

M. MOUTU. — Que dis l'Anglès ?

M. CARTAUD. — L'Anglès ? hem ! pati-pata-pas-rèn !

M. CANELOUN. — E lou Prussian ?

M. CARTAUD. — Lou Prussian ? Esperas : lou Prussian... fai lou mort.

M. BARRACHIN. — E lou Rùssi ?

M. CARTAUD. — Lou Rùssi ? tè, me sèmblo que n'en parlo... Noun, lou Rùssi brando pas.

M. BOUIROUN, *en badaïant* : E dóu Ture, dóu Ture, que presumisson ?

M. CARTAUD. — Dóu Ture ?.. Un moumen, que vire fuiet !.. Dóu Ture ? noun, dóu Ture, n'es pas questioun....

Long silènci e gros pensamen dins lou cafè Chabas.

M. MOUTU. — L'Anglès dis rèn ? lou Prussian fai lou mort, e lou Ture tèn soun alen ?... An ! la galino couvo ! Garo tout-en-un-cop !... Ai ! ai ! ai ! 'tout-en-un-cop di quatre caire de l'Europo veirès peta, vous dise, quauque tron de Diéu, que sara n' espetacle de la maladiçoun, e que tirassara, pèr draïo e pèr camin, li cinq cènt diable de l'infèr !...

TOUT LOU CAFÈ CHABAS. — Pourrié bèn èstre ! pourrié bèn èstre !! pourrié bèn èstre !!!

LI DOS MESURO

— Hòu! Jan Roubin, de-qu'es acò
Qu'avès aqui penja contro vosto muraio?
Dous mètre? un court, un long?... Iéu, acò me travaio,
Fai un brave jouvènt que ie dison Gricò.

E Roubin, sus sa porto,
Ie respond de la sorto :

— Prenèn lou court, quand mesuran
Ço que se fai is un, is autre;
Mai quand s'agis de ço que fan pèr nautre,
Alor, mignot, prenèn lou grand.

— E la Justico, que n'en fan?
— La Justico? a foundu coume la nèu d'antan.

LEON ALÈGRE.

Bagnou (Gard), 10 de Setèmbre 1865.

ZÈBE E LELETO

(Pastourello)

ZÈBE.

Noun toujour la couloumbo au couloumbié se tanco,
Emai béure claret, pesoto, rèñ li manco ;
Mai souvènt, amouroué dón champ que respandis,
Dins l'espaci s'enauro, au soulèu s'abaudis,
Plus dous trouvant lou vièure au grand èr emplanado.
Tout l'ivèr dins lou bruse l'abiho encasournado,
Emai li a de bon mèu proun largo prouvesien,
Tre que lou gai printèms risejo, em' asceien
Pèr couelo e pèr valoun s'alando, e mai urouso
Va cuiènt sus lei flour sa melico oudourouso.

Ansin fai tu : de-longo embarrado à l'oustau,
T'en vendriè pièi, Leleto, un languimen mourtau.

Bèn que toun fenestroun, dóuminant la planuro,
A l'ue ravi descuerbe uno mar de verduro
E la Crau roussejanto e lei serre azuren,
Fa mai gau s'espacia dessouto un bœu seren.
Encaro l'abiheto, encaro là paloumbo
Pouedon trouva la mouert au coutau, dins la coumbo,
Que — Diéu lou vòu ansin — dindouletto, ratié,
Toujour dins l'óucasien lei crocon voulentié.

Tu, Leleto, emé iéu n'as certo rên à cregne :
De ta pleno fisança auje me crêire digne ;
Sies ma sor, siéu toun fraire, enjusqu'au dous moumen
Que saren davans Diéu joun pèr lou sacramen.
E que de t'afrounta quauque palot s'asarde :
Vies aquest rebatun ?... Ah ! Diéu garde, Diéu garde !
Voulountous me batriéu pèr venja toun ounour
Coumo faguè Vincèn pèr Mireieto, un jour
Qu'Ourrias lou toucadour, l'escumo sus lei brego,
Li mespresè sa flous dóu mas dei Falabrego.
As beléu de Mistrau panca legi lei vers !
Vène, sabe un endré vounte leis éuse verd,
A la calo dóu vènt, fan coumo un large pâli :
Aquito de soun libre ensèn faren regàli.
Sabe un grand cereisié, davans un bastidoun,
Que de cerièiso douço afloco !... Anen, pren doune
Toun panié barradis, se voues, gènto Leleto,
L'empli de roui en roui, quand saras sadouletto.
Sabe un aubre peréu d'abricot proumeiren ;
Tout-bœu-just rouginèu, tambèn n'en cuirein,
E s'as pòu que l'asprour te doune l'enterigo,
Eh bèn ! lei sauvaras pèr Zié toun amigo :
Es pièji qu'uno cabro à desfrucha tout verd !
Que te cantarai mai, s'ai proun l'esprit dubert ?
Sabe dins lou bouseas un nis de tourtourello
Innocènto, gentouno, e, coumo tu, fidèlo.
Li a dous poulit pichot qu'an lou péu souletin ;
Lei tendrai tant d'à-ment, houto, qu'un bœu matin,
Avans que vouladis s'escapon dins leis aire,
Voueie te leis adurre : e n'en saras la maire.
Dins uno grando gâbi, obro de moun coutèu,

Pourran pièi, enanti, nisa coumo se dèu.
 Escouto encaro eicoto : ai un poulit anouge
 De la tèsto à la coue tout flouqueja de rouge,
 Dôu-rèsto blanc de nèu, ajugui, vigourous.
 Li a Zino que me fa leis ue proun amoureux
 Pèr me l'aganta... Mai, pst ! ligueto-ligueto !
 Es pèr tu, tu l'auras, o ma soulo amigueto.

LELETO.

Ami, dous e plasènt es pèr iéu toun parla
 Coumo ei prat secarous la pluejo o lou valat,
 Coumo à l'èco sôuvàgi un souen de calamello.
 Segur me farié gau de la sesoun nouvello
 D'ana 'mé tu pèr orto amira l'esplendour,
 Saboura lei presènt, aspira lei sentour,
 Ensèn s'espasseja pèr draio e pèr draïolo,
 Voula de flous en flous emé lei parpaiolo ;
 Ensèn, tout en gardant lei tëndreis agneloun,
 Marida nouéstei voues au cant deis auceloun,
 E, tranquile asseta sus l'erbetò maienco,
 Faire redire ei haus la Muso Maianenco :
 Sarié certo pèr iéu bonur de Paradis
 Coumo pèr tu ; mai, ause, ause l'entravadis :

Ma sorre, — es pas que noun n'en siegue à toun auriho
 Vengu quicon, — ma sorre, uno perlo de fiho,
 Despièi li aura bèn-lèu tres meïssoun, dins l'oustau
 Es desperadamen elavado pèr lou mau.
 Coumo uno tëndro flous virado pèr l'araire
 Deperis languissènto, ansin elo, pecaire !
 S'enva mourènt sus terro, e n'a que iéu, ai ! las !
 Pèr sa douço coumpagno e soun plus dous soulas...
 Adiéu doune lei plesi de la vido campèstro !
 Lou champ n'es plus pèr iéu qu'un tablèu que moun èstro
 Encadro, gai tablèu que me fa gau loujour,
 Mai la pauo doulènto aro a tout moun amour.
 La laisse que bèn pau, coumo, pèr vòuto raro,
 Quand vau lava lou linge à la sourguelo claro,
 Couire mei tiero au sour, vèndre mei froumajoun :
 Franc d'acò, brande pas jamai de moun jounjoun.
 A coumpli mei devé sau que trove ma joio.

ZÈBE.

Pauro Nini ! que Diéu li rènde lèu la voio !
 Res plagne mai que iéu soun estat malurous.
 O ! dre deman, se vau garda vers Santo-Crous,
 Bèn à ginous davans l'antico capeleto,
 Vouele prega pèr elo... emé pèr tu, Leleto.

LELETO.

Avèn tôtei besoun de l'ajudo de Diéu...
 Mai lou soulèu es bas : poudèn nous dire adieu :
 Mei fraire van bèn-lèu reveni dóu segàgi,
 E moun paire entourna l'avé dóu pasturgàgi.
 N'ai pancaro bouta moun oulo sus lou fue,
 E fau qu'à soun retour lei faiòu siegon cue.

A. B. CROUSILLAT.

Seloun, Mai 1864.

GRAMACI A L'AMOUR

Amour ! o fièr Amour ! meraviheous doumtaire
 Que vers terro, quand vos, abouques li mourtau,
 Rèn qu'emé toun alen ! Espetaclous cassaïre
 E di car e di cor ! demòni tourmentau,
 Que, pariero i veissèu coucha pèr lou mistrau,
 Vers la mort couches milo e milo tèndris amo !
 O tu, que fan li pintre e li felibre siau
 Un enfantoun rousen, mai que l'Istòri elamo
 Un gigant asseta sus de nivo, e que bramo !

Te dirai gramaci ! Lou sabe, que ta man
 M'auriè pouseu nega dins un gourg de flamado
 E de lagremo, lèu.... Mai tu m'as douna plan
 E li flour, e la frucho, un paradis de fado,
 Un ort plen de cansoun e de douço alenado.
 Gramaci doune, grand diéu ! Au-liogo d'arnavèu,
 As vougu me coucha sus de roso embeimado,
 Ounte à l'aise iéu rêve e prene lou soulèu
 Dins lis iue trelusènt de la bello Isabèu.

GUINÈN C. BONAPARTE WYSE.

Amèli-di-Ban, Desembre 1864.

LOU PAUMIÉ

Coume lou cèu la terro èro bello e sereno,
 Quand, soutu un grand paumié dardaïant de l'areno
 E se pavounejan i dous poutoun de Mai,
 S'assetè pèr chima lis alerado leno
 Aquelo que tant ame, e que sèmpre amarai !

E coume sus li pèço ounte uno femo bello
 Retrais Jerusalèn que plouro, sounjarello, *
 Elo me pareiguè pensativo à soun tour ;
 Mai liuen d'èstre cativo, elo, counquistarello,
 Pamens a pres moun cor, ma vido, moun amour.

GUIHÈN C. BONAPARTE WYSE.

Amèli-di-Ban, Desèmbre 1864.

UN BÈU MIRACLE !

D'en cadiero, un dimenche (lou VIⁿ après Pandeeousto), un curat de Sant-Martin-de-Crau ansin parlavo à si parouquian : « L'evangéli de vuei, mi fraire, nous apren que Noste Segne emé quatre milo pan nourriguè peraqui sèt ome... » La lengo l'avié vira. Jan, lou sacrestan, aquén finocho, qu'èro sèmpre aurilhouz pèr espelugueja li paraulo dóu presicadou, noun leissè toumba 'questo. — Ai-ai-ai ! faguè soutu capo, o boudièn ! quento uno ! —

De-retour à la sacrestié, lou curat, voulènt un pau galeja :

— Eh bèn ! Jan, tu qu'as tant de eroio, l'auriès fa, tu, digo, lou miracle que vènes d'entèndre ?

— Sènso m'esquicha, replico Jan en petant dóu rire. Oh ! n'avès baia 'no bello ! avès di....

— Qu'ai di ?

— Avès di que Noste Segne emé quatre milo panoun nourriguè peraqui sèt ome.

— Vrai ? L'ai fa pèr destenèmbre. Ah ! bèn ! l'an que vèn adoubarai la fauto.

Adounc, l'an venènt, lou curat, estènt mai en cadiero, em' assegu-

* De medaio de Vespasian retrason la counquisto de la Judèio soutu l'image d'uno bello femo en plour, assetado soutu un paumié, em' aquest eisergué : *Judæa capta*.

ranço disié : « Noste Segne, dins lou desert, emé sèt pan d'òrdi e quàuqui pichoun pèis nourriguè peraquì quatre milo persouno. E pièi à Jan :

— Eh bèn ! Jan, qu'auras mai à dire aquesto fes ? Lou fariés, lou miracle, tu, digo, que, gros tourtour ?

— Eisadamen, — replico Jan, l'aguènt touto lèsto, — en candèlo, moussu lou Curat ! sarié bacheto ! emé li soubro de l'an passa !

LOU CASCARELET.

LA MAN DE DIÉU

La man de Diéu nous bouto en draio vertadiero ;
Pèr nous traire eilamont nous mando soun traiau ;
Es Elo que coussouiro o qu'adus la drudiero,
E bandis à plesi li tron e lis uiau.

Es Elo qu'acoumpagno e la fiho tardiero
E lou jouve amoureux au sacramen novviau ;
Es Elo que soustèn lou prèire à la cadiero,
E que desbrando pièi li vièi sèti reiau.

Es Elo que dis vole ! e la frueho vèn bleto ;
Elo que dóu mistrau aleno li boufet ;
Qu'abraso dóu soulèu lou lume e lou caufet ;

Mestrejanto dins tout, es Elo que souleto
Pourgis au troubadour arpo, liro o sibletto,
E que de l'univers es l'amo e lou trafé.

ROUMIÉ MARCELIN.

Carpentras, Abriéu 1865.

-
- Quand lou Diable a fam, manjo de mouseo.
 - Lou pire di proucès
Es que d'un n'en vèn dès.
 - Toujours lou veirés :
A paure ome, vigno de gres,
E fumado de code !

LOU MORT QUE RESSUSCITO

L'asard, de-fes-que-i'a, fai arriba d'aquéli causo que sèmbelon pas de crèire. l'a 'n parèu d'an, me n'en countèron uno, ma fè de Diéu, que pelo... Vous l'auriéu dichò l'an passa, mai vouliéu peravans me n'en miéus assegura. Parèis qu'es bèn vrai, car me siéu leissa dire que lou jardinié Vidau, aquéu que i'arribè, a manca n'en mourì. Eiçò doune n'es pas un conte, mai la puro verita, e poudès vous n'entrevà quand anarès à Nimes.

Lou jardinié Vidau, qu'es encaro vivènt à Sant-Roumié, — e que tóuti counèisson, — èro ana, i'a quàuquis an, pourta 'n viage de pòrri à Nimes. Quand aguè vendù sa cargo, èro quasimen niue, e coume avié enca 'n pau d'afaire, se diguè de ie coucha. Venguè doune à l'aubergo de la Pastounargo d'Or, ounte ourdinarimen lojon li jardinié ; e quand aguè soupa, demandè 'no chambro pèr la niue.

Or, i' avié forço mounde, aquéu jour, à l'aubergo ; e l'oste e li servènt, pèr teni tèsto i venènt em'is anant, avien proun obro.

— Tenès, diguè l'oste à Vidau, vaquí uno candèlo, e mountas au 42 : lou lie dèu èstre fa.

Vidau, — acò pòu arriba 'n tóuti, — entendeguè lou 32 ; e 'm'acò prenguè soun lume, e escalè. Or, se devino qu'à la chambro dóu numerò 32 èro mort, lou matin meme, un estrangié, e lou cadabre i' èro encaro : lou devien enseveli l'endeman à la primo-aubo.

Lou jardinié, sèns se douta de rèn, buto la porto, met lou lume sus la taulo, e.... coume vèn pèr se coucha :

— Tè ! dis, n'i'a un que dor, aquí ! l'a tant de mounde dins l'aubergo que parèis que li lie mancon... Hòla ! hòu ! cambarado, vous fai pas peno que couche emé vous ?

Mai, pecaire ! lou mort quince pas.

— Sarnipabiéu ! diguè Vidau, lou coulègo a lou som dur... Hòla ! hòu?... Ah ! pas mai ! dor coume un muret... Anen ! bèn va que lou lie 's large...

E sèns mai de façoun, lou brave jardinié, qu'èro aclapa de som, amosso la candèlo, descuerb lou lincòu, e s'estènd contro lou mort.

Mai tout-bèu-just èro ajassa, pan ! la porto se duerb, e vèi intra dins la chambro dous òme sournaru, vesti de negre, emé de grand capèu à la plourarello, e parlant plan...

— Quau tron es mai eiçò ? pensè Vidau en s'amagant. Crese qu'aniue tóuti li diable soun pèr orto.... Mai chut ! veguen veni !

Li dous nouvèu-vengu pauson soun lume sus la taulo, prenon cadun uno cadiero, s'assèton vis-à-vis, sorton un jo de carto, e se meton en trin de faire uno partido.

— Bon ! se sounjè Vidau, aquéli dous viedase, emé si grand capèu, dèu èstre de negouciant auvergnas : auran ges trouva de lie, e pèr passa la niue, van jouga i carto... Bon bèn ie fague !

— En que jogan, coumpaire ? diguè l'un di grand capèu ; à l'escartat o au piquet ?

— Eh ! au piquet, l'autre respoundeguè.

— En quant anan ?

— En dous cènt, de tres à dos.

— Acò sara proun long, me sèmblo !

— Ah ! vai, d'eici à l'aubo, avèn bèn lou tèms d'acaba la partido, emai de metre lou mort en susàri...

Mis ami de Diéu ! quand lou jardinié vai ausi parla de mort, soun sang se viro, si pèu s'aubouron dre, sauto coume un perdu foro dóu lie...

— Ai ! erido, moute siéu ! moustre de sort !

Li dous entarro-mort, — car èro éli, — se reviron esglaria, e creson qu'es lou mort que ressuscito, e bardasson la taulo e la candèlo, e parton vers la porto en se signant.

Vidau, espaventa, ie lampo après tout en camiso.

Lis entarraire, jujas vèire ! de senti lou camisard après si braïo, courron coume de fòu en bramant mièrieòrdi à travès di courredou...

E ges de lume en-lío ! Quent escaufèstre, bèu Bon-Diéu !

Arribon au pountin, trovon enfin lis escalie, que sauton à cha quatre ; Vidau, mort de l'esfrai, ie barrulo dessus... Tóuti cabusson, pataflou ! aperavau.

L'oste, l'oustessò, li servènt, lis estajan, esmougu, destrassouna pèr aquéu tarabast, creson que l'oustau s'aelapo... Tout acò cour e crido : Qu'es acò ? qu'es acò ?...

Basto, quand acampèron li tres pàuri marrit, lou cor i' avié fa mau en tóuti tres.

Pamens, — moun Diéu, vous rènde gràci ! — i'aguè mai de pòu que e mau. Li revenguèron, la causo s'espliquè, e n'en fuguè pas mai.

Vidau, — urousamèn que se faguè sauna, — n'en fuguè quite, à ço que m'es esta-di, pèr uno grosso malautié.

LOU CASCARELET.

— Quau a pau garbo a lèu liga.

— Richesso meno ourguei, e paureta lagno.

— Au founs dóu sa se trovon li briso.

— Bleto tèndro es de bèu plega.

— Bon counsèu vau mai que cènt man.

OURESOUN A SANT NOURBERT

PÈR LOU FELIBRIHOUN EMILE RANQUET (DE VILO-NOVO).

A M. NOURBERT BONAFOUS

Proufessour à la Faculla di letro d'Ais.

O bèu sant Nourbert, grand evangelisto
Dóu Bacheleirat e di Bacheliè,
Brularen un cire à toun candeliè,
S'au pichot Ranquet vos durbi ta listo !

Lou pichot Ranquet, aquéu boujarroun,
Vòu lou pergamin universitari.
— Pèr se faire mège ? avoueat ? noutari ?
— Oh ! pas mai ! D'acò n'aura toujours proun.

Vòu èstre Felibre ! Es uno amo franco,
A lou fio de Diéu que ie bat lou sang :
Vèngue un ventoulet dous e caessant,
E veiren de flour se curbi la branco !

A proun, engabia, ploura si campas...
Qu'enfin l'auceloun outèngue sa gràci !
E dóu bon Virgile e dóu gènt Ouraci
Pèr éu que lou mèu n'amareje pas !

Au latin a proun seca d'escritòri...
Que vague, pauret, béure à soun sadou
L'eigagno e l'encèns de soun terradou,
Car de la Prouvènço a lou languitòri.

L'enfant, — qu'es devot à Santo Ano d'At,
Car Santo Ano d'At courounè sa tèsto, —
Ah ! de quint alen cantarié ta fèsto,
O grand sant Nourbert, s'avié toun aflat !

F. MISTRAL.

Maiano, 1863.

-
- Lou pas de la porto es lou plus marrit.
 - l'a rèn de tau qu'un pore quand s'eslargo.
 - L'an di gròssis amelo, li tres fasien un sestié.

ENTRE-VISTO

La flous de soun oustau, dei vertu la sourgueto,
Vela ! que vèn troutant sus sei poulit petoun,
Epièi, de la Grand-Fouent, — lou front elin, bèu chatoun ! —
Recasso l'aigo lindo emé sei doues dourgueto.

Ah ! dous tresor d'amour, perlo deis amigueto,
Avaro que-noun-sai dóu fue de tei vistoun,
Fai lusi de-vers iéu toun rire galantoun....
Souspire, li a proun tèms... Me fagues plus ligueto.

Passes en moudestié la floureto dóu riéu,
O ! sor deis angeloun à caro bloundinello,
Passes pèr lou canta lou roussignòu gentiéu.

Toun regard, qu'es aquèu de la maire de Diéu,
Jito-n'en un belu, gentouno vierginello,
Un belu dins moun couer, que lou brule tout viéu !

LOUIS MOUNET.

Seloun, 5 d'Abriéu 1865.

A TEODOR LECLERC

Pouèto, escouto-me ! Frouncigues pas ta caro !
Se vuei la maluranço ensournis toun fougau,
Deman atrouvaras proun de farino encaro
E proun de fio perèu pèr couire un calendau.

Pèr tóuti, moun ami, i'a si journado amaro...
Dins la niue l'auceloun s'endor sus li rountau,
Mai quand vèn de-matin l'aubo risènto e claro
Lèu-lèu que s'abaudis, countènt à faire gau ;

E sauto en gasaiant de broundiho en broundiho,
E cerco un pau pertout soun béure e sa graniho,
Pièi, quand a sa becado, espincho amount lou cèu...

E voulastrejo e piéuto e canto em' alegresso !
Pamens a proun si jour de lagno e d'amarezzo,
Mai saup que Diéu es grand, e qu'éu n'es qu'un aucèu.

ROUMÉ MARCELIN.

Carpentras, Desèmbre 1864.

SANT JORGI E LA PLOUVINO

Èro déjà la proucessioun entierado, lou bèu jour de Sant Jòrgi, à Grans, e lou curat, davans la glèiso planta, esperavo, esperavo toujours à n'en perdre paciènci.

— Mai, que tron ie fan ? que foutimassejon alin, disié, pèr que noun sorton plus emé lou cors-sant ?

Que ie fasien ? Viravon, tournavon pèr cerca de bòu e ie pinta li gauto coume se dèu ; que, quand lou pople vesié Sant Jòrgi bèn coulourènt, emé la trougno d'un ibrougnasso : Ah ! bon ! disien, l'aura de vin, aquest an !

Adounc, pèr noun trop despicha lou curat, coupèron court, faguèron pas soun pintourlejae. — l'aguè proun de murmur, proun de resoun gastado emé soun pastour, qu'acusavon de ges avé de se per-ço-que noun voulié crèire coume éli, e ie disié : — Que sias bedigo ! Es que, digas-me 'n pau, s'avès un gran de resoun, es que la recloto dóu moust pòu depèndre d'un pau de pinturo que fara li rouito à-n-un sant de bos ? Es que vèn pas tout de la sesoun, que, coume dis lou prouvèrbi, vau enca mai que labouresoun ? Eh bèn ! li sesoun, quau li meno ? E tout, dins l'univers, quau lou gouverno ? Es pas lou bon Dièu, rèn que lou bon Dièu ?... —

Mai vouguèron rèn entendre. E la proucessioun se faguè au mitan dóu mau-countentamen generau, que tóuti, en vesènt lou sant emé la gaugno palo, disien : Li vigno prendran mau, n'auren ges de moust !...

E vaqui, la niue venènt, faguè 'no plouvino de la maladièioun... Edison que lou Cacalaus, un mouissaloun que l'amavo, ah ! paure ! destrassouna pèr la fresquero dóu matin, sautè au sòu, encourroussa ; e, après avé fa peta li tron contro moussu lou Curat, à geinoun davans lou fenestroun : — Moun Dièu, diguè tout cousterna, voulès li pruno ? me n'en fiehe ; voulès lis ambriocot ? vous li doune ; voulès li pessègue ? ve-lis-aqui ; voulès la meissoun, lou sant blad ? basto, prenès lou sant blad, vous l'abandone... Mai dóu-mens, moun Dièu, vous n'en prègue, vous n'en supplique, o bèu Bon-Dièu, sauvas, sauvas la bourro !...

LOU CASCARELET.

-
- Fau dansa coume lou tambourin jogo.
 - Fau pas gausi uno candèlo pèr cerca 'n mouchoun.
 - Injuri de vin s'oublidon.
 - Li rouecas soun dur pertout.

LOU POUS DOU SEGNOUR

A M. J. VERAY, ESTATUAIRE.

Vène, que di merlet sus li dentello
Veiras à pèd cauquet dansa d'estello.

F. MISTRAL.

Quihado e fièro sus un moure,
A Barbentano i'a 'no tourre
Qu'aubouro dins lou cèu sa ceneho de merlet ;
Sus lou roueas antan bastido
E de vieiun aro vestido,
Plouro sa resplendour, si mèstre e si varlet.

Carrado e griso, amount s'enauro,
E de trelus soun front se dauro
Tre que lou blound soulèu casso l'escurita ;
Encourounado de dentello,
Alor de rouge s'enmantello
Coume un page amoureux qu'espèro sa bèuta.

Lou rateiròu ie trèvo, e niso
Sus lou rivet de sa deviso,
La deviso en latin de Mounsegne Grimau ;
E d'aquéu rode de plasènço
Vesès lou Rose e la Durènço
Qu'entre-meselon alin si blu riban d'esmaut.

D'aquelo tourre, — acò dèu èstre, —
M'an vougu dire qu'un di mèstre,
A passa tèms, raubè la fiho d'un pauras :
Lou dur segnour de l'encountrado
L'aviè souleto rescountrado,
E countènt, s'èro di : De-vèspre, tu l'auras !

— Bello, ie vèn, auras daurèio,
Diamant, encèns, richo lièurèio ;
De flour souto ti pèd ièu farai samena ;
Te farai gènto segnouresso ;
Saras vestido de caresso ;
Coume un esclau pèr tu me leissarai mena.

-- Vous bescountas sus ma feblesso,
Diguè la chato, — ai ma noublesso :
Siéu fiho de pacan ! — Nascudo dins l'ermas,
Noun ai besoun de tant de viéure ;
Emé mi sorre ame mai viéure,
Ame mai, ô segnour, e moun paire, e moun mas !

E lou baroun à cor de mabre,
Lou dur segnour, d'amour alabre,
Tout-d'un-cop, devenènt blave coume la Mort,
Sono soun mounde : — Que l'embarron,
Dis, touto vivo que l'entarron
Avau dins lou grand pous ! Siéu lou mèstre, e siéu fort !

Mai enterin un vièi en aio
Despendoulant sa longo daïo
Escalo peramount au sourne castelas,
E penetrant dins la grand salo :
— Baroun, ie dis, li Prouvençalo
Amon la liberta.... Ma fiho ! car tu l'as !

Lou baroun traite vòu s'eneourre
Dins la viseto de la toure...
Dins Barbentano, vuei pèr la proumiero fes,
La daïo fai fugi l'espaso :
— Anas dóu pous leva la graso,
Cridavo lou segnour, vivo l'atrouvarés...

Mai la daïo terriblo e proumto
Après lou lache toujours mounto,
Au darrier escalié dóu tourrihoun, l'ajoun,
E lou sagato eridant grâci....
Pièi lou pacan, dintre l'espâci,
Jito lou castelan dóu bout de soun dounjoun.

Quand deselapèron la paureto,
Ai ! sieguè folo, pecaireto !
E li Barbentanen cavèron un eissourg,
Un autre eissourg d'aigo blavenco,
Car despièi, li Barbentanenco
Vouguèron plus tira d'aigo au *Pous dóu Segnour*.

A LA NOUVIETO GRABRIELO DE SEGUINS

Ile de paradis, resplendèto chatouno !
Se mi vers èron de diamant,
Te n'adurrièu mi plèni man
Pèr apoundre d'estello à ta noblo courouno.
Mai soun, ai ! las ! de pàuri flour
Que tout-bèu-just duron un jour.

De mourtinóusi flour d'autoûno
Noun apoundrien un rai à ta noblo courouno !...
Se mi vers èron de diamant,
Te n'adurrièu mi plèni man, —
Ile de paradis, resplendèto chatouno !

12 d'Outobro 1865.

J. ROUMANILLE.

LA MALAUTO

L'avié tres o quatre an que Madamisello Aglaio èro tournado dóu couvènt, ounte l'avien finamen educado ; èro encò de soun paire, proupprièrari e counseïe municipau de soun endrè ; e se vesïé lou bout dóu nas ; avïé taio primo e vasto crenoulino ; esperavo la gràci de Diéu, e, pecaire ! èro malauto despièi sèt à vue jour, sèt à vue jour tout-just avans Nostro-Damo-d'Avoust.

E la maire s'inquietavo, e lou paire perèu, tant que, finalamen, faguèron veni lou medecin.

Lou medecin questiounè la malauto sus acò, sus lou rèsto. E quand l'aguè proun questiounado, au paire e à la maire diguè :

Acò n'en sara pas mai. Faudra ie baïa, pèr la gari, un poulit fichu pourda de dentello, e pièi un coutihoun de velout en sedo, em' uno bouldo garnituro tout à l'entour.

LOU CASCARELET.

-
- Croumpo pas, meisoun facho, chivau marcant e femo à faire.
 - Co que lis iue noun veson, lou cor noun dòu.
 - Cadun es borgne en sa causo propro.
 - Cremascle noun cren fum.
 - Escoubo novo a toujour fa bèu sòu.
 - I tasso d'or se béu pouisioun.
 - Emé lou soulèu estello noun luson.
 - Envejous moron, envejo noun.

PATER NOSTER

en prouvençau

Que toun noum se santifique,
 Paire, que sies dins lou cèu !
 Que toun règne pacifique
 Sus la terro avèngue lèu !
 Que ta voulounta se sague
 Eiçavau coume eilamòunt !
 Que ta gràci vuci nous trague
 Lou pan que nous fai besoun !
 Coume perdounan, perdouno
 Tóuti nòsti mancamen !
 E, pauras ! quand nous pounchouno,
 Gardo-nous dóu mau ! Amen !

Maiano, 1864.

F. MISTRAL.

LOU BATEJAT

— L'autre an, me n'arribè uno que tubo, me disiè, l'autre vèspre, Baudèli Rousselet, que tèn cabaret dins la carriero de Roumpe-quièu, uno que tubo, moun bèu Cascarelet ! e pos la metre, se vos, — en pas me noumant, — dins l'Armana de l'an que vèn. Vas vèire eiçò :

Un jour, m'aduguèron dous barrau de vin de Lengadò, un famous vin, un pau encre, mai arrogant e capitous !

Vieje doune aqueste vin dins uno bouto de cinq barrau.

Ma Zounet, — ansin nouman la chato, — que, tóuti li jour, — fau ic rèndre justico, — se lèvo avans l'aubo pèr ausi la proumiero messo, pren la dourgo, — lou darriè n'aviè panca souna, vai à la font, e zòu sa pleno dourgo dins la bouto !

Ma Susoun, — ansin nouman la femo, — se lèvo enterin que la chato ausiè la santo messo, vai perèu à la font empli la dourgo, zòu mai dins la bouto, e vai à la plaço.

Iéu, — quand vous-àutri disès, pamens ! — vau perèu à la font empli moun grand ferrat, e, que voulès ? lou sentièu encre e arrogant, e sabièu pas que l'obro èro facho, — zòu-tourna-mai, dins la bouto !

E vaqui perqué m'a faugu bouta la clau souto la catouniero, dins lou país ounte ère, pèr veni pendoula lou ramèu ounte sièu.

Oh ! mai, nous avisan despièi : iéu soulet bateje, e Zounet e Susoun tènon lou cire !...

LOU CASCARELET.

BERTRAND D'AT

I

Aquest an li vigno an douna ; la fustaio a manca pèr recata lou moust ; li tino coumoulo escampavon de pertout ; e li proupietàri dóu Miejour, esmougu de la pòu que soun vin noun s'escoule, enraca, inounda, ennega dins soun vin, souvèton qu'uno causo : uno bono invasioun dis ibrougno dóu Nord. — E certo, misami, eiço n'es pas de rire ! Se vènon pas li Franchimand à nosto ajudo, se countunian, coume li chin, d'èstre bêu-laigo, de nous coucha 'mé li galino sèns nous refresea lou bè, e de faire la bramado is embria ; s'arrousan pas nòsti vihado emé l'òli dóu gavèu ; se fasèn pas aquest ivèr d'espetaclóusi castagnado ; se jogo pas la cantobruno à Sant-Martin ; se coulèn pas fèsto sus fèsto coume nòsti segne grand, e s'un jour l'autre noun cargan pas la cigalo, jamai veiren lou founs de nòsti bouto, jamai veiren la fin de noste vin.

Es bèn ço que sabié, e ço que prevenguè pèr soun engèni, lou sage Bertrand d'At.

II

Un an, ai ausi dire, l'aguè coume aquest an uno grosso vinado : lis ase de vendémio se i'èron escranca ; li trouiaire e destregneire se i'èron relassa ; basto, l'avié regounfle, e li proupietàri, particulieramen aquéli l'At, èron en pensamen pèr se desfaire de soun vin. Un jour que se la-
gnavon, Mèste Bertrand ie venguè 'nsin :

— Ato ! pièi, mis ami, fau pas se metre à la perdudo ! Diàussi ! de que gemissès tant ? Aboundànci pòu pas nouire.... Tenès, fasès-me bon de m'aplaudi en tout pendènt uno semano, e vous proumete, avans la fin dóu mes, de vous chabi tout voste vin.

— Santo-Ano-d'At ! Bertrand, respoundegueron lis Atés, se nous rendiès aquéu service, fariès parla de tu pèr la vido di gârri !

— Eh ! bèn, leissas-me faire !

III

Sus-lou-cop Bertrand d'At fai faire crido pèr caire e pèr cantoun, dins lis endré vesin e principali vilo, que, lou tant dóu mes courrènt, escalara sus un di moure que douminon At, e d'aquí, emé d'alo de soun enven-cioun, s'abrivara dins l'èr e voulara...

Pièi, fai lou tour dis oste e di cabaretié :

— Mis ami, dis, aprouvesiounas-vous ! lou tant dóumes, i'aura 'n gros mounde en At : zôu ! garças de fricot, e pebras, e salas ! La saladuro de-mando bagnaduro.... e l'oste, lou sabès, gagno que sus lou vin. Dins li sausso, fichas-ie de cebo : la cebo fai beüre e mantèn la set ! Au dessert,

d'ambricot : l'ambricot es ibrougno... e de nose, zôu ! de nose ! que fai trouva lou vin bon.

IV

Au jour di, coume avié previst Bertrand, toubbè dins At un mounde fôu : dôu Luberoun e d'en Durèno, e de la Gavoutiño, e de la malo part ! Li gènt dins lis aubergo èron quicha coume d'anchoio : bravamen meme èron vengu la vueio.

En esperant pamens que Bertrand fugue lèst, se taulejo, se flasquejo, se met li bouto à man...

— A la santa de l'ome alu !

— Bon bèn ie fague !

— Touquen encaro un cop !

— Longo-mai, cambarado !

E poutarras de courre, e boutarèu de se veja.

V

Tout-d'un-cop la troumpeto : *Tourou-toutou ! Tourou-toutou !*

Ai ! lou vouldaire vai parti !... Noun, escouten lou troumpetoun :

— « Bertrand d'At fai assaupre que, pèr raport au tèms qu'es à la plueio e que pourrié bagna sis alo, partira que deman, mai deman de tout segur, à tres ouro de tantost ! »

— Ah ! paure ! cadun fai, malavalisco lou destourne !... Mai pamens, sian eici, tant vau espera deman.

E zôu, pèr tua lou tèms jogon i bocho, au buto-avans, à la quatreto ; e saunon mai li bouto, e bevon coume trau :

— A la santa de l'ome alu !

— Toumben uno bourro !

— Quichen encaro un age !

— La ! la ! que lou béuriéu !

— Vejas ! vejas ! que quand n'i'a gaire, me fai mau !

VI

L'endeman à tres ouro, enfin Bertrand parèis ; parèis, emplumassa de cap à pèd, coume un aucelas moustre, emé dos grândis alo facho de plumo d'auco, e lou pople afouga erido : Vivo Bertrand ! vivo l'ome voulant !

L'acoumpagnon à foulo adaut de la mountagno ; mounton sus li téulisso, escalon sus li bàrri, s'enaubron sus li pin... Ero uno boulisoun !

Quand es au bout de la mountagno, lou coumpaire Bertrand, d'aut ! espoussos sis alo... Tóuti li gènt badavon emé lou couu en l'èr, qu'aurias

ausi voula 'no mouseco... Espoussu sisalasso, un cop, dous cop, tres cop...

E li replego mai.

— Que i'a ? crido lou pople.

— I'a, respond lou voulaire, que me manco uno plumo à l'alo drecho...

La vau metre tout-d'un-tèms, e sèns fauto, deman à la memo ouro, veirès que partirai.

— Sacre couquin de goi ! se fan li regardaire, es daumage ! vuei èro un tèms chausi !... Mai anen, perqué ie sian, fau espera la fin.

Retournon à la vilo, au jo, i cabaret ; se traucó d'autri bouto, e se tourno abéura lou coucourdié :

— A la santa de l'ome alu !

— Se n'en cantavian uno ?

— Après pechiè beuren fuieto, qu'avès pòu ?

— Sian pas eici pèr s'acampa de bèn.

E got de se turta, e boutiho d'ana...

VII

L'autre endeman, Bertrand, emé tout lou mounde après, escalo mai sus la mountagno... An ! aquest cop sara de-bon...

E lou nouvèl leare, uno fès arriba sus lou pounchoun dóu serre, boulego mai lis alo coume pèr prene vanc... pièi tourna-mai s'aplanto, cabassejant e brassejant...

— Que tron es mai eicò ?

— Anen, vèse ço qu'èi, dis Bertrand d'At : fau encaro uno plumo à l'alo gauchó...

— Fau encaro uno plumo ? n'i'a que cridon, ane-s'en au bourrèu ! e que lou diable l'esplumasse !

— Leissas-me plague iéu ! ie replico Bertrand, car pèr ço que vous costo, sequèlo d'estournèu, ah ! maugrabiéu, avès dre de creniha !

— A resoun, aquel ome ! n'i'a que vènon. An ! perqu'avèn tant fa, resten encaro un jour... e tournen bagna l'encho : aquéu pichot vin d'At es pas marrit.

VIII

E de fiéu en courduro, ansin d'un jour à l'autre lis abéurè Bertrand, d'aquí-que tout lou vin se fuguèsse escoula. Li mai dubert, coumprenènt à la fin qu'èron la trufo, s'enanèron ; li plus badau restèron li darrié.

Es desempièi que se dis en prouvèrbi :

A dóu mau de Bertrand d'At,
Uno plumo toujours ie manco pèr voula.

LOU CASCARELET.

LOU DARRIÈ POUTOUN

NOUVÈ

Quand la Vierge Maire mudavo,
Lou vèspre, s'un bèl enfant blound;
Jèsu, countènt, richounejavo,
E, de caire e d'autre, mandavo
En liberta si blanc petoun.

Oh ! que sa bouco èro poulido !
Coume èron blu si dous vistoun !
Subre si gauto encoulourido,
Oh ! quant sa maire trefoulido
Oh ! quant ie fasiè de poutoun !

Dins lou bonur Jòusè nadavo
En escaudant, sus si geinoun,
Davans lou fio que petejavo,
Li blanc banèu, e tresanavo
En n'enveloupant l'enfantoun !..

L'enfant Jèsu 'mé si maneto
Ie caressavo lou mentoun ;
E Jòusè fasiè 'no babeto
Bèn tendrouno sus sa bouqueto,
Sus si maneto e si petoun.

E pièi, la santo e jouino Maire,
Quand èro muda l'enfantoun,
L'aprenié de prega soun Paire ;
E Jèsu, noste bon Sauvaire,
Viravo si bèus iue d'amount.

Alor de sa bouco risènto
Trasiè de tant bèlli resoun,
E sus sa figuro innoucènto
L'aviè 'no clarour tant lusènto,
Qu'èli toumbavon à geinoun.

E lis ange voulastrejavon
De tout caire, dins l'oustaloun ;
Touto la niue musiquejavon :

De sis alo encurbecelavon
La bressolo de l'enfantoun.

O Mario ! o Jousè ! que flamo
Dóu paradisen fougueiroun
S'abravo dins vosto bello amo,
Vosto amo puro que Diéu amo !
Que vido de benedicioun !

Ah ! fasès que touto la vido,
Amen voste bél enfantoun,
Pèr fin que nosto amo, arrampido
Pèr la mort, pause, amourosido,
Sus si pèd *soun darrié poutoun* !

MANDADIS

AU PICHOT PÈIRE-JAN ROUMANILLE

Bél enfantoun, flour espelido
I rai dóu soulèu felibren,
Apounde au bouquet de ta vido
Uno umblo vióuleto, culido
Au-terraire Malamourten.

F. AUBERT.

Malamort (B.-d.-R.), Outobre 1865.

A MADAMO ROSO-ANAIS

Te clines plus, Roso moudèsto,
Pèr agué perdu toun boutoun :
Quand la voulounta celèsto
Encepo uno bello tèsto

Davans sesoun,
N'es que pèr la soustraire i cop de la tempèsto.

Maire, es pas la mort : es d'anjou
Que t'an ravi toun enfantoun ;
Plourès doune plus, siegues plus sounjarello :
Aquèu nistoun èro tant bèu
Qu'uno celestialo troupello,
Dins si cherpo d'or e de nèu,
Uno niue sout soun arcounsèu
L'an pres, e l'an pourta per-dessus lis estello :

Aqui, pèr l'assoula,
Sus li niéu dóu pounènt, brèssò di bòni fado,
L'endouïrmien en cantant de divinis aubado...

Pèr ie faire óublida toun la,
Lou nourrissien d'uno mauno encantado...

Aubouro, aubouro doune
Toun front, Roso moudèsto ;
Aro qu'a passa la tempèsto,
Es renaseu toun fres boutoun.

Maire, en vesènt elina ta tèsto,
Dóu cèu la troupello celèsto
A rendu toun bel angeloun
A ti poutoun ! *

FELIBRESSO DÓU CAULOUN.

AU FELIBRE J. R.

SUS LA NEISSÊNÇO DE SOUN SEGOUND ENFANT

O moun ami de Diéu ! que t'ères engana
Quand creiguères bèn tiéu toun enfant proumié-na !
Coume ! l'as pas coumprès ? Ero un anjoun, pecaire !
Que, jougant liuen dóu cèu, — paure voulastrejaire ! —
Toumbè 'n jour dins un brès, e fuguè desoula,
Eu que vivié d'amour, de se nourri de la.
Vaqui perqué, moun bèu, perqué s'es envoula.

Lou segound, que creses soun fraire,
Es bèn tiéu, moun Felibre ; e pòu plus s'enana,

Lou nouvèn-na :

Car, ve, regardo, n'a ges d'alo !

Escouto-lou, que la cigalo

Canto mies qu'èu... Mai si cansoun

Un jour nous faran gau : ie donaras leiçoun.

Disiè, ma pauro grand, — e iéu dise coume elo :
— Se fau pas trop pressa, car tout vèn pièi à tèms.

Touto flour d'ameliè, proumiè rai dóu printèms,

Es rare que fague uno amelo.

Villa-Bozon, 26 d'Outobre 1865.

MADIÉU PICHOT.

(Autour dis Arlatenco).

AU NISTOUN DE ROUMANILLE

Au tèms que se ves jauni la ramiho,
Au tèms que se ves pendoula dei triho
Lei panso daurado ei rai de l'estiéu,

Tu, bël enfantoun d'Aïs-Roumaniho,
Arribes courous dintre la famiho
Coumo un rasin d'or que nous mando Diéu.

Tambèn, pèr vendémi, à-n-uno autro annado,
Bèu plant d'Avignoun, te vendren cerca ;

Car t'aman autant, frucho desirado,
Que dóu bouen Reinié lou rasin musca.

F. VIDAL, cadet.

A-z-Ais, 14 de Setèmbre 1865.

LOU VIN DI FELIBRE

A Castèu-nòu-dón-Papo, noste ami Anseume Mathiéu a 'no vigno de gres e de bon plant, qu'a diguamen cantado dins sa *Farandoulo* :

Ma vigno es vièio, a dous cènts an :
Au son galoi di canto-bruno,
Li Masco, dison, en dansant
L'an paucado en bono luno.

Au souleiant di blound roucas,
Dins un gres clafi de lausiho,
A pèr centuro de baucas,
D'éuse, de rudo e d'avaussiho.

Lou vin que jito es prefuma
Coume un bouquet de ferigoulo;
Es un baume pèr l'estouma,
Es un flo d'or qu'au soulèu coulo.

Aquéu vin, entina e embouta de man de mèstre, es couneigu, mai soulamen d'un pichot noumbre de bevèire, souto lou noum de *Vin di Felibre*. Es pamens, sèns countèsto, lou proumié vin di Prouvençau.

Que ie manco pèr lusi e dansa dins lou vèire, sus tóuti li taulo requisto ? uno brigo de renoum ; car, bon brut, coume dison, vau souvènt mai que bon vin. Eh ! bèn, Anseume, — digas qu'es un glourious, un ambicions, ço que voudrés, — met lou ramèu sus la porto de sa croto, e fai assaupre

que, quau vòu en fisanço de vin de Castèu-nòu, de vin de sa vignasso, de *Vin di Felibre*, n'a que de l'escrièure.

Mathiéu, emé lou vin, mandara d'etiqueto pèr marca li boutiho.

Aquéli etiqueto soun galanto què-noun-sai. Dins un encastre de branco de vigno, i'a l'escrièu seguènt en letro roujo :

VIN DI FELIBRE

D'ANSÈUME MATHIÉU DE CASTÈU-NÒU-DÓU-PAPO

Li forço au vènt-terrau vènon ravoio,
L'aiòli douno au cor la bono inour,
Li bello de vint an dounon l'amour,
Lou vin de Castèu-nòu douno la voio,
Emai lou cant, emai l'amour, emai la joïo !

Au-dessus, lis armo de Prouvènço, e au-dessouto, aquéli dóu pouèto, qu'es sèt boutoun de roso e la deviso

Tant de boutoun,
Tant de poutoun.

A gauchò i'a 'no liro gansado emé de nerto, e à drecho, uno tourtouro emé soun tourtourèu. Enfin, i quatre caire trelusisson lis armo de Castèu-nòu-dou-Papo : la tiaro d'or emé li elau.

Rèn qu'acò vau l'argènt. — Es bèn l'ensigno que falié au neitar amoureux, pountificau e felibren.

LOU FELIBRE DE BELLO-VISTO.

Outobre 1865.

LI SAUSSISSOT D'ARLE

Ei bouen saussissot d'Arle ! esquiravo un marchand,

En marchant

De carriero en carriero à travès nouesto vilo.

Mai un marrit plasènt li cridè : Filo ! filo !

O marchand de pouerc embala !

Car, dintre tei bouièu, vai, sabèn ço que l'a :

De n'en manja pas tant viedase !

Lei casisson de carno d'ase !

En Arle v'ai vist. — Qu'es eiçò ?

Respouende lou marchand, en lou gueirant de caire :

M'estóuni qu'en trevant aquèu païs, coudpaire,

Segues pas vengu saussissot !

Ais, 1865.

J.-B. G.

D'OUNTE ACO VÈN

O jouvènt, ta tèsto bloundino
Ounte dins li frisoun l'auro fresco badino,
Ta tèsto de sege printèm,
Penjouleto, en avans pietousamen se clino
Coume uno espigo d'or souto la pesoulino...
Digo, digo ! d'ounte acò vèn ?

Tis iue de coulour celestialo
Qu'èron dous bèu mirau de pudour vierginalo,
N'an plus qu'un regard esmourènt :
Davans mis iue bounias toun regard crentous calo...
Ah ! per-de-que n'a plus sa candour naturalo ?..
Digo, digo ! d'ounte acò vèn ?

Ta bouco risouleto e fino
E qu'avié la frescour d'uno flour purpurino,
Aro, vai en se passissènt,
Coume un fru qu'a tara la dènt de la vermino,
O 'no flour qu'a passi l'alèn de la plouvino...
Digo, digo ! d'ounte acò vèn ?

Subre ti gauto la jouinesso,
La vido flourissié dins touto sa richesso ;
Fasiés gau en tóuti li gènt...
Aro, te vesèn plus la memo poulidesso ;
Toun visage tant jouine es pale de tristesso !....
Digo, digo ! d'ounte acò vèn !

Aviés uno cambo soulido
Que lampavo toujours sènso èstre desglesido ;
Mai, aro, moun paure jouvènt,
Camines plan-planet d'uno cambo arrampido,
E boufes, en prenènt li mountado rapido...
Digo, digo ! d'ounte acò vèn ?

Apassiouna pèr la leituro,
Un bèu libre trasié sus ta gènto figuro
Un èr de plesi trelusènt.
Aro, rènn t'enchau plus ; l'estùdi, l'eserituro,
Sònn uno esclavitudò, à tis iue, di plus duro...
Digo, digo ! d'ounte acò vèn ?

Ères, toustèms, envers ta maire
Soumés, afeciouna, tèndre, poutounejaire,
E pèr ti sorre coumplasènt ;
Enventaves li jo pèr amusa toun fraire.
Aro, moun paure ami, li regardes plus gaire...
Digo, digo ! d'ounte acò vèn ?

L'ange gardian de toun enfanço,
Èu que te caressavo emé tant d'amistanço,
Toun Curat, toujours sourrisènt,
Que t'a fa ?... per-de-que te tènes à distanço ?
Coume vai que dins èu as perdu counfianço ?
Digo, digo ! d'ounte acò vèn ?

Que s'es passa dintre toun amo ?
Aro, ames plus ço que tout brave jouvènt amo,
Diéu, lou travai e li parènt.
Di plus bèu sentimen as amoussa la flamo
Dins toun cor ! e belèu... pèr uno idolo infamo !
Digo, digo ! es d'aquí que vèn ?

Esmarra pèr toun imprudènci,
As belèu trapeja ta raubo d'innoucènci ;
Belèu, o malurous jouvènt,
As begu la pousoun di lio de pestilènço ?...
Ah ! belèu, i'as terni la flour de ta jouvènço !..
Digo, digo ! es d'aquí que vèn ?

Lou plesi, de sa man de fèrri,
Dins toun amo e toun cors a 'stampa soun empèri...
De t'en deliéura sarié tèms !
Senoun, lou cors rouiga pèr d'impûri misèri,
I'aura bèn lèn pèr tu qu'un cros au cementèri
I plus bèu jour de toun printèms !!

F. AUBERT.

Malamort (B.-d.-R.), 12 d'Outobre 1865.

Un debitour, secuta pèr si creditour, cridavo : Saerebièn ! ai agu proun
peno pèr me proucura d'argènt : aro me fichen en caire pèr me lou faire
rèndre....

UNO PARAULO DOU CARDINAU MAURY

Lou cardinau Maury (1746-1817) èro fièu d'un courdouniè de Vau-rias en Prouvènço. Sieguè, coume l'on saup, l'ouratour d'ou clergie is Estat-Generau de 1789. — Es remarcable que l'ouratour d'ou Tiers-Estat, Mirabèu, e l'ouratour de la Noublessò, Cazalès, èron perèu d'ous ome d'ou Miejour.

Estènt devengu prince de la Glèiso, lou celèbre Vau-riassen noun estratiguè sa raço :

— D'abord, un jour disié, que devièu èstre quaucarèn en aquest mounde e m'amboura au-dessus de moun paire, ah ! que noun a viscu 'n pau mai, pèr que pousquèsse metre ma caloto cardinalenco dins soun umble faudau !

LOU CASCARELET.

LA CULIDO DE POUTOUN

(SOUVENÈNÇO D'UN JOUR DE NOÇO)

A LA FELIBRESSO AZALAIS DOU CAULOUN

Ièr, te voulièu pèr amigueto ;

Mai toun noun, au-jour-d'uei, mete moun amo en d'ou

AZALAIS.

Souto si pèu bloundin, bloundin coume l'arange,

Emé sa raubo bluio e soun mantelet blanc,

Retrasié, la galanto enfant,

Lou nis paradisen qu'amago un pichot ange.

E chascun l'amiravo, e chascun la bevié...

Mai que tóuti, ièu soul la bevièu, l'amirave !

E, tout trefouli, respirave

Lou parfum amistous qu'à soun entour trasié.

Mai, pecaire ! moudèsto, elo, autant que poulido,

D'ou tèms que dansavian, restavo d'assetoun,

E, beisarello, de poutoun

Curbissié d'un enfant li gauto afrescoulido.

L'enfantounet que tant poutounejavo ansin,

Devié sai-que trouva bèn douço si caresso,

Qu'i labro de la Felibresso

Aparavo si gauto, e toujour, e sèns fin !...

E iéu, sentènt alor moun cor que tresanavo,
Envejave lou sort dóu pichot innoucènt
Qu'acampavo, urous e risènt,
Lou tresor de poutoun qu'un ange ie dounavo.

E, coume valsavian, perdeguère lou pas :
Cauciguère, pèr vèire eila l'encantarello,
Li petoun de ma dansarello,
Que s'estavanissié gaire mai dins mi bras !...

Quand la danso moulè, veguère que la bello
Beisavo plus l'enfant : èro au bras d'un jouvènt
E tóuli dous, gai e countènt,
Fusèron davans iéu coume de farfantello...

Alor, pèr m'assoula, sounère l'enfantoun ;
Pièi, urous meissounié, sus si gauto redouno
Prenquère tóuti li poutouno
Que i'avié samena la chato di pèu blound...

MANDADIS

Despièi, Azalaïs, la pauro fiho es morto !
E si poutoun rauba me bourrellon lou cor
Coume lis àrpio dóu Remor :
Vaqui perqué vers vous iuei ma Muso li porto.

Prenès-lèi, vous, sa sorre ; e se jamai trapas
Lou bèl enfant en quau raubère li caresso,
Rendès-ie, douço Felibresso,
Que dins moun amo ansin remenarès la pas !

L. ROUNIEUX.

Bèu-caire, 29 de Setèmbre 1865.

Despuei que lou dótour Gastaud
Dins nosto vilo fa l'empèri,
An demouli noueste espitau...
Mai an basti dous cementèri !

J.-B. G.

AU RÈI REINIÉ

ODO GALEJARELLO *

Rèi Reinié de Dàvi d'Angié,
Tu que fas tant boueno figuro
Sus nouesto souent, d'un grand dangié
Sies escàpi, es cavo seguro !
Dins lou maubre, lei Prouvençau
A fin d'ounoura toun imàgi,
An pres quatre cènts an 'm'un pau
Pèr retraire toun vièi caràgi.

E despièi, au mitan dóu Cous,
Noueste bèu soulèu, que t'esclaro,
Te ves, sèns cregne leis espous,
Alucant coula l'aïgo claro.
Ansin lei bràvei gènt de-z-Ai
T'an mes sus la pèiro auturouso
Pèr faire, sèns bouca jamai,
Aquelo passado eigassouso.

Aqui, dins toun mantèu reiau,
Ta bouniasso caro se chalo ;
Quihado sus lou pedestau
Pòu mounta sa gàrdi eternalo ;
E toun coumpaire Matheroun
E lou vièi Fourbin Palamedo *
Guèiron, aquélei boujarroun,
Se vien pas quauque pèis que nèdo.

Autour d'aquelo be'lo souent
Ounte blanquejes coume un glàri,
De-fes, pèr t'apara dóu souem,
Reviéudon tei jue poupulàri,
Tei jue de la fèsto de Diéu
(Dei quan la vogo tant es grando),
Que lou tambourin agradiéu
E lou fluitet meton en brando !

* A l'oucasien dóu tron que, lou 7 de Setembre 1865, toumbè sus l'estatuo de Reinié de la souent dóu Cous à-z-Ais, e se neguè dins lou barquieu.

* Jan de Matheroun e Palamedo de l'ourbin, menistre de Reinié, an soun retra sus la memo souent, sousta dins de medaioun de pèiro.

Pamens, que lou sort es chanjant !
Long-tèms ta faci benurado
Dei gros serpentèu de Sant Jan
Ausè brusi lei petarrado.
Aquén brut, coume es deja lun !
Lei bravado de nouèstei rèire
Se soun toueis enanado en fum...
— Venès va vèire pèr va crèire.

Au trantran dei revoulucien,
Que de reiaume, que d'empèri
A l'oumbro dei coustitucien
Soun entarrado au cementèri !
Tu, te vian sèmpre resta dre ;
E despuei que fielavo Marto,
Sies toujours rèi de noueste endrè
Sèns *Charto* e sèns perdre la carto.

Tei vers galoi, tei mot risènt
Soun enca dins touei lei memòri,
E sies lou rèi lou mai plasènt
Qu'a fa bouqueto dins l'istòri.
Te fasien gau, dins tei vièis an,
Lou pincèu, lou fluitet, la muso.
Lia gaire de rèi amusant,
O de pople qu'un rèi amuso !

De la Bedocho e l'Abadié
S'as fa la musico qu'assouelo,
Aro, soubeiran eigadié,
T'enchau que de l'aigo que couelo !
Pamens, te vesian aclapa
Encaro un pau, coume un vièi roure ;
Lou scètre anavo t'escapa,
En s'espoutissènt sus toun mourre !

L'auragan, qu'espragno degun,
Autour de ta tèsto esmougudo,
Emé l'alo dóu revoulun
Couchè lei nèblo sournarudo ;
Long-tèms l'auragan mau-courous
D'uiiau, de tron se fè pas sauto,

E, de toun seren envejous,
Lou cèu voulié te metre en pauto.

Avié bèu uiaussa, trouna,
La tempouro, à fin de mau-traire !
Reinié, n'as jamai tresana,
Ni vira la tèssto de caire ;
E pamens s'est vist lampeja
Autour de ta vèio courouno,
Puei se touesse e belugueja
Uno.escandihado ferouno.

Fugès lou front dóu bouen Reinié,
Serp de fue que sarras soun couele !
Lou rèi de pèiro es lou darrié
Que n'avèn counserva lou mouele !
Amoussas-vous, o tron de Diéu !
Assoulas doune vouesto coulèro...
— Lou tron toumbo dins lou barquiéu,
E l'aigo amouesso lou tounerro.

Quand, subre lou mounde espanta
Diéu vòu que la clarta sie facho,
Se ves trelusi la ciarta
Rèn qu'à-n-un signe de sa facho.
Ansin, Reinié, rèi coutiga
Sus lou trone sènso daumàgi,
Lou tron qu'à tei pèd s'es nega
Segur t'a vougu rèndre óumàgi !

Càspi ! quint espaventamen !
E ma muso s'es enrabiado
Pèr retraire l'evenimen !
Mai, la pauro ! es gaire engaubiado :
Vous a di ço qu'an jamai vist
Subre lou cresten de la terro :
Avèn dintre noueste païs
Un rèi qu'es un paro-tounerro !

J.-B. GAUT.

A M. PLACIDE CAPPEAU

Tout-dè-filo ai legi voste *Rèi de la Favo* :
Coume soun rire es bon e sage si counsèu !
Coume es grand, en trasènt sus la Poulougnò esclavo
Uno mita de soun mantèu !

Lou rèi bèn, beven doune ! qu'emé lou tap di fiolo
D'aboundànci de cor boundigon li cansoun !
Lou vin vièi, mis ami, garo la parpaiolo,
Fai esvarta la languisoun.

Voste Rèi de la Favo es rèi coume n'ïa gaire,
Car jito à plen de man lou blad de si granie ;
Es un baile amistous coume avien nòsti paire
Au tèms galoi dóu rèi Reinié.

La Prouvènço d'alor n'èro qu'uno famiho
Qu'emé soun rèi, l'ivèr, se caufavo au calanc ;
E l'estiéu, à l'oumbrun de la memo ramiho,
Li vesié mai se regalant.

Mai la favo toustèms noun es inteligènto,
E toumbo, i'a de fes, en de raco-denié
Que l'avalon, e fan uno mino rigènto...
A la santa dóu rèi Reinié !

ANSÈUME MATHIÉU.

Avignoun, Outobre 1865.

LOU CURAT. — Pauloun, quand i'a de sacramen ?

PAULOUN. — Quisès, Moussu lou Curat ?

LOU CURAT. — Sies sourd ? Quant i' a de sacramen ?

PAULOUN. — Ah ! de sacramen ? N'ïa plus, Moussu lou Curat.

LOU CURAT. — Coume, n'ïa plus ?

PAULOUN. — Dóumaci, Moussu lou Curat, à ma grand avès adu li
darrié, la semano passado.

LOU CASCARELET.

— Lou generau Miollis a pres perruco, disié quaucun dins uno
soucieta.

— Hoi ! dis un niais. E mounte es aquelo vilo ?

— Ei sus lou coulet, respoundeguè un vièi troupié.

SIÈIS MES APRÈS AU TOUMBÈU D'ISABÈU

A MADAMO ROSO-ANAIS

Souto aquèu pichot toumbèu,
Blanc linçòu de margarido,
Jais la bloundeto Isabèu,
Souleiado de ma vido !

Plourant ièu, touto èro en plour ;
Risènt, èro riserello ;
Doulènt ièu, èro en doulour ;
Cantant, èro cantarello !

Caro veno de moun cor !
O ma bello sèmpre amado !
Aro ount soun ti treno d'or ,
Ti bouqueto prefumado ?

Ounte soun ti poulit bras,
Blanc e lisquet coume evòri ?
Ounte soun tis iue bluias,
Plen d'amour e plen de glòri ?

Aro ounte es toun sen bessoun ?
Ta lengo misto e tendrino ?....
Dins un grand foussat feroun, —
Devoura pèr la verminino !...

Marrit cros ! o trau dana !
O tu, moustre, Mort negrasso !
Tu qu'arrapes la bèuta
Coume uno orro tartarasso !

Tu, que la galanto flour
Mai que l'aubre fièr t'agrado !
Coume i cacalaus toujours
Plais la roso mai amado !

Rènde moun amigo, o Mort,
A mi poutounò amourouso, —
E jitarai tout moun or
Dins ta founsour tenebrouso !

LOU MARCHAND DE LACH

CONTE

(PARLA DE LENGADÒ)

Tant-lèu que l'aubo pounchejavo,
Cade mati que Diéus a fach,
Jan, pèr ana vèndre soun lach,
De Couloumbiès, soul, delargavo,
E vers Beziès s'acaminavo.

— En passant de-long del Canal,
Sèns brut, sèns pairi ni mairino,
Jan batejavo coumo cal

Lou lach qu'avìò dins sa cantino.

Se sap qu'ïa pas de mestieiret

Que noun age soun barralet.

Am lou séu, pulèu que Perreto,

Jan pourra fa sa fourtuneto,

E croumpa pouls, pore e vedèl.

Se crompto d'abord un capèl,

Un capèl pèr lous jours de fèsto.

Ambé soun castor sus la tèsto,

Gagnavo, countènt, soun oustal,

Quand un grand vènt de tramountano

I lou mando dins lèu Canal

Del naut del puech de Founcerano.

Lou paure ome rèsto candit

En vesènt coumo uno palaigo

Soun capèl nòu vouga sus l'aigo ;

E va s'ï jita tout vestit,

Quand ausis quaucun que li erido :

— Sos bauch, d'ana risca ta vido

Pèr sauva lou capèl que lou vènt l'a panat !

Ero vengut de l'aigo e dins l'aigo es tournat ;

Del mal-gagnat acò 's la recoumpènso.

Qual li mando aquelo sentènço ?

Es lou Curat de Couloumbiès

Que passo en anant à Beziès.

De Jan counèis la michantiso,

Souvènt, de Jarrès un tourral
L'a vist prene d'aigo al Canal
Pèr asaga sa marchandiso.

Jan rèsto mut, al sol plantat coumo un paissèl...
Mãi batejèt soun lach coumo à l'acoustumado ;
Am l'argènt d'uno senmanado
Se croumpèt un autre capèl.
Soulomen, quand lou vènt bufavo
E que lou marrias passavo
Long del Canal, —
De pòu que s'enanèsse aval,
Ambé sas dos mas lou sarravo...
De la leiçou Jan proufitèt atal !

GABRIEL AZAÏS.

Beziès, Outobre 1865.

SANT GÈNT

A LA FELIBRESSO DOU CAULOUN

Ai ! las ! moun Dièu ! pas uno espigo !
Nòsti champ sèmbelon de garrigo :
Fan pièta, li meisoun que brusi lou secan !
Tout peris ; uno auro enraunado
Boufo de-longo, e la ramado
Pendoulo, jaunasso, rimado...
Ai ! ai ! vèngue un pau d'aigo, o n'auren pas un gran !
Lou meinagié n'a plus d'espèro ;
Varaio, sourne, dins si terro :
De soun vergiè brula vèi flegi li ramèu ;
De la Mort, dins tout lou terraire,
Vèi lusi lou dai despampaire,
E se dis : Ai ! malurous paire !
Es deja meisouna lou pan de mis agnèu !
E li caro soun blavo e tristo
En vesènt li frucho requisto
Se rabala pèr sou... Tout-d'un-cop : — A Sant Gènt !
Crido trefouli lou vilage ;
A sa font, à soun ermitage,
Anen tóutis en roumavage !
Lou Sant fara miracle.... An ! auto ! bràvi gènt ! —

E davans l'aubo, li campano
Revihon tóuti dins la plano.
Es niue, es niue encaro ; e luchant d'afecioun,
Enfant, femo e viei soun pèr orto ;
Lou pople, que la se tresporto,
Acoumenço d'une vones forto
Lou cantico dóu Sant, e part la proucessioun.

Qu'es toucant, au lum dis estello,
De vèire lusi, mai que bello,
La cadiero dóu Sant que porton li jouvènt !
E, dins la draiolo perdudo,
Quand tout, en passant, la saludo,
D'ausi li vones d'ome, e mougudo,
Canta devoutamen, meselado au brut dóu vènt !

Soun arriba. Sus li mountagno,
Ounte lusejo enca l'eigagno,
Pounchejo lou soulèu ; e si raïoun daura
Dintre li branco dóu bouseage,
Risènt, giselon sus l'ermitage ;
E li roumièu dóu roumavage,
De redoubra si cant, e, 'smougu, de ploura !

Din ! din ! de la vièio capello
La campaneto clarinello
Saludo li roumièu. — Vivo, vivo Sant Gènt !
Respond tout d'un crid la jouinesso ;
E pèr acoumpli la proumesso,
Sus lou toumbèn dison la messo,
E long-tèms, à geinoun, prègon li bràvi gènt.

Pièi dins la coumbo sôuvertouso,
Pèr vèire la font miracelouso
Escalon à mouloun : quento se ! quènti cant !
Autour de l'aigo, oh ! quento foulo !
Chascun n'en vòu emplì 'no moulo ;
Pièi au mitan di ferigoulo
Se fai lou roudelet e se dino en charrant.

Enterin, mounto uno malauto :
Li fèbre i'an nebla li gauto ;

Se tirasso emé peno ! e pamens a vougu,
Pauro chato, pauro doulènto,
Vèire l'eigueto que sourgènto ;
Dins si man n'en bêu... e, countènto,
Sènt reflouri soun ten desempièi qu'a begu.

Partèn ?... Li jouvènt, sus li moure,
Acampon de ramèu de roure,
De bouis verd, de badasso e de fres roumaniéu ;
Dóu Sant n'en ornon la bandiero,
Se n'en flocon la boutoumiéro ;
Pièi la proucessioun s'arreguiéro,
La campano es à brand... e parton li roumiéu.

D'espèro li cor trefoulisson
E li mountagno restountisson
De milo crid de fe. S'envan... Tout-escaç soun
A mitàn camin, se fai nivo ;
Prègon mai em' uno fe vivo...
Miracle ! un ruscle lis abrivo,
Uno plueio de Diéu arroso la meissoun !

ROSO-ANAÏS ROUMANILLE.

LA COUNÈDI

Avien douna 'n bihet à Jouselet, pèr ana à la coumèdi.

Quand n'en venguè, ie diguèron :

— Eh bèn ! èro bêu ?

— Oh ! segur ! Segur èro bêu ! Tant bello, bello es la salo, e tant bèn pintourlejado ! E li bêu vièsti ! Li bêu vièsti d'aquéli bèlli damo, d'aquéli bèlli damo, e d'aquéli bêu moussu ! Oh !.. Equant delume ! E li bêu lume !

— Mai, coume avès atrouba lis atour ?

— Ah ! lis atour ? Lis atour parlavon de sis afaire. E coume, vous dirai, parlavon de sis afaire, e que sis afaire me regardavon pas, j'ai fa gaire atacioun, ièu.

LOU CASCARELET.

LOU VIIHAIRE

l'avié, passa-tèms, à Vau-rias, un brave ome nouma Jan Pegoulet. Quau, à Vau-rias, l'a pas councigu ? èro groulié de soun mestié ; e, dins sa famiho, de paire en fiéu vihavon li mort.

Un jour, de galejaire ie jouguèron un tour : un d'éli faguè lou mort, se leissè metre en susàri, li man juncho sus l'embourigo.

Anèron trouba Pegoulet :

— Pegoulet, ie diguèron, i'a Bas-de-quiéu qu'èi mort d'uno grosso fèbre malino.

— Oh !.. pechaire ! Bas-de-quiéu ?

— O. Poudriès pas lou viha la niue que vèn ?

— Siéu bèn pressa... que vous dirai ? Manco pas rebihage, moun Diéu vous rènde gràci !... Hòu ! tambèn i'anarai. Pourtarai moun óubrage.

E Pegoulet venguè pèr viha Bas-de-quiéu.

— Paure Bas-de-quiéu, diguè quand lou veguè rede dins soun lie ! que Diéu te repause !

Em'acò pièi se boutè à rebiha si groulo, e faguè eracina soun lignòu, galoi, siblant e cantant.

Quau vous a pas di qu'apereieça vers miejó-niue, lou mort pretendu s'aubouro sus soun lie :

— Quand l'on viho li mort, ie fai, l'on dèu pas canta, Pegoulet !

Pegoulet espavourdi fai alor un gros signe de crous pèr pausa soun sang esmougu ; aganto pièi soun tiro-pèd, e vlin ! vlin ! sus lou mort :

— Quand l'on es mort, ie dis, l'on parlo pas, Bas-de-quiéu !

E lou mort ressuscitè, e paguè fuieto à Pegoulet.

Demandas i Vau-riassen se n'es pas vrai ço que vène de vous counta.

LOU CASCARELET.

Lou Maire de Cucuroun avié 'no fiho ; sa fiho avié 'n canàri ; lou canàri s'escapè ; e lou Maire de Cucuroun faguè lèu barra li pourtau dóu vilage.

Un galavard disié que, pèr manja 'no bono poulardo, falié èstre dous : éu d'abord, e pièi la poulardo.

— M'as fa la mino, disié Gloudoun à Tistet.

— Noun, respond 'Tistet. Se te l'aviéu facho, l'auriès meiouro.

Un ibrougnasso fasié : Dison qu'un vèire de vin soustèn l'ome : n'ai mai de trento dins lou vèntre, e pode pas me teni dre.

LOU CASCARELET.

MORTUORUM PROUVENÇAU

Lou troubaire *Matiéu Laeroix*, nascu à Nîmes lou 12 d'Abriéu 1819, es mort à la Grand-Coumbo lou 13 de Novèmbre 1864. Èro l'enfant, l'enfant naturau, peccaire l d'uno pauro courduriero, e lou noum de *Laeroix*, que ie donnèron quand nasquè, fuguè bèn l'ourouscòpi de la crous qu'a poutado pendènt touto sa vido. A l'age de sèt an, sa maire ie manquè ; lou levèron subran de l'escolo di Fraire, que seguè despièi nòu mes, e lou boutèron au travai encò d'un tafataire. Lou dimenche lou mandavon pèr li vilage demanda, e à soun retour, de-vèspre, quand sa biasso èro pas bèn pleno, lou batien. Mai uno bravo chato, Suzeto Tilloi, qu'èro soulo coume èu e gaire drudo, lou tirè d'aquel infèr e l'adoutè : l'ourfanèu aviè douge an.

Intrè alor pèr aprendis vers de massoun ; e quàuquís an après, fasiè manobro au pont de Roco-favour. Enfin devengu ome, e massoun de soun mestiè, se maridè 'mé sa Françouneto, e dóu rude travai de sa journado visquè despièi à la Grand-Coumbo, près d'Alès.

A la Grand-Coumbo, i'a de mino de carboun. Un jour, aqui, arribè 'n gros malur : uno carbouniero s'abósounè e aclapè de carbounié soutu si rouino. Quand daverèron li cadabre, *Matiéu* i'èro. La visto d'aquel espetacle, li gème e li senglut di femo e dis enfant, ie tranquèron lou cor, e l'esmouguèron talamen que, pèr se desgounfla, èu ignourènt, noun pousquè s'enebi la formo pouëtico, faguè 'n miracle ! faguè, — èu lou paure marrit que sibiè just legi e escrièure, — aquèu pouèmo dramati, vivènt, pur, delica, pietadous, amirable, qu'a noum *Pauro Martino*, * e que tirè de plour en tóuti quand l'autour nous lou diguè, au Roumavage de Troubaire tengu à-z-Ais lou 21 d'Avoust 1853. *Matiéu Laeroix* fuguè lou rèi d'aquelo fèsto... Me sèmblo que lou vese, quand pareiguè sus lou pountin. La grand salo de la coumuno èro pleno coume un iòu, dóu plus bèu mounde de Prouvènço. Tout-d'un-cop sus lou tiatre s'avanço vergougouns lou pouèto de la Grand-Coumbo : èro vesti, umblamen que-noun-sai, d'uno vèsto courteto, passido e rouginasso ; si pèu bloun-l, amechi, ie toumbavon sus lou front ; ten'è à la man, e coume un desgaubia, un marrit capèu de pato. Lou publi, mau impressiouna, semblavo se dire : Ounte vai aquèu pelègre ?

Lou troubaire pamens coumenco : d'uno voues morno, plagnènto e douço, nous descrièu la familho, lou moudèste bonur dóu carbounié. Sa

* *Pauro Martino*, Alès, libraire Brusset. Vèire peréu lou *Roumavagi dei Troubaire*, à-z-Ais, libraire Aubin.

caro se tremudo, soun iue blu s'ilumino, sa voues devèn pougneto : lou publi estouna l'escouto em' atencioun. Mai lou recit à cha pau s'ensour-nis, lou fio grisoun esclato dins la mino, li ro se destrantaion, la moun-tagno esfraïouso aelapo lis oubrié... Aguessias vist la salo entiero ! La terrour sarravo li cor, la palour de l'esfrai èro sus li visage. E que fuguè, moun Diéu ! quand l'ispira moustrè lou pople adusènt lou carbounié, mort, à sa pauro mouié !

L'acès la pren, sa car tremolo,
S'estavanis, s'atrovo mau ;
Revèn, crido coumo uno folo :
— Moun ome es-ti mort o malaut ?

— Es esta sousprés pèr la toufo,
I dison pèr la counsoula ;
E lou fio grisou que refoufo
L'a pas mai qu'un pauquet brula...

— Es mort, e m'ou voulès pas dire !
Vous prègue, pèr l'amour de Diéu !
Me fasès soufri lou martire !
Digas-me s'es mort o s'es vieu...

Ausisse dinda 'no campano...
Sono un clas... De quàu, Santo Crous ?
Leissas-nie rebounda la vano
Qu'acato moun ome saunous !...

Li lagremo e li senglut de l'auditòri curbiguèron la voues dóu recitaire. Lou paure recitaire, lon massoun desgaubia, èro devengu divin, resplendènt ; e la foulo, ravidò, tresananto, l'aplaudissiè, l'aplaudissiè !..

L'endeman d'aquéu triouffle, cadun tournè à sis affaire, à si plesi ; lou mesquin, qu'aviè tengu la vèio tant de cor dins sa man, s'entournè resigné — e sounjaire — à soun martèu-taiant. E l'oumbro de la misèri l'enne vouliguè mai e pèr toujour.

De liuen en liuen, pamens, relevavo la tèsto pèr nous faire ausi un cant ; mai soun canta, sèmpe que mai doulènt, semblavo lou plagnu d'un auceloun entre lis arpio d'un ratiè. L'aspro necessita ie coupavo l'alèn.

Matiéu Lacroix, en despiè de soun mau sort, pèr sa counducho dreeho e eisemplari, pèr soun dous caratère e pèr si bonis obro (se levavo lou pan de la bouco pèr apastura si fraire), s'èro fa bèn-voulé dins soun país e à sa mort, grand fuguè lou counvoie e grand lou dòu dins li Ceveno. Pièi un jouine troubaire, soun escoulan e soun ami, Albert Arnavielle pendoulè à sa crous uno couronno. Ve-n'erci quàuqui flour :

Es mort lou bon Matieu ! Encaro aièr cantavo
Embé sa douço voues que toutes amavian ;
Lou popla encaro aièr pèr camí l'arrestavo,
E pièi à soun entour toutes escoutavian...
Alor el nous disié toujours de bonos causos
Qu'aurien touca de cors autant durs que de lausos !
Dóu plesi risian, plouravian !

Mai coume l'aucelet piéutant subre la branco
Qu'un cassaire brutau fai peri sèns esou,
La daïo t'a pica que toun amo tant blanco
Avié pas acaba de canta sa cansou !...
Aro que sies au cèl, as rên perdu dóu change :
Cantaves estènt ome, aro que sies un ange,
N'en cantaras que miel, crèi-lou !

Nous souvendren toujours de ta voues douço e primo
Que coulavo planet sus un champ de doulour ;
De ta bouqueto en fio s'escapavo la rimo
Que, tant lèu que sourtié, se chanjavo en gros plour ;
Ensindo lou rajou, que sort de la founteto
Dins un prat tout flouri, laïssou qu'uno gouteto
Penjado au front de chasco flour.

II

La Felibresso Antounieto de Bèu-caire (Mario-Antounieto Riviero) es morto à Bèu-caire lou 27 de Janviè 1865, à l'age de 25 an. — Ero nascudo à Nimes lon 21 de Janviè 1840, mai n'avié que tres mes quand venguèron si gènt dins l'endré subre-di.

La proumto mort d'aquelo amablo sorre, d'aquelo tèndro cantarello, d'aquelo esperanço en flour, es estado pèr nautre un erèbo-cor. Coume la Felibresso dóu Cauloun e coume Roso-Anaïs de Malo-mort, èro vengudo afeciounado óufri à la Prouvènço l'amour de sa jouinesso, sa grâci de chatouno, soun nouvelun e sa candour de vierge ; e la vequi, coume uno flour pradiero, segado en tout soun baume, en touto sa bèuta ! e regardas un pau : a viscu 25 an, e a leïssa tout just 25 pèço.

Escouten Louis Roumiéux, dins la prefaci qu'a escricho pèr lis obro d'Antounieto :

« Lou 16 de Janviè, uno semano avans sa mort, l'arribè de Niço un bouquet qu'à l'óucasioun de sa fèsto l'avian fa manda pèr Alphonse Karr. Quèti erid de bonur ! Quétis: esclamacioun d'alegresso, quand sourtigue-rian la garbo flourido pèr l'espandi sus lou lie de la malauto !... E risié de tant bon cor, e tant poutounavo li flour, emé tant de plesi n'aspiravo li parfum, que si gautouno un moumen s'enflourèron, e que la mort, un moumen, deguè s'enfuge de l'oustau ! Mai pièi, tout en amirant la

frescour di floureto : « Ai ! las ! eridè, sarai passido avans tu, galant bouquet de ma fèsto ! Vai ! saras encaro proun fres pèr embauma ma toumbo !... » Tóuti li jour l'anave vèire. « Anen, ma sorre, adieu ! » ie disiéu quand m'enanave. — « Me digués pas *adiéu* ; vole que me digués *à revèire* ! » me replicavo en sourrisent. Tambèn, lou 27 de Janvié (soun darrié jour, pecaire !) : *A revèire* ! ie faguère, bèn atentieu, en ie toucant la mân. — « Oh ! vuei, ami, me respoundeguè en plourant, vuei, poudès bèn me dire *adiéu* ! » Se counfessè e comuniè... « Plourés pas ! nous fasié l'angounisanto en richouneant. S'avès pas mai de courage, coume voulès me n'en donna, à ièu, que n'ai tant de besoun pèr mourir?... Maire, bono meireto, me quités pas, me leissés pas d'uno minuto !... Te lagnes ! pas ansin, paire ! Se sabiés coume siéu urouso de me vèire durbi lou Cèu pèr uno man amigo !... Sôufresse pas, vai ; siéu bèn, o moun Diéu, que siéu bèn !... » E sa tèsto se clinè, e Antounieto de Bèu-caire s'èro envoulado vers soun Diéu. »

Gràci à l'apreissamen em' i siuen religious doun felibre Roumieux, un mounumen durable (*Li Belugo d'Antounieto de Bèu-caire*, Avignoun, Aubanel, 1865), counservara lou noum e lou parfum de la paureto, e peréu li regrèt di traubaire prouvençau, que tóuti l'an plourado.

L'a pas que li troubaire que l'an plancho : quand l'entarrèron, emai nòu mes après, au jour di Mort, li fiho de Bèu-caire jitèron sus sa caisso, jitèron sus soun cros, à pognado e à brassado, li flour e li garlando. Bèu-caire tout entié, dins aquèu doun publi, sentié qu'avié perdu la courounello de si chato, lou diamant lou mai pur de soun renoum, e prouvè noublamen que lou sentié.

III

Mathiéu de la Droumo, lou famous devenaire de tèms, nascu à Sant Cristòu, près de Roumans, lou 7 de Jun 1808, es mort à Valènço lou 16 de Mars 1865. Sourti d'uno famiho de meinagié, counsacrè touto sa vido à la defènso dis interès poulari, e representè la Droumo is Assemblado Coustituènto e Legislativo de la Republico. Après 1852, repourtè soun ardour e sa grandò inteliènci à l'estudi dis entre-signe doun tèms, e publiqùè de predicioun sus la plucio e li tempèri, que d'eici à bèn liuen faguèron parla d'eu. Lou proufèto dóufinen, dins li darriés an de sa vido, èro devengu avugle.

IV

Aguste Aiguier, païsagisto prouvençau, de Touloun, es mort à Marsiho, vers lou mitan de Jun 1865. Èro escoulan doun pintre Hébert.

Lou musicaire Emile Albert, de Mount-pelié, es mort à Bagniero, lou d'Avoust 1865. Fiéu dóu Micjour e artisto apassiouna, s'èro, di bèu proumié, aïha au Felibrige, e avié publica, soute lou titre *Li Prouvençalo* (encò de Brandus e encò de Gérard, à Paris), forço galànti meloudiosus de paraulo prouvençalo : *Ninado*, *Magali* e l'*Embriagadisso* (Mistral), *li dous Serafin* (Roumanille), *lou Chaple* (Aubanel), *Coumo l'ame* (Crou-sillat), *uno bono Fiero* (Glaup), *un Sounge* (Garcin), etc. Soun opera *les Petits du premier*, jouga l'an passa i *Bruffes-Parisiens*, venié de metre soun noum en lusour, e aquéu brave ami se trovavo à Bagniero pèr ie douna uno autro de sis obro, l'opera de *Jean le fol*, quand, à la darriero repeticioun, ie prengué 'n gros mau de tèsto que, pecaire ! l'empourté. Avié tout-bèu-just quaranto an.

VI

Rouvière, un di meiours atour di tiatre de Paris, nascu à Nimes en 1809, es mort à Paris, à la fin d'Outobre 1865. D'abord estudiant en dre, pièi pintre à l'escolo de Gros, soun empencho l'atrinè sus lou tiatre. Creé lou role de *Charles IX* (dins la *Reine Margot*), aquéu d'*Hamlet* e aquéu de *Fritz* (dins lou comte *Hermann*) au *Théâtre Historique* ; — creé *Maitre Favilla*, à l'*Odeon* ; — lou *Roi Lèar*, au *Cirque* ; — *Mèphistophélès*, à la *Porte-Saint-Martin*, e *Henri III*, à l'*Ambigu*. Dison qu'avié d'enemi e d'amiraire apassiouna.

LOU FELIBRE DE BELLO-VISTO.

FIERO E VOTO *

JANVIÉ

1. Cuers ; Riez. — 2. *Fèsto di sartre*. — At, ALAU ; Daufin. — 5. PERTUS : *Fèsto de la Bello-Estello*. — 6. Trest : *Lou jouvènt vai à l'endavans di Rèi-Mage, en ie poutant de canestello de fru*. — Lambesc ; Oupedo ; Sant-Roumanet ; Mano. — 8. Manoseo. — 11. Sant-Martin-de-Castiboun. — 13. Lou Vielars. — 15. SANT-ROUMIÉ ; LOU LU. — 16. GRASSO ; CANO ; MAS-TIBERT. — 17. CUJO ; Barjòu ; Bounièu ; Entrechau ; Vau-rias ; Arle ; Ceirèsto. — 20. Antibo ; Cadenet ; Auresoun ; Malauceno ; BAUMO : *En l'ounour de Sant Sebastian, trauca de flècho, lis enfant esclapon aquéu jour un gròs mouloun de cano*. — 21. Visan. — 22. ST-ANDIÒU ; LI BAUS ; ATE ; ROGO-VAIRO ; MAUSSINO. — 25. Cucuroun ; Sant-Roumié. — 26. CALAS. — 27. FORCAUQUIÉ. — 28. Forcauquié ; Rustreu. — 31. Valensolo.

* *Li noum d'endré en letro pichouno, es li ounte i'a de Fiero ; li noum d'endré en letro CAPOULIERO, es li ounte i'a de Voto e de Roumavage.*

FIERO CHANJADISSO.

Bruo, proumié dilun de janv. — Roussihoun, dilun après li Rèi. — Sèino, lou dilun après lou 14 janv. — Sisteroun, lou dilun après lou 17 janv. — Oupedo, lou dilun après lou 29 janv. — Lièu, tresen dimèere de janv.

FEBRIÉ

2. Ais ; Aubagno ; Aup ; Bouleno ; Làuris ; Maubè ; TREST. — 3. *Fèsto di cardaire* ; CEIRÈSTO ; S. MITRE ; Gordo ; Istre ; Malauceno ; Rians. — 4. Li Peno ; Mounièu ; Aurenjo. — 5. MAIANO : *Lucho, curso d'ome, de miech-ome e de vièi ; saut sus l'ouire, courre dins lousa, estran-glo-cat*. — Souliès ; Alen. — 9. FAUCOUN. — 13. DIGNO. — 14. GARDANO ; Arle. — 15. VEISOUN. — 16. DRAGUIGNAN : *La Bravado*. — 19. SANT VALIÉ. — 24. Avignoun ; Lambesc ; Vau-rias.

FIERO E VOTO CHANJADISSO

Faiènce, lou dilun avans lou dijòu gras. — Li Mèò, dilun gras. — Moustié, dijòu gras. — Perno e Saut, lou dimèere après la Seissagesimo. — Roubioun, proumié dilun de caremo. — Seloun, dimèere gras. — Sisteroun, dilun gras. — Digno, lou dilun après li Cèndre. — *Lou darrièr jour de Carnava, jujamen de Carentrant, mouresco, badaire de dragèio, acampado dis iòu pèr li mas, danso di boufet, di fielouso, etc.*

MARS

1. Cuers. — 5. La Cièntat ; La Palud. — 15. Trest. — 19. Aubagno ; L'islo ; Malauceno ; Visan. — *Fèsto di fustiè, menusiè, ebenisto*. — 21. Vau-rias. — 24. SANT-GRABIÉ. — 25. Bouleno ; Aup ; Gordo. — 29. *Li Sant-Audioulen van à l'ermitage de Sant-Sist*.

FIERO E VOTO CHANJADISSO

At, dilun de Quasimodo. — Bareilouneto, dilun de Passioun. — Bar-gemoun, dilun après Quasimodo. — Barjòu, dilun de Pasco. — Brignolo, dijòu avans Rampau. — Castelano, segound dilun de Caremo. — CASTÈU-REINARD : *Lou dilun de Pasco, van à Vaquiero faire Nosto-Damo dis Iòu*. Flaiosc, segound dilun de Mars. — Forcaquiè, dilun après Quasimodo. — Manoseo, dilun sant, et 15 jour après Pasco. — Menerbo, dilun de Passioun. — Riez, lou dijòu après Quasimodo. — Sisteroun, dilun de Passioun. — Saut, dilun de Passioun. — Sant-Savournin, dilun sant. — Sant-Meissemin, 15 jour après Pasco. — Gòut, dilun de Pasco.

ABRIEU

2. GRASSO. — 15. PIE-RICARD. — 19. Merindòu. — 20. FREJUS : *Representacioun de la vengudo à Frejus de Sant-Francès de Paulo ; bravado, pegoulado, chivau-frus*. — 23. ARLE : *Fèsto di gardian, curso de la*

bago, etc. — 24. PERTUS : *Li Pertusen e li Vauvenarguen van de grand matin à l'ermitage de Santo Ventùri, en memòri de la desfacho di Cimbri e di Téutoun pèr Marius* ; — VÒUS : *coumbat dimòssi.* — 25. MEIRUEI ; Bou-nièu ; Marignano ; Cuers ; S. Roumié ; Entre-castèu ; MAIANO : *Carreto de Sant Marc, plantacioun de la vigno.* — 26. Ounglo. — 28. Aureio.

FIERO E VOTO CHANJADISSO

La-Mouto-dou-Caire, dilun avans lou 25. — Lançoun, quatren dissate après Pasco.

MAI

1. BRECOUEDO ; CAMARET ; ROUGNA ; MOURIÉS ; Flaiosc ; Cavaïoun ; Moustié ; Pie-meras. — *Plantacioun d'ou Mai. Li Maio.* — 3. Arle ; Eiguiero ; Malauceno ; Lagno ; Rians ; Santo-Cèio ; Lou Tor. — 5. Sèino. — 6. Avignon ; Seloun ; Robugno. — 7. Reiano. — 8. CASSIS : *Jo de la Bigo, de la Targo e de lu Nado.* — 9. *Sant Micoulau, fèsto di Proucraire.* — 10. SANT-ANTOUNIN ; Figaniero. — 11. VALENSOLO. — 12. PIE-LOUBIÉ ; MAXOSCO : *bravado, cavaucado e proucessioun* ; Aup ; L'Islo ; Saut ; Auresoun. — 15. SANT-PONS. — 16. *Sant-Ounourat, fèsto di fournié e di pastissié.* — MOUNTÈU : *van en courrènt cerca Sant Gènt au Baïssel.* — *Li Ventabrenen fan Sant Ounourat e van en processioun à Roco-favour.* — *A Calian e à Santo-Massimo, fan Santo Maimo.* — 18. Riez. — 21. Cuchfoun. — 23. S. LEIDIÉ ; à PIE-LOUBIÉ, *fan Sant Cèr* ; Rastèu. — 25. SANTI MARIO : *Grand perdoun.* — 27. Aurenjo. — 29. Sant Meissemin.

FIERO E VOTO CHANJADISSO

Ais, fèsto-de-Diéu. — Alau, lou dilun après lou proumié dimenche de Mai. — Arle, lou dijou avant Pandecousto : *Fiero d'ou Regret.* — Brignolo, dimars avans Pandecousto. — Castelano, dilun avans lou 11 mai. — Digno, dilun après l'outavo de la fèsto-de-Diéu. — Draguignan, dilun de Pandecousto. — Forcauquié, l'endeman de l'Ascensioun. — LAMBESC, dilun de Pandecousto : *Proucessioun d'ou rèi de l'Eissado e d'ou rèi de l'Agubiado.* — La Meo, dilun avans la fèsto-de-Diéu. — Roussihoun, dilun de Pandecousto. — La SANTO-BAUMO, dilun de Pandecousto. — TARASCON, fiero pèr l'Ascensioun : *Lou dimenche d'avans l'Ascensioun, van à Nostro-Damo-de-Castèu querre la Benurado* ; pèr Pandecousto, *jo de la Tarasco.* — Sant-Antounin e Veisoun, dimars de Pandecousto. — Simiano e FONT DE VAUCLUSO, dilun de Pandecousto. — SELOUN : *Lou proumié dimenche après lou 3 de mai, o lou 3, s'es un dimenche, li penitènt mountron à Santo-Crous* ; e à la fèsto-de-Diéu, *proucessioun d'ou rèi de l'Eissado.* — La Ternita, fèsto di gipié. — Ascensioun, fèsto di massoun.

JUN

1. Entre-castèu. — 2. BOURBON : *Pèr Sant Marcelin, fan la prouces sioun di fiolo, e tou cape'an ie benesis lou vin en grand cermounié.* — 3. LA CIOUTAT : *Li marin fan Sant Eume. Targo, curso di batèu.* — 8. LO LU. — *Li gardian d'Arle manjon soun canard.* — 20. Aup. — 22. Aurej. — 23. Sant-Jan-Garnié ; A-z-Ais, *la Brava-lo* ; — *Fio de Sant Jan.* — 24. Marsiho, *fiero de touto crbo de Sant Jan* ; ROCO-FORT ; MALO-MORT ; GADAGNO ; SIGNO ; BARRÈMO ; VALENSOLO ; GÈMO ; VAU-RIAS ; PERTUS. — TREST, *van à l'ermitage de Sant Jan.* — 25. Roco-vairo ; Saut ; MANOSCO — 27. Barjòu ; VÈNÇO. — 29. AURUOU ; SARRIANS ; SANT-VITOURET. — *Fèst di pescaire.*

FIERO E VOTO CHANJADISSO

Cavaïoun e Malauceno, segound dilun de Jun. — Sisteroun, di'un après lou 11. — Barjòu, dilun après lou 13. — Oupedo, dilun après lou 29. — MARSIMO : proucessioun generalo lou divèndre del'outavo de la fèsto de-Dièu, *pèr acoumpli lou vot de l'evesque Belzunce, l'an de la pèsto.* — Malo-mort, darriè dilun de Jun. — MAIANO, GRAVESOUN, BARBENTANO, etc. dimeneche après lou 25 : *Carreto de Sant Aloï.*

JULIET

1. Bouleno. — 5. AVIGNOUN : *Li pàuri febrons van en devoucioun a l'oustau qu'abitavo Sant Pèire de Lissembourg, pèr ie bèure d'aigo de soun pous. D'aquí lou van prega dins la paròqui de Sant-Pèire, ounte soun espansa soun capèu, sa centuro e soun courlibaud. Li 3, 4 e 5, i'a perè grand devoucioun à la paròqui de Sant-Deidiè en Avignoun, ounte s'atro von li toumbèn e li reliè de Sant Pèire de Lissembourg e de Sant Benezet.* — 9. Aurenjo. — 10. CARPENTRAS. — 14. Gordo. — 15. A LANÇOUN, *fan Sant Cierge.* — 17. EGUIHO. — 20. SANTO-MARGARIDO. — 21. BÈU-CAIRO lou proumiè lahut qu'arribo gagno lou moutoun. — 22. SANT-MEISSEMIN roumarage à la Santo Bauma. CARRI ; CASTÈU-REINARD : *fèsto di jardiniè carreto ramado.* CABANO. — 25. VERNEGUE ; La Tourre-d'Egue. — 26. VEDENO, AT. SETEME. — 29. TARASCOUN : *Proucessioun de la Tarasco curso de biou,* — 30. SALERNO. — 31. FAUCOUN ; SIMIANO.

FIERO CHANJADISSO

Castelano, dilun avans lou 22. — Cavaïoun, segound dijòu de Juliet — Malauceno, lou segound dilun.

AVOUST

1. SANT-CANADET ; GRANS ; ALEN ; AUPESOUN ; CUERS ; FONT-VIÈU ; VIOULÈS. A PEINIÉ, *van en devoucioun à l'ermitage.* — 2. VARAGE. — 3. ISTRE : *danso di Bergiero e di Jarretiero.* — 4. VAU-RIAS ; TOURVES. — 6.

ABARBEN ; Bounièu ; Manosco ; Cougoulin ; Entre-castèu. — 9. SANT-ROU-
 ANET. — 10. *Fèsto di veiriè*. SELOUN ; EIGALIERO ; Oupedo ; Roussihoun ;
 ant Meissemin. — 11. Calas ; Flaiosc. — 15. AUREIO : *s'un vèuse s'es*
arida peraqui vers aquèu tèms, sau que pague la curso de biòu, o che-
verin ; OURGOUN ; MAUSSANO ; BERRO ; GÒUT ; SÈINO ; BRÇO ; Bouleno ;
 Pertus ; lou TOR ; la CIÛETAT ; à BERRO, *van à Nostro-Damo de Caderot* ;
 MANOSCO, *fan Nostro-Damo de Roumigiè*. — 16. SANT-ROUMIÉ : *fèsto di*
ardiniè, carreto ramado. SIGNO : *curso, lucho, jo de paumo* ; — Aup ;
 aut ; Visan ; Forceauquiè ; Roco-vairo ; Maubè ; FUVÈU. — 17. L'ISLO. —
 — 19. *Fèsto di barbiè*. BRIGNOLO : *pegoulado*. — 20. GORDO. — 21.
 ROUSSET. — 22. EIRAGO ; VERNEGUE ; Cau-mount ; Lambesc ; à LANÇOUN,
ounon un mirau au plus laid grimaciè. — 23. CUERS ; VAU-VENARGO ;
 LOU PUGET. — 24. Perno ; Trest ; Cadenet ; AURENJO ; Manosco, Mou-
 ièu. — 25. MARTEGUE ; Besso ; Malauceno ; Menerbo ; Vau-rias ; Cai-
 ano ; à MOURIÈS, *sen sant Louis*. — 26. VELAU. — 27. L'ISLO ; CHARLE-
 AU ; Eguho ; à BERRO, *benedicioun di pessègue*. — 28. MIRAMAS, *mai*
emandon la fèsto au darriè dimenche de setèmbre. — 29. BARBENTANO :
èlli farandoulo, curso de biòu, jo de la poumo dins lou tinèu ; MOUNTÈU.
 — 31. NOVO ; Marsiho, *fiero de quinge jour*.

FIERO E VOTO CHANJADISSO

Barrèmo, dilun après lou 15. — Digno, dilun après lou 28. — Siste-
 oun, dilun après lou 24. — Joucas, dilun après lou 29. — Peiniè, dilun
 près lou proumiè dimenche ; La Palud, dilun après lou proumiè dimen-
 che. — Gardano, dilun après lou segound dimenche. — Riez, proumiè
 lilun. — Lourmarin, proumiè dijòu. — Au VIELARS, *fan Sant Felibert*,
ou proumiè dimenche après Nostro-Damo.

SETÈMBRE

1. SANT-CESARI ; NOVO : *li femo menon sis enfantoun à Novo, pèr*
ue Sant Baudèli li preserve e li garigue de la rasqueto ; Pelissano ;
 imiano ; Pertus. — 2. AVIGNOUN. — 3. ROCO-BRUNO ; Roco-vairo. —
 . LAFARO : *amelo* ; QUINSOUN. — 5. SANT-CHAMAS. — 6. Sant-Cha-
 ias ; Varage. — 7. GÒUT. — 8. *Grand perdoun à N.-D. de Lumiro*. —
 RAVESOUN : *curso de biòu* ; CABRIÈS ; CAVAIOUN ; GARGAS ; *A Eiquiero, fan*
ant Verume ; Peirola ; Sant Canat : *cebo, amelo* ; Savouian ; Tarascoun ;
 up ; Veisoun ; Cucouroun ; Bouleno. — 11. FUVÈU ; Auresoun. — 14.
oumavage à la cimo dòn Ventour. Avignoun ; Rougno ; Lou Vau. —
 ano ; Sèino ; Lagno. — 15. Aurou ; Lou Tor ; Sant-Cristòu. — 16.
 into-Cèio. — 17. AIS. — 18. PEIRUIS. — 21. AUBAGNO : *eisino pèr la*
ndèmiò, cournudo, terreiròu, etc. Alen ; Manosco ; Seians ; Tourves ;
 adenet ; Grihoun ; Carpentras. — 22. PELISSANO : *lucho, curso, etc.*

Caroub. — 24. CABRIERO ; La COSSO. — 25. GORDO ; Besso ; Saut. — 26. ANSOUIS ; AT : *lucho de luehaire e de musiquejaire*. — 27. AT ; Pie-Miquèu. — *fèsto di medecin*. — 29. MALO-MORT ; ROUSSIMOUN ; CABANO ; LAMBESC ; Seloun : *amelo* ; Grasso ; Bargemoun ; Vau-rias ; Barjòu ; Malauceno. — 30. Barcilouneto.

PIERO E VOTO CHANJADISSO

LOU BAUSSET : *Se vai à Sant Gènt bèure de soun aigo mervihouso e faire l'aubre-dre dins soun liè de pèiro, lou proumiè dimenche dou mes.* — A SENAS, *fan Sant Amans lou tresen dimenche*. — Barrèmo, lou darriè dilun dou mes. — Lou Lu, Pourriero, Cavaïoun, lou proumiè dilun. — La Mouto-dou-Caire, lou dilun avans lou 29. — Cau-mount, lou tresen dimenche. — Lou Vielars, lou tresen dilun.

OUTOBRE

1. SANT-ROUMIÈ : *counours d'ourfeon ; curso de biou* ; Mus. — 2. Sant-Chamas. — 3. TOULOUX : *danso di fclouso* ; Flaiosc. — 4. La-Tourred'Egue ; Simiano. — 5. CUCUROUN ; Pourriero : *li Cucurounen van planta lou Mai à Santo Tili*. — 6. Baumo ; Frejus. — 7. JOUO : *nou jour, lou tambour jogo dins li carriero de Jouco en l'ounour de Sant Baque. Fòrti lucho*. — 8. PIE-SANTO-REPARADO. — 9. LAMBESC ; Lama-noun ; Valensolo ; Sant-Savournin ; Rougno. — 10. Trest, Gordo. — 11. AT. — 12. VÈNÇO ; Moustié. — 15. Visan ; Charle-vau. — 16. TOULOUX ; LIS ARC. A SANT-CANAT, *fan Sant Canat*. — 18. MEXERBO ; Lou Lu ; Rians ; BARBENTANO ; Aurèu. — 22. LI SANTO, *curso de biou*. — 23. Castèu-Nou-de-Papo : *jo de la dindo, courre di chin*. — 25. SANT-RAFÈU ; Mari-gnano ; Bounièu. — *Fèsto di groulié*. — 28. Auruou ; Cuers ; L'Islo ; La Bastido-di-Jourdan ; Sant-Roumiè : *Esclop, poucèu, miou, faïou, rastèu*. — 29. Sant-Ternit. — 31. GREIASCO. — *Fèsto di porto-fais*.

PIERO E VOTO CHANJADISSO

Malo-mort, proumiè dilun dou mes. — Riez, Bargemoun, dilun après lou 18. — Saut, dimècre après lou 18. — Jouco, dilun après lou 7. — Aup, Sisteroun, dilun après lou 9. — Castelano, dilun avans lou proumiè de novèmbre.

NOUVÈMBRE

1. Eguhio : *oulivo, amelo, vin, ave* ; Castèu-Reinard ; Lourmarin. — 2. Grihoun ; Istre. — 3. Touloun ; Roco-vairo. — 4. FONT-VIÈO ; Entre-castèu. — 6. Mouriès. — 8. Seguret. — 9. Sant-Savournin. — 11. GÈMO LOU PARADOU (près Arle) ; Daufin ; Seloun : *oulivo* ; Moustié ; Brignolo Gigna ; Richarencho ; Bargemoun ; Boulèno ; Malauceno ; Perno PEIPIN. — *Fèsto e lougaje di ràfi*. — 13. SANT-MITRE. A Cavaïoun *fan*

ant Veran ; Reiano. — 14. AVIGNOUN. — 15. Istre, Branto. — 16. BÈC-
OUNT ; La Palud. — 18. Sant-Rouman. — 19. Tourves ; Lou Rastèu ;
Lustrèu. — 20. Ceirèsto. — 22. SANTO CÈIO ; Oupedo. — *Fèsto di musi-*
aire. — 23. Viens ; Li GRAND CLEMÈNT. — 24. Peiruis. — 25. EIGUIERO ;
Calensolo ; Rougno ; Figaniero ; Entrechau ; Seians ; Saut ; Visan ; Si-
no : *bestiari.* — *Fèsto di charroun e diè escoulan.* — 26. GLANDÈVO ;
IE-MIQUÈU. — 27. CARPENTRAS. A RIEZ e à EIRAGO *fan Sant Maimè.* —
29. SANT-SAVOURNIN. — 30. Bou : *bèlli danso* ; Veisoun : *oulivo negro* ;
Sarjòu ; Grasso ; Avignoun ; Lourmarin ; Forceauquié ; Bouléno.

FIERO E VOTO CHANJADISSO

Digno, dilun après lou proumié dôu mes. — Faiènço, dilun après lou
1. — Liéu, dilun après lou 18. — Sisteroun, dilun après lou 25. —
Cèino, dilun après lou 30. — Roussihoun, dilun après Sant Martin.

DESÈMBRE

1. FONT-VIÈIO. — *Fèsto di meinagié, di orfabre, di sarraié, di ma-*
escan, ai bourralié ; à FREJUS, fan Sant Leôncè ; Auresoun ; Pelissano. —
2. Sant-Martin-de-Castihoun. — 4. *Fèsto di poudrié, di petardié, di pe-*
roulié, di canounié. Se met trempa dins d'escudello lou Blad de Santo
Barbo, pèr fin de lou bouta fres e verdoulet sus la taulo de Nouvè ; Ais,
Vau-rias ; Cajo. — 6. Manosco ; Moustié ; Bounièu. — 8. Aubagno : *chi-*
rau, ai, telo, araire ; — Aup ; Lou Lu : L'Islo ; Cadenet. — 9. SANT-SA-
VOURNIN : *la fiero frejo.* — 11. Gordo. — 13. At ; Sant-Meissemin ;
Vilo-diéu ; Cucuroun. — 15. Roco-d'Anteroun. — 16. Menerbo. — 17.
Varage. — 18. Gargas. — 21. Aurenjo ; Vau-rias ; Seignoun ; Bouléno ;
Malauceno ; Forceauquié ; Riez. — 24. *Fèsto di avoucat.* — *Cacho-fio.*
25. *Fèsto di pastre. Carreto de l'agnèu. Casso de la petouso.* — 27. Cai-
ano ; Sablet. — 28. *Fèsto di courratié ;* Branto ; Pie-meras. — 29. ARLE.
— 30. FAUCOUN.

FIERO E VOTO CHANJADISSO

Sisteroun, dilun après lou 8. — Bargemount, dilun avans lou 24.

ENSIGNADOU

Calendié de Prouvèngo.....	3	Li Dos Mesuro.....	61
Esclüssi.....	4	Zèbe e Leleto.....	61
Crounico felibreuco.....	9	Gramaci à l'Amour.....	67
Lou Colera.....	15	Lou Paumié.....	68
Plagnun.....	25	Un bèn Miracle.....	68
Lei Pastèco de Moussu Laforèt...	25	La Man de Diéu.....	69
La Mort à vint an.....	30	Lou Mort que ressuscito.....	70
Li Darbouu engeniaire.....	31	Ouresoun à Sant Nourbert.....	72
A Roumanihò.....	32	Entre-Visto.....	73
Lou Riche e lou Paure.....	33	A Teodor Leclerc.....	73
Li Dindo.....	35	Sant Jòrgi e la Plouvino.....	74
Antounieto de Bèu-caire.....	35	Lou Pous d'ou Segnour.....	75
Merle o Merlato.....	36	A la nouvièto Grabièlo de Seguin	77
Au Lesert.....	37	La Malauto.....	77
Cant espousièu.....	40	Pater Noster.....	78
Larguesso.....	40	Lou Batejat.....	78
Lis Auriho.....	41	Bertrand d'At.....	79
Zino.....	42	Lou darriè Poutoun.....	82
La Chato e la Mort.....	44	A Iteso-Anais.....	83
L'Embriago.....	44	Au Felibre J. R.....	84
Se vouliés m'ama.....	45	Au Nistoun de Roumanille.....	85
L'Ome tremuda en Ase.....	46	Lou Vin di Felibre.....	85
Lou Papagai rousti.....	48	Li Soussissot d'Arle.....	86
Lis Iruge.....	50	D'ònte acò vèn.....	87
Salut i Travaiaire.....	51	Uno Paraulo d'ou Cardinau Maury	89
A la Doutrino.....	52	La Culido de Poutoun.....	89
La Servènto Pageso.....	52	Lou D'outour Gastaud.....	90
Li Sourneto de ma Grand.....	53	Au Rèi Reinié.....	91
Ail pecatre!.....	56	A M. Placide Cappeau.....	94
Lou Biou e lou Brau.....	57	Siès mes après.....	95
La Flouteto de Rougna.....	58	Lou Marchand de lach.....	96
Lou Dourmeire.....	60	Sant Gènt.....	97
L'Avuglo di Baus.....	60	La Comèdi.....	99
La Iagranuso.....	61	Lou Vihaire.....	100
La Meissoun.....	61	Mortuorum Prouvençau.....	101
A Mistrat.....	62	Fiero e Voto.....	105
La Poulitico d'ou Cafè Chabas...	62		

ARMANA PROUVENÇAU

PÈR LOU BÈL AN DE DIÉU

1867

ADOUBA E PUBLICA DE LA MAN DI FELIBRE

Joio, soulas e passo-tèms de tout lou pople d'ou Miejour

AN TREGEN DOU FELIBRIGE



EN AVIGNOUN

ENCO DE ROUMANILLE, LIBRAIRE-EDITOUR

CARRIERO DE SAINT-AGRICÒ, 19

AQUEST ARMANA S'ATROVO :

A PARIS, encò de A. TARIDE (carriero *Marengo*, 2); encò de GIRAUD (carriero
des Saints-Pères, 11); encò de J. TARDIEU (carriero de *Tournon*, 13).
 A-Z-AIS, encò de REMONDET-AUBIN, sus lou Cous, e encò de MAKAIRE e de SARDAT;
 EN ARLE, encò de FÉVRIER e de FAURE;
 EN AT, encò d'ARCHIAS;
 EN AUBENAS, encò de MAZET BONNEVILLE;
 EN AURENJO, encò de ROUSSEAU e de CLAUSEL;
 A BAGNOU, encò de BAYLE;
 A BARBENTANO, encò d'ARNOUX;
 A BÉU CAIRE, encò de BIOLET;
 A BEZIÉS, encò de BENEZECH ROQUE;
 A BRIGNOLO, encò de VIDAU;
 A CARPENTRAS, encò de PINET;
 A CASTÈU REINARD, encò de LIELLY;
 A CAVAIOUN, encò de JOULY;
 A DIGNO, encò de VIAL;
 A DRAGUIGNAN, encò de LEO;
 EN EIGUIERO, encò de MARTIN;
 A GAP, encò d'AUG. ANDRÉ;
 A L'ISLO, encò de BONNARD;
 A LIOUN, encò de MÉRA;
 A MAIANO, encò de CHARLE BUSQUET;
 A MARSHO, encò de BOY, de FÉRAUD e de CAMOIN;
 A MOUNTELIMAR, encò de CHABERT;
 A MOUNT-PELIÉ, encò de SEGUIN;
 A NIMES, encò de GIRAUD e de WATON;
 AU PONT-SANT-ESPRIT, encò d'EYBERT e de VERNET;
 A ROCO-MAURO, encò de BACULARD;
 A SANT-ROUMIÉ, encò de FAURE;
 A SELOUN, encò de MAGLOIRE GOUNELLE;
 A TARASCOUN, encò d'AUBANEL e de J. LAGRANGE;
 A TOULOUN, encò de RUMBE;
 A VAURIAS, encò de DERAND;
 A VILO-NOVO, encò de PIPERT;

E pèr tout caire e cantoun de Prouvènço, de Comtat e de Lengadò.

CALENDIÉ DE PROUVÈNÇO

LI PRINCIPAU MILÈME DE PROUVÈNÇO

Foundacioun de Marsiho pèr li Fouceien.....	(av. J.-C.)	600
Annibal passo lou Rose, d'ou coustat d'Avignoun.....	(av. J.-C.)	218
Foundacioun de-z-Ais pèr lou generau rouman Caius Sextus Calvinus.....	(av. J.-C.)	123
Domitius Barbo-Roussou aubouro l'arc-de-triounfle d'Aurenjo, en memòri de la desficho dis Alabroge.....	(av. J.-C.)	122
De-vers Aurenjo, li Cimbre e li Tèutoun escrapouchinon 80,000 Rouman.....	(av. J.-C.)	109
Au ped d'ou mount Santo-Venturi, lou Conse Caius Marius fai un tau chapel de Tèutoun e d'Ambroun que lou prat-bataié s'apello enca <i>Paurriero</i>	(av. J.-C.)	103
Juli-Cesar mando à-n-Arle, per couloun, li veteran de la legioun sieisenco.....	(av. J.-C.)	47
L'empeire Constantin se fai basti un palais en Arle, e baio à-n-Arle lou noum de Constantino.....	(ap. J.-C.)	314
Establimen d'ou reiaume d'Arle.....		932
Lou Comte de Prouvènço, Guihen proumié, subrenouma <i>Paire de la patrie</i> , deliérou la Prouvènço di barbare Sarrasin.....		972
Li Comte de Prouvènço de la famiho de Bousoun.....		948—1112
Li marin prouvènço enventon la Boussolo.....		1100
Li Comte de Prouvènço de la famiho Barcelouneso. — Espandimen e fl uresoun de la lengo prouvènço, s'outo li Ramoun-Berenguié.....		1112—1246
Proumié reünion dis Estat de Prouvènço, à Tarascoun.....		1146
Guerro dis Aubigès.....		1207—1229
Li Comte de Prouvènço de la proumié famiho d'Anjou. — Glòri d'ou Gai-Sabé, s'outo lou rei Roubert.....		1246—1382
Court d'Amour de Signo, ounte brihavo Clareto di Baus.....		1270—1275
Lou Papo Clement V adus la Papauta en Avignoun.....		1309
Establimen di Jo Flourau, à Toulouso.....		1323
Court d'Amour de Roumanin, ounte brihavo Estefaneto de Gantèume.....		1332
Court d'Amour d'Avignoun, ounte brihavo la bello Lauro.....		1340—1348
Lou Papo Gregòri X. entourno la Papauta à Roumo.....		1376
Li Comte de Prouvènço de la segoundo famiho d'Anjou.....		1382—1481
Rèrnioun de la Prouvènço à la courouno de Franco.....		1482
Establimen de l'emprimarié en Avignoun, per Micoulau Lepe.....		1497
— à z Ais, per Marius Roux, que venié d'Avignoun.....		1572
— à Marsiho, per Peire Mascaron (lou proumié libre qu'estampé siegue li <i>Oro e Rimo prouvènço</i> de Bellaud de la Bellaudiero)..		1594
— à Touloun, per Benoist Collomb.....		1650
Es ablimen d'ou Parlamen de Prouvènço.....		1701
Bello defensio de la villo de Marsiho contro l'armado de l'empeire Carle-Q int.....		1736
Pèsto de Marsiho.....		1720
Darriero reünion dis Estat de Prouvènço, à-z-Ais, dins la gleiso d'ou Coulege.....		1787
La Countat d'Avignoun deven francesco.....		1791
Establimen d'ou Felibrige. — Revièure de la lengo prouvènço. 21 de mai.....		1854

ESCLUSSI

Li 5-6 de Mars, esclüssi anelàri de soulèu, vesible en Avignoun.
 Lou 19 de Mars, esclüssi parciau de luno, vesible en Avignoun.
 Li 28-29 d'Avoust, esclüssi toutau de soulèu, envesible en Avignoun.
 Lou 13 de Setèmbre, esclüssi parciau de luno, vesible en Avignoun.

FÈSTO CHANJADISSO

Cèndre, 6 Mars.
 Pasco, 21 Abriéu.
 Rouguesoun, 27, 28, 29 Mai.
 Ascensioun, 30 Mai.

Pandecousto, 9 Jun.
 Ternita, 16 Jun.
 Festo-de-Diéu, 20 Jun.
 Avènt, 1 Desèmbre.

LUNO MECROUSO

Luno de Mars, que fai lou 6 ;
 Luno de Desèmbre, que fai lou bèu jour de Nouvè.


Luno mecrouso,
 Femo renouso,
 E auro bruno,
 Dins cènt an n'i'aurié trop d'uno.

TEMPOURO

Mars.....	13, 15 e 16.	Setèmbre.....	18, 20 e 21.
Jun.....	12, 14 e 15.	Desembre.....	18, 20 e 21.

Lou printèms coumenço lou 21 de Mars ;
 L'estiéu coumenço lou 21 de Jun ;
 L'autoun coumenço lou 23 de Setèmbre ;
 L'ivèr coumenço lou 22 de Desèmbre ;

Trento jour an Setèmbre,
 Abriéu, Jun e Novembre ;
 De vinto-vue n'i'a qu'un ;
 Lis autre soun de trento-un.



JANVIÉ

Le jour crèisson d'uno ouro 4 m.

1 ^{im.}	JOUR DE L'AN
2 ^{im.}	S. Clar
3 ^{dij.}	Sto Genevivo
4 ^{div.}	S. Ferriou
5 ^{diss.}	S. Simèu de la coul
6 ^{dim.}	Li Rèi
7 ^{dim.}	S. Lucian
8 ^{dim.}	S. Severin
9 ^{dim.}	S. Julian
10 ^{dij.}	S. Pau l'ermite
11 ^{div.}	S. Teoudosi
12 ^{i-s.}	S. Gaspard
13 ^{dim.}	Sto Verounico
14 ^{dim.}	S. Alàri
15 ^{dim.}	S. Bounet
16 ^{dim.}	S. Ounourat
17 ^{dij.}	S. Antòni
18 ^{div.}	S. o Fourido
19 ^{diss.}	S. Canut
20 ^{dim.}	S. Sebastian
21 ^{dim.}	Sto Agnès
22 ^{dim.}	S. Vincèn
23 ^{dim.}	S. Ramoun
24 ^{dij.}	S. Babi
25 ^{div.}	Couv. de S. Pau
26 ^{diss.}	S. Ansile
27 ^{dim.}	S. Màri
28 ^{dim.}	Sto Cesario
29 ^{dim.}	S. Coustant
30 ^{dim.}	Sto Martino
31 ^{dij.}	Sto Marcello

Le jour fai lou 6, à 0 ouro 39 minuto de matin.
Intro à soun proumiè quartoun lou 13, à 43 minuto de vèspre.
Es dins soun plen lou 20, à 7 ouro 4 minuto de matin.
Intro à soun darriè quartoun lou 27, à 57 minuto de vèspre.

FEBRIÉ

Le jour crèisson d'uno ouro 50 m.

1 ^{div.}	S. Igaci, evesque
2 ^{diss.}	LA CANDELOUSO
3 ^{dim.}	S. Basi
4 ^{dil.}	S. o Jano
5 ^{dim.}	S. o Agueto
6 ^{dim.}	Sto D ro
7 ^{dij.}	S. Richard
8 ^{div.}	S. Gin us
9 ^{diss.}	S. Jan-de-Mata
10 ^{dim.}	Sto Coupastico
11 ^{dil.}	S. Adofe
12 ^{dim.}	Sto Oulaio
13 ^{dij.}	S. Dounin
14 ^{div.}	S. Valent n
15 ^{diss.}	S. Q enin
16 ^{dim.}	S. Arme l'ari
17 ^{dim.}	Sto Mariano
18 ^{dij.}	S. Fav an
19 ^{dim.}	S. Va ié
20 ^{dim.}	S. Oiquèri
21 ^{dij.}	S. Feli
22 ^{div.}	Sto Isabello
23 ^{diss.}	S. Meraut
24 ^{dim.}	S. Matias
25 ^{dim.}	S. Al'ssandre
26 ^{dij.}	S. Nestou
27 ^{div.}	Sto O no Irino
28 ^{dij.}	S. Cassian

Le luen fai lou 4, à 6 ouro 25 minuto de vèspre.
Intro à soun proumiè quartoun lou 12, à 1 ouro 49 minuto de matin.
Es dins soun plen lou 18, à 7 ouro 50 minuto de vèspre.
Intro à soun darriè quartoun lou 26, à 11 ouro 42 minuto de matin

MARS

Le jour crèisson d'uno ouro 48 m.

1 ^{div.}	Sto Antounino
2 ^{diss.}	S. Simplicie
3 ^{dim.}	Sto Cuneoundo
4 ^{dil.}	S. Casimèr
5 ^{dim.}	S. Ambròsi
6 ^{dim.}	CÈNDRE
7 ^{dij.}	Sto Perpètio
8 ^{div.}	S. Jan-de-Dieu
9 ^{diss.}	Sto Fra ceso
10 ^{dim.}	Li 40 Martire
11 ^{dil.}	S. Gregòri
12 ^{dim.}	S. Masse uin
13 ^{dim.}	TEMPOURO
14 ^{dij.}	Sto Matièudo
15 ^{div.}	S. Cesar de Bus.
16 ^{diss.}	S. Abram
17 ^{dim.}	Sto Reino
18 ^{dij.}	S. Cerile
19 ^{dim.}	S. Jousè
20 ^{dim.}	S. Jova rin
21 ^{dij.}	S. Bedit
22 ^{div.}	S. Bèn-vengu
23 ^{diss.}	S. Viourin
24 ^{dim.}	S. Gabriou
25 ^{dil.}	N. D. DE MARS
26 ^{dij.}	S. Massemilian
27 ^{dim.}	S. o Nata lo
28 ^{dij.}	S. Harioan
29 ^{div.}	S. Sisi
30 ^{diss.}	S. Analiéu
31 ^{dim.}	S. Benjamin

Le luno fai lou 6, à 9 ouro 47 min. de matin.
Intro à soun proumiè quartoun lou 13, à 8 ouro 57 minuto de matin.
Es dins soun plen lou 20, à 9 ouro 4 minuto de matin.
Intro à soun darriè quartoun lou 28, à 7 ouro 55 minuto de matin.

ABRIÉU

Li jour créisson d'uno ouro 58 m.

1	dil.	S. Ugue
2	dim.	S. Francés de P.
3	dim.	S. R card
4	dij.	S. Isouër
5	div.	S. Vin ènt Ferrié
6	diss.	S. Prudènci
7	Dim.	S. Gaudié
8	dil.	S. Albert
9	dim.	Sto Souflo
10	dim.	S. Macari
11	dij.	S. Leon
12	div.	S. Jùli
13	diss.	Sto Ido
14	Dim.	RAMPAU.
15	dil.	S. Frutuons
16	dim.	S. Lambert.
17	dim.	S. Anice
18	dij.	S. Apoulòni
19	div.	S. Ousege
20	diss.	S. Anèume
21	Dim.	PASCO
22	dil.	S. Leonido
23	dim.	S. Jòrgi
24	dim.	Sto Vitòri
25	dij.	S. Marc
26	div.	S. C'et
27	diss.	Sto Zeto
28	Dim.	S. Vidau
29	dil.	Sto Catarino de S.
30	dim.	S. Estròpi

MAI

Li jour créisson d'uno ouro 17 m.

1	dim.	S. Jaue e S. Fe ip
2	dij.	S. Atanèsi
3	iv.	La Sto-Crous
4	diss.	Sto Mounico
5	Dim.	Sto Sereno
6	dil.	S. Jan Porto Latino
7	dim.	S. Estantlau.
8	im.	S. Dresèi
9	dij.	S. Greçori
10	dil.	S. Antouain.
11	dim.	S. Maïou
12	Dim.	S. Brancaci
13	dij.	Sto Gicèro
14	dim.	S. Bounifaci
15	dim.	S. Pens
16	dij.	S. Gèst
17	dil.	S. Pascau
18	diss.	S. Fèi
19	Dim.	S. Celestin
20	dil.	S. Bernadin.
21	d m.	Sto Estel'o
22	dim.	Sto Julio
23	dij.	S. Didié
24	div.	S. Donacian
25	diss.	Sto Mario Jacobe
26	Dim.	S. Felip de N.
27	dil.	ROUGUESOEN
28	dim.	S. Vincèn de Ler.
29	im.	S. Mas emin
30	dij.	ASCENSIOUN
31	div.	Sto Petrounello

JUN

Li jour créisson de 14 min

1	diss.	Sto Lauro
2	Dim.	S. Marcelin
3	i.	Sto Cloutéudo
4	dil.	S. Qu'nin
5	im.	S. Bounifaci
6	dij.	S. Gaudi
7	div.	S. Nourbert.
8	diss.	S. Medard
9	Dim.	PANDECOUSTO
10	dil.	Sto Fel ci a
11	im.	S. Barnabèu
12	dim.	TEMPOURO
13	dij.	S. An òni de Pa
14	d v.	S. Bas-le
15	dss.	Sto Moudèsto
16	Dim.	TERNITA
17	dil.	S. V'rome
18	dim.	S. Ouzia
19	dim.	S. Cervasi
20	dij.	FESTO-DE-DIEU
21	div.	S. L'ufre
22	diss.	S. Estròpi, ev. d
23	Dim.	Sto Agrevo
24	dil.	S. JAN-BATISTO
25	dij.	Tresl de S. Alo
26	dil.	S. Davi
27	dij.	S. Anèume
28	div.	S. Irenèu
29	diss.	S. Peire e S. Pa
30	Dim.	S. Lucide

La luno fai lou 4, à 10 ouro 13 minuto de vèpre.
Intro à souu proumié quartoun lou 11, à 3 ouro 19 minuto de vèpre.
Es dins souu plen lou 18, à 11 ouro 15 minuto de vèpre
Intro à souu darrié quartoun lou 27, à 2 ouro 10 minuto de matin.

La luno fai lou 4, à 7 ouro 10 minuto de matin.
Intro à souu proumié quartoun lou 10, à 10 ouro 14 minuto de vèpre.
Es dins souu plen lou 18, à 2 ouro 2 minuto de vèpre.
Intro à souu darrié quartoun lou 26, à 5 ouro 31 minuto de vèpre.

La luno fai lou 2, à 3 ouro 21 minuto de vèpre.
Intro à souu proumié quartoun lou 6, à 6 ouro 47 minuto de matin.
Es dins souu plen lou 17, à 5 ouro 1 minuto de matin.
Intro à souu darrié quartoun lou 25, à 5 ouro 37 minuto de matin.

JULIET

ur demisson de 58 minuto

di.	S. Marjau
dim.	LA VESITACIOUN
dim.	S. Anatòli
dij.	S. Fouriunat
div.	S. P. d. Lissemb.
diss.	Sto Angèlo
Dim.	S o Aubiergo
il.	Sto Isabèa
Dim.	S. Bres
dim.	N.-D. DE SANTA
dij.	S. Pie
div.	S. Ounèste
diss.	S. Anaclet
Dim.	S. Bonaventur
il.	S. Enri
dim.	N.-D. d'ou M. C.
dim.	S. Alèssi
dij.	S. Touas d'Aquin
div.	S. Vincèn de Paulo
diss.	Sto Margarido
Dim.	S. Vitou
il.	STO MADALENO
im	S. Cassian
im.	S o Crestino
dij.	S. Jaune
iv.	Sto Ano
diss.	S. Pantàli
Dim.	S. Sanàri
il.	Sto Marto
im.	S. Loup
im.	S. German

o fai lou 1, à 9 ouro 58 minuto
èspre.
soun proumié quartoun lou 8,
ouro 41 minuto de vèspre.
soun plen lou 16, à 8 ouro 5
uto de vèspre.
à soun darrié quartoun lou 24,
ouro 42 minuto de vèspre.
ou 31, à 4 ouro 53 m. de matin.

AVOUST

Li jour demisson de 1 ouro 56 m

1 dij.	S. Pè re encadena
2 div.	S. Estève
3 diss.	Sto Lidio
4 Dim.	S. Doumergue
5 dil.	S. Ion.
6 dim.	S. Sauvaire
7 dim.	S. Gaïetan
8 dij.	S. Jus in
9 div.	S. Rouman
10 diss.	S. Laurèns
11 Dim.	Sto Rus iclo (d'Arle)
12 dil.	Sto Claro
13 dim.	S. Pour àri
14 di n.	S. Chapòli
15 dij.	N.-D d'AVOUST
16 div.	S. Ro
17 diss.	S. Jacinto
18 Dim.	Sto Eleno
19 d.l.	S. Lou s de Brignolo
20 dim.	S. Bernat
21 dim.	S Privat
22 dij.	S. Safour'an
23 div.	S. Sidòni
24 diss.	S. Bartoumiéu
25 Dim.	S. Genèsi
26 dil.	S. Zefirin
27 di n.	S. Cesàri
28 dim.	S. Julian
29 dij.	S. Jan degoulàssi
30 div.	S o Roso
31 diss.	S. Lazàri

La lune intro à soun proumié quartoun
lou 7, à 7 ouro 18 m. de matin.
Es dins soun plen lou 15, à 10 ouro
47 minuto de matin.
Intro à soun darrié quartoun lou 22,
à 9 ouro 31 minuto de vèspre.
Fai lou 29, à 1 ouro 14 minuto de
vèspre.

SETÈMBRE

Li jour demisson de 1 ouro 42 m

1 Dim.	S. Baudèli
2 dil.	S. Agrico
3 di n.	S. Aiòu
4 d m.	Sto Rousallo
5 dij.	S. Léuzié
6 div.	S. Amable
7 di-s	S. Autau
8 Dim.	N.-D. DE SETÈMBRÈ
9 dil.	S. Veran
10 dim.	Sto Pôuque: ié
1. dim.	S. Paciènt
12 dij.	Sto Bu o
13 div.	S. Antou in
14 diss.	Ei-sau-sam. de la C.
15 Dim.	S. Afous
16 dil.	S. Cournèli
17 di n.	S. Laubert
18 dim.	TEMPOURO
19 dij.	S. Jenouvié
20 div.	S. Es à qui
21 diss.	S. Mat éu
22 Dim.	S. Maurice
23 d l.	S'o Tèc'o
24 dim.	Sto Satabergo
25 dim.	S. Fermin
26 dij.	S. Ouzas
27 div.	St Cosme e Damian
28 diss.	S. Ceran
29 Dim.	S. Miquèu
30 dil.	S. Jirome

La lune intro à soun proumié quar
lou 5, à 11 ouro 41 m. de vèsp
Es dins soun plen lou 14, à 0
43 minuto de matin.
Intro à soun darrié quartoun
à 3 ouro 18 minuto de ma
Fai lou 27, à 11 ouro 51 m
vèspre.

OUTOBRE

Li jour demenison de 1 ouro 44 m

1	dim.	S. Roumié
2	dim.	Li S. Ange gardian
3	dij.	S. Cuprian
4	div.	S. Francés d'Assiso
5	diss.	Sto Tùli
6	Dim.	S. Evòsi
7	dil.	S. Baque
8	dim.	Sto Reparado
9	dim.	S. Danis
10	dij.	S. Vergéll
11	div.	S. Castou
12	diss.	S. Veran
13	Dim.	S. Geraud
14	dil.	S. Calist
15	dim.	Sto Tereso
16	di n.	Sto Rousselino
17	dij.	S. Flourèns
18	div.	S. Lu
19	diss.	S. Gerard Tenco
20	Dim.	S. Grapàsi
21	dil.	Sto Oursulo
22	dim.	Sto Marlo Salomé
23	dim.	S. Tederi
24	dij.	S. Mag òri
25	div.	S. Crespín
26	diss.	S. Flòri
27	Dim.	S. Sauvian
28	dil.	S. Simoun
29	dim.	S. Narcisse
30	dim.	S. Lucan
31	dij.	S. Cristòu

La lune intro à soun proumié quartoun lou 5, à 6 ouro 27 minuto de vèpre.
 Es dins soun plen lou 13, à 1 ouro 33 minuto de vèpre.
 Intro à soun darrié quartoun lou 20, à 9 ouro 26 minuto de matin.
 Fai lou 27, à 1 ouro 12 minuto de vèpre.

NOUVÈMBRE

Li jour demenison de 1 ouro 17 m

1	div.	TOUSSANT
2	diss.	Li Mort
3	Dim.	S. Marcèn
4	dil.	S. Chamas
5	dim.	S. Zacarié
6	di .	S. Estève (d'At)
7	dij.	S. Ernest
8	div.	S. Goufrèdi
9	diss.	S. Matorin
10	Dim.	S. Just
11	dil.	S. MARTIN
12	dim.	S. Reinié
13	dim.	S. Miure
14	dij.	S. Ru, ev. d'Avig.
15	div.	S. Ougènt
16	d ss.	S. Ouquèri
17	Dim.	S. Agnan
18	dil.	Sto Ando
19	dim.	Sto Isabèn
20	dim.	S. Eimound
21	dij.	PRESENT. DE N.-D.
22	div.	Sto Ceclo
23	diss.	S. Clément
24	Dim.	Sto Floro
25	dil.	Sto Catarino
26	dim.	Sto Déaulino
27	dim.	S. Silrèn
28	dij.	S. So stène
29	div.	S. Savournin
30	diss.	S. Andrieu

La lune Intro à soun proumié quartoun lou 4, à 2 ouro 37 m. de vèpre.
 Es dins soun plen lou 12, à 1 ouro 19 minuto de matin.
 Intro à soun darrié quartoun lou 18, à 5 ouro 16 minuto de vèpre.
 Fai lou 26, à 5 ouro 20 minuto de matin.

DESEMBRE

Li jour demenison de 40 m

1	Dim.	Lis AVÈNT
2	dil.	Sto B bianco
3	dim.	S. Francés-Sav
4	dim.	Sto Barbo
5	dij.	S. Sabas
6	div.	S. Miconlau
7	diss.	S. Ambròsi
8	Dim.	COUNCEPCIOUX
9	dil.	Sto Loucaio
10	dim.	Sto Vallero
11	di n.	S. Damàsi
12	dij.	Sto Daniso
13	div.	S. o Lùci
14	diss.	S. Nicasi
15	Dim.	S. Ousèbi
16	dil.	S. Azalaïs
17	dim.	Sto Oulimpo
18	di n.	TEMPOCNO
19	dij.	S. Ti vouleoun
20	div.	S. Filougoun
21	diss.	S. Thomas lou
22	Dim.	S. Ommourat
23	dil.	Sto Vitòri
24	dim.	S. Ives
25	dim.	CALÈND
26	dij.	S. Es ève
27	div.	S. Jan, evangel.
28	diss.	Li S. Innoucent
29	Dim.	S. Trefume
30	dil.	Sto Coulounbo
31	dim.	S. Sivèstre

La lune intro à soun proumié quar lou 4, à 10 ouro 30 m. de matè
 Es dins soun plen lou 11, à 0
 19 minuto de vèpre.
 Intro à soun darrié quartoun lou 1
 3 ouro 44 m. de matin.
 Fai lou 25, à 11 ouro 48 minute
 vèpre.

ARMANA PROUVENÇAU

CROUNICO FELIBRENCO

I

Dins lou pourtissoun de l'Armana de 1857, — i'a bèn d'acò dès an, — disian eiçò, se vous n'en remembro : « Sian mai eici. Bono annado longo-mai en touto la compagno ! Dous e un fan tres : tres armana ! Anaren proun à la dougeno sènso coumta lou tregen. E de-longo faren bon pes, dounaren lou pessu... » Eh bèn ! lou tregen, veleici, tout flame-nou. Nous n'en dirès de nouvello, quand l'aurès legi. E se quaucun atrovo qu'avèn pas fa bon pes, que s'auboure, e lou digne !

Aro, anen plan, e acampen bèn.

II

La vaiènto Acadèmi de Beziès, — tout en perseguènt la publicacioun de soun mounumentau *Breïari d'amor*, — countinuo d'espandi la douço oumbrino de soun ouliviè d'argènt sus li pouèto d'aro. Piouso e agissènto, revieuò la memòri di mort e douno d'alo à l'amo di vivènt. Aquest an, soun lusènt *brout d'ouliviè* a courouna un di jòuinis oubriè dou Felibrige, M. Anfos Michèu, de Carpentras, pèr soun pouèmo de *l'Eisistènci de Dièu*, ounte la pureta de lengo s'unis à-n-un poudèrous alen. Lou rapourtaire dèu couneours a menciouna ounourablamen M. Achile Mir, de Carcassouno, pèr sa fablo de *l'Amouric* ; M. Albert Arnavielle, d'Alès, pèr sa pèço *la Prouvidènci* ; M. Andrièu Leyris, mai d'Alès, pèr sa pouèsiò sus *la Rimo* ; M. Rounniè Marcelin, de Carpentras, pèr soun moussèu *I grand de la terro*, e M. Olinade, de Toulouse, pèr soun pouèmo sus *las Piramidos*.

Lou dòute Secretàri de la dicho Acadèmi, M. Gabriel Azaïs, a fa parèisse, d'enterin, la livresoun tresenco de soun *Dictionnaire des idiomes languedociens* (Beziès, empr. Delpech), obro asciençado e meritòri.

III

Un membre d'aquelo eicelènto soucieta, M. Bautezar Flore', a rejoun e publica lis obro de sa vido soutu lou titre de *la Bourrido agatenco*.

(Mount-pelié, emprimarié Gras; 1866). Lou poulit libre! Afourtis elaramen la coumplèto reneissènço dóu Miejour: chasque bouseage a sonn aucèu, e chasco vilo a soun troubaire. Vaqui Agte, l'antico *agaté tukè* di couloun de Foucèio. qu' à soun tour fai ausi sa cantadisso. La vido interiouro d'aquèu pichoun pople maritime que barquejo e coummercejo au boucau de l'Erau, es retracho galamen e verladieramen dins *la Bourrido* dóu galoi M. Flouret, e dirias un renos dóu vièi Anaereon. Legissès *la Bourrido*.

IV

A l'oucasoun de la fèsto de Sant Gènt, Agoustin Boudin a fa parèisse un toucant pichot pouèmo, *lou grand Sant-Genaire* (Avignoun, Aubanel, 1866.) Lis aplaudimen li mai merita an aculi la leituro d'aquèu moussèn, tant à Mountèu dins la capello di Penitènt negre, qu'en Avignoun au mitan dis oubrié de Sant Francès Savié. Noste pouèto avignounen vai nous donna lèu-lèu la culido coumplèto de sis obro, e pèr acò ie souvetan la bono annado, coume perèu la souvetan à Roumié Marcelin em' à Louis Roumieux, qu'alestisson tambèn la culido di sièuno.

V

Un libre amusatién e agradiéu, es lou rouman de *Flamenca*, publica pèr Paul Meyer d'après lou manuseri de Carcassouno, em'uno eicelènto introuducioun, un gloussari e la traducioun franceso. (Beziès, emprimarié Delpech, 1865. — Paris, librarié Franck). Un galant passage d'aquèu libre, es quand Flamenca e soun calignaire, noun poudènt se parla que dins la glèiso, se dison, tóuti li Dimenche, un mot, talamen que ie fau tres mes pèr teni lou dialogue seguènt:

GUILHEM DE NEVERS : *Ai ! las !*

FLAMENCA : *Que plagues ? — Me more. — De que ? — D'amour. — Pèr qu ? — Pèr vous. — Que pode ? — Gari. — Coussi ? — Pèr ruso. — Pren-la. — L'ai presso. — E qualo ? — Vendrés. — E mounte ? — I bau. — E quouro ? — Bèn lèu. — Me plaïs.*

VI

Lou Siège de Cadaroussa, de J. B. Favre, pouèmo erouï-coumique plen d'entrin e tont beluguejant d'engèni, èro abena despièi long-tèms, e certo, noun nous estouno ! Vaqui perquè se n'es publica, encò de Roumaniho, editour dis obro felibrenco, uno nouvello e galanto edicioun à

dès sòu. Se i'es apoundu, coume es l'usage en Avignoun, *la fam d'Eresi-toun e lou Sermoun de Moussu Sistre*.

Pèr coumpli aquelo publicacioun poupulàri, noste Roumanihò i'a mes un avans-prepaus galejaire ounte dis Pistòri d'aquèu Sèti memourable, e la vido d'ou brave J. B. Favre, prièn de Cello-Novo.

VII

Uno causo que merito l'atencioun di savènt, es li recereo sus nòsti coustumo naciounale. Seguent li piado de M. Charle de Ribbe, qu'a revelat tant de curious detai sus li coufrarié mesteiralo d'autre-tèms (*les Corporations ouvrières de l'ancien régime en Provence, Aix; impr. Illy, 1865*.

— *La Société des Portefaix de Marseille, etc.*) M. L. Mouan, secretàri de l'Acadèmi d'Ais, a publica lis estatul en lengo prouvençalo (siècle segen) dis encians arquebutiè de la vilo d'Ais—(*La Compagnie de l'arquebuse, dite de Sainte-Barbe, Aix, impr. Illy, 1866*). Es un travai bèn fa.

N'en diren autant de l'*Entrée solennelle du pape Urbain V à Marseille, en 1365*, enè lou prougramo de la fèsto dreissa en prouvençau pèr lou counsèu de vilo, — pèr l'abat J.-H. Albanès. (Marsiho, libr. Boy-Estellon, 1865).

VIII

Acò nous meno à parla de *la Ligue en Provence*, de noste ami Ludòvi Legré (Avignoun, empr. Aubanel, 1866.) Au mitan di fusihado, canounado, canisado e sèti de touto espèci, que signalon e qu'embouion aquelo epoco treboulènto, l'autour nous coundus elaramen, poulidamen, e nous interèsso. A la bono ouro ! au mens aquèu, — e sariè pas trop lèu, escrièn l'istòri de Prouvènço au poun de visto prouvençau.

Es de noste devè, e nous fasèn un plesi de mencionna, eici, un libre d'elèi e qu'à soun autour grand ouuour fara : voulèn parla de *l'Architecture romane du midi de la France, mesurée, dessinée et décrite par Henri Revoil*. (Paris, A. Morel.) Mencionnaren perèu ouuourablamen *l'Histoire de l'Église paraisia'e de Notre-Dame et Saint-Michel, à Draguignan*, par Raymond Pouille (Draguignan, Luo, 1865). Sian de l'avis d'ou counsèu generau d'ou Var, qu'a dignamen acouraja M. Raymond Pouille, en disènt que « faire mièus counèisse l'istòri de soun païs es lou faire mai ama. »

IX

Lou Limousin, patrio de tant de troubaire ilustre, Gaucelm Faidit, Guraut de Borueth, Bernat de Ventadour, etc., lou Limousin semblavo mort... Ah ! pas mai ! éu perèu s'eigrejo. Vaqui M. Emile Ruben que vèn

de rempremi uno bello edicioun di fablo limousino de Jan Foucaud (1747-1818), richo de coumentàri saberu. (Limoge, librarié Ducourtieux, 1866).

X

L'antico alianço di pople catalan e prouvençau, tant flòri autre-tèms soulo li Comte Ramoun-Berenguiè, se revihò d'un an à l'autre, e se ressarro sèmpre mai pèr l'entre-messo di troubaire. Lou grand pouèto patrioto, Dou Victor Balaguer, deputa de Barcilouno, es vengu, aquest estien, nous adurre soun bèn libre *Esperansas y recorts* (Barcilouno. Jaume Jepus, 1866), nous regala de sis inne sublime, èmai nous counvida, tóuti li Felibre, à ana, l'an que vèn, renousa soulemamen lou liame d'amistango i Jo Flourau barcilounés. Nous donne Dièu lou lesi d'aquèn viage ! e, vèngue lou printèms, partiren dóu port d'Arle sus un lahut pinta de-nòn per lou païs freirau, ounte uno reneissènço paradèlo à la nostros pren sa plaço au soulèn, e flouris. Nous donne Dieu aquèn bonur, e anaren felecita de prèrs noste aboundous ami Pelay Briz de dous voulume nòu que vèn de nous manda : *la Masia dels amors* (Barcilouno, Roca y Bros, 1866), un pouèmo en douge cant, retrasènt coume *Mirèio*, retrasènt largamen lis amour e li mour di gènt de sa terro ; — e *Lo Brot d'achs* (Barcilouno, Roca y Bros, 1866), un recuei poulidet, riche de gràci pouètico, e de gènti legèndo, e de galantarié pèr li Felibre prouvençau. Gramaci pèr aro, gramaci en tóuti, sèuso oubliada l'amable autour de *las Roselletas*, Francès Bartrina, que nous erido de Reus emé tant d'entousiasme :

Salut à tots vos altres, germans de la Provença !

Salut à tots vos altres, melosos trobadors...

e qu'a flouri de vers tant pietadous lou eros de nosto pauro Antounieto :

Y fou ángel que 'l cel deixá ab ventura

per vèndrer á est mòn trist,

hont, com lo rossinyol de la espessura,

naixquè, cantá y morí.

XI

Mai qu'es 'ou Limousin ? e qu'es la Catalogno ? De bèn pu liuen, lou Prouvençau nous torno lèst coume un peis, grana coume de sau. Veici un pichoun libre, *Mei Rapugo*, que nous arribo de 3,500 légo, un

libre prouvençau estampa dins l'ilo Bourbonn ! Ah ! n'a pas tort, l'autour, lou bon M. Creinazy, de la Cièutat, n'a pas tort de dire, dins sa prefaci, que se lou prouvençau devié se perdre (lou diable vire l'astre !) se retrouvavié segur dins quauque recantoun d'ou vaste Oucean. Brave, brave li Prouvençau creole !

XII

Un dialèite que fai pas grand causo e gaire parla d'èu, es lou dialèite marsihés.... A-n-aquéli pamens qu'amon li farcejado de la Canebiero, lis R venerablos dis infinitièu, lis S armouniousos d'ou plurau, lis *ouu*, lis *ouu*, lis *uechs*, lis *achs*, e autris agradaço, recomandan especialamen *leis Talounados de Barjomau*. (Marsiho, libr. Feraud, 1865.) Manco ni pebre, ni vinaigre, ni sau, ni aiet, à-n-aquelo ensalado de cabanoun.

XIII

Mai enfin, veici lou baile ! — Frederi Mistral, tenènt sa paraulo, vai faire paréisse, is abord de Calèndo, un pouèmo novèu en douge cant, *Calendau*. Lou disian l'an passa : Lou fraire de *Mirèio* fara parèu emé soun amirablo sorre.

Mistral, dins *Mirèio*, semb'avo agüeretra toulo la Prouvènço. Eh bèn ! noun. N'avié pinta, — e se saupcoume, — que la Prouvènço pastouralo, patriarcalo e arlatenco. Aro, veici la grand Prouvènço, aquelo dis olivié, d'ou soulèu e de la mar. *Calendau* es veritablamen tout un noude plen de meraviho, e lou pouèto que l'a crea p'ou aro preindre un repaus glourious à l'oumbro de si dous mounumen. Legissès lis argumen di douge cant de *Calendau* :

CANT I

LI PRINCE DI BAUS

Invouacioun à l'amo de la Prouvènço. — *Calendau* de Cassis, agüènt fa mar e mount p'èstre benvengu de sa mestresso, ie reclamo lou pres qu'a merita. Elo, tout en l'avouant que l'amo, s'aparo de l'imponssible e d'ou mau sort. Èu alor v'ou mouri ; e, à noun plus, la bello incouneigudo ie racontò soun istòri : li felen d'ou Mage Bautezar, la vido barounenco, la court di Baus, lou gai-sabè, la fin di Baussen.

II — LOU COMTE SEVERAN

La princesso baussenco persegüis soun raconte. Dis qu'au castèu d'Eiglun, li fiéu di proumièri famiho de Prouvènço v'ènon briga sa man. Lou Comte Severan es mai uros que t'ouiti, e se marid'ou. Mai un esglari v'ènn glaça li noço ; la n'òvi pren lou n'òvi en ourrou, e de-niue, s'enfugis dins aquéli mountagno — ounte

plus tard rescountrè Calendau. — Aquest, assaventa de tout, cour agarri lou Comte.

III — CASSIS

Calendau travèssò la Prouvènço. Mai coume fara pèr lucha soulet contro lou Comte Severan, capitani de bandit ?... Or, lou capito qu'es en casso, dins la coumbo d'Esteroun, emé sis estalié e si panturlo. Abord e charradisso. Calendau, tant per umelia que pèr pougne soun rivau, vai espan di sa vido, si caravano e sis amour. Acoumenço : lou port de Cassis, li pescadou, l'eissagage dis anchoio, la mar e li peissoun, lou pèis-Sant-Peire.

IV — LA FADO ESTERELLO

Calendau, après agué proun parla de soun paire, de la Prouvènço e de si faste, racontò qu'uno ses veguè'no femo mai que bello sus lou mount Gibau : « Es la Fado Esterello, ie disien, avise-te ! » Mai èu, noun s'atenent i dire doun coumun, cerco, enebria de sa vesoun celèsto, à l'ajougne d'un vanc. Elo, — noumen-la Esterello — lou rebufo d'abord despichouso. Lou jouvènt redavalò, — resoulò, que que costè, à vincrè si desden.

V — LA MADRAGO

Calendau vòu veni riche pèr courouna d'or sa mestresso. Bastis doune uno madrago vers la calanco de Pormiéu. Arribado di toun ; la matango. Calendau n'en pesco douge ènt, uno fourtuno, — que ven semoundro à-n-Esterello. Aquesto ie fà councisse lou despoudé de la richesso sus la magnanimeta, e ie remostro di Troubadour encian li prouesso amouroso. Lou calignaire, esperluca, s'enauro sèmpre mai vers l'amour veritable.

VI — LA TARGO

Lou pescaire afourtuna regalo Cassis d'uno fèsto : li jo e li joio ; li danso prouvengalo, Courdello, Triho, Onliveto, etc. La targo. Negrèu e Rousselino : Nostro-Damo de la Cièutat. Calendau vitourious. Auferan sòuleyo lou pople. Esterello à soun fringaire fugitièu e maucoira retrais un grand eisèmple. La batia dis Aliscamp ; la Countesso d'Aurenço e Guiheu doun Court-Nas : es dins li revirado que la valour se mostro. La Tèsto doun Puget.

VII — LI MÈLE

Lou Comte Severan crèbo de jalousié : es ço que demandavo Calendau. Lou tantost. Au bout d'uno pauseto, lou Cassiden repren. Dis que, batent l'autifo, so boutò dins la testo, pèr faire parla d'èu, de cabussa li mèle doun Ventour. E li desbausso. D'aquí ven dins la Nesco ; i'estubo li bruse doun Roucas doun Cire, o adus per troufeu à-n-Esterello un raiolet de mèu. Mai èlo duramen iè reprochio lou chaple de la boucarasso.

VIII — LI COUMPAÏGOUN

Calendau, repentous de la destrucioun di mèle, s'envai en rounavage au Bos de la Santo-Baumo. Pèr cop d'astro, li Coumpaignoun doun Tour de François, —

qu'avien jouga entre éli la vilo de Marsiho, — se i'èron rendu pèr se battre. Lou temple de Salamoun. Meste Jaque e Soubiso. Lou pescadou, pres pèr arbitre, arresouno poulidamen li coumbatèn. Lou pont de Sant Benezet. Pretouca i lagremo, li mesteirau s'embrasson sus lou prat-bataié.

IX — MARCO-AU

Pleno d'amiracioun pèr Calendau, Esterello à la fin ie fai senti que l'amo. Mai de pòu que lou bonur l'emperesigue, la dam generouso descuerb à soun ami uno visto plus auto. Lou creis de la fourèst. Afeciouna que mai, à la lucho d'ou bèn contro lou mau lou Cassiden s'abrivo. Marco-mau e sa bando. La vioulacioun. Coumbat de Calendau e d'ou bregand. Lou jouine eros doumto lou moustre, e à-z-Ais lou coundus encadena.

X — LA FÊSTO DE DIÉU

A-z-Ais recaupon Calendau coume un prince. Li Conse de la vilo lou prouclamon Abat de la Jouvenço, e l'Assessour ie baio dous pistoulet d'ounour. Li jo de la Fêsto-de-Diéu ; la Passado : lou Gaz paganisme e crestianisme ; li Chivau-Frus : la proucessioun ; la Pico e lou Drapeu. Lou jouvènt acabo sa dichio pèr uno escandihado d'amour pur ; e lou Comte Severan lou counvido à soun castèu, sus l'estigango de sedurre e de courroumpre sa vertu.

XI — LA TAMPOUNO

Au castelet d'Eiglun, lou Comte Severan semound à Calendau un festin sar danapalen. La terraio de Moustié ; li pinturo vernissenco ; la princesso Clemènço, Voulandeto, Sernoundo, etc. Lou Brande di Gusas. Li danso catihouso : aquelo de l'Abiho. Calendau endigna bravejo la taulado, e revèssò la taulo, e destiso à la mort lou Comte Severan ; mai un di sacamand l'engarro pèr treitesso, e lou mandon pourri dins un eroutoun.

XII — LOU TRELUS

Lou Comte Severan part emé sis estafié à la coucho d'Esterello. Calendau, delièura per Fourtuneto, vers lou Gibau s'entancho pèr apara la princesso di Baus. Pren la mar à Cano, e coustejo la Prouvenço : lis Isclo de Lerin, lis Isclo d'Or, Touloun, etc. Sousten un orre sèti contro soun aversàri, qu'embrandò la pinèdo e peris de malo mort. Li Cassiden courron au fio, e Calendau triounfio dins l'amour e dins la glòri.

Vejaqui l'abrèujat d'aquello nouvello obro de noste Capoulé, obro de sèt annado, obro d'entousiasme e de virilita, que vai apassiouna touti lis amo generouso, e assela nosto Prouvenço dins sa counsciènci de nacioun. Que siér de n'en mai dire ? Aquest ivèr, de voues mai coumpèntèto que la mièuno, parlaran. *Calendau* es un riche in-8° finamen estampa. Porto à soun frountispice un superbe retra de l'autour, dessina pèr Hebert, lou celèbre pintre de la *Malaria*, e grava pèr Gaillard, pres de Roumo. Es li plus bèllis estreno que se posque donna, au jour de l'an.

A. MATHIEU.

Avignoun, Outobre 1866.

EI FELIBRE

QU'AN SIGNA L'ARMANA PROUVENÇAU DE 1866

E particularimen à-n-ANSEÛME MATHIEÛ *

Roussignoulet, que cantas la Prouvènço,
Que fès ama noueste tant bèu païs,
Que mantenès, d'Avignoun jusqu' à Vènço,
Noueste parla, que, gràci à vous, flouris,
Voueste Armana m'arribo e mi fa joïo !
Retrôbi aquí tôtei 'ei noum ama,
Roumaniho, Mathiéu, Mistrau, la boueno-voïo !
E tant d'autrei talènt tout autant estima.

Ah ! sigués benesi, Felibre ! dous cantaire
Que revilhas ensin dins lei couer prouvençau
L'amour dóu terradou, lou souveni dei maire
Que nous an preserva de tout marrit ressaut !....

Ai tout legi, vous disi ! Emé la pauro Roso
Ai ploura sus tou brès de soun bèl angeloun ;
Iéu tambèn ai pausa ma courouno de roso
Sus la toumboounte douerme aquéu gènt enfantoun.

E tu, Felibresso charmanto,
Que sies de Bèu-caïrè l'ounour,
Antounieto ! ta voues à meis auriho canto
Tei cansoun d'innoucènci e tei cansoun d'amour.
Perqué nous as quita, jouino, bello, adourado ?
Vai, iéu te plâgni pas : noueste mounde es tant laid !
Dins quel astre, au-jour-d'uei, ta muso ensouleïado
Resplendis d'un esclat mai vivènt e plus gai ?...

Ai bèl ana, pourrai jamai tout dire !
Tout mi plais, tout mi charmo en aquest Armana ;
Cascarelet mi fa creba dóu rire,
E *Cristòu*, éu tambèn, qu'a pòu dóu colera !

* Quand Louis Jourdan, noste eicelènt ami, nous mandavo aquéli vers mescla de galejado e de malancounié, noun s'esperavo au cop afrous que, pau de tèms après, i' es vengu tranca lou cor : soun flén Prouspèr Jourdan, un pouèto charmant, un esprit fin e delic, uno naturo generouso, i' es mort lou 3 de mai 1866.

Mai basto... Aro parlen d'afaire.
Devinarias jamai, mèste Mathiéu,
Touto moun ambicien, pecaire !
Tenès, sabès ço que voudriéu ?
Voudriéu la cauvo la plus raro...
Escoutas-mi ! va vous dirai tout-aro.

A Castèu-nòn-de-Papo, avès un vignarès,
Parèis, meravilhons : uno vigno de gres
Que, rèn que d'i pensa, m'en liqui lei babino.
Lei vieu d'eici, vouèstei doucei coulino,
Que dounon un vin generous !
Rouge, s'entènd ! petejant e courous !
N'en voudriéu croumpa 'no barrico
Pèr béure à la santa de vouèsto republico,
Pouèto prouvençau, Felibre de moun couer !

— Acò, dirès bessai, es un pau fouert !
Coumo ! aquèu Toulounen, aquèu vièi journalisto
Vòu tasta lou vin felibren !
Vòu s'escrièure sus nouesto listo !
Mai, moun paure Louis, que ti pren?...

Acò 's ensin ! sian-ti d'acord, coumpaire ?
Piquen-nous dins la man coumo dous gènt d'afaire :
Mandas-mi moun barrièu de voueste vin de gres,
E vous lou pagarai coumo e quouro voudrès.

Adessias en tóutei lei fraire !
E 'n tóutei leis autour d'aquèu gènt Armana
Longo vido, bonur, glòri, e surtout, santa !

LOUIS JOURDAN.

Paris, 29 de Novèmbre 1865.

— Quau se coucho emé la set, en santa se lèvo.
— Medecino e proueuro,
Fai te paga quand lou mau duro.
— A l'ome douno ta fiho,
E noun à champ ni à vigno.

LOU ROUDAN

Quand vous-autre disès, pamens !

En manjant de merlusso, Martino, la femo de Severin, que demouravo à Font-Claro, s'estranglè, l'alèn ie manquè, toumbè seco coume un palet; e, l'endeman, la poutavon en terro.

Quand vous-autre disès, pamens ! Se vai capita que, long d'ou camin, li poutaire bouton lou pèd dins un roudan, e pataflou ! toumbon la caisso. E... quand vous-autre disès, pamens ! la morto... se revihò?... e bramo au secours, li man sus la tèssto !

E, mafisto ! quau t'adus que t'entourne... Entournèron Martino à Severin, que, d'encaro un pau, n'en mourì de l'esfrai !

Quand vous-autre disès, pamens !

Un an après, Martino agantè 'n bon plevèsì, que dins tres jour la troussè. La pleguèron ; e quand lou capelan e li poutaire venguèron la querre, Severin en plourant i poutaire diguè :

— Aquesto fes, au mens, avisas-vous d'ou roudan....

Quand vous-autre disès, pamens !

LOU CASCARELET.

LA CABANO

Coume fai bon, quand lou mistrau
Pico à la porto emè si bano,
Èstre soulet dins la cabano,
Tout soulet coume un mas de Crau,

E vèire pèr un piehot trau,
Alin, bèn liuen, dins lis engano
Lusi li palun de Girau,

E rèn ausi que lou mistrau
Picant la porto emè si bano,
Pièi, de tèms en tèms, li campano
Di rosso de la Tour-d'ou-Brau !...

ANFOS DAUDET.

LA COUNTESSO

AU CATALAN DON VICTOR BALAGUER

Morta diuhen qu'es,
Mes jo la crech viva.

V. BALAGUER.

I

Sabe, iéu, uno Countesso
Qu'es dóu sang emperiau ;
En bèuta coume en autesso
Cren degun, ni liuen ni aut ;
E pamens uno tristesso
De sis iue nèblo l'uiâu.

Ah ! se me sabien entendre !
Ah ! se me voulien segui !

Elo avié cènt vilo forto,
Elo avié vint port de mar ;
L'óulivié davans sa porto
Oumbrejavo, dous e clar ;
E tout fru que terro porto
Èro en flour dins soun relarg.

Ah ! se me sabien entendre !
Ah ! se me voulien segui !

Pèr l'araire e pèr l'eissado
Elo avié de plan de Diéu,
E de co'o ennevassado
Pèr se refresca, l'estiéu,
D'un grand flume l'arrousado,
D'un grand vènt lou soufle viéu.

Ah ! se me sabien entendre !
Ah ! se me voulien segui !

Elo avié pèr sa courouno
Blad, óulivo emai rasin ;
Avié de tauro ferouno
E de chiváu sarrasin,

E poudié, fièro barouno,
Se passa de si vesin.

Ah ! se me sabien entendre !
Ah ! se me voulien segui !

Tout lou jour cansounejava,
Au balcoun, sa bello umour ;
E cadun barbelejava
De n'ausi quauco rumour,
Car sa voues èro tant siavo
Que fasié mouri d'amour.

Ah ! se me sabien entendre !
Ah ! se me voulien segui !

Li troubaire, se devino,
Ie fasien grand coumpagnié ;
Li fringaire, à la plouvino,
L'esperavon matinié ;
Mai coume èro perlo fino,
Carivèndo se tenié.

Ah ! se me sabien entendre !
Ah ! se me voulien segui !

Sèmpre pourtavo uno raubo
Facho de rai de soulèu ;
Quau voulié counèisse l'aubo,
Vers la bello courrié lèu ;
Mai uno ouble aro nous raubo
La figuro e lou tablèu.

Ah ! se me sabien entendre !
Ah ! se me voulien segui !

II

Car sa sorre, sa sourrastro,
Pèr eireta de soun bèn,
L'a clavado dins li clastro,
Dins li clastro d'un couvènt

Qu'es barra coume uno mastro
D'un Avènt à l'autre Avènt.

Ah ! se me sabien entendre !
Ah ! se me voulien suivi !

Aqui jouino emai earcano
Soun vestido egalamen
D'un plechoun de blanco lano
E d'un negre abibamen ;
Aqui la memo campano
Réglo tout coumunamen.

Ah ! se me sabien entendre !
Ah ! se me voulien suivi !

Aqui plus de cansouneto,
Mai de-longo lou missau ;
Plus de voues galoio e neto,
Mai silènci universau :
Rèn que de cato-faneto,
O de vièio à tres queissau.

Ah ! se me sabien entendre !
Ah ! se me voulien suivi !

Bloundo espigo de tousello,
Garou lou voulame tort !
A la noblo damisello
Canton li vèspro de mort ;
E'm'acò l'on ie cisello
Sa cabeladuro d'or.

Ah ! se me sabien entendre !
Ah ! se me voulien suivi !

Or la sorre que l'embarro
Segnourejo d'enterin,
E d'envejo, la barbaro,
L'a 'sclapa si tambourin,
E de si vergié s'emparo
E ie vendémio si rin.

Ah ! se me sabien entendre !
Ah ! se me voulien suivi !

E la fai passa pèr morto,
Sèns poudé ie maucoura
Si fringaire — que pèr orto
Aro van, despoudera...
E ie laisso, en quauco sorto,
Que si bèus iue pèr ploura.

Ah ! se me sabien entendre !
Ah ! se me voulien segui !

III

Aquéli qu'an la memòri,
Aquéli qu'an lou cor aut,
Aquéli que dins sa bòri
Sènton gisela lou mistrau,
Aquéli qu'amon la glòri,
Li valènt, li majourau,

Ah ! se me sabien entendre !
Ah ! se me voulien segui !

En eridant : Arasso ! arasso !
Zou ! li vièi e li jouvènt,
Partirian tóutis en raço
Emé la bandiero au vènt,
Partirian coume uno aurasso
Pèr creba lou grand couvènt !

Ah ! se me sabien entendre !
Ah ! se me voulien segui !

E demoulirian li elastro
Ounte plouro jour-e-niue,
Ounte jour-e-niue s'encastro
La moungeto di bèus iue...
Mau-despié de la sourraastro,
Metrian teut en dès-e-vue !

Ah ! se me sabien entendre !
Ah ! se me voulien segui !

Penjarian pièi l'abadesso
I grasiho d'alentour,
E dirian à la Coumtesso :
« Reparèisse, o resplendour !
Foro, foro la tristesso !
Vivo, vivo la baudour ! »
Ah ! se me sabien entendre !
Ah ! se me voulien segui !

F. MISTRAL.

Maiano, 22 d'Avoust 1866.

LA LÈI DI CHIN

— Moussu lou Maire, counaissès moun chin, — Marcho-au-sòu, — un agnèu, tout lou mounde vou lou diriè : moun chin a rescountra 'n poulet, e, ma fisto ! l'a manja. Lou poulet èro vostre. Vène vous satisfaire... Èro tant pichot !...

— Mi poulet soun tóuti gros. Baiaras dès franc : nòu franc pèr l'es-mendo ; car, moun arrestat porto que fau estaca o enmourraia li chin, e vint sòu pèr lou poulet. Pièi, tjaran lou chin. Fau que forço rèste à la lèi.

— Mai, escusas, perdoun, Moussu lou Maire ! la lengo m'a vira ! Es pas noste Marcho-au-sòu, es voste chin, qu'es vengu dins nosto escourt, e qu'a tua ma clusso e si piétoun.

— Moun chin ? Es pas poussible ! l'avèn trop bèn après... A mens que ta clusso, veses, o si piétoun, agon coumença...

— Moussu lou Maire, ièu m'es avis que...

— Vai bèn. Meten qu'acò fugue ansin. Pòu èstre, dise pas lou countrari. Tè, vaqui dès sòu : béuras à nosto santa, e'm 'acò bello finido. Rebèques pas ; e, desenant, respetaras lou chin de l'autourita, m'entèndes ?

LOU CASCARELET.

— De trop près se caufo quan se crèmo.

— Consèu de jouine e de foui,
Quau li siègue, n'en coui.

— Conse de village, troumpetò de bos.

— Dòu dangiè qu'es passa douço es la remembranço.

LA TERRAIO ROUTO

Cade païs fournis soun mounde : i'a pertout de boufounaire e pertout de boni gènt.

A Sant-German, dins li mountagno de Lauzero, tres levènti d'Alès jouguèron uno ses uno farço amaro. Venguèron au cabaret, coumandèron lou dina, e se faguèron passa pèr de marchand dóu coustat d'aut.

— Anas souna lou troumpetoun, dison à l'oste.

Lou troumpetoun arribo : — Bonjour !

— Bonjour ! Vous fau ana crida pèr lou vilage que vènon de descèndre, à l'aubergo dóu Cade, tres negouciant que croumpon la terraio routo ; e qu'aquéli que n'an, vagon bèn l'adurre lèu, que se n'i'en pagara quatre sòu de la lièuro.

Lou varlet-de-vilo part, e'n tóuti li cantoun de Sant-German :

— Tourou-toutou ! tourou-toutou ! Vous fau assaupre qu'à l'aubergo dóu Cade vèn d'arriba tres negouciant que croumpon, à quatre sòu la lièuro, la terraio routo. Parton sèns fauto deman de matin... Aquéli qu'an de tèt podon se despacha.

Li raiòu de Sant-German, d'ausi aquelo anóuncio, restèron tant-sie-pau esbalauvi :

— Quatre sòu la lièuro, la terraio routo!... Mai es poussible?... Quouro acò s'èro vist ? Dèu èstre quauco talounado... Que ! hòu ! crideire, es bèn de-bon ?

— Es talamen de-bon que, ièu pèr lou proummé, me van metre à n'acampa.

— Santo que canto ! pèr moio ! aque'lo tubo ! E quau saup que n'en fan ?

— Es belèu, venié l'un, pèr repasta l'argelo : dóu vèire rout, n'en fan bèn de vèire nòu !

— O belèu, venié l'autre, pèr n'en tira l'esmaut e fabrica de pourcelano...

— O bessai pèr garni lou cresten di paret...

— O, quau saup ? pèr carga li canoun à mitraio...

— O bèn, diguè 'n finocho, pèr se trufa de voste nescige.

— Ato ! pièi, que riscan ? faguè 'no vièio. lèu vau toujours pourta ço que pau trouvarai.

N'en part uno, n'en part dos, e, de galapachoun, van pourta dins si cabas quauqui tros de dourgo routo. Li marchand, avenènt, eisaminon li tèt, arrapon l'archimbello e peson tout sougnousamen. Coume dis lou

Marqués de La Faro-Alès (qu'a mes éu-meme en poulit vers aquelo istourieto),

L'on aurié di que pesavon de sedo !

E, ma fisto ! acò fa, pagon rubis sus l'ounglo.

Quand se saup dins l'endré qu'es pas de badinage, quand se saup qu'an pesa e qu'an paga tin-tin, ah ! mis ami de Diéu ! tout Sant-German se bouto en cerco...

Mai d'acò rout, n'i'a pas que n'i'ague, lou sabès. Pèr n'en cueie un panniè, faudrié, de-fes que-i'a, furna quaranto andronno... Basto, porton ço qu'an ; e nòsti lamo d'estrangié, toujour-que-mai serious, chaspon la marchandiso, peson lou det sus l'oseo, e, ço que i'a de bèu, pagon courrentamen. Ero un proufié tout clar.

— Eh ! sauverdiéu ! se diguèron li-raïou, sian pas de nèsci ? Acò 's un pesca borgne ! es lou paler dis ase ! esclapen la veissello de nòstis eigié ; zôu ! aproufoundissen nòstis escudelié... Aqui, auren de clap emai de tèst à jabo !... A quatre sòu la liéuro, nous vèn encaro à comte : auren d'eisino novo, emai d'argènt de-soubro.

Li femo, vous dirai, contro-istèron bèn un pau ; mai l'apetis dóu lucre à la fin empourtè. E mi Sant-Germanen courron à sis oustau. Brin ! bròu ! vaqui d'esclapo !... Clin ! clan ! zôu dins la saco ! Semblavon fòu. Ma bloundo faièngo de Sant-Quentin, pataflou ! Adiéu, mis escudello ! adiéu, mi curbecello ! Li plat e li plato, lis oulo e pignato, lis assièto escricho, li verd viro-troucho, pin ! pòu ! E se despachavon !... Li dourno à bournèu, bebeiroun à bousoun, gadoun à maniho, flou ! Quatre sòu de la liéuro ! Li dourgo e li dourgueto, li cruco e li cruguet, ourjòu e ourjoulet, cri ! cra ! Li gènti gourgoulino, li toupin e toupino, bandello e bandeloun, cassolo e cassouloun, pòu ! tout à-n-un mouloun !... Quatre sòu de la liéuro !! Li jarroun ulious, li pechié vinassous, li poutarras becu, li boucau bregaru, li douire ventraru, zôu ! contro la muraio ! Li gerlo e li brunido, carajou, bujo e boumbouno, adessias ! Fin-qu'i quèli gresa, fin-qu'i pudènti berenguiero, embreniguèron tout, e faguèron pas gràci à-n-un cagaraulet !

Aurias jura qu'un terro-trenio, o qu'uno orro bourraseo aclapassavo lou païs !

Or li tres bòni-voio, dins la salo de l'aubergo, entandóumens fasien si panto e se toursien dóu rire... Mai es aro, capoun, que fau jouga sarra ! car garo l'espoussado, se mancon la chameto !

Urousamen la niue toumbavo. La roumpeduro facho, li Sant-Germanen carrejèron dins de sac l'espetaclous degai, — e risien pas.

— Vejan ! vèn un di gouepo, anen plan e acampen bèn ! En estènt que se fai tard, anan d'abord pesa, uno pèr uno, li pausito ; pièi sus chasco pesado, metren lou bourdarèu. E'm'acò, après soupa, vendrès tira vòsti senepo... E se Diéu vòu, anas, vous mancara pa'n sòu.

— Basto, basto, messiès, acò vai bèn. Revendren après soupa.

Après soupa — faguèron pas d'alongui — en se fretant li man, li pàuri bedigas revenguèron mai tóuti ; e trouvant porto de bos, esperèron de-foro... Mai aguèron lesi de prene la civeco, car li tres fareejaire avien grata pinedo, e èron deja liuen.

A quàuqui lègo, rescountrèron un terraié :

— Brave ome, ie diguèron, voulès chabi vòstis oulo?... Anas-vous-en à Sant-Germain !

LOU CASCARELET.

LA DINDOULETO

Pauro pichoto dindouletto,
Que la plueio pouisso vers iéu,
Vèn te pausa dins ma chambreto :
L'aigo te bagno e l'aire es viéu.

Te sies belèu trop pau pressado
Pèr parti : de l'ivèr catiéu
Es deja frejo l'alénado.
Vèn, te mesfises pas de iéu !

Me parlaras de moun terraire
Ounte ères belèu l'an passa.
Digo, as bessai vist moun vièi paire,
E l'oustau ounte m'an bressa.

Belèu, mignoto, as vist la prado
Ounte, enfant, me viéntàvi urous,
E belèu te sies mirakado
Au riau que coulo linde e dous.

Que sies urouso, dindouletto !
Chasque printèms veses tou nîs,
L'aigo ounte as begu pichouneto,
Lou soulèn que te rejouis !

Jéu, luen de ma bello Prouvènço,
Pàssi meis an ennevouli...
Oh ! gardo toun independènço,
E lou nis ounte as espeli.

Ai vougu tenta la fourtuno,
Ai pantaia glòri, bonur,
Ai basti 'n castèu dins la luno !
Ai rendu moun soulèu escur!...

Quouro anarai respira l'aire
De moun país?... Quouro veirai
La plaço mounte dor ma maire
De la som que finis jamai ?

Me quites!.. Souto la téulisso
As vist ta famiho à l'abri.
Vai lèu seca tei plumo lisso...
Laisso-me soulet, triste, eigri !

Se repasses dins lou terraire
Dei mióugranié, de l'òli rous,
Dindouleto, digo à moun paire
Que tant luen d'éu noun sièu urous !

Vai, parte ! gagno toun refuge.
Pèr tu l'aire e la liberta,
Pèr tu lou bonur que me fuge !
Laisso-me !... Sièu l'avèrsita!.,.

LUCIAN GEOFROY.

Paris, Outobre 1865.

LOU PAGAMEN

- Moussu lou mège, pagas-me li quatre eimino de blad que me devès.
- N'ai pa'n sòu !
- N'avès pa'n sòu ! E bèn ! alor, rendès-me moun blad.
- L'ai manja.
- L'avès manja ! E bèn ! alor, dounas-me 'n parèu de braio.
- N'ai qu'un parèu.
- E bèn ! alor, lèi de Diéu ! sauvas-me, o boutas-me d'iruge !

LOU CASCARELET.

LAGREMO

A F. M.

Li sebisso èron sènso flour,
Li prat sènso pamparineto ;
Plus de parpaïoun sus l'erbetò,
Plus de redoulènto sentour.

Li dindouletò afrejoulido
Venien d'abandouna si nis :
Cercavon de plus caud païs,
Un cèu pur, de ribo flourido ;

E lou vènt fasié davala
Li fueio morto di piboulo,
Que, barrulant en farandoulo,
Jaunissien l'aigo di valat.

Triste e doulènt, iéu vanegave
Sus li colo, dins li valoun ;
Venié de mourir Madeloun,
La gènto chatouno qu'amave!...

Avié sege an; — de si poutoun
Mi bouco an garda l'alenado :
Moun Diéu, perqué l'as apelado?...
N'èro pas flouri lou boutoun.

Èron bloundo coume l'espigo
Li lèngui treno de si pèu...
Palissien li rai dôn soulèu
Li bèus iue blu de moun amigo.

Li sebisso n'an plus de flour,
Li prat n'an plus de margarido ;
Liuen de moun cor volon passido
Li belugo de moun amour.

Nèsti dos amo èron bessouno :
Elo es morto, vole mourir ;
Lis amelié podon flouri...
Vole revèire ma chatouno !

Quand lou printèms s'espandira,
Nisaran mai li dindouletto,
E li flour di margarideto
Acataran l'erbo di prat.

Iéu languirai dins l'amaresso :
La mort m'a leissa dins lou dòu ;
Moun printèms dor dins lou linçou
Mounte an enterra ma mestresso !

Aro lou vènt fai davala
Li fucio morto di piboulo,
Que, barrulant en farandoulo,
Jaunisson l'aigo di valat...

AMAT NIVIÈRE.

Arle, 22 de Mai 1866.

LI BRAIO

Aquest estiéu, lou Cascarelet anavo, tres cop pèr semana, prendre de ban de Rose. Li ban de Rose fan tant de bèn !...

L'a'no barco, de la man d'eila dóu Rose, ounte, pèr dous sòu, li nadaire se desabihon e s'abihon, e, contro uno post de la barco, atrobon de clavèu ounte pendoulon si vièsti...

Mèste Pinatèu èro, aquest an, lou mèstre de la ratamalo, e tiravo li sòu.

— Mèste Pinatèu, ounte soun mi braio ? disiè lou Cascarelet en camiso, e fasènt claca li dènt, dóumaci èro trop resta dins l'aigo.

— Vòsti braio ? dèvon èstre ounte lis avès messo.

— Ie soun plus.

— Cercas bèn.

E vague de cerca li braio ! Ges de braio.

Mèste Pinatèu furnavo pèr tout caire e cantoun de sa barco. Lou Cascarelet roundinavo, e fasiè trestres. — Mi braio ! disiè, petard de la guètò ! ounte soun mi braio ?

Lis atrouvèron pas.

Mèste Pinatèu, enfeta, au camisard diguè :

— Finalamen, Moussu, sias bèn segur d'èstre vengu eici emé vòsti braio ?...

LOU CASCARELET.

LA CIGALO E LA FOURNIGO

I

La Cigalo, un ivèr, venguè pèr emprenta

Quicon à coumaire Fournigo :

— Qu'avès fa, dins l'estiéu ? — M'espassave à canta.

— Ah ! cantavias ? E bèn ! aro dansas, ma migo.

II

Fournigo dins un riéu toumbè pièi ; e vaqui

Que la cigalo volo en eridant : Maluranço !...

Ah ! devriéu, à moun tour, te counseia la danso,

Mai vau mies que t'ajude à te tira d'aquí.

Avignoun, 1866.

LOU CASCARELET.

LIS ARMETO

Un paure malaut, que de-longo malautejavo, anè, dison, vèire un sourcié.

— Vous que sias masc, ie diguè, pourrias pas m'ensigna quauque bon medecin ?

Lou sourcié ie baio uno bago :

— Tenès, ie fai, anas à la vilo. Metrès aquelo bago ; e quand sarès à la porto d'un medecin, veirès, contro lou lindau, tavaneja lis amo de tóuti li malaut qu'aura manda dins l'autre mounde. Acò vous servira...

Lou malaut vai à la vilo :

— Oh ! quant ! Fan nèblo, diguè quand s'atrouvè davans l'oustau d'un mège famous, un bèl oustau !!

E filè, espavourdi, poutounejant sa bago.

Ah ! quant n'en veguè, d'armeto, tavaneja davans de porto !... Dóu mai èron celèbre, li mège, dóu mai n'i' aviè !

Finalamen, quand aguè proun barrula, se capitè dins un quiéu-de-sa, davans un paure oustaloun ounte voulastrejavon dos amo soulamen.

— Veici moun ome ! diguè. Aquest d'eici n'a tua que dous ! A l'asard, Batezar ! Se sau creba, ereben.

Pico. Ie duerbon. Intro.

— Moussu, fai au mège, vène de liuen, vène vous dire moun mau, un marrit mau ! Mai sias tant abile, en vous ai tant de se que me garirès.

— Ah !... E coume se fai, brave ome, ie diguè lou medecin, qu'avès de iéu tant bono ópinioun ? N'ai encaro sougna que dous malaut...

LOU CASCARELET.

PLANG

A F.-M. LUZEL, POUËTO BRETOUN

Dins moun dous païs de Prouvènço,
Dins moun terrèstre paradis,
I'a'no chato que respplendis
Au gai matin de sa jouvènço.
I'a'no chato que respplendis !
Ah !

A Lamanoun, i'a 'no chatouno ,
I'a 'n jouièu fin à Lamanoun.
Iéu vole pas dire soun noum :
Raubarien l'amour que me douno.
Iéu vole pas dire soun noum.
Ah !

E s'espandis coume la roso
Que se clino de-vers lou rièu,
En miraiant soun front gentiéu
Dins l'aigo lindo que l'arroso,
En miraiant soun front gentiéu.
Ah !

Lou cor la bado, l'iue la bèlo ;
De soun front li trelus fan gau !
Èi lèsto coume un perdigau...
Oh ! coume l'ame e coume es bello !
Èi lèsto coume un perdigau.
Ah !

Quand porto au bras soun piehot fraire
E que lou tintourlo en risènt,
Me sèmb'lo vèire jouga 'nsèn
Un enfant Jèsu 'mé sa maire.
Ah ! fau li vèire jouga 'nsèn !
Ah !

E se vesias coume es bèn messo,
Quand a mes sa crous de diamant !

Se la vesias quand joun li man,
E qu'es à grinoun à la messo !
Se la vesias quand joun li man !
Ah !

Vès, crese pas, ièu que vous parle,
Crese pas que veguès jamai
Maio tant bello en mes de mai,
Plus bello chiato en vilo d'Arle !
Maio tant bello en mes de mai !
Ah !

Vèngon mi vint an ! e Dièu fague
Que tourne pas soute la lèi,
Que fague pas sôdard dôn Rèi,
E que lièn d'elo noun m'envague !
Que fague pas sôdard dôn Rèi !
Ah !

Tóuti dous, i pèd dôn vièi prèire
Que nous batejè touti dous,
Nous maridaren amoureux
Dins la glèiso de nòsti rèire.
Nous maridaren amoureux.
Ah !

J. ROUMANILLE.

Avignoun, 20 d'Avoust 1866.

A L'AURETO

— D'ounte vènes, auro embaumado ?
Digo, ounte te sies perfumado
D'uno tant redoulènto oudour ?
— Ai passa sus la roso e sus lis ile en flour.

LOU CASCARELET.

Avignoun, 1866.

LOU CURAT DE CUCUGNAN

I

L'abat Martin èro curat... de Cucugnan.

Bon coume lou pan, franc coume l'or, amavo coume un paire sis enfant si Cucugnanen ; pèr éu soun Cucugnan sarié 'sta lou paradis sus terro, se li Cucugnanen l'avien douna, fèsto e Dimenche, e subre-tout pèr Pasco, un pau mai de satisfacioun. Car es vrai de dire que, souvèntifès, ai ! las ! avié, pèr ausi sa messo, li Dimenche, lou clerjoun que la servié, e sa servicialo, que pèneravo ; e pèr canta vèspro, soun sacrestan e soun campanié. Dins soun counfessiouna lis aragno fielayon, e lou bèu jour de Pasco, restavon lis oustio au founs de soun sant cibòri ! E, vous dirai, n'en èro tranca, lou cor dóu bon prèire ; e, bon prèire, à Diéu demandavo que ie faguèsse la gràci de pas mourir avans d'avé dins lou pargue enclèda tout soun avé, soun paure avé tout esparpaia, e qu'èro sèmpre souto la goulo e la dènt dóu Loup, dóu negre e traïte Loup !

Or, anas vèire que Diéu l'ausigué.

II

Bon jour, bono obro, bèu Dimenche, à la messo dóu prone, lou curat de Cucugnan mounto en cadiero, e :

Mi fraire, dis, vouliéu, vuei, vous anouncia quicon que de-segur vous aurié fa grand gau. Mai vese pas, à moun entour, pèr m'ausi, proun crestian acampa. Vouliéu vous parla d'un tresor, — iéu sabe ounte s'atrovo, — que fara de richas de tóuti li Cucugnanen, fuguèsson-ti, tóuti, plus paure que Jo ! Lou destouscaren Dimenche que vèn ; e cadun n'aura sa part. Que voulès que vous digue iéu, en vesènt soulamen dins lou sant tèmple, moun clerjoun Niset, que se languis d'escoula li bureto ; misè Rousselino, beillesso de la coungregacioun, qu'es intrado à la messo quand èro despouchado, dóumaci amoulavo sa lengo sus lou casaquin d'Oursulo ; Aubert, noste campanié, que, tout-escas, oubliavo au cabaret de souna lou darrié ; e piéi meste Bernat, qu'espèro, en roupihant, la fin de moun sermoun... Que voulès que vous digue ?... A Dimenche, mi fraire ! Au tresor pescarés. Es la gràci que vous souvète ! Amen !

III

L'agué proun de misè Rousselino pèr espandi dins Cucugnan la bono nouvello dóu tresor. Lou Dimenche venènt, tout Cucugnan au prone courreguè coume l'avé cour à la sau : cadun voulié sa part dóu tresor ;

memamen d'uni que i'a emé d'autre s'agarrissien, car n'en voulien mai que sa part. Dins la glèiso s'acampèron que tout-bèu-just Aubert venié de souna lou proumié. Basto, après l'Evangile, Moussu Martin mounto en cadiero e dis :

IV

Mi fraire, vous lou dise de-boñ e bèn de-bon : paure s'endrudiran e riche s'apauriran, se riche soun sourd e se paure m'entèndon. Lou tresor, lou tenèn. Sauprés ounte èi quand descendrai. Escoutas que vous parle.

Quau vous a pas di que, l'autro niue, me capitère, iéu, miserable pecadou, à la porto dóu paradis. Piquère : sant Pèire me durbiguè.

— Hoi ! es vous, moun brave Moussu Martin, me saguè. Quete bon vènt... e que i'a pèr voste service ?

— Bèu sant Pèire, vous que tenès lou grand libre e la clau, pourrias pas me dire, se siéu pas trop curious, quant avès de Cucugnanen en paradis ?

— Aï rèn à vous refusa, Moussu Martin. Assetas-vous. Ensèn anan vèire eicò.

E sant Pèire prenguè soun gros libre, lou durbiguè, boutè si bericle :

— Vèjan un pau : Cucugnan, disèn. Cu-cu-Cucugnan. Ie sian. Cucugnan... Moun brave Moussu Martin, siéu bèn facha de vous lou dire, la pajo es touto blanco. I'a pas uno amo... Pas mai de Cucugnanen que d'es-pino dins un lèu.

— Coume ! degun eici de Cucugnan ? degun ? Es pas poussible ! Agachas mies...

— Degun, sant ome. Regardas vous-meme, se cresès que galeje.

E, pecaire ! picave di pèd, e, li man jouncho, eridave misericòrdi. Alor sant Pèire :

— Fau pas se maucoura coume acò, que n'en aurias quauque marrit cop de sang ! N'en sias pièi pas l'encauso, vous. Vòsti Cucugnanen, vesès, dèvon faire, osco seguro, uno pichoto quaranteno en purgatòri.

— Ah ! pèr carita, grand sant Pèire ! fasès que posque au-mens li vèire, li vèire e lis assoula !

— Voulountié, moun ami !... Tenès, cargas lèu aquéli sabato, que li camin soun pas bèn de rèsto. Acò vai bèn !... Aro, caminas, caminas dre davans vous. Vesès, eilalin, après lou recouide ? Atroubarès uno porto d'argènt touto escrincelado de crous negro... à vosto man drecho... Picarès, e vous durbiran. Adessias ! Tenès-vous siau e gaiardet.

V

E caminère... caminère ! Quento batudo ! fai orre de ie sounja. Un draïou

elati de roumias, de quieu-de-got que lusissien e de serp que siblavon, à la porto d'argènt m'aduguè :

— Pan ! pan !

— Quau pico ? me fai uno voues rauco e doulèto.

— Lou curat de Cucugnan.

— De... ?

— De Cucugnan.

— Ah !... Intras.

Intrère. Un grand bèl ange, emé d'alo sournou coume la niue, emé 'no raubo resplendèto coume lou jour, emé 'no clau de diamanant à sa centuro pendoulado, escrivié, cra-cra, dins un grand libre, plus gros que lou de sant Pèire...

— Finalamen, que voulès, e quau demandas, diguè l'ange ?

— Bèl ange de Diéu, vole saupre, se siéu pas trop curious, s'avès eici li Cucugnanen.

— Li ?...

— Li Cucugnanen, li gènt de Cucugnan, que iéu n'en siéu lou priéu...

— Ah ! l'abat Martin, parai ?

— Pèr vous servi, Moussu.

VI

— Disès doune Cucugnan...

E l'ange duerb, e fuieto soun grand libre, bagnant soun det d'escupigno, pèr que lou fuiet resquihèsse mies...

— Cucugnan ! dis, trasènt un long souspir... Moussu Martin, avèn, en purgatòri, degun de Cucugnan.

— Jèsu ! Maria ! Jousè ! degun de Cucugnan en purgatòri ! O Diéu ! o grand Diéu ! ounte soun doune ?

— Eh ! sant ome, soun en paradis ! Ounte diàussi voulès que siegon ?

— N'en vène...

— N'en venès !!... Eh bèn ?

— Eh bèn ! ie soun pas !... Ah ! bono Maire dis ange !...

— Que voulès, Moussu lou Curat ? se soun ni en paradis ni en purgatòri, i'a pas de mitan, soun....

— Santo crous ! Jèsu, fiéu de Dàvi ! ai ! ai ! ai ! es-ti poussible ?... M'auriè fa, sant Pèire, quauque marrit tour ?... Pamens, n'ai pas ausi canta lou gau !... Ai ! pàuri nautre ! coume anarai en paradis, se mi Cucugnanen ie soun pas ?

— Vesès, moun paure Moussu Martin, se voulès riboun-ribagno èstre segur de tout eiço, e vèire de vòstis iue ço que n'èi e ço que viro, prenès

aquéu draïou, filas en courrènt, se poudès courre.... Atrouvarés, à vosto man gauchò, un grand pourtau. Aqùi vous assaventarés de tout. Diéu vous lou doune !

E l'ange barrè la porto.

VII

Èro un long draïou tout calada de carboun ardènt. Trantaiave, coume s'aviéu begu ; à cade pas m'embrouncave ; ère tout en aigo, cade pèu fasié soun degout, e barbelave de la set... Mai basto ! gràci i sabato que lou bon sant Pèire m'avié presta, me brulère pas li pèd.

Quand aguère proun trantaia, balin-balant ! veguère, à man gauchò, uno porto... noun, un pourtau, un pourtalas tout badant coume la goulo d'un grand four. Oh ! mis enfant ! quet espetacle !... Aqùi me demandèron pas moun noum ; aqùi ges de registre. A boudre e à plen de porto on intro, mi fraire, coume, lou Dimenche, intras au cabaret.

A gros degout susave, e pamens ère tout afrejouli, e tremoulave. Mi pèu s'esfoulissien. Sentiéu l'usele, la car rabinado, quicon coume l'oudour que s'espandis dins noste Cucugnan quand Aloï, lou manescan, brulo, pèr lou ferra, la bato d'un vièi ase ! Perdiéu alen dins un aire cremant e qu'entrounavo, ausiéu uno orro eridadisso, de gingoulamen, d'ourlamen e de juramen.

— Eh bèn ! intres, o intres pas, tu ? — me fai, en me pougnènt de sa fourco, un demòni banaru.

— Ièu ? intre pas. Siéu un ami de Diéu !

— Sies un ami de Diéu !... Eh ! bougre de rascas ! que vènes faire eici ?...

— Vène... Ah ! me n'en parlès pas, que pode plus me teni sus mi cambo... Vène... vène de liuen... umblamen vous demanda... se... se pèr cop d'asard... aurias pas eici... quaucun... quaucun de Cucugnan !...

— Ah ! sio de Diéu ! fas lou mato aqùi, tu, coume se sabiès pas que tout Cucugnan es eici ! Tè, laid courpatas, regardo, e veiras coume lis adouban, eici, ti famous Cucugnanen !...

VIII

E veguère, au mitan d'un espaventable revoulun de flamo :

Lou long Gau-galin, — l'avès tóuti couneigu, mi fraire ! — que tant souvènt s'empegavo, e tant souvènt espoussavo lis arno à sa pauro Claroun.

Veguère Catarinet, aquelo couquinoto, emé soun nas en l'èr, vous en souvèn, que ie toumbè 'n fèrri... Sabès, droulas ?... Em'acò bello fenido...

Veguère Pascau Det-de-pegno, que se fasié d'òli emé lis óulivo de Moussu Julian.

Veguère Babèu la rapugarello, qu'en glenant, à pognado, pèr nousa pulèu sa garbo, pescavo i garbeiroun.

Veguère Mèste Grapàsi, qu'ouliavo tant bèn la rodo de sa barioto ;

E Dóufino, qu'au pres dóu la vendié l'aigo de soun pous !

E lou Troussa, que quand me rescountravo pourtant lou Bon-Dièu filavo soun camin, la barreto sus la tèsto, e la pipo au mourre, e fièr coume Artaban... coume se rescountravo un chin ;

E Coulau emé sa Zeto, e Jaque, e Pèire, e Tòni !...

IX

Esmougu, blave de pòu, ferniguè tout l'auditòri, en vesènt, dins l'infèr tout dubert, quau soun paire e quau sa maire, quau sa grand e quau sa sorre...

— Sentès bèn, mi fraire, qu'acò pòu pas dura. Ai cargo d'amo, e vole, vole vous sauva de l'abime ounte tóuti cabussas, lou vesès. Deman me bouta à l'obro, pas plus tard que deman. E proun obro l'aura ! Mai vejeici l'estiganço. Pèr que tout vague bèn, ie fau metre bon ordre. Anaren à-de-rèng, còume à Jounquiero quand danson.

Deman, dilun, counfessarai li vièi e li vièio. Acò n'èi rèn ;

Dimars, lis enfant. Aurai lèu fa ;

Dimècre, li chato e li droulas. Sara proun long !

Dijòu, lis ome. Couparen court ;

Divèndre, li femo. Ie dirai : Pas d'alòngui ;

Dissate, lou móunié !

E se, Dimenche, avèn fini, saren bèn urous !

Es egau, quand lou blad es madur, fau que lou blad se cope ; quand es veja lou vin, fau que lou vin se begue. I'a proun linge sale, fasen bugado, e fasen la bono. Oh ! que leissieu !

Mis enfant, mi pàuris enfant, es la gràci... e lou tresor que vous souvète. Amen !

X

Ço que fuguè di, fuguè fa. Coulèron bugado.

Despièi aquèu dimenche memourable, lou prefum di vertu de Cucu-gnan se respiro à dès lègo à l'entour.

E lou bon pastre Mqussu Martin, urous e trefouli, a pantaia, l'autro niue, que, segui de tout soun avé, escalavo, en trelusènto proucessioun,

au mitan di cire atuba, d'un nivo d'encèns qu'embaumavo, e dis enfant de Cor que cantavon *Te Deum*, lou camin'estela de la Ciéuta de Diéu !

E vaqui l'istòri dóu Curat de Cueugnan, talo que m'a douna l'ordre de vous la dire aquéu gusas de Roumaniho.

LOU CASCARELET.

A MOUN AMI DUCROS

Que, dins uno letro en trioulet, me reprouchavo d'être ista mai d'un an sèns l'escrèure

Se tu l'as, vergougno, emai iéu ;

E coume pas agué vergougno ?

Counèisses bèn l'ami Roumiéu :

Se tu l'as, vergougno, emai iéu.

Nosto pigresso, sarnibiéu !

Meritarié bèn uno mougno.

Se tu l'as, vergougno, emai iéu ;

E coume pas agué vergougno ?

Pamens, se m'ensouvène bèn,

I'a mens d'un an que t'escriguère :

Te mandère, i'a pau de tèm,

Pamens, se m'ensouvène bèn,

Un retra-carto pèr presènt

Que dins ma letro meteguère.

Pamens, se m'ensouvène bèn,

I'a mens d'un an que t'escriguère.

Te l'espedisso tourna-mai,

De crento que l'agues perdudo.

La vos ? tè, la vejaqui mai !

Te l'espedisso tourna-mai.

Bèl ami, d'abord que te plai

Ma tèsto peludo e barbudo,

Te l'espedisso tourna-mai,

De crento que l'agues perdudo.

Saves coume t'ame, Ducros !

Sèn dous vièls e bon cambarado ;

Restaren ami jusqu'au cros :
Saves coume t'ame, Ducros !
Mai que la car contro lis os
Moun amo à la tiéuno es ancrado.
Saves coume t'ame, Ducros !
Sèn dous vièls e bon cambarado.

Se passo pas belèu un jour
Qu'emé bonur noun li pantaise,
Nòsti bèllis ouro d'amour !
Se passo pas belèu un jour
Que noun regrète emé doulour
Li cacalas que fasian d'aise ;
Se passo pas belèu un jour
Qu'emé bonur noun li pantaise.

S'aquel tèms poudié reveni,
N'en farian, tourna, de bon rire ;
Lèu-lèu que sarian reüni,
S'aquel tèms poudié reveni !
N'avèn plus que lou souveni ;
Mai n'ïa proun pèr nous faire dire :
S'aquel tèms poudié reveni,
N'en farian, tourna, de bon rire !...

Lou vèspre, au cantoun de moun fio,
Nous disiès ti malemparado ;
Pièi jougavian i *pichot jo*,
Lou vèspre, au cantoun de moun fio.
Ai pas jamai tant ris en-lïo
Coume quand, fasènt la charrado,
Lou vèspre, au cantoun de moun fio,
Nous disiès ti malemparado.

Lou tèms fuso, e... nous fasèn vièl ;
Cacharen lèu pas plus de nose ;
Noste libre abeno si fièl ;
Lou tèms fuso, e nous fasèn vièl ;
Pourtan plus la lano d'agnèl.
Coume l'aigo treblo dóu Rose
Lou tèms fuso, e nous fasèn vièl ;
Cacharen lèu pas plus de nose.

Dins... uno quaranteno d'an,
Se lou bon Diéu nous presto vido,
Auren tóuti dous li péu blanc,
Dins uno quaranteno d'an.
Avèn déjà tres crous en plant.
Oh ! quànti frimoussò passido,
Dins uno quaranteno d'an,
Se lou bon Diéu nous presto vido !

Pèr faire dura lou plesi,
Fau saupre jouï de soun rèsto.
Es veraï que sies pas móusi
Pèr faire dura lou plesi.
Te counseie alor de causi
Uno fenneto jouïno e prèsto
Pèr faire dura le plesi :
Fau saupre jouï de soun rèsto.

Alor, pregarai lou bon Diéu
De te manda quàuqui bèu drole
E quàuqui drouleto à l'èr vièu ;
Alor, pregarai lou bon Diéu
Que te n'en doune autant qu'à ièu,
Pèr que lou bonur t'amassole,
Alor, pregarai lou bon Diéu
De te manda quàuqui bèu drole.

Entremen, agues la santa,
Qu'es la plus bello di fourtuno !
Tout lou rèsto es rèn à cousta.
Entremen, agues la santa !
Se lou bon Diéu vòu m'escouta,
L'aurai pas prega pèr de pruno.
Entremen, agues la santa,
Qu'es la plus bello di fourtuno !

Quand en coumenço, fau fini :
Te souvète uno bono annado !
Sies en camin de perveni ;
Quand on coumenço, fau fini.

Se lou bon gran rèsto à veni,
Frutifico pièi à pognado.
Quand on coumenço, sau fini,
Te souvète uno bono annado !...

LOUIS ROUMIEUX,
de Nîmes.

Bèu-caire, 1^{re} de Janvié 1866.

L'OUSTAU A QUATRE COUS

Dous pàuri ribeiròu dóu port de Marsiho, lou vièi Mèmpènti emé lou vièi Mèntruñi, èron asseta sus un bancau, en esperant que li louguèsson pèr ana faire esquino de courchoun.

Lou vièi Mèntruñi atubavo sa pipo, e dintre si man jouncho acatavo em'afecioun uno brouqueto. Lou sôupre en flamejant venguè estuba lou vièi Mèmpènti, e Mèmpènti diguè :

— Lou tron de goi ta pipo !... emai ta pipo ! emai ta pipo !.,.

— Que vos, moun ome ! l'autre respoundeguè, acò 's tout moun plesi... Lou cachimbau es l'endourmitòri de la misèri.

— Quant as d'an ? faguè Mèmpènti.

— Moun paure ami, repliquè lou fumaire, devèn èstre gaire liuen de l'un à l'autre : aurai setanto an pèr Sant Vitou.

— Ah ço ! regardo ! i'a lou mens cinquanto an que fumes... S'aviès bouta de-caire, e pièi à l'interès, tout l'argènt qu'as mes au taba, siéu segur que d'aquesto ouro auriès un bèl oustau, un oustau à quatre cous sus la Carriero Emperialo...

Lou vièi Mèntruñi repliquè :

— Tu que pipes pas, n'as un de bèl oustau, d'oustau à quatre cous, sus la Carriero Emperialo ?

LOU CASCARELET.

MAI LOU FUMA

— Fumes ? fumes mai ?... As tort de tant fuma, moun ome ! Lou tant fuma fai mau, car es la pousoun, toun taba.

— Ah ! ço, vai ! la pousoun ! me fas susa, 'mé ta pousoun. I'a moun paire que pipo coume un Turc : empacho pas qu'aura si bèu quatre vint, vèngue la Madaleno !

— Pretènde pas lou countràri. Mai quau t'a pas di, bedigas, que, se noun fumavo, n'auriè pas belèu mai de cènt, d'aquèstis ouro ?

LOU CASCARELET.

A MADAMISELLO E.-G. de S^t-J.

Digo-me dounc perqué subre ta bloundo caro,
Mirau de fiho, o gènto flour,
De-longo plano la doulour?
E perqué, linde e bèu coume uno eigueto claro,
Escampon, tis iue blu, tant de lagremo amaro,
Que sèmlon dos font de malour?...

Digo-me dounc perqué noun sies gaio e risènto,
Flour de jouvèngo e de bèuta,
Tu que vives de liberta?
Au printèms de la vido uno fiho es countènto;
E, bandissènt l'escur de soun amo doulènto,
Dèu èstre touto amigueta.

Quand sian jouine e poulit, la vido es samenado
Que de perlo e de blànqui flour
Escampihado pèr l'amour.
Alor tout vous sourris, de tóuti sias amado,
Caminas gaiamen sus lou front dis annado,
Vous endourmés dins li bèu jour.

E pièi, vous revilhas dins uno niue sereno :
Ajuda pèr li ventoulet,
Vous aubouras siau, risoulet ;
Pèr vautre lou mistrau jamai s'encagno e reno ;
Dins lis erso dóu tèms lou bonur vous eumeno
Coume la fueio au nivoulet.

Anen, crèi-me ! repren la voio de toun age.
Poulido fiho, o gènto flour,
Fau bèn qu'oublides ta doulour ;
Sias li gasta de Dièu, quand sias bèu, jouine e sage ;
léu vole sus toun front vèire plus qu'un image :
Retra beni ! retra d'amour.

ROUMÉ MARCELIN.

Carpentras, 1866.

— Au mes d'Avoust, tout ancèu es bèco-figo.
— A bono bugadiero noun manco jamai pèiro.

LA VIDO ANIMALO

Un franchimand se permenavo aquest estièu à Vilo-novo d'Avignoun. Après agué vesita la Chartrouso, lou toumbèu dóu papo, lou fort de Sant-Andrièu, e aquelo bello costo talamen souleiouso qu'a fa douna l'escai-noum de *lesert* is abitant, lou franchimand, ravi, estasia, vengué à soun guidaire (qu'èro un païsan dóu lio) : — *Dites donc, l'ami ! savez-vous que votre pays n'est pas vilain ? J'ai furieusement envie de m'y camper. Voyons, la vie animale est-elle chère ici ?*

— Oh ! pèsqui pas ! respoundegué lou bastidan. La luzérno vau tres franc lou quintau, e la ramo de sause trento sòu...

LOU CASCARELET.

LA MORT E LOU BOUSCATIÉ

Un paure bouscatié, lou desespèr dins l'amo,

Sounavo la Mort. Ai ! ai ! ai !

La Mort vèn : — Que me vos ? — Rèn, ò ma bello damo !

Vole... que m'ajudés à recarga moun fai.

LOU CASCARELET.

Avignoun.

LOU PLOURAIRE

Dins forço endré dóu Lengadò, quand mor quaucun, es encaro la modo d'emplega de plouraire o de plourarello, valent-à-dire d'ome e de femo que li parènt dóu mort logon pèr acoumpagna lou cors en lagre-mejant.

Jaque-la-Bèbo, s'èi toujour di, èro un famous plouraire, famous !

Un jour l'anèron trouva :

— Jaque, ie diguèron, un tau es mort. Deman l'entarron. Sara donc pèr quatre ouro de vèspre. Manquèsses pas.

— Pode pas ploura, faguè Jaque-la-Bèbo, pode pas ploura !

— Coume ! pos pas plourá ?... Lou mort laisso bèn quaucarèn. Te pagaran, vai !

— Pode pas ploura !

— Eh ! qu'arribo ?

— Ma femo èi morto !

LOU CASCARELET.

LOU POULIT ROUSIÉ BLANC

PÈR ANTOUNIETO DE BÈU-CAIRE

Dins lou jardin de la Prouvènço
Un rousié blanc èro planta;
E, 'n jour de tristo souvenènço,
L'endoulible nous l'a 'mpourta !
Èro la man d'Antounieto
Que l'arrousavo, la paureto !
Vèspre e matin, embé sei plour;
Car Diéu avié mes dins soun amo
Un bèu raïoun, divino flamo
De pouësio emai d'amour :

Plouren, plouren, pouèto doun Miejour !
Lou poulit rousié blanc pourtara plus de flour !

Lei flour èron toujours fresqueto
Sus lei branco doun blanc rousié ;
E quand lei beisavo l'aureto,
Un parfum d'amour adusié.
Leis aucèu que voulastrejavon,
Bèn d'aise, de l'alo toucavon
D'aquéu bèu rousié lou countour ;
Pièi à l'oumbro de soun fuiage
Lou roussignòu 'mé soun ramage
Cantavo tout-de-long doun jour.

Plouren, plouren, pouèto doun Miejour !
Lou poulit rousié blanc pourtara plus de flour !..

... Dintre lei boues leis aucelino
Se fasien fèsto de l'ausi,
Quand, de-fes, de sa voues divino
Cantavo sei vers benesi.

— Canto, ie disié l'alauveto,
Farai moun nis dins ta faudeto,
E cantaren nòstei doulour;
Canten, canten, que sian urouso :
Belèu deman la mort terrouso
Samenara pertout de plour...

Plouren, plouren, pouèto doun Miejour !
Lou poulit rousié blanc pourtara plus de flour !

Sus aquelo plaço mounte èro,
Sus aquéu gazoun deja rous,
Uno branco pouisso de terro...
Jèsu, moun Diéu ! es uno crous !
Noun, plus jamai de cansouneto,
Pichots aucèu ! e tu, sourgueto,
Sèns brut cascaio à soun entour,
Car aqui dor Antounieto,
Dins sa toumbo, pauro fiheto !
Morto d'amour, morto d'amour !
Plouren, plouren, pouèto dóu Miejour !
Lou poulit rousié blanc pourtara plus de flour !

Quau saup tout ço qu'a di toun amo,
Amoundaut, eis ange de Diéu,
Lou jour que de sa jouino tramo
Lou Destin n'en coupè lou fiéu ?
Bèn segur, de sa voues celèsto,
A degu lour counta lou rèsto
De sei pouèssio d'amour ;
E leis ange que l'ausiguèron
De roso blanco li jitéron
A fin de bèn li faire ounour...
Plouren, plouren, pouèto dóu Miejour !
Lou poulit rousié blanc pourtara plus de flour.

Qu'un rousié sus nosto bandiero
D'or e d'argènt siegue pinta ;
La roso la mai printaniero,
Sus soun cros l'anaren planta.
Tóutei leis an dins la Prouvènço
Trelusira sa souvenènço ;
E lei fiheto d'alentour,
Courounado de roso blanco,
Cantaran, pourtant uno branco
De rousié blanc, rousié d'amour :
Plouras, plouras, pouèto dóu Miejour !
Lou poulit rousié blanc porto plus ges de flour !

A. B. CHALVET.

LA COUNFÈSSO

Un jouvènt anavo se marida. Anè se counfessa ; e coume avié proun peno pèr desembouia soun escagno — lou malurous se counfessavo pas souvènt — lou prèire l'ajudavo :

— Veguen, moun enfant, avès jamai di de messorgo ?

— Moun Paire, siéu pas avocat.

— Avès jamai voula ?

— Ai jamai rèn vendu, moun Paire.

— Avès res tua ?

— Ah ! moun Paire, faguè lou penitènt, trasènt un long souspir, que voulès ? siéu medecin.

LOU CASCARELET.

LA CIRO E LA BOUVO

De-qu'es acò qu'en meme tèms

Found la ciro e 'ndursis la bouvo ?

— Es lou soulèu ! Veici lou sèns,

Aro, qu'aquesto enigma couvo :

S'un brave ome vèn riche, es un bonur ; alor

Sa bounta s'expandis autant que sa richesso ;

Mai en un cas parié, 'mé 'nea mai d'estrechesso

Ressarrara sa bourso aquèu qu'a 'n marrit cor.

LEON ALÈGRE.

Bagnòu, 15 de Mai 1866.

LA FOUTOUGRAFIO

l'a'n Mourieren qu'anè, l'autre dimenche, à la vilo, pèr faire faire soun retra à la foutougrafio. Au foutougrafe diguè :

— Quant me n'en farès paga de la dougeno, lou pu juste ?

— Sara vint franc la proumiero dougeno, e sege la segoundo, respounduguè lou foutougrafe.

— Siegue l'n'ai proun d'uno dougeno. Me farès la segoundo.

LOU CASCARELET.

UN SOM

Cansoun nouvialo pèr lou mariage de moun ami Enri Pamel emé la gènto Nini Rey

ÈR : *V'là c' qu' c'est, etc.*

Quand Diéu noste bon Paire

Aguè fa

Soun divin prefa,

Vesènt Adam, pecaire !

Tout desvaria,

S'enuia,

Badaia,

Soulet dins un caire,

Le diguè :

Vai-t'en jaire...

E l'endourmiguè.

Ai ! ai ! ai !

Ai ! ai ! ai !

Es d'un som

Court e bon

Que nous vèn la feno,

Gau de touto meno :

Brave Enri,

Moun ami,

Pèr te metre en veno,

Vai dourmi.

Au bon Diéu rèn noun costo,

Car, plan-plan

D'Adam s'avancant,

Le derrabo uno costo

Dou mitan di flanc ;

Pièi, subran

La boufant,

N'en tiro sèns peno

Un galant

Tros de feno

Que reviho Adam.

Ai ! ai ! ai ! etc.

Quand lou bonur es double,
Es mai dous ;
Tambèn, pensas-vous
Se noste poulit couble
S'atrouvavo urous.
Amourous
Tóuti dous,
Un rèn lis enfioco ;
Aurien ris
D'uno broco
Dins soun paradis...

Ai ! ai ! ai ! etc.

Èvo, — la causo es tristo ! —
Un bèu jour
Que fasié l'amour,
Vers soun ome devisto
Lou fru tentatour.
Lèu ie cour :
Queto óudour !
— Fai la galavardo, —
Es madur...
E lou chardo.
Adiéu lou bonur !

Ai ! ai ! ai ! etc.

Despièi, vejaqui coumo
S'endevèn
Que mai d'un jouvènt
A contro Èvo e la poumo
Counserva 'no dènt.
Pièi, quand vèn
Lou bèu tèm
De rintra 'n meinage,
Ie parlas
De mariage,
Fai un cacalas !

Ai ! ai ! ai ! etc.

Cresès qu'Èvo se lagno ?
Ah ! pas mai !
Tènd sa telo d'aragno,
En disènt : T'aurai !
E lou niai,
Un jour, vai,
Coumtant lis estello,
Faire un pas
Dins la telo,
E s'aganto au las.
Ai ! ai ! ai ! etc.

Iéu save un juyenome
Fres e blound
Coume un Apouloun.
Se vos que te lou nome,
Te dirai soun noum.
Ah ! *coudoun*,
Disiès : — Noun !
Jamai me maride ! —
E, fada,
Iuei te cride :
TE SIES MARIDA !
Ai ! ai ! ai ! etc.

Bouto ! acò noun m'estouno :
Tu sies bèu
Coume lou soulèu ;
Ta nòvio es galantouno
Coume un anjounèu.
Gènts aucèu,
Que lou Cèu
Iuei vous benesigue,
Pèr que lèu
Espeligue
Un ange nouvèu !
Ai ! ai ! ai ! etc.

Es d'un som
Court e bòn
Que nous vèn la feno,
Gau de touto meno.
Brave Enri,
Moun ami,
Pèr te metre en veno,
Vai dourmi.

L. ROUMIEUX.

Bèu-caire, 18 de Desèmbre 1865.

L'ESTATUO DOU BAILE SUFFREN

Dins lou Gou de Grimaud, sus nosto costo de Prouvènço, i'a'n brave port de mar qu'apellon Sant-Troupez.

Aquel endrè, liuen de pertout, acoustuma de longo loco à s'apara soulet, nourris un pichoun pople qu'es valènt à la mar. Tóuti lis an au mes de Mai, en memòri dis assaut soustengu autre-tèms contro liç Espagnòu o li pirato barbaresc, se ie celèbro encaro uno Bravado di plus bello.

Basto, li Troupezen, se rapelant à tèms que lou Baile Suffren, noste grand amirau, èro segnour de Sant-Troupez, qu'emè li fièu de Sant-Troupez s'èro ilustra dins l'Indo, e qu'au castèu de Sant-Troupez tournavo se pausa, après si guerro liuencho, li Troupezen, emè la caudo ajudo de la Franço maritime, an dreissa sus soun quèi uno estatuo au Baile glourious.

Diguen, tout en passant, que lou noumavon *Baile* d'oumaci acò 'ro un titre usita dins l'ordre de Malto, dóu quan fasié partido noste valerous coumpatrioto.

A dre faire, es li Sant-Canaden qu'aurien degu aubonra lou mounumen, car lou Baile Suffren nasquè au castèu de Sant-Canat (en 1729). Mai devèn counveni qu'à Sant-Troupez, en faci de la mar, lou grand ome de mar es mièus en plaço.

Dóu rèsto, i'a pas que Sant-Troupez e Sant-Canat que se reclamon sa patrio : la vilo de Seloun, antique brès de la famiho di Suffren, Seloun que dóu vivènt de l'amirau faguè taia soun buste dins lou mabre, pèr lou plaça dins sa coumuno, ounte encaro se vèi, — Seloun ounte Suffren, à soun retour dis Indo, fuguè reçaupu coume un dièu, à juste titre poudié tambèn revendica lou sèti de la counmemouresoun.

Mai Crousillat, l'abiho selounenco, a poulidamen adouba tout acò dins aquest sounet, — que pòu bèn s'aparia i plus bèu de sa *Bresco*. Veici :

Fraire de Sant-Troupez, de couer aplaudissèn
Au bèu vanc que vous fai ounoura la memòri
De l'illustre amirau, sèmpe digne de glòri,
Lou Baile amistadous que tóutei cherissèn.

Se d'asard Sant-Canat lou tintourlo neissèn,
Seloun de sei mamèu lou nourris gras e flòri;
Seloun, qu'emé fièrta recanto soun istòri,
Viéu de lou pousseï n'èro trefoulissèn !

Dins un marme neven que nous retrais sa caro
Emé bonur eici lou countemplan encaro,
Mai vuei nous fès ligueto e vergougno segur...

E tant-miéus : noun poudian, nous-àutrei vouéstei màji
Tant bèn dóu grand marin cala lou noble imàgi
En ribo de la mar, ni souto un cèu plus pur.

La Prouvènço en verita n'avié pas espera subr'ouro pèr ounoura coume devié soun cros poupulàri, aquéu que lou proumié, desdegnant li règlo de l'enciano tatico navalo, à grand cop de canoun s'abrivavo à l'arram-bage, aquéu que lou darrié a douna is Anglès de rousto memourablo.

Outro lou buste vouta pèr li Selounen, lis Estat de Prouvènço, perèu de soun vivènt, i' avien decerni uno medaio d'or pourtant, d'un coustat, sa figuro e soun noum, e de l'autre, uno courouno de lausié, barrado pèr lis armo de Prouvènço, e environant l'iscripcioun que seguis :

Lou Cap proutegi,
Trinquemale pres,
Goundalour deliéura,
L'Indo aparado,
Sièis coumbat glourious.

Vaqui l'ome que Sant-Troupez a glourifica lou 4 d'Abriéu 1866, davans un sube de mounde, davans l'autourita civilo e maritimo, davans l'escadro encuirassado vengudo de Touloun espressamen.

Dous bèu vice-amirau faguèron lou panegiri dóu Baile : l'un, M. Jurien de la Gravière, racountant sa noblo vido ; l'autre, M. Bouët-Willauvez, retrasènt sa tatico bataiero. Pièi, — e fuguè lou plus taquant, — un marin prouvençau, un digne fiéu di cambarado de Suffren, lou capitani de veissèu Ortolan, prenguè la paraulo. Après aguè lausa la carriero resplendènto e l'amirable caratère dóu segnour de Sant-Troupez, finiguè coume eiçò :

La vie et les grandes actions de Suffren fourniront dans l'avenir matière à de belles et curieuses légendes. Déjà la poésie s'en est emparée.

L'inimitable auteur de Mirèio en a fait le sujet d'un chant de son magnifique poème. Permettez-moi de vous citer quelques strophes de ce chant qui seront le plus bel éloge de notre héros. Je le ferai dans la langue qu'a employée notre poète, langue dont Suffren s'est toujours souvenu :

Pièi quand s'envenian au païs tant dous,
Emé cènt boulet dins nòsti murado,
Emé vergo en tros, velo espeiandrado,

Tout en galejant, lou Baile amistous :
— Boutas, nous diguè, boutas, cambarado,
Au rèi de Paris parlarai de vous.

— O noste amirau, ta paraulo es franco,
L'avèn respoundu, lou rèi t'ausira...
Mai, pàuri marin, de-que nous fara ?

Avèn tout quita, l'oustau, la calanco,
Pèr courre à sa guerro e pèr l'apara,
E veses pamens que lou pan nous manco !

Mai se vas amount, ensouvène-te,
Quand se clinaran sus toun bèu passage,
Que res t'amo autant que toun equipage.

Car, o bon Suffren, s'avian lou poudé,
Davans que tourna dins nòsti vilage,
Te pourtarian rèi sus lou bout d'ou det !

Es un Martegau qu'à la vesperado
A fa la cansoun en calant si tis...
Lou Bailo Suffren partè pèr Paris,

E dien que li gros d'aquelo encountrado
Fuguèron jalous de sa renoumado...
E si vièi marin jamai l'an plus vist !

Aquelo alusioun à la mort misterieuse de l'illustre amirau (en 1788), aquéli vers naciounau, masculin, recita emé passiou, em'estrambord, pèr un vièi capitani de veissèu davans un pople de marin e de pescaire, enterin que li veissèu abandèira passavon à-de-rèng e saludavon l'estatuo de si bourdado fourmidablo, gounflèron d'emoucioun tóuti li cor.

Acaben en disènt que l'estatuo, drecho davans la mar, es en brounze pres sus lis enèmi, e tira, pèr favour de l'Empereire, de noste arsena de Touloun, — que l'estatuaire, Marius Montagne, es un Toulounen, e qu'es un Marsihès, M. Maurel, qu'es lou foundèire. Oseo pèr Sant-Troupez !

ANSEUNE MATHIEU.

— En four caud noun crèisson erbo.

— Li medecin de Bezouço descaton li malaut pèr li faire susa.

LOU GARRI DE LA VILO (de Touloun)

E LOU GARRI DE LA COUELO (DE FAROUN)

FABLO

Un jour, sus nouéstei bàrri, un gàrri de la vilo
Fè counouissènço em' un gàrri dei champ
Que sus Faroun la passavo tranquilo
Dins lou trau de soun rèire-grand.

Lou gàrri de Touloun èro un gàrri d'adrèssò,
Courtès, farot, d'un naturau badin;
Bèn que siguesso un muscadin,
Èro savènt dins soun espèço :

De prepaus en prepaus, de paraulo en resoun,
Counvidé pèr soupa lou gàrri de Faroun,
Li vouguè faire poulitesso.

Aqueste, qu'èro pas taloun,
Bèn qu'aguesso pas la leituro
E que parlessò prouvençau,
Diguè : — D'abord, anen un pau
Si refresea dins ma masuro,

Puei anaren manja vouesto frituro. —

Lou gàrri de Touloun frouncissè 'n pau lou nas,
Puei counsenté : prenon sei quatre pas,
Passon la *Charité*, traverson un campas ;
Souto d'un ôlivié si pauson uno brigo,
(Lou gàrri de Touloun avié cren la fatigo);

Si drèisson, puei si pauson mai ;
Rouigon quàuquei pignoun d'ôulivo,
E fan pòu à d'escaravai.

Sus la couelo à la fin noueste parèu arrivo.
Falié vèire la gau dóu gàrri campagnard !

Pèr celebra 'quelò arrivado,
Tout ço qu'avié d'amendo, de civado,
Vo sourté tout, jusqu'au moussèu de lard
Que despuei long-tèms counservavo,
Que pèr l'ôucasièn reservavo
E puei metié mai à despart :

Vivié d'espragno, mai quanto vo falié faire,
Èro escampo-barrièu : lei no:c, lou rasin,

Vo servié tout, leissavo rên de-caire,

Voulié pas passa pèr mesquin...

Basto, falié que rên clauchesso.

Meté taulo. Quand taulo es messo :

— Assetas-vous, dis au gârri bourgès,
Ai un moussèu d'encoues, vouéli que vo tastès...

Es pas marrit !... S'amavias mai lei figo ?...

Sias pas countènt ; ai pòu qu'agués eren la fatigo.

Aqui l'a 'n pau de lard : es rànci, mas es bouen !

V'agrado pas ? manjas uno avelano...

Ges de façoun ; se voulias dourmi 'n souem,

Poudès dourmi dins ma cabano :

Degun vendra vous derrenja,

E ièu douèrmi, quand ai manja. —

Lou gârri counvida tout-bèu-just l'escoutavo ;

Rên que d'ou b'out dei d'ènt tastavo

Co que l'autre l'avié donna ;

Fasié lou sicous, e semblavo

Qu'avié pòu de s'empouiouna.

Enfin si dréisso, e d'un èr d'impourtanço

Dís : Moun ami, quand as emplí ta panso,

Sounjes à rên, rên ti fa gau,

T'entarras tout vièu dins toun trau,

As ges d'ami, ges de vesito,

Sabes pas si lou mounde vièn ;

As proun de tèms pèr prega Diéu !...

Vène mi trouva dins la vilo,

Retiro-ti dins moun quartié :

Auras un ami, n'auras nilo !

Seras toujour en coumpagnié,

Faras de bouénei counouissènço,

E, que vo desires o noun,

Ti faras bessai un renoum

De pretencien e d'ignourènço...

Aquéu renoum, l'a pas qu'vòu, moun garrigaud !

N'a tant que soun de sot e que degun vo saup !

Avèn que quatre jour à vièure : que si ploûre,

O que si rigue, bèsti o gènt,

La vido passo, lou tèms courre...

Urous qu prouficho d'ou tèm !

Puei tóutei sourtèn à la filo,
La nue, quand lei gènt an plega ;
Serian lei mèstre de la vilo,
S'èro pas lei couquin de gat !
Quand l'a plus degun, sian lei mèstre,
Leis ome vo dien coumo ièu.
Co que voutan es autant nouestre
Coumo ço que volon es sièu.
Rèn escapo à nouesto cretico,
Sian countènt que quand fèn de mau,
E nous mesclan de pouletico :
Mourdèn, estrassan lei journau.
Sian savènt, quand vo voulèn èstre,
E lei libre nous mancon pa :
Lei rouigan ; fèn mies que sei mèstre
Que leis an pèr lei regarda. —

Lou gârri de Faroun èro meraviha
D'entèndre ço que debitavo.
Aqueste avié deja fini de li parla
Que l'autre èro aquí que badavo.
Si despachè de leva lou cubert ;
Dins un cantoun estremè lou dessert.
Pèr tourna mai en vilo, intron mai en campagno ;
Courron, troton, baton l'eigagno,
Arribon souto lou rampar.
Coumençavo de si fa tard,
La vilo èro deja fermado.
Aguèron pas besoun de faire l'escalado :
Passèron pèr un pichoun trau
Souto la pouerto derraubado,
E soun en vilo en quatre saut.
Intrèron dins nn bèl oustau,
E sus d'un bèu bufet tout cubert de manjaio
Nouèstei dous rat bèn asseta
Coumençavon à fa ripaio.
L'avié de macarroun qu'avien mes de coustat,
Em'un gigot qu'èro de taio !
Un moussèu de fiolet de huou,
De pan blanc, de farino, d'uou
E quàuquei rèsto de voulaio.

De pòu que siguesso gasta,
L'oste li pourgiè rèn sènso v'avé tasta.
Coumençavon à fa boumbanço,
Disien lou mot pèr rire e cafissien la panso,
Quand tout-d'un-còup auson adaut
Un brut que li fa trambla l'amo :
De la meisoun èro la damo
Que dins la nue l'aviè pres mau.
Lei doumestique en subre-saut,
D'entèndre ana la campaneto,
Sauton dón lie, fan lusi la brouqueto,
E d'aut en bas noun fan qu'un saut.
Anèron drech à la cousino
Pèr prepara la medecino.
Lei gàrri tout estoumaga
Tremouelon e perdon la tèsto ;
Sauton à l'escalié, li rescouentron lei gat
Qu'èron aquí pèr acoumpli la fèsto :
Veson un trau, e si fan pas prega...
Èro pichoun, e tout-béu-just l'intrèron.
Emé lou nas escourtega,
A la carriero si trouvèron...
E diguè mèste Gàrri au Moussu soun ami :
— Pèr bonur si sian pa 'ndourmi !
D'un espravènt de talo sorto
Siéu enea tout abaludi :
Jamai plus mi veiran pèr orto.
Pèr aquelol m'en souvendrai !
N'aura pèr la vido dei gàrri
Avans qu'eici mi vegues mai !
Mi vendriés querre emé lou pàri
Que jamai mi decidarai.
M'envau, ti fau ma reverènci :
Pouerto-ti bèn, tu 'mé toun òupulènci,
Ti làissi tóutei tei fricot...

Ami mies souto d'uno vigno
Un marrit pignoun d'aulbricot
Que tóutei tei ragoust mescla de trebouligno !

V. THOURON.

LA METENSICOSI

Un jour, davans Gassèndi, celèbre filousofe dóu caire de Digno, uno espèci d'ignourènt voulié se mescla d'esplica la metensicòsi. Quand agué proun gafà e patouia, Gassèndi repliquè à-n-aquel ase cabanié :

— Sabiéu proun que, segound Pitagoro, lis armeto dis ome, après la mort, intrayon dins lou cors di bèsti ; mai ço que sabiéu pas, es que l'amo d'uno bèsti intrèsse dins lou cors d'un ome !

LOU CASCARELET.

UNO ANCHOUIADO

Impromptu d'endignacien contro moun ami Roustan

O flàmei Prouvençau ! o cousinié de raço !
Em' àsti e padenoun, venès, venès à masso,
Pèr parteja moun sacrebiéu !
Mi senti tout en fue, brùli coumo un cratère,
Moun sang es sòuleva, sàuti coumo un gimmerre,
E sàbi pas ço que fariéu !

Souèrti de vers Roustan, l'ome pèr eicelènço,
Roustan qu'a vist lou jour au couer de la Prouvènço,
E que m'a di, lou malurous ?...
Lou testard mi soustèn, l'enrabilia m'asseguro
Que l'anchoio en barriéu, messo dins la saumuro,
Es tout ço que counouis d'afrous !

Coumo un louchaire fièr d'avé gagna lei joio,
Mi dis, en si gounflant, que lei fineis anchoio
Venien dins l'òli simplamen ;
Qu'aquelo grosso sau, la coulour dóu cenobre,
Èron pèr lou bouen goust un veritable óuprobre
E pèr lei capoun soulamen.

Siéu tout estoumaga ! Que crento e que daumàgi
Qu'un amatur esquist mi lèngue aquèu langàgi,
Èu que cresiéu franc Prouvençau !
Un jour dira bessai qu'au pèis li fau la graisso,
Qu'à l'aïet, au choupin, em'à la boui-abaisso
Prefèro un marrit aigo-sau.

Se dins noueste païs, en passant pèr carriero
Ausavo s'espremi d'uno talo maniero,
A còup segur serié pas fres !
Metrien ni sau ni ôli à li faire coumprendre
Que l'anchôio dins l'ôlt es facho que pèr vèndre
Ei sènso-goust, ei Pounentés !

Oh ! capouchin de sort ! pèr faire la roustido,
Eh ! que li metras doune ? ta sardino boulido
Que sourtiras de toun flascoun ?
Auras bèl esquicha, li coupa de cebeto
Emé lou rousset d'uou, manjaras de brouqueto
Autant seco que de carboun !

L'anchôio dóu barriéu, de vinaigre lavado,
Counservo sa coulour e rèsto perfumado
Coumo se sourtié deis arret ;
Emé d'àpi dóu grèu, d'ôli nouvèu, de cebo,
Fès un plat tant courous que jamai dirias sebo
E que vous n'en lipas lei det !

SERAFIN CREMAZY.

Ilo Bourbonn, 1863.

LOU CASSEIROT

Un nèsei casseirot anavo cassa, e, de-longo, quand tournavo, de-vèspre, escreanca, n'avié, dins soun carnié, ni plumo ni péu.

Un jour qu'èro en casso, rescontro uno femo qu'anavo à la vilo vèndre un poulit couniéu, gras e vièu coume l'ambre. Croumpo lou couniéu ; lou pendoulo en'uno courdeto à la branco d'uno figuiero, e, de quatre pas, miro, tiro, pan !... copo la courdeto ! Lou couniéu pren d'aquelo erbo, e... d'aquí passon quand s'en van.

— Uno autro fes, diguè lou pauto eandi, lou eroumparai mort, e aurai bèn siuen, avans de lou tua, de l'estaca li quatre pèd.

LOU CASCARELET.

— Noun es pourquié quau si pore gardo.

— Quau brounco e noun toumbo, avanço camin.

PANTAI DE MAIRE

Sian à l'autouno :
Soulo la touno
Uno chatouno
Vèn, charmantouno,
Se balança.

Assetadeto
Sus la bardeto
De la courdeto,
L'auro caudeto,
La vèn bressa.

Dou têts, pecaire !
Plouro en un caire
Sa pauro maire
Que n'i'en fau gaire
Pèr s'amoussa.

Sènt que sa vido
Es anouïdo,
E qu'alouvido,
La mort avido
Vai l'empassa.

E, sounjarello,
Se dis entre elo :
— Quand la bourrello
Separarello,
M'aura troussa,

O ma paureto,
Iéu, ta meireto,
Vendrai, oubleto,
Emé l'aureto
Te caressa !

J. BRUNET.

LA RESURREICION DU TAMBOURIN

Lou cadet Vidau es un tron de l'èr e un flame patrioto. Simple oubri tipougrafe, mai valènt au travai e nourrissènt de sa journado uno femet e dous nistoun, un jour se bouto en tèssto de revieüda lou tambourin. Mai es eici que sian! Coume fara, pecaire! lou paure enfant d'ou pople incouneigu, soulet, pèr enaussa la voues de soun chichi-pounpoun dintr la bramadisso dis estrumen de couire que fan petá la narro à nous encer vela! Ajudo-te, dis lou prouvèrbi, e Dièu t'ajudara.

La vilo d'At, en 1862, òufre un counours à la literaturo de Prouvènço. Francès Vidau eseriéu, en lengo prouvençalo, uno Metodo pèr jouga d'ou tambourin, e ie rejoun dedins lis èr naciounau de noste país. Lou coun sistòri di Jo Flourau courouno d'ouliviè lou felibre tambourinaire, — qu' soun retour à-z-Ais es reçaupu triounfalamen, e lou Maire de la vilo lou noumo en recoupènso... counsièrge de la Biblioutèco-Mejano.

Acò vai bèn.

Lou libre òureginau d'ou brave drole reporto l'atencioun sus la music prouvençalo, e, lou 18 de setèmbre 1864, la vilo d'Ais duerb un coun cours soulènne de tambourinaire. Bon coumençamen.

Vint arrambaire se presènton. Filemoun Boyer, de Pouciéu, gagno l' proumier joïo (un tambourin d'ounour); J. Espanet, di *Canàri*, de Malo-mort, gagno lou segound pres (un flabutet d'ebèni).

Toujour-que-mai afeiciouna, Vidau coungreio alor, dins nosto capitalo uno *Acadèmi d'ou Tambourin*, sus l'istiganço d'empura lou fio de l'art e de se perfeciouna lis un lis autre. Lou venerable mèstre, M. Michèu, n'e nouma capoulié, e lou galoï Vidau secretàri. L'Acadèmi s'assèmblo delibèro, e l'alègre secretari rimo coume seguis li *Dès coumandamen d'ou Tambourin* :

- I. Que leis èr agradién do noueste Fluitet prim
So maridon de-longo au brut d'ou Tambourin.
- II. Qu'en piètant lei moussèu coumo de gai cerin,
Acurden noueste cant emé lou Tambourin.
- III. Que boufe mistralot, grè, labech o marin,
Boufen ei quatre vènt leis èr de Tambourin.
- IV. Qu'en estiéu, qu'en ivèr, ei meïssoun coumo ei rin,
S'auso lou Galoubet, s'ause lou Tambourin.
- V. Que jamai noueste jue sèmblo un charavarin :
Touquen, coumo se dèu touca d'ou Tambourin.
- VI. Qu'en bouen sôci, toujour sihlen sènso verin;
Ansin vibrara mies lou galoï Tambourin.
- VII. Qu'en chasque Roumavàgi, en chasco Voto o Trin,
Danson fïho e jouvènt au son d'ou Tambourin;

- VIII. Qu'en farandoulejant s'arrapon, d'enterin
Que lou Tambourinié juego dóu Tambourin.
- IX. Qu'en bràvei Prouvençau li anen pas chinchérin,
Pèr amour dóu Païs e de soun Tambourin.
- X. Que nouesto musiqueto alargue sei refrin,
È, se Diéu vòu... toustèms viéura lou Tambourin!

Lou resclantimen dóu counceours de-z-Ais fai trefouli tóuti li vilo dóu bon rèi Reinié ; e, pèr Sant-Armentàri, lou 22 de Mai 1866, Draguignan duerb uno lucho nouvello. Filemoun Boyer gagno mai lou proumié pres (100 fr. em'uno medaio de vermèi), e Girard, de la Faro, aganto lou segound (50 fr.)

Lou mau se douno, lou fio se coumunico, e la vilo de Pertus apello à sa fèsto li tambourinaire pèr lou 16 d'Avoust 1866. A-n-aquelo óuca-sioun, veici lou gènt counvit que cadet Vidau mando à si coulègo :

Bràvei Tambourinié de la bello Prouvènço,
Venès musiqueja sus lei bord de Durènço :
Arribas à Pertus, dijòu, sege d'Avoust,
A quatre ouro de sero auren lou rendès-vous ;
Venès faire briha dins aquelo journado
Lou cant dóu Galoubet e la Tambourinado !
Pèr vous recoumpensa, cènt franc vous soun proumés ;
De cinquanto cadun, li a pièi dous segound pres.
Lou gasan e l'ounour ansin faran ligueto
Eis adré menestrié de nouesto musiqueto.
Mandas à la Coumuno, au plus tard dins vue jour,
Que, l'estrumen en man, vous rendrés au counceours...
Que deis Aup à la mar, que de Niço à Bèu-caire,
Vengués vous faire entendre, o galòï musicaire !
D'enterin, assajas de bèn tambourina,
Pèr que lei Pertusen pouescou vous courouna.

Veici quau èron li jurat : Vidau éu-meme, presidènt ; J. B. Gaut, secrètàri ; Boureck, direitour de la musico dis Art-e-Mestlié de-z-Ais ; Pardigon, chèfe d'aquelo de Pertus e abile tambourinaire ; Fouret e Martelly, dous musicaire pertusen.

En aquèu festenau, un novèu virtuoso counquièr lou rampau (100 fr.) : Felip Buisson, chèfe d'ourquèstro de Draguignan, que fai bada soun auditòri, en retrasènt, dins lou *Carnava de Veniso*, lou cant meloudious e lou rire e li plour dóu vióloun de Paganini.

Filemoun Boyer, lou vineèire de-z-Ais e de Draguignan, óutèn lou segound pres (50 f.) ; *Canàri* e Girard an lou rèsto di joïo (25 f. chascun)...

Mai perqué rèn donna à-n-aquèu valerous Berbezier, de Remoulin, qu'avié gagna à-z-Ais lou proumier accessit, e qu'avié fa 16 boni lègo de païs pèr veni à Pertus representa lou Lengadò ?

Aro, ço que fai gau, es lou plesi que manifeston nòsti pouplacioun en vesènt refflouri la musico naciounalo.

A soun retour à Draguignan, lou lāureat Buisson fuguè cubert de flour pèr si coumpatrioto, qu'à vòu l'acoumpagnèron jusqu'à la prefeturo — ounte lou prefèt dóu Var ie faguè si coumplimen, e jusqu'à la coumuno, ounte lou Maire lou benastruguè. Pièi la musico l'escourtè jusqu'à soun oustau meme, e de-vèspre, i'oufriguèron un rejauchotin ounte se pourtè de brinde, de brinde entousiasto au revieüre dóu tambourin.

Mai la voulès plus bello ? Tout-escas finissié lou councours de Pertus qu'atalentado pèr l'eisèmple, la cièuta de Cavaïoun n'en voutavo un autre pèr lou 2 de Setèmbre 1866. O benurous Vidau !

Escoutas lou rampèu que batié tout-d'un-tèms i mèstre de la masseto :

Lou son dóu Galoubet e la Tambourinado
 An reviba l'ecò dintre lei valounado :
 De Pertus nouésteis èr, coumo de parpaïoun,
 An vanega peréu jusqu' vers Cavaïoun ;
 È vaquito perqué, bràvei Tambourinaire,
 Vuei sias mai counvida de vous ana fa fraire,
 Tout en tambourinant, en fluitejant ensèn,
 A doues ouro, dimenche, au dous dóu mes que vèn.
 Anen ! encaro un còup, Menestrié de Prouvènço, .
 Leissas à-n-un cantoun lei peno, l'enchaïenço...
 Arribas gaiamen au nouvèu rendès-vous,
 Coumo pèr l'endeman de la Vièrgi d'Avoust :
 Qu'autambèn qu'à Pertus la musico galoïo
 Èi tres plus engaubia fague gagna lei Joïo ;
 Ansin, dins Cavaïoun, en ausènt voueste trin,
 Grand tèms so parlara dei flàmei Tambourin !

M. D'Ortignes, lou celèbre criti musicau dóu *Journal des Débats*, — e qu'es un Cavaïounen, — èro lou presidènt de la jurado ; lis àutri jurat èron MM. Sauvan e Bus, dous chèfe de la musico dóu lio ; l'abat Bonnaud, ourganisto ; Sarnette, chèfe de musico dóu 32^e de ligno, e noste ami Vidau. L'Acadèmi dóu Tambourin s'èro facho representa pèr un escarra-doun de dès de si membre.

Es lou *Canari*, de Malo-mort, qu'èici gagnè lou proumiè pres (80 fr.) Pardigon, de Pertus, arrapè lou segound (40 fr.) ; e Girard, de la Faro, aguè lou tresen, — qu'èro un flahutel perfeïouna pèr M. Mousquet. Quant à Vidau, uno gènto chatouno, figurant la Prouvènço, venguè i' adurre lou bouquet.

M. de Crousnillon, lou Maire de la vilo, acoumpliguè la fèsto en remer-ciant à-z-auto voues, e 'n galànti paraulo, li menestrié que s'emplegon

tant amourosamen au revieüre de soun art ; e l'on se separè, plen d'alegresso e d'esperanço.

Talo es la boulegado esmougudo en rèn de tèms pèr lou cadet Vidau. A sufi, coume vesès, d'uno belugo escapado dóu cor d'un umble mestierau pèr atuba de-nòu l'antico joio dóu chichi-pounpoun, pèr ie rèndre l'aflat di gènt de sèn, e pèr faire bouca lou desden dis imbecile.

Mai cresès que lou cambarado aqui s'arrestara ?...

Avans toujour ! Veirès lou tambourin faire di sièuno à l'Espousicioun Universalò d'aquest an que vèn ; e es questioun de durbi uno classo pèr l'ensignamen dóu flahutet au Counservatòri de musico d'Ais. E perqué noun ?

A. M.

LA DESIRANÇO

MUSICO DE L. JACQUESSON DE LA CHEVREUSE

A MADAMISELLO DIANO DE G***

Co que voudrièu, chatouneto ma bello,
Sariè d'ana tóuti dous, tu 'mé ièu,
Aperalin sus la mollo pradello
E cauciga li bèlli flour de Dièu !
Voudrièu perèu, te tenènt à brasseto,
T'ajuda pièi à 'scala lou coulet,
Faire di pèd regoula li peireto,
Ausi li pin que musicon soulet.

Pièi mai voudrièu, anieue dins l'oumbro bruno,
A ti geinoun, long dóu rièu risarèu,
Te countempla, dóu tèms qu'un rai de luno
Vendriè gisela sus toun front blanquinèu !
Mai sariè rèn tout ço que dièu que vole,
Se, vers toun mas, dins un pouloun d'adièu,
Me disiés plan !... Ah ! digo, que m'assole !
Sabe pièi plus tout ço que voudrièu !

JOUSÈ HUOT.

A-z-Ais.

-
- Au bouié peresous li gârri manjon la semenço.
 - A dur roure, dur cougnet.

LOU VESIN DE BÈU-CAIRE

Te n'en souvènes, o bramaire,
D'aquelo niue pleno d'esfrai
Que nous cridaves, à Bèu-caire :
— Quau vòu d'aigo ? quau n'en vòu mai ?...

Moun Rose poulit,
Sies bèn marrit !

Fasiés trembla nòsti muraio,
Fasiés tibra nòsti pourtau ;
Aviés coumbra tóuti li draio.
Moun Diéu ! coume aviés fa de mau !...

Moun Rose galant,
Sies bèn meichant !

Nòsti païé nous empourtaves,
Nòsti recordo e nòsti mas ;
E vers la mar quand l'enanaves,
Aviés l'èr de nous rire au nas...

Moun Rose poulit,
Sies bèn marrit !

Aviés creba tóuti li digo,
Roumpu tóuti li baragnas,
Estoufa tóuti li bedigo,
Ensabla tóuti lis ermas...

Moun Rose galant,
Sies bèn meichant !

Nous fasiés pòu dins ta coulèro,
Tu que sies tant brave, quand vos ;
As rousiga tóuti li terro
E i' as leissa rên que lis os...

Moun Rose poulit,
Sies bèn marrit !

Mai que, foulas, de ta centuro
Perqué 'strifa li bos fougous ?
Perqué 'usali touto verduro,
Digo, emé ti poutoun fangous ?...

Moun Rose galant,
Sies un meichant !

LI RADASSO

Èro à noun sai plus queto bataio de Franço contro l'Alemagno. Cau-
tavo dur ! li balo siblavon, li canoun trounavon... Ai ! paure ! que
chaple ! e quento orro trounadisso !

Dous Gascoun, d'enterin, èron à l'oumbro d'un bouissoun ; esvedela de
tout soun long, fasièn tuba cadun sa boufardo.

Un capitani passè :

— Coume ! miserable ! quand vòsti cambarado travaïon tant bèn, fasès
rèn, vautre ?

— Fasèn rènn ? Escusas, capitani : fasèn de fum, fasèn li mort, e fasèn
li pore !

LOU CASCARELET.

NOSTRE BOUN TUC

(PARLA DE LENGADÒ)

Braves amics de la broutigno,
Canten Bacchus amai soun chuc,
E derraben jamai la vigno
Que nous fa béure de boun tuc.

Vivo la vigno
E la broutigno !
E rasibus

Beguen al vièlh Bacchus !

Lou tuc aluco la juinesso,
En guerro fa lou boun souldat ;
Lou tuc aloungo la vielhesso
E reviscoulo la santat.

Vivo la vigno, etc.

Lou tuc fa qu'avèn pas vergougno
Quand sèn prèp del doumaiselun ;
Lou tuc alantis la besougno
E nous i fa vèire sèns lum.

Vivo la vigno, etc.

Lou tuc nous rènd l'amo galoio,
Nous recaufo quand avèn frech ;

Lou tue nous met toutes en joio,
E jamai nous met à l'estrech.
Vivo la vigno, etc.

Lou tue, à-n-uno bouno taulo,
A forço de lou gloupeja,
Lou tue as muls rènd la paraulo,
Amai nous fa trampaleja.
Vivo la vigno, etc.

Amies, la causo es sèns countèsto :
Dins lou païs de Pepezuc,
Alogo d'aigo, un jour de fèsto,
Nostros sounts rajon de boun tue.
Amen la vigno
E la broutigno !
E rasibus
Beguen al vièlh Bacchus !

JUNIOR SANS.

Beziés, Agoust 1866.

LOU VÈIRE DOU RÈI REINIÉ

A-z-Ais, souto Louis XIV, Mounsen Miquèu Borrili, prièu counseignour de Ventabren, avié fourma un gabinet d'antico, d'estatuo e de tablèu, qu'èro un di plus curious e riche de l'epoco. Se ie vesié, entre àutri bèlli causo, lou celèbre vèire dòn rèi Reinié.

Segound lou *Dictionnaire de la Provence et du Comté Venaissin* (em-premi à Marsiho vers Jan Mòssi, en 1786), aquèu got magnifique avié d'autour un pan e quart, e tenié pèr-aquí un poutarras de vin. Èro de formo antico, e richamen taia, e pinta pèr plesi de coulour trelusènto. Au souns i'avié lou retra de Noste-Segnour em' aquèu de la Madaleno, ço que fasien entendre dous verset prouvençau qu'èron eseri en letro d'or.

L'un, qu'èro sus lou pèd d'ou vèire, disié :

*Qu bèn bèura,
Di'u veira.*

E l'autre, qu'èro aulour d'ou bord, ajustavo gentilamen :

*Qu me biura de touto soun aleno,
Veira Dièu e la Madaleno.*

BOUFARÈU.

NONO-NOUNET

A-N-UNO JOUINO MAIRE

(PARLA DE LENGADÒ)

- « Nono-nounet,
Efantounet... »
- Es uno maire
Qu'à soum bramaire
Brandant lou lie
Ensin fasié ;
E li disié :
« Som-som, pecaire !
- « Nono-nounet,
Efantounet,
Dins ta bressolo...
L'anjo que volo
Aqui-dessus
Vèn de-vès tus :
Ploures pas pus,
Que te counsolo.
- » Nono-nounet,
Efantounet...
Toun amadeto,
Margarideto,
Ve coume dor:
Un raive d'or
Brèssu soum cor,
Bloundo fadeto !...
- » Nono-nounet,
Efantounet...
Dis-me la causo
Que n'es l'encauso
De toun ploura.
Es-ti lou rat
Que s'es fourrat
Soulo uno lauso ?

- » Nono-nounet,
Efantounet...
O dedins l'oulo,
Mounte gingoulo
Lou fi Gripet,
Pichot tapet,
Que dóu papet
Rescond la groulo ?
- » Nono-nounet,
Efantounet...
Es-ti la lampo
Qu'en aut escampo
Un negre fum ?
S'es pas lou lum,
Es lou plagnun
De la cisampo.
- » Nono-nounet,
Efantounet...
Mai res boulego,
Alor doune plego,
Plego toun ièl,
Qu'à Gabrièl,
L'anjo dóu cèl
Fai lego-lego.
- » Nono-nounet,
Efantounet...
Mai chut ! s'amaiso...
Vesès, se taiso
Moun bèl efant,
Moun agnèl blanc,
Moun cor, moun sang !
Deja pantaiso...
- » Fai soun nenet
L'efantounet... »
Alor la maire
Au bèu bramaire

Un poutou fai ;
E, lou cor gai,
A soun tour vai
Dourmi, pecaire !

ALBERT ARNAVIELLE.

Béssejo_ (Gard), 24 de Setèmbre 1865.

LI BERIGOULO

Un jour qu'avié plóugu, Bono-estofa acampavo de berigoulo.

— Bono-estofa, ie diguè lou Barrulaire, douno-te siuen ! se dis qu'a-quest an, empouisounon.

— Eh ! que ie fai ? respond Bono-estofa : soun pas pèr manja, soun pèr vèndre.

LOU CASCARELET.

L'OUNOUR

Dien que l'ounour fa bèu vèire,
Dien que luse coume tout ;
Mai tambèn dien qu'es de vèire :
Seriéu tenta de vo crèire,
Quand viéu tant de vèire rout !

UN MOT DE GOUDOULI

Lou brave Goudouli, troubaire illustre de Toulouso, avié dóu mau de proun pouèto : estacavo sa bourso emé de co de pòrri e desfasié sis óu-livo sènso ana au moulin. Un jour qu'avié mes en vèndo uno vigno, venguè un de sis ami pèr lou destalenta :

— Que diàussi, Goudouli ! mai en que pènses ? vas vèndre, malurous, uno bello terro ansin ?

Lou pouèto frejamen respoundeguè :

— Moun bon, que vos que n'en fague ? ie plòu coume à la carriero.

LOU CASCARELET.

ADESSIAS D'UN COUSCRI DE RAFÈLO

A SUSOUN LA CRAVENCO *

Susoun, reviho-te, ma galanto Susoun,

Di chato la plus bello

De Rafèlo à Selo'n,

De Seloun à Rafèlo !

Susoun, reviho-te, duerbe toun fenestroun

Au calignaire que t'apello !

Susoun, reviho-te ! reviho-te, Susoun !

Desempièi mai d'uno ouro a pouncheja l'aubeto ;

Sus la sueio lou gau fai elanti soum cleiroun ;

De sis alo espóussant l'eigagno, l'alauvelo

Is ecò celestiau vai bandi sa cansoun.

Susoun, reviho-te, etc.

Es iuei, l'as óublida, qu'un fusiéu sus l'espalo,

Lou sort me fai parti, — cousri bèn mau-grat iéu ! —

Avans que d'aganta dins la tèsto uno balo,

Uno darriero fes vole te dire adiéu !

Susoun, reviho-te, etc.

Lou capourau m'a di que s'avian la vitòri,

Un jour pode coume éu retourna capourau ;

Tout valerous Craven trovo bello la glòri,

Mai plus bello cènt fes trove Susoun de Crau !

Susoun, reviho-te, etc.

Pamens, pèr un poutoun culi sus ta bouqueto,

Me veiras reveni decoura dou riban ;

Proumete-me n'en dous pèr la doublo espaleto...

L'aurai, emai me coste un pèd em'uno man !

Susoun, reviho-te, etc.

* Cansoun sachó pèr èstre cantado sus un èr irlandés que vous semblarió n'èr do paradis, se l'entendias canta pèr Paulino Vaneri, uno di plus gràndi primodono de França, d'Anglo-terro e d'Itallo.

Bèn mies, pèr t'agrada, — mai m'agradèsse gaire, —
Dounarièu voulountiè de moun cors la mita,
Bello ! — de la mita d'un paure calignaire
Se li chato de Crau poudien se countenta !

Susoun, reviho-te, etc.

Lou soulèu resplendis sus la Crau rouginello
E fai parèisse d'or Mount-pavoun e si piue ;
Mai se rèston pèr ièu velado ti prunello,
Pèr ièu tout rèsto negre, estello de ma nine !

Susoun, reviho-te, etc.

AMADIÉU PICHOT

(Autour dis *Arlésiennes*).

Paris, 1 de Setèmbre 1866.

LOU GLOBE

Sias ana, aquest an, à la fiero de Bèu-caire, lou bèu Dimenche ?

Se ie sias ana, avès de-segur vist, sus lou Prat, dins proun cabano,
à man drecho coume à man gauchò, d'aqueli globe, gros, mejan e pichot,
— que sèmbon de boufigo d'argènt vièu, e que trelason, e que retraison
coume un mirau... tout ço que se ie miraïo.

I'a Daniso, de Mount-frin... sabès ? ie dison Bèlli-dènt, a pèr ome Faiòu-blanc, — i'a Daniso, qu'en vesènt uno d'aqueli boufigo :

— Hoi ! faguè, hoi ! qu'acò 's galant !... Vès lou gendarmo que passo !
Que mouloun de gènt !... Vès lou cridaire de moulin-de-vènt que viron pèr
amusa lis enfant ! .. Tè ! lou vendèire de limounado ! e la marchando de
gimbeletò !... Oh ! li bèllis Arlatenco !... E quant me vendrès acò, l'ome ?

— Cinq franc.

— Oucho ! cinq franc !... Tenès, sièu pressado : vous n'en baie tres
franc e demié.

— Hòu ! boutas quatre. Es douna.

— Quatre siegue...

Pleguèron lou globe, Daniso lou prenguè, paguè, e, touto urouso de
soun pache, partiguè pèr Mount-frin.

Arribado à soun oustau, pausè sus sa taulo un candeliè, boutè sus lou
candeliè lou globe trelusènt, e... ie veguè soun nas que s'aloungavo...
s'aloungavo ! e Faiòu-blanc, que roundinavo...

— Ah ! diguè, m'an eugana ! Oh ! lon gusas ! oh ! lou capoun ! m'a pas
baia lou hon... Ounte èi lou gendarmo ? ounte lou cridaire de moulin-de-vènt

que viron? e li bèllis Arlatenco? e la marchando de gimbeletó? e tout aquéu
fourniguié de mounde?... Laisso que ie vague dire mi quatre resoun.

Faiòu-blanc se disié : l'a de-segur petá 'n ciéuele!

E Daniso partigué mai pèr Bèu-caire, e vengué dire au marchand si
quatre resoun...

Lou marchand ris encaro.

LOU CASCARELET.

¡ VIVA PROVENZA !

CANSONETA — (PARLA CATALAN)

Cel hermós de la Provenza,
dolsa terra dels amors,
lo recort que jo m'emporto
may se 'm borrarà del cor.

Jo he vist Nimes y Marsella,
Avignon y Tarascó :
no sé pas si n' hi ha de vilas
mes bellas en tot lo mon.

¡ O terra de prometenza,
o ben amada Provenza,
Deu te guarde de tot mal !
¡ Viva Provenza ! ¡ Viva En Mistral !

Jo conech la flor y nata
De tos trovadors galants,
Aubanel y Roumanille,
Roumieux, Mathieu y Mistral,
que fa molt temps que mos llabis
aprenen à murmurar
la llengua de ton país,
de tos Felibres los cants.

¡ O terra de prometenza,
o ben amada Provenza,
Deu te guarde de tot mal !
¡ Viva Provenza ! ¡ Viva En Mistral !

Jo he vist tas verdas planuras
que 'l Ródano caudalós
regant va de nit y dia
ab onas de plata y d'or ;
jo he vist ta font de Vau-clusa
y los bosquets plens de flors
que de Laura y de Petrarca
presenciaren los amors.

¡ O terra de prometenza,
o ben amada Provenza,
Deu te guarde de tot mal !
¡ Viva Provenza ! ¡ Viva En Mistral !

Terra la mes regalada
que y puga haber en lo mon,
com lo teu no hi ha, Provenza,
cel mes blau ni mes hermós,
ni brisas mes delitosas,
ni mes perfumadas flors,
ni mes seductoras ninas,
ni mes dolsos trovadors.

¡ O terra de prometenza,
o ben amada Provenza,
Deu te guarde de tot mal !
¡ Viva Provenza ! ¡ Viva En Mistral !

N'es en ta terra estimada
cada camp un pom de flors,
un niu de amors cada mas,
cada aucell un russinyol ;
n'es abrasador y ardent
com lo d'África 'l teu sol,
y cada sguart de tas ninas
tota una ratxa de foch.

¡ O terra de prometenza,
o ben amada Provenza,
Deu te guarde de tot mal !
¡ Viva Provenza ! ¡ Viva En Mistral !

Y es ton nom mes dolz per mi
y ton sol mes estimat,
perque tens recorts de gloria
pera 'l poble catalá ;
que aquí vingueren un dia
nostres avis venerats
y germans llavors ne foren
Catalans y Provenzals.

¡ O terra de prometenza,
o ben amada Provenza,
Deu te guarde de tot mal !
¡ Viva Provenza ! ¡ Viva En Mistral !

Y la Comptesa Na Dolza,
del dolz nom y bell sguart,
per donar al nostre Compte
son cor, sa dot y sa ma,
ab sos caballers y damas
ne vingué à las nostras mars.
¡ Be que se 'n recorda encara
San-Martí-dels-Provenzals !

¡ O terra de prometenza,
o ben amada Provenza,
Deu te guarde de tot mal !
¡ Viva Provenza ! ¡ Viva En Mistral !

Cel hermós de la Provenza,
dolsa terra dels amors,
lo recort que jo m'emporto
may se 'm borrarà del cor.
Jo he vist Nimes y Marsella,
Avignon y Tarascó ;
no sé pas si n'hi ha de vilas
mes bellas en tot lo mon.

¡ O terra de prometenza,
o ben amada Provenza,
Deu te guarde de tot mal !
¡ Viva Provenza ! ¡ Viva En Mistral !

A FREDERICH MISTRAL

Tot visitant ab ell la font de Vau-clusa

Cantor de la Mireya, que en Provenza
ets lo rey estimat dels trovadors,
y tens lo alé potent, la forsa inmensa
del vej que dona 'l nom;
si costejant la riba de Vau-clusa,
pel mitj la ubaga de son bosc frondós,
tu ne trobas la sombra del Petrarca,
somiant à sos amors,
com ella à mi ja may se mostraria,
pus sols se mostra al qui cenyreis lo llor,
¡ o trovador, cantor de la Mireya,
salúdala en mon nom!

VICTOR BALAGUER.

Vau-clusa, 13 de Juliol 1866.

LI MERLE D'UZÈS

Un matin, au marcat d'Uzès, la femo d'un aucelaire avié mes en vèndo uno gabiado de merle. Moussu Bretoun, — un farcejaire, — venguè à passa davans la marchando :

— Tè ! vaqui de hèu merle !.. Quau saup quant li vènd ?

— Quant li vènde, Moussu ?... Oh ! tenès, pas que vint sòu.

— Vint sòu ? acò 's pas eare, diguè Moussu Bretoun, eubre-tout s'es de merle d'Uzès.

— Coume?... d'Uzès ! adounc fai l'auceliero, de tout segur es de merle d'Uzès...

— La femo, vès, fasès bèn atencioun : vous demande se soun d'Uzès...

— Moussu, poudès coumfa que soun d'Uzès. Moun ome, vous responde, lis a tóuti cassa dins lou terraire...

— Oh ! dóu rèsto, se soun d'Uzès o noun, acò sara lèu vist. Vous n'en vau croumpa un ; e s'es d'aquéli que vouurrièu, s'es un merle d'Uzès, iéu vous li croumpe tóuti... Vaqui vint sòu.

E l'auceliero duerb la gabi. Moussu Bretoun pren un di merle, e 'm'acò adrechamen, tout en lou masentant e fasènt semblant de rèn, fai avala à l'aucèu uno peceto d'or.

— En efèt, dis, a bèn tout l'èr d'èstre d'Uzès... Mai l'anan enca mièus vèire.

E jito au sòu lou paure merlè. Quand l'a tua, lou duerb emé sou
coutèu, e, — vesès lou cop de tèms, — dins lou gava ie trovo uno pèço
de dès franc !

— Aquèu es bèn d'Uzès, dis, vaqui lou louvidor.

E l'empocho... La marchando, counceevès, èro aqui esbalauvido.

— Eh bèn ! coumaire, parèis que soun d'Uzès... An ! sias pas mes
sourguiero. A vint sòu, vous li prendrai tóuti.

Mai l'auceliero alor :

— Esecusas, noun !... Moussu, aro que ie sounje, me lis an retengu
pode pas n'en mai vèndre... Nàni, vesès, vous n'en vènde plus gens...

— Sara coume voudrès, Moussu Bretoun respond. Sèmblo pameis que
quand avès fa 'n pache...

Mai sènso l'escouta, esperdudo, abrasamado, deja la femo avié pres
la gabi e vira lou cantoun. A la proumiero androuno ounte se trouvo
soulo, s'arrestè.

— Un pau vèire, dis, se soun tóuti d'Uzès... E moun viedase d'ome
que sabié pancaro acò !...

Afeciounado, aganto un di merle, l'estranglo vitâmen, ie crèbo lou gava
'mé si cisèu... Mai de peceto d'or, bernico !

— Tu, dis, sies pas d'Uzès, coudoun !

Afiscado que mai, vite n'escano un autre, ie trauco lou peirié... Ma
de peceto, bst ! pas mai que sus lou nas.

— Tu, sies mai pas d'Uzès, dis, au diable !

Aluerido, zóu mai, estoufo un autre aucèu, i' esfato lou gresié... Ma
de rousseto, nado ! n'ïa pas cap !

— Avalisco !

E ansin à-de-rèng la bono femo aferounado tuè tóuti li merle, fin que
d'un. E quand aguè tout mourfi, e que veguè, doulènto, aquèu massacre
d'aucelun :

— Ai ! lasseto ! diguè, se fau pas èstre malurouso ! Sus touto la gabiado
n'ïen avié qu'un d'Uzès, e vau lou vèndre pèr vint sòu !

Moussu Bretoun èro eilalin, que se tenié li costo.

LOU CASCARELET.

— Luno pleno a jamai vist soulèn leva.

— Un court, un long, l'oste se sauvo.

— De long país, l'ongui nouvello.

— Noun demandes à-n-un oste s'a de bon vin.

A MOUN AMI R.

LOU JOUR DE SA FÈSTO

Quau pènso bèn, quau pènso mau :
Ta femo vòu que ti journado
Longo-mai de flour courounado
T'acampon de bèllis annado :
Pènso bèn e parlo pas mau.

Tis enfant dounarien sa vido
Pèr que la tiéuno sènso mau
Camine toujours benesido
Dins soun draïou risènt e siau ;
Quau pènso bèn ? quau pènso mau ?

Iéu, davans de tant bèlli causo,
Bade countènt coume un badau,
E mut coume uno cacalaus...
Mai pènse proun ; se parle pau !

JULI CANOUNGE.

Nîmes.

L'ESCARPO

Un groumand èro aplanta, l'autre jour, à la peissounarié, davans lou banc d'uno peissouniero ; e, li bericle sus lou nas, relucavo uno escarpo qu'avie la gaugno palo.

— Eh ! que fasès aqui, Moussu, ie diguè la marchando ?

— Ie parle.

— Ie parlas !! En quau parlas ? à l'escarpo?... Farcejaire !

— Parle à l'escarpo.

— Ah !... eh ! que ie demandas ?

— De nouvello dóu Rose...

— E vous dis ?...

— Me dis que i'a trop de tèms que n'èi sourtido pèr me n'en donna.

Se tenguèsson pas la peissouniero, ie davalavo lis iue.

LOU CASCARELET.

A MI FRAIRE

Demandas uno flour, o Felibre, mi fraire!
 Vautre que sias tant riche, ounte venès pica ?
 Ah ! n'avès proun de flour, e di gènto, coumpaire!
 Roso, jaussemin e lila.

Quand pièi vous ie melès, oh ! quèntis acampado !
 Courbo-dono di prat e flour de miougranié,
 Ferigoulo di colo e viouletto embeimado
 Dôu bèu Mas-di-Falabreguè.

N'en fasès de bouquet, n'en trenas de courouno !
 E noun gardas pèr vautre, o fraire, aquèu tresor,
 Qu' inmourtau e lusènt, sus lou front di chatouno
 Vau maï qu' uno courouno d'or !

Tambèn, se sias ama de touto la Prouvènço,
 Bèn liuen se soun aureto a pourta voste noum !
 S'à vòsti cant d'amour tresano la jouvènço,
 S'avès enebria la muso dôu Cauloun ;

Se sabès amansi l'amarun de la vido,
 Se sus lou cor saunous viejas pas e douçour,
 Se fasès revieu da lis amo afatrassido,
 E s'endourmès l'aspro doulour,

Felibre, es qu'un bèu jour, de sa troupo angelico,
 Diéu mandè sus la terro un eissam pèr canta...
 Dempièi eici-de-bas i'a de voues serafico,
 E i'a de cor plen d'amista !

FELIBRESSO DÔU CAULOUN.

A.... 6^e de Setèmbre 1866.

LA MAU-MARIDADO

Moun Diéu ! disié 'no véuso après si segoundi noço, — o moun Diéu !
 counservas-me moun ome, counservas-me-lou ! Lou proumié m'engau-
 tavo ; lou segound m'esperanco de cop. Se vène à lou perdre, o moun
 Diéu ! me n'en faudra prendre un tresen que de-segur me tuara !

LOU CASCARELET.

A-N-UNO JOUINO ANGLESO

Lou premié còup que de l'oustau
Passères, Nino, lou lindau,
Que de ti vèire aguèri gau !

Alleluia.

De la Tamiso o gènto flous,
Coumo as, diguèri, un èr courous !
De tu sariéu lèu amoureux.

Alleluia.

Tei rouito vivo que-noun-sai
Escafon la roso de Mai :
Rèn de plus fres, rèt de tant gai !

Alleluia.

La douço eigagno dóu matin
Que briho sus lou janssemin
N'egalo pas tei uel divin.

Alleluia.

De tei vertu lou pur encèn
A toun entour déjà si sènt.
Vague toujours, toujours creissènt !

Alleluia.

Sus l'alo d'un bouen angeloun,
Se nous arribes dins Touloun,
Saras l'ounour de sei valoun.

Alleluia.

Dins nouéstei champ souleiadis
Viéu toun front blanc que resplendis
Coumo d'un rai de Paradis !

Alleluia.

Ei gai poutoun dóu mistralet
Duerbes toun couer, plus risoulet,
A l'amour... de toun Diéu soulet.

Alleluia.

Res sus la terro, bèn segur,
De ti poussedre n'aura l'ur,
Tèndro floureto, oujèt tant pur ;

Alleluia.

Car l'angeloun, quauque bèu jour,
Ti ravissènt à noueste amour,
Ti cuïra pèr lou Segnour.

Alleluia.

E, certo, noun ti sara grèu
De t'espandi, roso dóu cèu,
Ei rai de l'etérne soulèu.

Alleluia.

T. B.

AU BOIO

Anavon n'en guihoutina un, un grand gusas !

Lou paciènt anavo parla au pople pèr ie dire que mourié innoueènt
coume l'enfant que teto.

Lou bourrèu ie diguè : Un moumen ! laissez-me faire moun obro, e
parlaras pièi tant que voudras.

LOU CASCARELET.

MA CANSOUN DE NOÇO

Diéu m'amo, se pòu dire !
Pèr gari moun martire,
M'a manda lou sourrire
D'aquelo jouino enfant.
Moun cor s'escearrabiho :
Coume un diamant qu'esbriho
Vese dins sa vediho
Lusi mi lendeman.

Moun amo èi trefoulido !
Ma nòvio, velaqui !
Parai, galois ami,
Qu'èi braveto e poulido ?
Canten, canten enjusqu'au jour
Ma gènto nòvio e moun amour.

L'estiéu toumbo l'eigagno
Qu'arroso la campagno,
Ansin, douço coumpagno,
Tu vènes dins l'oustau :
Coume à la font clarido
Vau refresea ma vido !

Lou bonur, ma benido,
Nous espèro au lindau.

Moun amo èi trefoulido !

Ma nòvio, velaqui !

Parai, galois ami,

Qu'èi braveto e poulido ?

Canten, canten enjusqu'au jour

Ma gènto nòvio e moun amour !

En aquesto journado

A jamai fourtunado,

A tu, ma bèn amado,

Me doune tout en plen ;

N'ai pèr touto richesso

Qu'un cor plen de tendresso :

Vers lou tièu, ma princesso !

Èi parti d'un alen.

Moun amo èi trefoulido !

Ma nòvio, velaqui !

Parai, galois ami,

Qu'èi braveto e poulido ?

Canten, canten enjusqu'au jour

Ma gènto nòvio e moun amour.

Rougna, 1865.

A. TAVAN.

LOU MALAUT

— Moussu lou mège, sièu malaut ! Ah ! de-segur, sièu bèn malaut, Moussu lou mège !

— E qu'as ?

— Dourmièu dins la feniero, Moussu lou mège. Dourmièu di quatre, e la bouco duberto. E coume dourmièu di quatre, la bouco duberto, Moussu lou mège, aurai de-segur avala quauque gàrri, car sènte aqui sus lou pitre coume uno bestiolo qu'arpatejo e me rousigo !... Un remèdi, Moussu lou mège ! lèu un bon remèdi !

— As avala 'n gàrri ! un gàrri, moun paure ami !... Vai, acò n'en sara pas mai.

— Eh ! que fau faire, pèr me gari ?

— Avalo un cat, moun ome, avalo un cat.

LOU CASCARELET.

• EI SOCI

DE L'ACADÈMI DOU TAMBOURIN, A-Z-AIS

Que leis èr agradiéu de voueste fluitet prim
Se maridon de-longo emé lou tambourin !

Iéu voudriéu bèn pièuta coumo lou gai cérin,
E fa canta peréu la pèu dóu tambourin !

Mai, que boufe mistran, grè, labech o marin,
Saurrai jamai boufa leis er dóu tambourin.

En ivèr, au printèms, ei meissoun coumo ei rin,
S'ausias moun galoubet, s'ausias moun tambourin,

Dirias : Qu es qu'estourdis de soun charavarin,
Espessant lou fluitet, crebant lou tambourin ?

Pamens, m'avès chausi, crési, sènsou verin,
Pecaire ! coume un sôci, o gènt dóu tambourin !

Siéu nè d'aquel ounour ! e sènsou fa de trin,
Caminarai crentous au son dóu tambourin.

Farandoulejarai 'mé vautre, d'enterin,
Mai, farai qu'aplaudi pèr vouéstei tambourin !

E quand piqui dei man, li vau pas chinchérin,
Pèr l'amour dóu païs e de soun tambourin !...

Donne, que vouesto musico alargue sei refrin,
E tant que Diéu voudra viéura lou tambourin !

J.-B. GAUT,

Sôci ounouràri de l'Acadèmi dóu Tambourin.

A-z-Ais, 1866.

— Que dis lou batarèu dóu moulin ? — *Raubo pèr tu, raubo pèr iéu,
oubliades pas l'ase !*

— Quau noun s'arrisco, noun pren pèis.

— Quau pinto, vènd.

MARTOUN

O LA MAIRE AVUGLADO

Ti dous bessoun ; Martouno, an de figuro d'ange ;
Soun poulit coume d'iou e rous coume d'arange ;

Touti te n'en fan coumplimen.

D'enfant tant fres, tant bêu, as resoun d'èstre fièro,
Car de mai acoumpli n'i'a pas subre la terro...

Mai... di dous n'ames qu'un, pamen !

Quand vas au roumavage e li jour de grand fêsto,
Pimpares ti bessoun, di pèd jusqu'à la tèsto,

D'un fres e poumpous vestimen.

Te chales quand li gènt de-longo se reviron,
E que bevon dis iue tis angeloun qu'amiron...

Mai... di dous n'ames qu'un, pamen !

Pièi, quand de bèlli damo i pichot richounejon,

Li prenon dins si bras e te li poutounejon,

Sèntes un dous tresanamen ;

Lou cor te bat, ta bouco a 'n amistous sourrire ;

E, coume sies urouso alor, res lou pòu dire !...

Mai... di dous n'ames qu'un, pamen !

N'en nourriguères qu'un : l'autre, liuen de sa maire,
Anè béure lou la d'uno bailo, pecaire !

Lou caressaves raramen.

Dins lou tèm que toun cor au proumié s'estacavo,

L'amista dóu segound, jour pèr jour, s'esfatavo...

Touti dous èron tiéu, pamen !

Quand la bailo, pèr fes, l'adusié d'en bastido,

En vesènt toun sang-fla, Marlo, s'èro sentido

Pougne d'un amar sentimen.

Lou caressaves proun, mai pas dóu founs de l'amo

Coume quand s'agissié d'aquéu que toun cor amo...

Touti dous èron tiéu, pamen !

Lis enfant an un fiéu quasimen pas cresable...

Sènton quand lis aman d'un amour veritable,

O quand es pouliticamen.

Lou bessoun qu'as nourri, tre te vèire, es en fèsto,
E l'autre davans tu, Marto, baïssò la tèsto...

Tóuti dous soun bèn tiéu, pamen !

Perqué l'un a toujour la proumiero caresso ?

Perqué, se lou segound te fai uno tendresso,

Te n'en destournes vitamen ?

Se lou vesié, toun ome, éu qu'es un tant bon paire,

Te dirié : — D'ounte vèn acò, marrido maire ?...

Tóuti dous soun bèn tiéu, pamen ! —

Quand toun ome parèis, veses pas, Martouneto,

Coume ti dous bessoun fan jouga si cambeto

Pèr courre à sis embrassamen ?...

Coume vai qu'es pa 'nsin quand vènes de desoro ?

Te volo à l'endavans lou tiéu... l'autre demoro !

Tóuti dous soun bèn tiéu, pamen !

Quaueco-fes ti bessoun entre éli se carcagnon ;

Soun d'enfant !... e souvènt pèr pau causo s'encagnon

En prenènt sis amusamen...

D'ounte vèn qu'à tis iue l'un es toujour coupable,

E ço que l'autre dis es toujour veritable ?...

Tóuti dous soun bèn tiéu, pamen !

Lou paure bastidan dises qu'es un renaire,

Qu'es sournaru, sòuvage, envejous de soun fraire,

E d'un fachous temperamen.

Soun marrit naturau vèn pas de la neissènço,

Crese-te-lou, Martoun, vèn de ti preferènço...

Tóuti dous soun bèn tiéu, pamen !

Perqué sies tant injusto ? Ah ! malurouso femo !

S'aviés un pau d'amour, jitariés de lagremo

Sus toun coupable avuglamen !...

Durbisse douc lis iue !... la douço creaturo,

Bèl enfant que pèr éu sies estado tant duro,

Toumbo dins l'entre-secamen !...

Paure agnèu afama di poutoun de sa maire,

E qu'a toujour pati de toun amour, pecaire !

Es tua pèr lou languimen !

Lou medecin l'a di : s'envai au cementèri...
Quau ie duerbe lou cros ?... es toun amo de fèrri...
Coume l'autre es bèn tièu, pamen !...

Se 'n-cop toun drole es mort, dins de pantai estrange,
Lou veiras que vers tu vendra 'mè soun bon ange,
Pèr te legi toun jujamen !
Se noun vos degoula dins l'éternal abime,
Em' un grand repenti, plouro, plouro toun crime !
Pauro agnèu ! èro tièu, pamen !...

AUBERT,

Curat de Malamort, e Capelan di Felibre.

Malamort, Setèmbre 1866.

LOU POUEUT DE ROCO-FAVOUR

Emé sei tres rèng d'arc l'un sus l'autre quiha
Vers lou soulèu tremount que sèmblon s'esquiha,
Roco-favour travèssò alin la valounado
Sus sei gros pèd que fan de gròsseis encambado...

Quaucun dis à Bejègi, — un badau, es vrai :
— En que serve aquèu pouent ? un porto-aigo, parai ?
— Ah ! Moussu, pèsqui pas ! Es, respouend lou gimèrri,
Pèr fa passa dessout noueste camin de ferri.

J. B. GAUT.

A-z-Ais, 1866.

UN MOT DE MÈRY

Uno poulido damo demandavo un jour au pouèto Méry, — qu'es mort
aquest an passa :

— Digas-me 'n pau, Moussu Méry, ço qu'amas lou mai e que vous
ispiro lou mièus.

— Madamo, lou jour, es lou soulèu, e la niue, es lis estello ! respoun-
degùè lou Prouvenèu en guinchant li dous bèus iue de la questiouna-
rello.

LOU CASCARELET.

LA BOUSCARLO

A J. R.

— Bouscarleto
Poulideto,

De-que cantes lou matin
Sus li brout de l'aubespın ?

— Cante moun nis fa 'mé de mouso
Qu'ai acaba i'a quatre jour ;
Cante la matinado douço
E moun bonur e mis amour.
Fau canta, Diéu me lou coumando.
Es pèr faire ausi ma cansoun
Que chasque mes d'Abriéu me mando
Dins li bousquet, dins li valoun.

— Bouscarleto
Poulideto,

De-que cantes lou matin
Sus li brout de l'aubespın ?

— Cante l'aubo qu'escarrabiho
L'auceloun escapa d'ou nis ;
Cante la voues de la ramihó
E lou bouissoun que s'espandis ;
Cante l'eigagno que perlejo
Sus la tepo quand vèn lou jour ;
La roso que toujours envejo
La fiheto pleno d'amour !

— Bouscarleto
Poulideto,

De-que cantes lou matin
Sus li brout de l'aubespın ?

— Cante lou soulèu que dardaio
Dins la planuro e dins lou gres ;
Lou bèu riéu que souvènt cascade
Souto li sause sèmpre fres ;
Cante sa ribo saménado
De violéto e de boutoun-d'or

Que la chatouno afeciounado
Arregardo coume un tresor !

— Bouscarleto

Poulideto,

De-que cantes lou matin
Sus li brout de l'aubespın ?

— Cante la campagno flourido,
L'abiho qu'acampo soun mèu ;
Cante la prado qu'es vestido
De milo flour, pichot jouièn ;
Lou parpaioun, sus li floureto
Que fai penja sus lou margai ;
Cante la bello campaneto,
La nèu dóu galoı mes de Mai.

— Bouscarleto

Poulideto,

De-que cantes lou matin
Sus li brout de l'aubespın ?

— Cante lou bon Diéu que tout amo
L'obro divino de si man,
Que douno la pas, la calamo
A mi bousquet sèmpre galant.
Ah ! lou cante à la primo aubeto,
Sus li miejour, au calabrun ;
Vèspre e matin, ma voues clareto
Lou prouclamo dins li palun...

— Bouscarleto

Poulideto,

Canto toujour lou matin
Sus li brout de l'aubespın !

FRAI THEOBALD.

-
-
- Bèn se rescontron dos mountagno, quand se rescontron dous gibous.
 - Autant fai aquéu que tèn coume aquéu qu'escourtego.
 - Saco de carbounié se mascaron l'uno l'autro.
 - Lou fustié de Borro : d'un saumié n'en faguè pas un fus.

NOUVÈ

ÈR : *Des Chasseurs*

Lis ange au cèu soun tóuti en aio,
Parton à vòu pèr Betelèn
Li jouvènt ;
Cridon qu'eila dor sus la paio,
Un enfant Diéu qu'aquesto niuech èi na,
Pèr nous tira di tràiti maio
Ounte Cifèr nous tenié 'neadena.

Anen ! despacho-te, Guiheto !
Alestisse lèu ço que fau,
Lou lebraut,
Que faras couire à la brouqueto...
Parten, parten deman de grand matin.
Oubliques pas dins la saqueto
De metre un flasco, un flasco de bon vin.

De-que pourtan à l'Acouchado ?
De-que ie dounan pèr presènt,
Que n'a rènn ?
Fau ie pourta, blanc de bugado,
Quàuqui pedas pèr muda soun enfant ;
De bas, uno raubo doublado
Pèr l'abiha quand pièi sara plus grand.

Dison que la Maire es poulido,
E l'enfant plen de majesta,
De bèuta ;
Que de Mage, l'amo ravidò,
Vènon i'oufri d'or, de mirro e d'encèn,
Pèr nous prouva touto la vido
Qu'es noste rèi, ome e Diéu tout ensèn.

Bonjour, bonjour, Vierge Mario !
Bonjour, bonjour à l'enfant Diéu,
Voste fièn,
Que vèn counsoula la pauriho
De si magagno, e si peno, e si plour.
Permetès-nous, pièisque chauriho,
De l'adoura dins aqueste bèu jour.

O Diéu d'amour, de benuranço !
Preservas-nous tóuti dóu mau
Qu'èi brutau !
Dounas-nous la Fe, l'Esperanço,
Lou fio divin de vosto Carita,
Pèr qu'au grand jour de deliéuranço,
Aguen en part vosto felecita !...

Adessias dounc, Santo Famiho !
Retournan vers nòsti troupèu.
Sant Miquèu,
Que soun espaso toujour briho,
Eu saup lou jour que vous faudra parti
Pèr sauva noste bèu Messio
Di marridi man de sis enemi.

JAN-ESPERIT MONIER,

De Sarrians, mort en Avignoun lou 28 d'Avoust 1866.

Avignoun, 1866.

ANTAN

Antan, souto aquest fres ousbràgi,
Ounte se respiro un èr pur,
Uno chatouno à blanc coursàgi
Venié cueie de fru madur.

Aquel anjoun, tant bèu que sàgi,
Aro vèn plus ! e lou bonur
A fa coume l'aucèu voulàgi :
Es parti dins lou cèu d'azur.

Lèu flourissès, tèndrei floureto,
Alenas lèu, mouéleis aureto,
Briho lèu, bon soulèu de Mai ;

Frucho que l'estiéu amaduro,
Lèu purguejas dins la verduro,
E moun bonur tournara mai.

LOUIS MOUNET.

Seloun, 7 de Janvié 1865.

AU DIËU DOU SILÈNCI

Diéu que jaises pensatiéu
Sus lou *lotus* blanc dóu riéu ;
Tu de quau lou det se pauso
Sèmpre sus ta bouco clauso :
Fai, o diéu, que lou perfum
De moun cant noun siegue fum,
E que ma sièro jouinesso
Rèste sèmpre à tu soumesso !

D'autre-tèms, li sage fort
T'adouravon mai que l'or ;
E mai que l'or, dins noste age,
Sies toujours presa di sage.
Au mitan dis ome fiu
Toun amudimen divin
E ta caro sounjarello
Soun dos causo mai-que bello !

l'a'n verset qu'es benesi
Dins Sant Jaume, lou veici :
Es un sant lou que se taiso.
Voulountié peréu pantaiso
Aquest prouvèrbi moun cor :
Lou parla 's d'argènt, noun d'or ;
O dóu grè * lou mot que briho :
Uno lengo e dos auriho.

En memòri de Zenoun
E de Pitagoro, au noum
Dóu pau-parlo fiéu d'Ourtènsi,
Largo-me ti doun, Silènci !
E largo-me-lèi, au noum
De l'austère Sant Brunoun,
Que bousquè ta quietudo
I plus àspri soulitudo !

Se m'escoutes, te farai
Sacrifice, iéu, i rai

* Zenoun.

De la luno blanquinello,
Quand la niue tout enmantello,
O senoun, au miejour siau,
Quand s'amaïso lou Rousau,
E que lou roussignòu chuto,
E que lou grihet noun muto.

Pèr te rèndre ounour, e grand,
Li mirau ereba, mourran
Nòu cigalo de Vau-cluso
Cantant coume li nòu muso;
E tacaran toun autar
Vint granouio, que, de-tard,
Maianenco majouralo,
An uno voues bouvaralo.

FELIBRE DE L'ESMERAUDO.

Castèu de Wolley-Hill (Anglo-terro).

ALIS

Li tamarisso èron en flour;
Èro un Dimenche, e souleiavo;
Alis la bello permenavo
Soun languimen e soun amour...

Quand Flour-de-Rose s'espasavo,
A Castèu-nòu avans l'ahour,
Galoïso, espinchant li coulour
Dòu nivo rouge que passavo,

Iéu, jouvènt tout amourousi,
Dre m'aplantave pèr la vèire,
Car de la vèire èro un plesi !

Ansin tis iue qu'an trelusi,
Quand as manda ta tèsto à rèire,
Alis, m'an mes en grèu souet.

ANSÈUME MATHIEU.

A MOUN AMI BALTAZAR FLORET
LOU COUSINIÈ DE LA *BOURRIDO AGÂTENCO*

(PARLA DE LENGADÒ)

Bèl pescaire, mèstre en cousino,
Que tant pla savès apresta
Lou pèis que venès d'aganta
Dins l'Erau o la mar vesino,
Gramecis, tres fes gramecis
De m'avé manda la *Bourrido*
Qu'as amatous de bous boucis
Am tant de biais avès servido!

Aicò 's pa'n fricot de pacan
Ount, dins la sausso patroulhado,
Nado un rastèl de clavelado,
Uno cougo de belugan,
Lou fege d'uno bavarello,
Uno sôfio, un biòu, un grougnau,
La gaugno d'uno cagarello,
Un arestoun, un cabarilhau,
Un estranglo-cats, uno trencó,
Uno agulho, uno ravanenco,
Tout aquel pèis qu'a meïchant fum,
Qu'aici disèn de rafatun.

Ah ! qu'es pas atal la *Bourrido*
De vostro cousino sourtido !
Dins uno sausso qu'Ourginiè
(D'Agte lous famous cousiniè)
N'auriò pas melhou coumpausado,
Vési de tranchos de pagèl
Ount se tendriò dreeh un coutel !
Pèi de roudellos de daurado
Prèp d'uno caboto e d'un gal
Que se sàrrou pèr faire plaço
A l'esquino d'uno rascasso
Ount fa bou planta lou caissal.
Tabè la leseo ensafranado,
(*Choupin* à nostre Grau noumado),

Qu'al founs del plat es d'assetous,
Es un quicon de tant goustous
Am lou jus d'ount es embugado,
Que Diéus nous garde de leca, —
De crento de lous rousiga, —
Nostres dets que l'auriôu toucado...

M'arrèsti... Pescaire del Gran,
Après acò, sarió daumage
Que vous clavessès dins l'oustau
Coume lou rat dins soun froumage.
Belèu me dirès qu'à vostre age
Es bou de prene de repau...
N'es pas vièlh lou qu'à las filhetos
Amo encaro à counta flouretos,
Lou qu'a cantat coume un jouvènt,
Dins un vers tèndre e calourènt,
La bello, la gènto Agatenco
A col de cièune, à pèd nanet,
Digno sorre de l'Arlatenco.
Pèr un vièlh, sès trop beluguet.

Anen, moun bèl amic, en aio !
Laiassas lous gourris sus la paio ;
Ambé la lignò e lou muselau,
Embarcas-vous al Grau d'Erau ;
Dins cado ma sarras la ramo,
E, la butant sus l'escaumet,
Vougas sus la grand mar que bramo
Joust la glèiso de Nôstro-Damo ;
E tournas pesca quicoumet
Pèr faire uno outro peiroulado
Coume la qu'avès escullado
As gourmands d'aqueste païs,
Qu'a fach crèisse soun apêtis,
Talomen bouno l'ôu trovado.

Encaro un autre court-boulhoun,
Un court-boulhoun d'aquelo menò !
Pescaire que tant pla s'estreno
Plego, al pus tard, soun pavilhoun.

FAI BON

A MOUN AMI A. V. EM' A SA DAMO

lou bœu jour de si fianço

Fai bon ! Gaio es la matinado ;

Mita risènt, mita serièu

Lou rièu

Fai libramen sa permenado ;

E li parpaïounet s' envan

Revant.

Fai bon ! E l'aubo encantarello

Dauro de si mîlo coulour

Li flour ;

L'auro mouïeto e bressarello

I ribo, i frais, presto un balan

Galant.

Fai bon ! L'auceloun sus la branco

Bandis soun plus poulit piéu-piéu ;

L'estièu

Dins la verduro enjusqu' is anco

Dis qu'enfloura, lou mes de Mai

Vên mai.

Fai bon ! Amount dins l'Empirèio

Me sèmblo ausi musiqueja,

Dèja,

Li mot d'amour que vous, Mirèio,

Tenias dins voste cor d'anjoun

Rejoun.

Fai bon ! Ferigoulo e mentastre

Dounon sa meïouro sentour ;

L'amour

Canto. E sus terro e dins les astre,

Degun pòu plus se desmama

D'ama.

Fai bon ! Doune proufichas, bèu nòvi !
Dóu tèms, dóu cant emé di flour !...

Amour,
Cansoun, e roso o barhajòvi,
Emé nautre, — pèr ses avan, —
S'envan.

ROUMIÉ MARCELIN.

Carpentras, 1865.

L'ENFANÇO

Sarés jamai esvali
De mi tèndri remembraço,
O bèu jour de moun enfânço
Que veirai plus espeli,
Jour de gau, jour d'amistança !

Jour innoucènt ! jour de Diéu !

Ounte iéu,
Em' uno gènto sourreto,
Fouligaudo, belugueto,
Ma sourreto Azalaïs,
Cercavian ensèn lou nis
Dóu rigau o de l'agasso,
O i parpaïom blanquinèu,
Rouge, blu, vo roussinèu,
Gaiamen fasian la casso...

Iéu courrièu,
Despictous, ardènt, alabre,
Pèr li prat e pèr li vabre,
Sus li bèsti dóu bon Diéu...
Elo, (d'acò Diéu la pague
E d'Amour toujours bèn ague !)
Elo, bravo coume un sòu,
Elo toujours avié pòu
De ie peri sis aleto,
Azalaïs ma sourreto !

GUIHÈN-CARLE BONAPARTE WYSE.

Castèu de Wolley-Hill (Anglo-terro).

I FELIBRE

Après avé legi lou proumié de sis Armana

Gramaci de voste Armana,
Troupo galoio di Felibre !
Vous lou disèn : jamai un libre
Pu poulit nous sieguè douna.

Moun Diéu ! qu'acò 's bèn arrenja !
I'a pas rèn que de causo novo,
E lou pu despichous i trovo
De que béure e de que manja.

Dis Armana lou rèire-grand
Dira, se gratant l'embourigo :
Larrivay, faù plega boutigo,
Sies qu'un sourèl de ferre-blanc !

Certo, aura resoun d'èstre en dòu
Aquel vièl en capoto griso
Qu'à quau n'en vouliè, pèr un sòu,
Debitavo sa marchandiso.

De prouvèrbi emai de cansoun
Voste saquet es plen e gofe ;
E 'mai siegués jouini garçoun,
Vous moustras pu grand filousofe.

Nîmes, 1855.

JAN REBOUL.

LA FAM DE CHIVAU

Un medecin fasié vesito à l'espitau :
Diguè : Bèn ! coume sian ? en quaucun. — Lou malaut :
— Iéu, me sènte, respouende, uno fam de chivau !
— Vau te semoundre uno ourdounanço
Que pourra te gounfla la panso. —

E se virant adoune vers l'infermié vesin :
— Vite, un barran de fen pèr lou numerò Cinq !

J. B. GAUT.

A-z-Ais, 1866.

QUAUQUIS EPITAFI

I

Lou 12 de Desèmbre 1866, lou Coungrès Scientifi de França dèu se reünì à-z-Ais. Au noumbre di questioun, autant noumbrouso qu'interessant, que saran tratado dins aquelo sessioun, avèn remarca la seguènto : *Existe-t-il d'anciennes inscriptions tumulaires, ou d'autres monuments épigraphiques en langue provençale?*

Tout en declarant d'abord que nous sian jamai gaire entreva d'acò, noste avejaire es que li-mounumen d'aquelo espèci dèvon èstre forço rare, pèr la resoun que veici : lou latin, au Mejan-Age mai-que-mai, estènt la lengo de la Glèiso, e li toumbèu, d'aquelo epocoubre-tout, estènt de mounumen de glèiso, lis epitafi naturalamen-èron fach en latin. Li soulétis iscripcioun roumano que pousquen cita, soun : lou celèbre epitafi d'ou comte de Toulouso Ramoun VI, em'aquéu d'un marchand qu'èro entarra'm sa famiho vers li Courdelié de Narbouno.

Veici pèr lou proumiè : sus lou vas d'ou comte Ramoun, — que mouriguè escumenja en 1222, e fuguè pauramen enseveli à l'Espitau de Sant-Jan de Jerusalèn, au souns d'uno bourgado de Toulouso, — Bertrandi, juriscounsult toulousan, dins uno istòri de sa vilo que publiquè en l'an 1515, afourtis aguè legi aquèsti dous vers escri dins lou mabre e à mita blesi :

Non y a home sus terra, per gran senhor que fos,
Quem gitès de ma terra, si la Glieza non fos.

Aquelo superbe paraulo èro estado prounounciado pèr lou comte Ramoun éu-meme, quand viviè, e Fadriel l'a retrovado dins la *Cansos de la Crozada contr'els ereges d'Albegès*.

Lou segound epitafi, — que se trovo pèr aro au museon de Narbouno, — es grava sus un bard de toumbo en caratère gouti. M. Tournal, counservatour d'aquelo galarié, l'a releva coume seguis :

Ayso es la sepultura del senor Bernard Yzarn, mercier de Narbona, e de dona Margarida premeyra moler del dit Bernard, fila de maystre Felip de Montels, notari dessa intras de la dita vila, e de dona Margarida moler del dit Bernard, seconda fila del noble Bernard Benereg senhor de Monrabech, e des son linage que yacer y volra. L'an 1392 al tres d'abrièlh, los venerables religioses frayres menos de Narbona, lo payre gardian ab tot lo convent, establiron a lur capitòl, al son de la canpana, de voluntat de maystre Frances Borrhil Mistre provensal de lorde, una messà perpetual per tot temps en la capela de nostra dona de Confort.

A-n-aquéli pèiro escricho fau apoundre lou batistèri de la campano de Jacoumart en Avignoun :

Aquesta campana a fach faire la villa d'Avignon. essens consuls nos nobles homes Anthoni Seytre et Jaco Bisquiri et Joha Raoux. l'an mil CCCC. L. XX.

Aquéu brounze municipau, bèn qu'eselapa e refoundu souvènti-fes, à toujour menciouna, — e la porto encaro vuei, — soun epigrafo primitivo.

II

Acò-d'aquí es en vièi prouvençau li souléti gravaduro que couneiguen. En prouvençau mouderne poudrian n'en cita quatre o cinq.

L'a d'abord l'iscripcioun que se trovo à la coumuno de Seloun soutu lou buste d'Adam de Crapouno, e qu'es estado reprouducho sus lou pedestau de l'estatuo qu'à Seloun i'an aubourado en 1854.

Veleici :

Abrado de la set, la larmo à l'ue, pecaire !
Seloun vesié peri soun maigre terradou ;
Crapouno soun enfant li faguè tra de paire :
Li larguè d'aigo à soun sadou.

Es un quattrin dóu troubaire selounen Palarnedo Trone de Codolet (siècle dès-e-seten).

A Maiano, sus la toumbo d'un bon païsan, Mèste Rafèu, qu'avié calada éu-meme, en poulido mousaïco, li carreiroun de soun jardin, e qu'a vougu èstre entarra en faci de soun obro, se legis aquèsti vers grava dins lou mabre :

Caninas plan sus li peireto
Di carreiroun qu'ai calada,
Car siéu aquí soutu l'oumbreto,
Que dis aucèu aprivada
Esconto la cansoun clareto ;
E me fai gau de regarda
Crèisse mis aubre e mi floureto.

A Sant-Roumié, sus la faci principalo d'un mausoulèu, auboura, i' a quàuquis an, pèr souscripcioun publico, à-n-un vièi medecin poupulàri, M. Favier, s'es escri aquesto dedicèci :

Lou pople, en remembranço de si bènfa.

L'a pièi l'epitafi dóu troubaire Bellot, — que se pòu vèire au cementèri de Marsiho.

Enfin, au cimetèri d'Alès, en cercant dins la bauco, l'on trouvarié lou plagnoun que lou paure troubaire Mathieu Lacroix gravè éu-meme sus lou cros de soun enfant.

E barraren aquesto citacioun d'escriit mortuorum pèr l'epitafi qu'au siècle dès-e-seten, lou pouèto Raspaud, d'At, se coumpausè davans que de mourir :

Eici jais Poupèò Raspaud...
Lou passant dis : Eh ! que m'enchau ?

F. D. B. V.

LA MOURALO INDEPENDÈTO

.

Ai proun ausi parla d'uno espèci d'escolo
Que vòu subre lou mounde auboura soun estolo
E dis que la Mouralo a pas besoun de Dièu.
Pauro Mouralo, vai!... S'èro ansin, coume un niéu
Cousseja pèr lou vènt, sarié vite envoulado...

Veses aquelo chato à soun èstro apielado ?
Es bello coume un jour, es pauro coume un rat,
E, pèr gagna soun pan, s'estrasso à courdura.
I ' arribo proun de fes que l'aubo, quand pounchejo,
Dins sa chambro, au travai la trovo mila-frejo ;
I ' arribo proun de fes, quand sènt veni la fam,
D'agué dins soun oustau qu'un marrit tros de pan.
E, se voulié pamens, aurie sedo e dentello,
E nadarie dins l'or, ear, estènt jouino e bello,
Le manearié pas gènt pèr croumpa sis amour.
Mai, pauro, preferis counserva soun ounour.
Eh bèn ! s'aquelo chato, un jour, dins la carriero,
Rescontro, pèr asard, bèn messo citant que fiero,
Uno d'aquéli femo, uno rèino d'ou tèm,
Traficant de sa ear pèr un brisoun d'argènt,
E pièi — dins soun esprit, fasènt la diferènci
D'ou sort d'aquelo femo e de soun eistènci
D'elo, — la mort dins l'amo e lou dòu dins lou cor,
Se s'envai, d'escoundoun, ploura soun triste sort,

Noun sai, mi bèu Messiés de l'escolo nouvello,
S'aurés paraulo douço e proun counsoulairello,
Pèr aquèu paure enfant ! Noun sai coume farès
Pèr l'acouraja 'n pau, ni ço que ie dirès...
Mai sabe que d'un mot, mai sabe que d'un gèste,
N'ïa proun pèr que l'espèr emai la se ie rèste,
E ie farai trouva soun sort dous, agradièu,
En aubourant la man, en ie parlant de Dièu !

ANFOS MICHEL.

Tira dóu pouèmo de l'*Eïseslènci de Dièu*,
qu'a gagna li joïo de Beziés).

A MIOUNET

La misèri es marrido counseiero,
E dóu vièi lou viòu bèn resquihous : —
Pauro, camino dre, jalouso e fiero
Que de l'ouniour, tresor lou mai precious.

Toun front briho de gràci printaniero,
Toun ue jieto un esclat meravilhous ;
As touto un gàubi, touto de man'iero
A jusquo pretouca de couer pious...

Redouto aquèu poudé qu'as dins tei charme !
Car noun sies tu perèu facho de marime :
Jouveinetò, amistouso e bello, ai ! ai !

Tremouelo, moun enfant ! que, pèr l'esmòure,
Van juga milo engano, e l'argent plòure,
E sèt demoun ti pougne de cent biaï !...

A. N. CROUSILLAT.

Selon, 12 de Jun 1866.

— Biòu vièi fai rego drecho.
— Bon tap fai bon vin.

LOU PORC E LOU CHIN LOUBET

FABLO

Fau pas faire coume lou porc,
Que noun fai de bèn qu'à sa mort.

Un porc, qu'un peisan engreissavo
Sus soun fumié se groumihavo,
E de babord e de tribord,
Entre-dourmi, baritounavo
Coume dèu faire un mèstre porc !
Bachicano, un loubet nourri de regardello,
Qu'arrapavo, après li moutoun,
Mens de croustet que de cop de bastoun,
Lou nas vira vers la gamello,
S'aprocho, e dis au bourguignoun :
Leissas-me freta l'escudello,
Vous aurai bèn d'oubligacioun !
Ai l'estouma dins la debino,
Dóu dina n'ai vist que lou fum ;
De moun pitre, en travès dóu lum,
Lou pastre dis qu'on vèi brandouia ma mechino...
Ai bèn besoun de quicha 'n grun !

L'iel de-galis en pouncho, e brandant sis auriho :
—Hola ! fai lou gourret, que roto e se dreviho,
Lou voulur m'a destrassouna...
De-que me canto aquel fenat ?
Se t'en vas pas, te descourdure,
E coume un viouloun te cure,
Feiniant ! groumand ! cerco-dina !

Crese que lou loubet cregnissié la couligo
E que coumpreniè 'quel francès :
Lou vèntre plat, gagnè lou gres,
Anè revira si bedigo.

Quand, de-vèspre, tournè de Serre de Charlot,
I 'aviè fèsto dins lou meinage ;
Moussu lou bourguignoun penjavo au cambalot ;
E lou bourgès disié : Quante porc... pèr acò !

Peso, car de caviho, au-mens dous cènt kilò !
Lou loubet sieguè d'ou lpage.

E la mouralita d'eiçò ?
Que mai que d'un coume un porc se bambano
E mau-trato li Bachicano,
E sounjo pas au cambalot !
Pièi crebo. E, s'escoutas li maisso
De si coulateraou que seguisson sa caisso,
Coume lou peisan de soun porc
Entendrès que parlon d'ou mort :
D'ou porc se dis : Quant peso ? e de l'ome : Quant laisso ?
— Peso quatre quintau. — Laisso dous milioun.
D'ou ladre e d'ou gourret vejaqui l'ouresoun,
T'outi dous à sa mort fan rire...
Acò 's tout ço que voulièi dire.

JAN DE LA TOURMAGNO.

Nîmes, Setèmbre 1866.

A-N-UN MOURRE-FARDA

Vae vobis.... hypocritæ !

MAT. XXIII.

Moustre de franc capoun, d'escapa de galèro,
Vène eici, que moun vers te foute jusqu'au sang !
Me sènte mounta au front la divino coulèro
Que dins lou Tèmplo, un jour, anè tout envessant.

A geinoun ! vièi cafard, e raço de vipèro !
Emé toun teta-dous e toun biais caessant,
Ti bons èr de prudome e ta faci prouspèro,
Demòni agouloupa sout la capo d'un sant,

Qu'as fa de la chatouno à ti suen counfisado,
Tant braveto e poulido ? O gus ! l'as abusado :
En l'enviscant au mèu d'un tèn dre parauls,

De-longo secutant sa cheresclo naturo,
En ie proudigant l'or e li pimparaduro,
l'as desavia soun amo !.. O pauro, pauro Alis !

B. T.

LOU PARLA DE PROUVÈNÇO

Platz mi.....

Lou can ar prouvensalès.

FREDERI II.

Se jamai lou grand soulèu,
Resplendènt e bon e bèu,
O se li clàris estello,
Bloundo e siavo e sounjarello,
Pèr la gràci dóu bon Diéu
Poudien, à lèi de naturo,
Parla coume vous e iéu,
De-segur sa parladuro
Sarié dins la lengo d'or,
L'idiomo dous e fort,
L'idiomo que regalo :
Dins la lengo prouvençalo !

Se jamai li gènti flour,
Fresco, fino, facho au tour,
Se jamai la roso amado,
Bello, douço, perfumado,
Avien gaubi pèr canta,
Aurien, à lèi de naturo,
La lengo de la Bèuta
E de la Courtesié puro;
Aurien lou parla pouli
Que me fai, iéu, trefouli
D'alegrosso, de jouvènço :
Lou parla de la Prouvènço !

GUIHÈN C. BONAPARTE WYSE.

Bradford-on-Avon, 22 de Setèmbre 1866.

LOU PORC A MIEJO

Pèire e Peiroun avien croumpa 'n pore de-mita, e de-mita l'engreissavon.
— Peiret, ie diguè Peiroun, uno quingenado après, atroves lou noble
pas proun gras, e vos pancaro lou tua, tu ! Iéu, veses, m'es impoussible de
mai espera. Vau toujours tua ma mita, — ai ma sau que vèn touto en
aigo ; e salarai. Tu, tuaras e salaras la tièuno. quand bon te fara plesi...

LOU CASCARELET.

LOU GAZ E LOU CALÈU

FABLO

Afin que res a l'aveni s'espounpigue d'ourguei.

DEUTER. XVII-13.

A MOUSSU L'ABAT TERRIS

Foundatour de la Soucieta de Sant Francés-Savié en Avignoun, Curat de Cavaïoun

Coume un bèu soulèu avousten,
Entre que duerbe la p'rpello
Dins l'espàci azuren,
Enmando jaire lis estello,
Ansin, tre qu'un gaz lusigué
Au bèu mitan d'uno boutico,
Lampo, fanau, viholo antico,
Tout, subitò, s'esclussigué !

Acantouna dins la cousino,
Un laid marrit pichot calèu,
Soulet fasié 'nea bono mino.
Lou gaz te lou destouseo lèu :

— Pichot bouchard ! ie fai, coume ! vives encaro ?

Te flatariés bessai de mespresa ma caro !

Quand fin que d'un, ti compagnoun,
Flambèu, quinquet, lampo e lampioun

An avala sa mecho,

Tu fariés flamo drecho,

Que sies qu'un lume de souïoun ?

Hòu ! l'òli a fa soun tèms, apren esto nouvello !

Soun role sara plus de refaire lou jour,

D'engaugna lou soulèu ; aro vèn à moun tour

De souleia li niue, de coucha lis estello !

Soun sort à l'aveni, vos-ti saupre ço qu'èi ?

De garni l'ensalado e friassa lou pèi.

Adoune, t'entèstes pas, lume de tafataire !

De la bello clarta ièu soulet sièu lou paire !

— De ièu parles eisa,

le respond lou calèu, sièu pas de mespresa :

Dou tèms qu'en bas, dins la muraio,

Coume un dogo meichant, pudènt, sies cadena,

lèu sièu libre toustèms, toujour ièu sièu en aio ;

Pèr veni n'ai ges d'ouro e ges pèr m'enana.
Sus la terro ounle sian s'ères pas nouvelàri,
Sariés mièus au courrènt de moun vièl luminàri ;

Es iéu que, de la niue
Bandissènt li tenèbro, ai fa bèn lume is iue
Di savènt, di pouèto e di grand filousofo,
Tóuti gènt renouma de la meiouro estofo,
Que saran jusqu'au bout lis astre toujours vièu
Qu'is esprit faran lume, après li rai de Diéu !
Archimèdo, Platoun, Demousteno e Virgi'e,
Sant Proufèto e Dóutour dóu sublime Evangile !
Vautre qu'ai ajuda pèr vous faire tant grand,
Anen, d'aut ! levas-vous ! venès venja moun sang ! —

Lou gaz alor, palinas de coulèro :
— Ah ! vos pas poustèja, pichot escaravai !
He ! bèn ! dius un moumen, tant t'esbrihaudarei
Que subran maugrat tu t'envairas de terro ! —

S'esquieho tant aquéu Cifèr
Pèr lusi coume s'èro un astre,
Qu'autour soulet de soun malastre,
Coume un marrit canoun esclato e sauto en l'èr !
Après soun escautèstre,
A la man de soun mèstre,
Lou calèu, pièu-pièu,
Toujour vièu.

Verifico en dansant l'estat de la cousino,
E de soun enemi lou cadabre e li ruino.
Vau mai lusi toujours paure pichot calèu,
Que s'esclussi tant vite esbrihaudant flambèu.

L'ouneste óubrié, bon travaiaire,
Countènt de soun pichot lusi,
Es mai urous dedins soun caire,
Qu'un rèi pèr l'ambicioun gausi.

Avignoun, 1853.

AGOUSTIN BOUDIN.

— La rego d'Avoust es la rego de l'òli.
— Gran noun fai fru que noun more.

EMÉ QUE SE BÉU PAS DE VIN ?

— Acò dèu se manja tout en bevènt de vin,
Disié, pèr touei lei plat qu'adusien sus la taulo
Galo-bouen-tèms. — Jougnènt l'eisèmplo à la paraulo,
Bevié dur, e fasié bèn bèure sei vesin.

— Emé que beves pas de vin, li dièn, coumpaire?
Èu respouende en risènt : — Emé l'aigo, counfraire.

J. B. GAUT.

A-z-Ais, 1866.

LA CAMPANETO

— Escouto, Jan, que te parle, à soun serviciau disié Moussu Dóu Pous,
escouto : deman me vole leva d'ouro. Me reviharas.

— A queto ouro, Moussu ?

— A quatre ouro, que parte à cinq.

— Vai bèn... Soulamen, agués siun de branda tant si pau vosto
campaneto.

LOU CASCARELET.

Au moumen de claure l'empressioun d'aquest recuei, nous arribo, di
frountiero d'Espagno, aquèsti vers dón proumié di pouèto catalan, de
Victor Balaguer, aquèn meme dón quan par'o nosto Cronico Felibrenco.
Despatria subran pèr uno revirado de l'amaro poulitico, lou valènt trou-
baire nous demando l'ospitalita. Siegue lou benvenu dins la Prou-
vènço, aquelo autro Catalogno ! e lou benvenu siegue dins nòsti ciènta,
dins nòstis oustau, coume dins nòsti cor !

LI FELIBRE.

ENDRESSA

ALS TROVADORS DE PROVENZA

Trovadors, los qui en Provenza
las citras d'or ne polsau
mentres que lo n'ou escolta
embadalit vostres cants,
obriuli, si 'us plau, las portas
a' qui, trovador errant,

avuy va de vila en vila,
de sa patria desterrat,
desert d'amichs y familia
y sol en país estrany.

En ma terra, 'l *trovador*
me diuhén *de Montserrat*
perque en llañor de la Verge
he fet ressonar mos cants,
perque en las vellas llegendas
de ma terra m' he inspirat,
perque sols canto à ma patria
y recordo al poble esclau
qu'es hereu de meynspreadas
pero santas llibertats.

Pus qu'avuy à vostra porta
ve lo trovador errant,
donáu-li, si 'us plau, posada,
donáu-li hospitalitat,
o trovadors de Provenza,
y Deu vos ho pagarà.

Fugitiu vinch de ma terra
y fugitiu de mas llars,
plens de llagrimas mos ulls,
lo cor de dolor nafrat.
Llarga n' he fet la jornada
y de sufrir estich las,
que si 'l cos no te feridas
lo cor ne porto sagnant
de feridas que may mes,
ay! may mes se 'm curaran.

Foragitat de ma patria
per amar la llibertat,
may sentireu à mos llabis
la menor queixa exhalar,
que massa sé, desde miu,
que la Diva à qui jo am'

los llurs servidors mes fiels
sacrifica en sos altars
pus li cal, per son triumpo,
martirs sols, mes que soldats.
Mes Deu fasse que s' arrele
en mon pais desdixat
encara que las suas aras
tinga que regan ma sanch.

Pus qu'avuy à vostra porta
ve lo trovador errant,
donàuli, si 'us plau, posada,
donàuli hospitalitat,
o trovadors de Provenza,
y Deu vos ho pagará.

Jo per vosaltres tant sols,
si es que vos puga esser grat,
ne despenjaré la citra
que un dia me feu ganyar
lo rich llor de's trovadors
en lluytas de Jochs Florals ;
y 'us narraré las llegendas
d'aquels antichs Catalans
que un jorn foren victoriosos
en la terra y en la mar ;

Y 'us cantaré las cansons
que aprengui à murmullejar
cuant ma mare m' adormia
en mon bressol, tot infant ;
y cantaré lo cel pur
de vostras planas y valls,
y 'ls ulls de vostras ninelas,
vostres rius y vostres camps,
los fets de la vostra historia
gloriosa com n' hi haje cap,
y cantaré vostras lloansas
perque apendré en vostres cants

à saber tot lo que valen
los trovadors provenzals.

Pus qu' avuy à vostra porta
ve lo trovador errant,
donàuli, si 'us plau, posada,
donàuli hospitalitat,
o trovadors de Provenza,
y Deu vos ho pagarà.

Escoltau mos cants, vos prego,
o trovadors mos germans,
y en cambi del hospedatge
generós que me donau,
Deu, que premia als qui consolan
lo dolor dels desterrats,
farà que jamay ne falte
en vostra taula lo pa,
la alegria en vostres cors,
la inspiració en vostres cants,
lo souriz en vostres llabis
y la pau en vostras llars.

Y cuant jo ne torne un dia
à la patria que tant am',
la patrona de ma terra
ne volaré à visitar,
y, de genolls à sos peus,
aixís ma veu li dira :

« ¡ O sobirana Madona,
perla del sant Mont'serrat,
si de mon pit ne voleu
atendre lo vot mes grat,
feu que ja may mes se borre
de mon cor y de mos cants
lo recort que avuy ne porto
dels trovadors provenzals !
¡ Feu que Deu lor done en gloria
tot lo que en conhort m' han dat !!

Pus qu' avuy à vostra porta
ve lo trovador errant,
donàuli, si 'us plau, posada,
donàuli hospitalitat,
o trovadors de Provenza,
y-Deu vos ho pagarà.

VICTOR BALAGUER.

Perpignan, 20 de Setembre 1866.

MORTUORUM PROUVENÇAU

I

Jòusè Méry, naseu à Marsiho, au quartiè dis Eigalado, lou 22 de Janviè 1797, es mort à Paris lou 17 de Jun 1866.

Aquel escriván celèbre aviè coumença d'escrièure dins un journau marsihés, *le Phocéén*, pièi dins un autre, *la Méditerranée* (qu'aviè founda éu-meme), e que soun devengu lou *Sémaphore* de vuci. Vengu à Paris en 1824, publicuè, de mita 'mèsoun ami Barthélemy, que-noun-sai de satiro poulitico, la *Villétiade*, la *Corbièride*, *Napoléon en Egypte*, e la famouso *Némésis* en 1831. Dounè, despièi, un grand noumbre de rouman, — entre autre, *Héva*, la *Floride*, la *Guerre du Nizam*, em' uno dougeno de pèço de tiatre.

L'esperit beluguet d'aquèu galant pouèto èro lou regale di saloun de Paris ; e tout lou mounde a ausi parla de sa meravilhouso facilita pèr faire lou vers francès : uno ses, pèr escoumesso, coumpausè uno *Ode à l'ail* en cinquanto minuto.

Méry, caratèrè amistous e bono gènt, a, dins tóuti sis obro, parla de la Prouvènço amoursousamen, e aguè lou bon goust, touto sa vido, de saupre, à l'òncasioun, se rapela la lengo de soun brès. Memamen li curiours poudrien legi d'èu, dins lou *Courrier de Marseille* dón 23 d'Abrièu 1861, uno traducioun en prouvençau de la segoundo eglogo de Virgile.

II

Un autre gènt esprit, d'aquèu vòu remarcable que mountè de Prouvènço à Paris vers 1830, a segui Méry de près. Leon Gozlan, naseu à Marsiho lou 1 de Setembre 1803, es mort à Paris lou 15 de Setembre 1866. Soun paire, — un riche armejaire judièu que prouveniè de Gibarta, — s'estènt rouina subit, lou roumansié futur, après dous viage au Senega, venguè à Paris, en 1828, pèr se bousca renouin emai fourluno ;

e aquí, coume Méry, se faguè de pau à pau uno bello reputacioun, establido principalamen sus de rouman e de pèço de tiatre.

Gozlan èro un galejaire, e aviè, dison, un plan tout siéu pèr mouca si ereticaire. Un d'aquèsti s'avisè 'n jour d'escrièure que Gozlan, dins soun viage au Senega, aviè fa lou pirato emai tua soun capitani !

— A resoun, aquèu, repliquè lou Marsihès. Ai tua moun capitani, es vrai !... Mai óublido uno causo... óublido de dire que l'ai manja !

III

A Paris, aquest an, es mort peréu un vièi musicaire qu'èro nascu à L'Islo (de Vau-cluso) en 1779 e qu'aviè fa parla d'èu au coumençamen dóu siècle. Ie disien Leopold Aymon. En foro de proun moussèu, *quatuor*, *concerti* e *sinfòni*, aviè fa representa sus 'i tiatre de Paris divers opera, (*les Jeux floraux*, en 1818 ; *la Fée Urgèle*, en 1821, e *les Sybarites*).

IV

Enfin, un di nostre, un troubaire marcant e respeta, Camihe Reybaud, nascu à Carpentras lou 2 de Mars 1805, es mort à l'aris lou 19 de Setembre 1866.

Camihe Reybaud èro mèstre de pensioun à Niouns, en Daufinat, e, vers 1844, Roumanille èro proufessour à soun escolo. Tóuti dous estènt pouèto, tóuti dous s'afeciounèron au reabilimen dóu Gai Sabè ; e aquí coumencèron, — emè Crousillat, de Seloun, — à faire rèndre à nosto lengo li pensado e li sentimen li plus noble.

Lis obro de Reybaud se trovon quài tóuti dins lou recuei *li Prouvençalo* (Avignoun, empr. Seguin, 1852). Aquí se pòu legi aquèli pèço lindo, armounioso, naturalo, qu'an pèr titre *Nostro-Damo de Santa*, *lou Bal*, *à Aubéry*, *à Requièn*, *à Roumanille*. Emè soun nouvè *Li Paure*, que li fraire Aubanel an publica dins soun recuei, e la prefaci en vers que duerb *Li Margarideto*, de Roumanille, (proumiero edicioun), es tout ço que couneissèn d'aquèu divin cantaire, que signalon entre tóuti uno elevacioun countúnio, uno filousoufio malancònio, uno elegànci acoumplido. Mai sabèn que, dins lou tèms, aviè coumença 'n pouèmo counsiderable, entitoula *Li Silfe*, que sis enfant retrouveran dins si papiè. Reybaud, vers 1853, quilè la Prouvènço pèr lou nord, e desempièi, adieu lou cant ! La frejour dóu climat e la nèblo de la vido amoussèron soun blest, e a fini silencios coume lou roussignòu, quand sa couvado es anantido.

E. R.

Avignoun, Outobre 1866.


ENSIGNADOU

Calendié de Prouvènço.....	3	Lou vèire d'ou Rèi Reinié.....	66
Esclüssi.....	4	Nono-Nounet.....	67
Crounico felibrenço.....	9	Li Berigoulo.....	69
Pi Felibre.....	16	L'Ounour.....	69
Lou Roudan.....	18	Un mot de Goudouli.....	69
La Cabano.....	18	Adessias d'un Couscri.....	70
La Coumtesso.....	19	Lou Globe.....	71
La Lèi di Chin.....	23	Viva Provenza (<i>parla Catalan</i>)..	72
La Terraio routo.....	24	Li Merle d'Uzès.....	75
La Dindouleto.....	26	A moun ami R.....	77
Lou Pagamen.....	27	L'Escarpo.....	77
Lagremo.....	28	A mi Fraire.....	78
Li Braio.....	29	La mau-maridado.....	78
La Cigalo e la Fournigo.....	30	A-n-uno jouino Angleso.....	79
Lis Armeto.....	30	Au Boio.....	80
Plang.....	31	Ma Cansoun de Noço.....	80
A l'Aureto.....	32	Lou Malaut.....	81
Lou Curat de Cucugnan.....	33	Eisdeci de l'Acadèmi d'ou Tambourin	82
A moun ami Ducros.....	38	Martoun.....	83
L'Oustan à quatre cous.....	41	Lou Pouent de Roco-Favour.....	85
Mai lou Fuma.....	41	Un mot de Mèry.....	85
A Madamisello E. G. de St J....	42	La Bousecarlo.....	86
La Vido animalo.....	43	Nouvè.....	88
La Mort e lou Bousecatié.....	43	Antan.....	89
Lou Plouraïre.....	43	Au Diéu d'ou Silènci.....	90
Lou poulit Rousié blanc.....	44	Alis.....	91
La Counfèssio.....	46	A moun ami Baltazar Floret.....	92
La Ciro e la Bouvo.....	46	Fai bon.....	94
La Foutougrafio.....	46	L'Enfanco.....	95
Un Som.....	47	Li Felibre.....	96
L'Estatuo d'ou Baile Suffren.....	50	Quauquis epitall.....	97
Lou Garri de la vilo (de Touloun) e lou Garri de la couclo (de Faroun)	53	La Mouralo independèto.....	99
La Metensicòsi.....	57	A Miounet.....	100
Uno Auchouiado.....	57	Lou Pore e lou Chin loubet.....	101
Lou Casseïrot.....	58	A-n-un Mourre farda.....	102
Pantai de Mairo.....	59	Lou parla de Prouvènço.....	103
La Resurreiciou d'ou Tambourin	60	Lou Pore à miejo.....	103
La Desirango.....	63	Lou Gaz e lou Calèn.....	104
Lou vesin de Bèu-caire.....	64	Êmé que se bèn pas de vin?.....	106
Li Radasso.....	65	La Campaneto.....	106
Noustre bonn Tuc.....	65	Endressa als trovadors de Provenza	106
		Mortuorum prouvençau.....	110









PC

Armana prouvençau

3398

A7

1864-67

PLEASE DO NOT REMOVE
CARDS OR SLIPS FROM THIS POCKET

UNIVERSITY OF TORONTO LIBRARY
